

P. a B
49
6
19

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT

Accession Number

Press Mark



IX 4

COMMENTATIONES

SOCIETATIS REGIAE SCIENTIARVM
GOTTINGENSIS

AD A. c1o1o cclxxxiv. ET LXXXV.

VOLUMEN VII.

OF LONDON MEDICAL
SOCIETY



CVM FIGVRIS.

GOTTINGAE,
TYPIS JOANN. CHRIST. DIETERICH. c1o1o cclxxxvi.



Septimum hoc Volumen Commentationum Societatis Regiae Göttingensis presso pede sequitur sextum, quod vix ante hos sex menses prodiit, moraeque adeo in illo vulgando culpam contractam, quantum licet, diluit. Commentationibus, quas novum Volumen complectetur, anno LXXXIV et LXXXV recitatis, praemittimus nunc nonnulla, quae annalium loco haberi possint, quoties de rebus Societatis nostrae quaeritur.

Directoris vices annuas inde ab auctumno LXXXIII sustinuerat HENR. AVG. WRISBERG ex physica classe; sub alterum auctumnum LXXXIV successit ABR. GOTTH. KAESTNER ex mathematica, et tertio auctumno LXXXV JO. CHPH. GATTERER ex historica classe.

Quae Collegii nostri ac Sodalitii accessiones ac decessiones per annum LXXXIV factae sint, iam superiore Volumine expositum est; itaque restat, ut commemorem anni LXXXV quae fuerit fortuna. In *Sodaliū* quidem *exterorum* numerum, vere eius anni discessu Paviam ad medicam artem profitendam facto, relatus est JO. PETR. FRANK; morte vero, etsi matura, luctuosa tamen, decessit, Sodalium in terris Hannoueranis qui antiquissimum locum tenebat, et sub ipsa Societatis incunabula adscriptus fuerat, FRID. ESAIAS de PUFENDORF, Tribunalis summi Appellationum Cellensis pro Praeside, Vir de republica ac re iudiciaria, etiam de litteris omnique iurisprudencia, meritissimus.

Ex amicis vero ac litterarum consortio coniunctis viris doctis ad meliores abiit JO. ANDR. DIEZ, olim nostras, superiore vero anno ad vniuersitatem litterariam Moguntinam euocatus, multis nostrum desideratissimus.

Redintegratus est *Sodaliū in his terris* numerus allectis et *Classi physicae* adscriptis duumviris cum natalibus tum meritis illustribus; altero Generosissimo NICOLAO FRIDERICO de REDEN, M. Britann. Regi a Consiliis interior. Camerae reddituum, Praefecto rei metallicae per saltus Hercynios, viro acerrimi studii, usus et experientiae, laude spectatissimo, Societati Londinensi artium et opificiorum incrementis addictae adscripto; altero, Generosissimo FRID. GUIL. HENR. de TREBRA, M. Britann. Regis Propraefecto rei metallicae, viro metallurgiae, geognosiae, physicaeque studiis clarissimo, scriptis rerumque argumentis probatissimo.

Inter *Sodales externos*, et quidem in *Classe physica*, adscripta sunt nomina fama, scriptis meritisque, celeberrima:

FRAN-

FRANCISCVS VLRICVS THEODOSIVS AEPINVS, Russiarum Augustae a Consiliis secretioribus status Imperii in Collegio negotiorum publicorum Imperii externorum; Director Scholae Nobilium Tironum ad f. Petropolin, Ordinis f. Annae Eques. Ill^{mus} Comes CAROLVS DE SICKINGEN, Principi Electori Palatino-Bauarico a Consil. secretior. etc. studiis et experimentis physicis chemicisque, inprimis insigni specimine in platinae metalli natura exquirenda edito clarus. PHILIPPVS FRIDERICVS L. B. DE DIETRICH, Regis Galliarum Commissarius rei metallicae et salinae, Ordinibus Heluetiorum et Grisonum a secretis, corpori nobilitatis immediatae Alsatiae inferioris adscriptus, Magistratus Argentoratensis Consiliarius Nobilis; Academiae Regiae Scient. Paris. a litt. commerc. Vir mineralogicis studiis et observationibus spectatus.

In numerum *amicorum et litterarum commercii coniunctionum* optione Societatis relati sunt viri clarissimi doctissimi: LEBRECHT FRIDER. BENJAM. LENTIN, M. D. Magnae Britanniae Regi inter Medicos aulicos, Ciuitati Luneburg. Medicus publicus; LVD. ALB. GEBHARDI, Professor in Academia Regia Equestri Luneburgensi; MARSILIUS LANDRIANI, Mediolanensis, scriptis chemicis et physicis clarus; MATTH. MEDERER, Chirurgiae et Artis Obstetriciae Professor in Vniuers. Friburgensi in Brisgouia, Regi Polon. a Consil. aul. et Medic. ord.; JO. LVDOV. HOGREVE, in Britan. Reg. Centurio turmae Architector. militarium, metatione viarum in his terris bene de rep. meritis; JO. GEORG. KOCH, Augustae Russiarum a Consiliis aulicis; PETR. AVG. BROVSSONET M. D. Professor adiunctus Oeconomiae ruralis in Acad. Reg. Galliar. veterinaria; JO. CLOSTERMANN, Inspector puerorum nobilium S. M. Russiarum Imperatricis; JOANNES

SIBTHORP, M. D. Professor Botanices Oxoniensis, annua apud nos commoratione naturae cognoscendae ac perscrutandae studio spectatus. DANIEL CORNIDES, Art. Lib. et Philos. M. Regiae Vniuers. Pestiensis Bibliothecae a Custodia et Professor, primum, cum per aliquot menses inter nos esset versatus, inter Assesores, mox sub discessum inter Amicos et Familiares vt adscriberetur, meruit.

Tandem sub anni LXXXV exitum REINEGG M. D. itineribus per prouincias Imperii Russici factis clarus in Amicorum numerum receptus est; tum SEBALDVS JUSTINVS BRUGMANS, M. D. Philosophiae Professor in Academia Franequerana: successit is in locum parentis, ANTONII BRUGMANS, Mathematicum Professoris in Academia Groningana, qui inter Sodales externos Cl. math. est transcriptus. *Assessoris* loco et nomine ornatus erat iam superiore anno AVG. HENR. LVD. HEEREN, Philos. Dr. qui Italiam petiit itinere litterario peragrandam.

De quaestionibus virorum doctorum studio et acumini propositis commemorabimus nunc tanto libentius, quod expectatio nostra de secundo euentu certaminum non omnino fuit irrita.

Quaestio primaria in Novembrem anni LXXXV. praemio L. aureorum ducatorum proposito, a Classe mathematica constituta a): Iussi erant viri docti

Ex legibus, quibus densitas aëris et mercurii a calore regitur, praecepta condere, et demonstrare, altitudinibus barometro mensurandis idonea.

Aus den Gesetzen, nach denen die Dichten der Luft und des Quecksilbers von der Wärme geändert werden, Vorschriften wie Höhen mit dem Barometer zu messen sind, herzuleiten und zu beweisen.

Additum

a) *Gelehrte. Anzeigen* 1784. p. 1292 sq.

Addictum est praemium commentationi inscriptae:
Inuitat pretiis animos et praemia ponit, schedisque resignatis exiit
 nomen inter viros litteratos haud obscurum et cum plausu
 exceptum: Io. Frid. Hennert, Phil.D. Matheseos et Astro-
 nomiae Professor in Academia Rheno-Traiectina. b)

Quaestiones secundi loci praemio XII. aureorum con-
 stituto propositae, argumenti quidem oeconomici, hae erant:

In m. Iulium anni LXXXV.

*Welches sind die kräftigsten Mittel, die Gewinnung der Kü-
 chengewächse, vornemlich auf den Dörfern, zu verbessern?*

*Quibus maxime rationibus et consiliis effici possit, ut hortensis
 olerum et leguminum cura inter agricolas nostrates maiore cum
 industria et meliore cum successu et fructu exerceatur?*

Abstulit praemium cum laude commentatio insignita
 dicto: *Nemo sanus sumtum facit in culturam, si videt non posse refici,*
 eiusque auctor, V.C. Io. Frid. Chph. Weisser, Duci Wurtem-
 bergensi Consiliarius et Professor ordinarius oeconomiae
 publicae in Vniuers. militari Stutgardienfi. c).

In m. Novembrem:

*Die sichersten und leichtesten Mittel zur Verbesserung der
 deutschen, sonderlich der niederländischen Papiermühlen und ihrer
 Waaren.*

*Qua ope et ratione molarum chartariorum cum Germaniae
 omnino, tum Saxoniae inferioris utilitatibus consuli possit; seu
 structura et partium descriptione mechanicis inuentis emendanda,
 seu materiae subigendae maiore copia ac dilectu, seu iis, quae
 ex ea materia conficiuntur, studio et arte perficiendis.*

Quaestio erat cum per se grauissima, tum nostris terris
 exoptatissima, quandoquidem multorum priuatorum ea in
 re versatur fortuna, et publice importata tanta chartae
 peregrini-

b) Cf. Gel. Anz. 1785. p. 1931 sq.

c) Cf. Gel. Anz. 1785. p. 1129 sqq.

peregrinae copia opes domesticae minuuntur; nec porro obscurae sunt seu causae iacentis hac in opera quaestuosa industriae, seu eius excitandae rationes et consilia. Non tamen votis vlla contigit iusta commentatio, quae praemio ornari posset.

De quaestionibus in futura tempora a Societate constitutis restat, vt dicam.

In Novembrem a. LXXXVI. quaestio ab historica classe proposito L. aureorum ducatorum praemio dudum euulgata est haec: d)

Quaeritur, quae fuerit artium magicarum origo, quomodo illae ab Asiae populis ad Graecos atque Romanos et ab his ad caeteras gentes sint propagatae, quibusque rationibus adducti fuerint ii, qui ad nostra usque tempora easdem artes vel defenderent vel oppugnarent.

Wie ist die Magie entstanden, und wie ist sie von Asien aus nach Griechenland und Rom, und von da auf andre Völker verpflanzt worden; endlich, mit was für Gründen ist sie durch die folgenden Zeitalter durch bis auf die unsrigen vertheidiget oder bestritten worden?

In Novembrem a. LXXXVII. classis physica haec pronuntiat, ad quae respondeatur:

Quaestionem de Mechanismo secretionum animalium Societas R. Sc. ita proponit, vt praecipue experimentis et observationibus declaratum esse velit, quales liquorum in organis secretorum partes iam in massa sanguinis ante factam secretionem praesentes sint, quid structura organorum secernentium diuersa ad illas partes separandas conferat, qua in re diuersitas organorum consistat, quibusnam naturae viribus dirigatur, et sub quibus conditionibus et causis, in diuerso valetudinis statu mutetur.

Mat

d) V. Praef. Vol. VI. p. XII.

Man wünscht in der Lehre von dem Absonderungs-Geschäfte der thierischen Feuchtigkeiten eine auf Versuche and Beobachtungen gegründete Antwort auf die Fragen zu erhalten: ob man verschiedene thierische Feuchtigkeiten in eben der Maaße und Eigenschaften aus dem Blute erhalten könne, als wenn solche durch wirkliche Secretionen aus der Blutmasse abgeschieden worden wären? was für Kräfte und verschiedener innerer Bau in den Werkzeugen des Absonderungs-Geschäfts, auf diese so sehr verschiedenen Secretionen wirken? durch was für Mittel und Veranlassungen solche Absonderungen im gesunden und kränklichen Zustande des Körpers verändert werden?

Quaestiones e disciplinis oeconomicis petitaе propositae sunt XII. aureorum ducatorum praemio constituto hae:

In Iulium anni LXXXVI.

Da die Reinlichkeit in den Haushaltungen der Landleute einen großen Einfluß auf ihre Gesundheit, Munterkeit und Sitten hat, so wünscht man die besten Mittel zu wissen, wodurch auf den Dörfern in Niedersachsen eine der Lebensart der Landleute gemäße Reinlichkeit eingeführt werden könne.

Quibus consiliis auxiliisque effici possit, ut per pagos Saxoniae inferioris rustici maiorem, quam vulgo fieri solet, victus cultusque munditiem, qualem quidem fert vita rusticana, sectentur, eaque re cum animorum, tum morum corporumque salubritati et vigori consulant.

In Novembrem eiusdem anni:

Da die mehresten Dörfer eine unbequeme, unsichere und viele auch eine ungesunde Einrichtung haben, welche sich bey abgebrannten Dörfern verbessern ließe, so wünscht man 1) den besten Plan zu wissen, wornach solche wieder aufgebauet werden könnten, und 2) die Mittel, solchen Plan auszuführen; wobey aber nicht sowohl die Bauart der einzelnen Häuser und Höfe, als vielmehr die Anordnung oder Einrichtung des ganzen Dorfes überhaupt gemeynet ist.

**

Cum

Cum plerique pagi nec commodo satis ac tuto loco nec ad salubritatem attemperate siti ac descripti sint: ut tot malis occurratur, quoties incendiorum calamitates nouae exstructionis necessitatem attulerint, quaeritur: quatenam sit optima forma ac descriptio pagorum condendorum, tum quibus modis auxiliisque eo res adduci possit, ut praescripta forma ac ratio admittatur et ad effectum perducatur.

Inter haec ecce nos delatos ad Commentationes hoc anno LXXXV. in Confessibus recitatas. Ut de iis constet, a quorum officio, fide ac religione recitationes vicibus ad eos redeuntibus expectari poterant, praemittam Sodalium nomina:

Abr. Gotth. Kaestner, in Cl. math.

Chr. Gl. Heyne, in Cl. hift.

Io. Chph. Gatterer, in Cl. hift.

Alb. Lud. Fr. Meister, in Cl. math.

Henr. Aug. Wrisberg, in Cl. phys.

Io. Andr. Murray, in Cl. phys.

Aug. Gl. Richter, in Cl. phys.

Io. Beckmann, in Cl. phys.

Ge. Chph. Lichtenberg, in Cl. math.

Chph. Meiners, in Cl. hift.

Io. Frid. Gmelin, in Cl. phys.

Io. Frid. Blumenbach, in Cl. phys.

Lud. Timoth. Spittler, in Cl. hift.

Ex his per huius anni decursum studii et ingenii fructus communicarunt et in Confessibus publicis approbaverunt Sodalibus sequentes:

clcl cclxxxv.

c]o]o cclxxxv.

XV. Januarii: A. G. KAESTNER *de corporibus polyedris data lege irregularibus a).*

(Volumini huic destinata typothetae incuria cum exciderit, Volumini VIII. seruetur.)

XII. Februarii: JO. A. MURRAY *Observationes super stirpibus quibusdam recens a se detectis rarisque b)*

(Vol. VII.)

Eod. Confessu Io. Fr. Blumenbach in Lacerta palustri specimen exhibebat oculi extirpati iterum ad reproductionem vergentis c).

XXI. Aprilis: H. A. WRISBERG *Observationes anatomico physicae de nervis pharyngis.*

(Vol. VII.)

II. Julii: C. G. HEYNE *de fontibus historiarum Diodori inde ab lib. XI. Commentatio III. d)*

(Vol. VII.)

Eodem Confessu actum ab eodem C. G. Heyne de praemio Commentationi oeconomicae constituendo et constituto.

XX. Augusti: JO. C. GATTERER *de Theogonia Aegyptiorum ad Herodot. II, 145. Comment. prior, de tribus deorum Aegyptiorum classibus in genere e)*

(Vol. VII.)

X. Septembr. C. MEINERS *de Anthropophagia f)*
(Sequetur in Vol. VIII.)

Eod. Confessu obtulit commentationem de vetere Hungarorum religione V. C. Dan. Cornides, tum Assessor, mox inter Amicos et Familiares Societatis g).

** 2

I. Octobr.

a) p. 201. *Gel. Anz.* 1785.

b) p. 401.

c) *Gel. Anz.*, p. 465.

d) p. 1113 sq.

e) p. 1947.

f) p. 1537.

g) p. 1601.

I. Octobr. A. L. F. MEISTER de solidis geometricis pro cognoscenda eorum indole in certos ordines et versus disponendis *h)*
(Vol. VII.)

XXIX. Octobr. JO. F. GMELIN nonnulla experimenta spumam lupi nouumque, quod in ea haerere fertur, metallum indagandi causa instituta *i)*.
(Sequetur in Vol. VIII.)

XII. Novembr. JO. C. GATTERER de Theogonia Aegyptiorum ad Herod. II, 145. Commentatio altera de singulis singularum classium diis ac deabus *k)*.
(Vol. VII.)

Eodem Confessu a C. G. Heyne enarrata Societatis per hunc annum acta et fata, et quaestionum a Societate in Novembrem propositarum fortuna, addictumque commentationi victrici praemium *l)*.

XXIV. Decembris: JO. FR. BLUMENBACH de nisu formatiuo et generationis negotio *m)*.
(Sequetur in Vol. VIII.)

De Commentationibus, quae ex anno LXXXIV. in hoc Volumen reiectae sunt, videnda est praefatio Vol. VI. p. XVI.

Oblata sunt Societati et communicata per a. LXXXV scripta, inuenta et obseruata haec:

In Confessu XV. Januar. Io. Henr. Pratje, Praepositi Beverstadenfis, obseruationes duae, altera super meteoro V. Novemb. a. sup. LXXXIV. viso; altera de visu feminae in lineam rectam directo et vtrisque circumscripto *n)*. C.
F.

h) p. 1667.

i) p. 1883.

k) p. 1947 sq.

l) p. 1923.

m) Gel. Anz. 1786. p. 49.

n) Gel. Anz. p. 209 sq.

F. Michaelis, Archiatri et Confiliarii Aulici Landgravii Principis Hassiarum, notatio falsarum opinionum super Afris nigris et Americanis o). Eiusdem viri ingeniosissimi emendatio instrumenti Hawkiniani chirurgici p). XII. Februarii: Eiusd. Narratio de experimento nerui phrenici in cane excisi et sagaci arte reproducto q). II. Aprilis: *Fr. Aug. Ludovici de Burgsdorf*, Regi Boruss. a Confiliis et cura saltuum, de consensu inter plantas diuersi generis in tempore et modo regenerationis r); et *Antonii Brugmans*, tunc Amici nunc Sodalis, Specimen mechanicae veterum: in ipsis Commentariis expressum s). II. Jul. *Chph. Lud. Alb. Patje*, amici nostri et familiaris, quibus de causis Henrici Leonis opes et potentia ad tantum fastigium excreuerit et iterum decreuerit t); item *Arn. Herm. Lud. Heeren A. M.* et Assessoris Commentatio de fontibus Eclogarum physicarum Joannis Stobaei u) et *Io. Henr. Patje*, paullo ante memorati, vulturis albicillae in his terris capti caput x). XX. Aug. *Eicke*, Cos. Mundani, obseruatio super motu corporum natantium, calori obnoxio y). XXIV. Decembr. Dr. *Faxe* inuentum chartae faxeae ad munienda aedificia aduersus incendia z). Reddita quoque est Societati a Viro Cl. *Nath. Gfr. Leske*, Prof. Oecon. Lips. Societatis necessitudine nobis deuincto, fossilium collectio in nupero eius itinere per Lusatiam facto descriptorum. Scripta virorum doctorum, inprimis Sodalium, in vulgus edita, et Societati muneris loco missa, vt grata mente accepimus, ita singula ne commemoremus, reuocat nos pudor noster, ne

**

3

rem

o) p. 249 sq.

p) Ibid.

q) p. 466.

r) p. 617 sq.

s) p. 625 sq. Comment. mathemat.

LXXXV. p. 15.

t) p. 1137 sq.

u) p. 1145 sq.

x) p. 1289.

y) p. 1449.

z) *Gel. Anz.* LXXXVI. p. 81.

rem facere videamur ambitiosam, ab hoc loco alienam. Memoratio illorum librorum in Recensibus nostris litterariis facta pro testificatione tacita esse potest, grata et iucunda illa munera Sodalibus fuisse. Qua quidem in re ne sinistra hominum iudicia experiamur, tanto minus laborandum nobis erit, cum studia haec nostra communia satis fidem facere possint, non tam eo consilio, ut titulum nobis ex hoc Sodalitio et mutuatum ex aliorum laude honorem quaereremus, quam litterarum disciplinis ornandis et perficiendis nos in hanc Societatem conuenisse.

Scr. Gottingae m. Aprili cl^occclxxxvi.

CHR. G. HEYNE.



INDEX.

I N D E X

COMMENTATIONVM

VOLVMINIS SEPTIMI.

Praefatio C. G. Heynii

Pag. 1 - XVI

COMMENTATIONES PHYSICAE

1. Jo. Frid. Gmelin *de ferri cum zinco coniunctione* 1
2. Jo. Frid. Blumenbach *de oculis leucaethiopum et iridis motu* 29
3. Jo. Petr. Franck *Observationes medico-chirurgicae* 63
4. Jo. Andr. Murray *Descriptiones plantarum aliquot nouarum et rariorum* 79
5. Henr. Aug. Wrisberg *Observationes anatomico - physiologicae de nervis arterias venasque comitantibus* 95
6. — — — *de nervis pharyngis* 135 - 160

COMM. MATHEMATICAE

1. Alb. Lud. Frid. Meister *Commentatio de solidis geometricis* 1
2. Ant. Brugmans *Specimen mechanicae veterum* 75 - 88

COMM. HISTORICAE ET PHILOLOGICAE

1. Jo. Chph. Gatterer *de Theogonia Aegyptiorum ad Herodot. II,*
145. *Comment. I.* 1
2. — — — *Commentatio II.* 19
3. Chph. Meiners *de falsarum religionum origine ac differentia* 58
4. Chr. G. Heyne *de fontibus et auctoribus historiarum Diodori:*
Commentatio II. ad libros II - V. 75
5. — — — *Commentatio tertia et postrema ad libros*
XI - XL 107 - 120.

Tabulae

Tabulae aeri incisae.
Ad Commentat. physicas

Jo. Andr. Murray

Descriptiones plantar. nov. et rar. Tab. I	—	—	p. 83
II	—	—	85
III	—	—	87
IV	—	—	90
V	—	—	92

Jo. Frid. Blumenbach

de oculis leucaethiop. et iridis motu Tab. I			145
--	--	--	-----

Ad Commentat. mathematicas

A. L. Fr. Meister

de solidis geometricis Tab. I			9
II	—	—	47

Ant. Brugmans

Specimen mechanicae vet. Tab. I.	—	—	78
----------------------------------	---	---	----

SOCIETATIS REGIAE SCIENTIARVM
GOTTINGENSIS

COMMENTATIONES

TOM. VII.

CLASSIS PHYSICAE

AD A. MDCCCLXXXIV ET LXXXV.

Comment. Phys. Tom. VII.

A

JO. FRID. GMELIN
DE
FERRI CVM ZINCO
CONIVNCTIONE

C O M M E N T A T I O

R E C I T A T A

D. XXVIII. AVGVSTI.

A. R. S.

M D C C L X X X I V.

Erat iam dudum tum iis, quorum curae salus et commoda harumce terrarum commissa sunt tum nostrae huic Societati, cuius labores toties in eundem scopum collimant, in votis, vt modum quis ostenderet, quo vitrioli albi, cuius prouentus in vicinis officinis Goslariensibus est vberimus, vsus in aliis atque aliis artibus multiplicari, et sic maior, quam quidem adhuc factum est, mercis istius copia in vtilitatem mercaturae metallicaе diuendi quotannis possit: Bis a)
A 2 igitur,

a) Pro anno 1775 et 1777. v. Götting. Anz. von gelehrte. Sachen 1775. p. 1179. 1776. p. 738. 1292. et 1777. p. 769. 772.

igitur, praemio promisso, proposuerat Societas duplicem quaestionem; Quousque haftenus in artibus, fabricis et opificiis vitrioli albi extenditur vsus? et, nonne idem vsus ampliari modo proficuo posset?

Inter nonnullos alios libellos votis eius non respondentes obtinuerat quidem Societas altera vice qualemconque problematis memorati solutionem, quae, quamuis plerisque istis consiliis testis experientia desit, in re tinctoria, in libris ab insectorum noxa, in ligno a corruptione, ab incendio, a terebinis perforatione praemuniendis, in aluminis, in re coriaria in recrementorum locum substitui illud posse docet; egregie tamen monuit Societas, etiamsi suasiones auctoris experientia confirmatum iri non desperet, dubitandum tamen maximopere esse, num in emolumentum mercaturae illius metallica cedant, tum quod euictum nondum sit, vitriolum album praestare vsitatis haftenus eundem in finem materiis, tum quod vitriolum album aut cariore aut certe non minore pretio veneat, quam quidem ea, quorum vices supplere debebat *b*).

Nostra aetate multo frequentior et magis multiplicatus vsus zinci, atque eorum, quae ex illo arte chemica prodeunt, et medicis, et pictoribus artificibusque metalla tractantibus commendatus ac tum argumentis tum experimentis confirmatus fuit; meruit laudes clar.

WIELII

b) Goslariae centumpondium vitrioli albi pro 12 thaleris vendi CANCRINVS *Beschreibung der vorzüglichsten Bergwerke in Hessen, in dem Waldeckischen, an dem Harz, in dem Mansfeldischen, in Churfachsen und im Salfeldischen. Frankf. am Mayn, 1767. 4. p. 327. pro 10 — 12 thaleris Conj. Collega*

BECKMANN *Beyträge zur Oekonomie, Technologie, Policey - und Cameralwissenschaften. Göttingen, 8. P. IV. 1781. p. 60. Commotaviae in Bohemia centumpondium aluminis pro 12 florenis teste FERBERO Beyträge zur Mineralgeschichte von Böhmen. Berlin. 1774. 8. p. 49.*

WIELII *c*) et recentiores clar. HERZII *d*) vitriolum album ipsum interne administratum; commendarunt tanquam princeps ad spasmos debellandos medicamentum zinci, quos vocant, flores b. GAVBIUS *e*), BELL *f*), HERZ *g*), HARTMANN *h*), CRELL ipsiusque discipuli HVRLEBVSCH *i*) et MARTINI *k*).

Quantum ad producendum et figendum elegantissimum illud pigmentum viride, ad solem, in aëre, in acidis intemeratum permanens, picturis siccis aequae ac oleosis et aquosis inseruiens ex cobalto parandum inseruiat zincum, solidissime demonstrauit experimentissimus S. RIMAN *l*). Zinci calcem curiosissime vstam et lauando vltius depuratam atque attenuatam, et terra aluminari vel creta parce intertrita adhibitam, siue aqua, siue oleo subigatur, siue aliis pigmentis immisceatur praestantissimum praebere idque ad aërem et solem plumbeis illis vtitatissimis pigmentis perennius, et, quae non infima illius laus est, celerius exsicccandum *m*), naribus minus molestum, sanitati minus periculosum suis docuit experimentis ill. de MORVEAV *n*), et confirmatum vidit vsu ingeniosi artificis Diuionensis

A 3

COVR-

c) *Observationes de vsu interno nucis vomicae et vitrioli albi in pertinacibus morbis curandis conspicuus.* Wittenberg. 1771. 4.

d) Apud clariss. SELLE *neue Beyträge zur Natur- und Arzneywissenschaft.* P. I. p. 134.

e) In diss. discipuli HART *de zinco eiusque florum vsu medico observationibus confirmato.* Lugd Bat. 1772.

f) *Medical and philosophical commentaries by a Society at Edinburgh,* 8. Vol. IV. 1773. n. 2.

g) *Briefe an Aerzte* Vol. I. 1777.

h) *Quaestio super florum zinci vsu interno.* Francof. ad Viadr. 1778.

i) *Diss. zincum medicum inquirens.* Helmst. 1776. 4.

k) *Diss. de zinco medico recentius observata sist.* Helmst. 1780. 4.

l) *Kongl. Svensk. Vetensk. Academiens Nya Handlingar.* Stockholm, 8. T. I. för År 1780. p. 163-175. et T. II. för År 1781. nr. I. p. 3-13.

m) Si quidem, ad pigmentum oleosum, perparum vitrioli albi, antea per iniectam in solutionem eius aquosam tepidam zinci scobem a ferro depurati et leuiter exusti ei adiciatur, de MORVEAV. *Nouveaux Memoir. de l'Acad. de Dijon pour la partie des sciences et arts.* Dijon. 8. Prem. semestr. pour 1782. nr. I. p. 24.

n) *Novv. Mem. de l'Acad. de Dijon.* l. c. nr. I.

COVRTOIS o), qui egregie ad dealbanda conclauia facere deprehendit, et viliori nunc pretio potiore hunc fucum venditat, quam quidem, saltem in Gallia, purior et creta non contaminata plumbi cerussa constat p).

Probe equidem noui, in hisce consiliis non agi de vitriolo albo, sed vix vllum superest dubium, quin zinci calx, quae hic cum vitrioli acido combinatur, ope lixiui ex cineribus lignorum vel clauellatis, quos appellant, cocti, deturbata, eidem inferuire scopo in conficiendo tum viridi tum albo pigmento possit, modo aut in parando illo vitriolo albo maiore, quam quidem solet, cura caueatur, vt sal ille impurus prodeat, aut quod potius mihi quidem videtur, inspersa in aquam vitriolo albo saturatam et parumper calefactam zinci scobe q), donec non amplius dissoluatur, peregrina metalla, quae toties continet, ferrum, plumbum et cuprum r) praecipitentur, et defuso a sedimento atque cocto secundum leges artis supernatante limpido latice segregentur.

Ex hoc vsu ingens mercaturae metallicae emolumentum esse emanaturum ex eo elucet, quod centumpondium vitrioli albi puri viginti libras s), minus puri igitur circiter nouendecim libras calcis illius

o) Ibid. et CRELL *neueste chemische Entdeckungen*. P. VIII. p. 282.

p) Cerussae meracae in Gallia certe libra pro quatuor francis, zinci calcis pigmento iam accommodatae pondo pro quatuor libris (livres), paulo melior species pro quatuor libris et decem solidis venit de MORVEAV *l. c.* p. 23. Cerussae meracae squamosae centumpondium vero in Belgio pro duodecim cum dimidio florenis, cum creta mistae pro octo et dimidio ad duodecim venditur IARS *voyages metallurgiques*. 4. T. II. à Paris. 1780. p. 561. 562.

q) Commendat hoc artificium, vt generatim purum habeatur vitriolum album, quisquis sit auctor illius scripti de vitriolo albo apud Conj. Coll. BECKMANN *l. c.* IV. p. 61. eoque demum adhibito praecipitatam ex vitriolo albo calcem tuto in zinci igne vsui locum substitui posse asseuerat ill. de MORVEAV *l. c.* p. 18.

r) Haec vitriolo Goslariensi inhaerere demonstrant argumenta apud BECKMANNVM *l. m. c.* exhibita.

s) BERGMAN *de analysi aquarum Opusc. physic. et chem.* Vol. I. p. 135.

illius zinci comprehendat; pondus autem centum et sedecim librarum, quae igitur ultra viginti duas calcis illius libras contineat, si iam sexcenta eiusmodi centumpondia parata sint, mercaturae metallica non pluris constet, quam quinque thaleros *t*); in hoc calculo igitur viginti duae librae illius calcis pro quinque thaleris confici, et quamvis laboris, zinci ad depurandum vitriolum necessarii, et lixiui impensas demas, viliori pretio vendi possent, quam quidem in Gallia constant, longe forsan minori, quam quidem vulgo calces illae plumbi in locis ab officina paulo remotioribus veneunt.

Verum splendore etiam metalli coruscans zincum facili opera, largiori, quam quidem hactenus, copia, absque magnis sumptibus ex iisdem, ex quibus vitriolum excoquitur, mineris inpetrandum, vtilissime in alios atque alios conuerti posse vsus, et sic nouum aperiri redditum ex erutis istis et arte vltius perfectis terrae thesauris fontem, sagax nostri aevi industria loquitur.

Vasa nostra ex ferro, cupro, orichalco conflata, dum in vsum suum adhibita saepius humescunt, et continuo aëri, non raro humido atque impuro, exponuntur, rubiginem aeruginemque contrahere, gratum suum nitorem amittere, cibos, potus, cupedias, medicamenta nostra corrumpere toties dolemus; ad malum istud praecauendum id excogitarunt homines, vt eiusmodi vasa tenui aliorum metallorum magis durabilium cortice obducerent; confugerunt ad nobilia metalla, aurum atque argentum; quorum autem pretium quum tam ad vasa quotidiana a morbo isto praeferuanda, quam hominibus inferioris ordinis nimium sit, stannum elegere, metallum quidem inter ignobilia relatum, sed stabilioris quam reliqua, fulgoris, et facilius liquandum. Cautum vtique hoc consilio satis foret saluti hominum, modo stannum purissimum hunc in finem semper adhiberetur; ast alia plurimo stanno sanitati quam maxime infensa, et
liquo.

t) Vid. apud BECKMANNVM *l. m. c.* pag. 60.

liquoribus variis, quibus afferuandis, coquendis vasa illa destinata sunt, soluenda inhaerere metalla, demonstratu vix opus est; stannum vulgo in Germania nostra obuium scateré plumbo *u*), anglicum cupro *x*), orichalco *y*), wismutho *z*) aut antimonii regulo *a*) suum debere exquisitissimum iudas, instituta testantur examina, stannum, vel illud, quod vulgo pro purissimo habetur vix ab omni arsenici labe purum esse, in suo se vidisse scrutinio refert b. MARCGRAF *b*) regantibus tamen recentius aliis. Data opera, vt scilicet faciliorem sibi reddant laborem, plumbum suo admiscere stanno stannarios, qui ferrum aut cuprum *c*) stanno obducunt, constat, et in officinis illis anglicis et bohemicis, in quibus insignis ferri cuprique in laminas scissi copia stanno dealbatur, stanno ei fini destinato, vt tenacius metalli superficiei adhaerescat, cupri portionem iniici locupletissimi sunt testes clar. viri IARS *d*) et FERBER *e*).

Sed

u) G. AGRICOLA *de natura fossilium* L. VIII. *Oper. omn.* Basil. 1657. fol. p. 646. 647. *Lehrbegriff sümmtlicher ökonomischer und Cameralwissenschaften.* Mannheim, 4. Vol. III. P. II. 1778. pag. 181.

x) GEOFFROY *traët. de mater. med.* T. I. p. 282.

y) SCHVLZE *mors in olla.* Altd. 1722. p. 25.

z) AGRICOLA *l. m. c.*

a) SCHVLZE *l. m. c.* et PETRAEVS *disp. de natura metallorum, nonnullisque eorum arte factis* §. 30.

b) Ipsi stanni malaccensis singulas uncias arsenici continere drachmam *chemisch. Schrift.* II. P. p. 99. ante eum iam suspicatus est BECCHER. *Specimen Beccherianum exhibit.* a STAHLIO edit. *cum eiusd. physic. subterranea.* 4. Lips. 1738. p. 89.

c) Quartam plumbi partem MONGEZ apud ROZIER *Observations sur la physique.* 1781. Jul. p. 81. Tertiam eum etiam in finem, vt crusta illa metallica laetior niteat MACQVER *diction. chimique.* Edit. alt. *Étamage; et de la folie* apud ROZIER *loc. cit.* 1778. Decembr. p. 438. aequalem saepe MALLOVIN *Memoir. de l'Acad. Royal des scienc. à Paris. pour l'ann. 1742.* p. 85.

d) *Loc. cit.* Vol. I. Lyon, 1774. p. 82. 146.

e) *Neue Beyträge zur Mineralgeschichte verschiedener Länder etc.* Miett. 8. Vol. I. 1778. p. 20 testatur quoque v. HOFMANN *Abhandlung über die Eisenhütten.* Hof. 1783. 4. p. 29. inhaerere etiam stanni vulgo venalis aliis generibus DE LA FOLIE apud ROZIER *l. c.* Dec. 1778. p. 458. Octobr. 1779. p. 307 etc.

Sed fac etiam, quod tamen nunquam in vniuersum fiet, stannum, quo his in laboribus vtuntur artifices, esse purissimum, haberi, quemadmodum viri clar. ROUELLE, BAYEN et CHARLARD f) de indico testantur, stannum arsenici expers, aut certe adeo inops g), vt ne minimum quidem inde sanitati immineat detrimentum; fac, deterrimum etiam stannum vix vltra $\frac{1}{378}$ continere, et tam ab hac, quam maiori adhuc labe facili liberari opera posse, obstabit tamen multoties, quo minus hoc adhibeatur, et maius purissimi stanni pretium h), et debilior, quo obducta illo metalla fulgent, nitor i).

Quod ad prius spectat, lucri quidem vix aliquid inde redundaret, si in locum stanni substitueretur zincum, quod hoc nisi maiore k), certe non minore multo l) pretio venditur; sed nitor vtique lucidior, durities maior, hinc a continua, cui vsus exponit, frictione, iactura minor et lentior, difficilior zinci liquatio, hinc constantior, dum id genus vasa ignis experiuntur vim, adhaesio, defectus omnis odoris, quem parum gratum vix excalesfactum spirat stannum, com-
moda

f) *Recherches chimiques sur l'étain faites par l'ordre du gouvernement.* à Paris. 1781. 8.

g) Continere eius $\frac{1}{1132}$ viri modo nominati.

h) Stanni purioris centumpondium in Saxonia Marienbergae pro 24, Annabergae pro 26 - 28, Schneebergae pro 24 - 28 thaleris CANCRINVS. l. c. p. 383. 384. 385. 104 libras Norimbergicas stanni Saxonici 1778 in loco, quo primum venditur, pro 25, post 27 thaleris, 140 libras Bohemici in officina ipsa pro 58 florenis, 110 eius libras in loco, quo primum regis nomine venditur pro 51 florenis, indici purissimi 100 libras Amstelodami olim pro

40, nunc pro 45 $\frac{1}{2}$ florenis venire, v. HOFMANN loc. cit. p. 29. in Cornubia stanni centumpondium pro 3 aut 3 $\frac{1}{2}$ libris Sterling siue pro 18 - 21 thaleris venditur. IARS l. c. III. 1781. p. 213. 537. KLIPSTEIN *mineralogischer Briefwechsel.* Gießen, 8. Vol. II. P. I. 1781. p. 3.

i) MALOUIN l. c. p. 85.

k) Hercynici zinci libram pro dimidio floreno, centumpondium igitur pro 32 $\frac{2}{3}$ thaleris circiter vendi testis est ill. CANCRINVS l. c. p. 137.

l) In Gallia librum 12 solidis, centumpondium ergo circiter 16 $\frac{2}{3}$ thaleris constare asserit DE LA FOLIE l. c. 1779. Octobr. p. 313.

moda spondebant, quae, si stanno vtaris, incassum quaesiveris. Adde, quod terrae, quae nihil stanni in sinu suo fouent, zinci autem mineris tantopere abundant, vt non omne inde eductum zincum et vitriolum cum fructu vendere queant, maiore adhuc, cum emolumento vti hoc metallo possent, quam aliae.

Non equidem me latet, ab acidis et a salibus generatim adrodi et dissolui zincum; sed eadem est indoles omnium nostrorum ex metallo quocunque fabrefactorum vasorum, nisi ex platina vel auro confeceris, quae vtique dum splendore metalli coruscant, praeter aquam regis fere omnibus alijs resistunt; non minuit tamen zinci splendorem sulphur eiusque ardentis vapor, non sulphuris, quod adpellant hepar, et, quem eructat, aër, qui tamen ipsius metallorum regis fulgorem paulisper hebetat; et siquidem negari non potest, dissolui a liquoribus salinis, et acidis praesertim, peregrinum illis atque ingratum conciliare colorem et saporem zinci corticem posse, si in istiusmodi vasis coquantur aut diutius asseruentur, certissimum tamen est, zinci particulas, in cibos, potus, medicamenta nostra transeuntes, noxias nequaquam vires illis impertiri *m*).

Mirum ideo non est, methodum illam ferrum et cuprum zinco muniendi a b. MALOUIN *n*) primo, post a cl. DELA FOLIE *o*) apprime commendatum in nostra etiam Germania Mannhemii et Gothae *p*) artifices inuenisse imitatores.

Vasa tamen ita fabrefacta facile nimium concipere calorem, vt cibi, qui in iis coquantur, nisi summa circumspectione vtatur coquus, ambu-

m) Vberime nuper id demonstrant medici Parisini DE LA PLOUCHE *Séance publique tenue pour la faculté de Médecine en Université de Paris. l. 9. Dec. 1779. à Paris. 1780. p. 18. sqq. et apud ROZIER l. c. 1779. Decembr. p. 492.*

n) Loc. cit. p. 83. sqq.

o) Apud ROZIER loc. cit. Decembr. 1778. pag. 440 eius consilia defendit MONGEZ ibid. 1781. Iul. p. 82.

p) *Gemeinnütziges Wochenblatt. Gotha. 1779. VI et X St. p. 23 et 40.*

amburantur, conquesti sunt multi *q*); diuturno ac frequenti usu, forsan ob summam, qua pollet zincum, inflammabilitatem, corticem praefertim in externa superficie haerentem comburi, atrumque ferrum, nunc facile rubiginem contrahens, denudari, experientia loquitur.

In mentem igitur venit, num forte arctiori connubio, quam quidem solo illo superficialium contactu fit, haec etiam praecaveri mala, alterius metalli naevi alterius virtutibus obtundi, argenteus ille isque persistens zinci splendor atque facilius ope ignis in statum fluidum transitus ferro, maior ferri tenacitas, malleo percutienti obtemperatura conciliari zinco queat; suadebat similitudo stanni *r*), quod alia atque alia vtriusque metalli copia cum ferro conflatum, vtriusque metalli aliquam speciem prae se ferre praeter alia recentiora quoque ostendunt praemature fato nuperrime nobis erepti BERGMANI *s*) tentamina.

Scrupulum tamen non leuem iniiciebant principes scriptores chemici, iique in tractandis metallis exercitatissimi, qui aut difficilissimam diserte asserunt *t*) hancce coniunctionem, aut fieri posse, non quidem omnino negant, neque tamen aperte affirmant *u*), aut dum attractionum chemicarum inter se rationes determinant, zinco nullum inter corpora a ferro attrahenda, ferro ultimum tantummodo inter

B 2

corpo-

q) Vid. apud cl. MONGEZ *l. m. c.*

r) Quam b. MALOUIN *l. c.* egregie monstravit.

s) De ferro et stanno igne commixtis. *Opusc. phys. et chemic.* Vol. III. p. 471. sqq.

t) POTT *de zinco in observationum et animadversionum chymicarum Collect.* Hda. Berol. 1747. 4. p. 15. 24. suis premi difficultatibus MACQVER loc. cit. *Zinc.*

u) Quemadmodum ill. I. G. WALLERIVS *physische Chemie aus dem schwe-*

dischen übers. und mit Anmerkungen versehen von CHR. E. WEIGEL 8. II Th. Leipz. 1776. 3 Abth. Cap. XX. p. 274. 4 Abth. p. 312. 313. BAYMÉ Chemie experim. et raisonnée, Vol. II. p. 625. et GELLERT Anfangsgründe der metallurgischen Chymie. 2te Ausg. Leipz. 1776. 8. p. 444. 445. qui tamen in tabula affinitatum p. 232. maiorem zinco cum ferro, quam quidem cum argento, refragante omnino aliorum experientia, intercedere affinitatem suspicatur.

corpora a zinco attrahenda concedunt locum x); adducebat in dubitationem, num certe in officinis magnam metallorum vim tractantibus, modis haecenus vsitatis suscipi cum fructu commixtio ista possit, facta iam ab Expertiss. GRIGNON y) et confirmata nuper in Germania nostra a Gener. VON UNGER z) et in Gallia a clar. BOURNON a) observatio, zincum, non raro ferri mineris inhaerens, ad fornacum, quibus illae funduntur, et caminorum adhaerere parietes, ut igitur, nisi iam exactissimum b. BERGMANN b) scrutinium aliud quid docuisset, hac ipsa zinci connubium ferri sub his conditionibus perfracte renuentis in altum fuga refelli efficacissime possit opinio eorum, qui fragilitatem ferri, quod fusores adpellant, crudi ab immisto zinco, maiorem ferri cusi tenacitatem a minore zinci immista copia c), aut fragilitatem ferri generatim a zinco inhaerente deriuant d).

Confirmavit tandem ambigentem de optato successu animum summa b. HENCKELII auctoritas, qui pluribus suae, quam inscripsit, pyritologiae locis de ferri cum zinco combinatione tanquam de re notissima et facili e) non tantum differit, sed, quod caput rei mihi quidem

x) Quemadmodum b. BERGMANN de attractionibus electivis Tab. III. col. 50 et 56. via sicca Opusc. phys. et chemic. Vol. III.

y) In mineris ferri Campaniae Gallicae. Memoires de physique sur l'art de fabriquer le fer. p. 275 sqq.

z) In mineris ferri Walkenriedensibus, apud amiciss. CRELL neueste Entdeckungen in der Chemie P. X. p. 142.

a) In mineris ferri Delphinatus, apud ROZIER l. c. Mart. 1784 n. 3.

b) Diff. de analysi ferri et alter. de causa fragilitatis ferri frigidi. Opusc. phys. et chemic. Vol. III. pag. 1. sqq. pag. 109 sqq.

c) Ita clar. ROMÉ DE L'ISLE crystallographie. sec. Edit. 1783. 8. Tom. III.

pag. 168. "Le fer de fonte est un mélange métallique et non malleable de zinc et d'acier; le regule de fer débarrassé d'une partie de zinc qui altérerait sa ductilité.

d) E. HERWIG genaueste Beschreibung des in der Herrschaft Schmalkalden üblichen Eisenschmelzens etc. 2 Aufl. Biedenkopf, 1780. 8.

e) Pyritologia oder Kieß - Historie. Leipzig, 1725. 8. p. 472. "Desgleichen der Magnet das Eisen, auch mit allen andern metallischen Körpern, als dem Mössing, Kupfer, Zinn und Zink, da es mit dergleichen zusammengesmolzen ist, recht wohl verträgt", et pag. 628 "Der Magnet will das Eisen, so mit Regulo zusammengesmolzen, gar

quidem visum fuit, zincum vna cum ferro liquatum, metallum siue, vt ipsissimis eius verbis vtar, regulum exhibere ductilem, argenti similem, tamen durum *f)* asseuerat, vt ex eo qualiscunque mihi nata sit suspicio, metalli illius ferro tenacioris a dexterrimo Boltono *g)* inuenti, atque in nauibus anglicis loco ferri adhibiti, vti et illius, a Gallis artificibus argyroide nuncupati *h)* arcanum artificium in quadam ferri cum zinco coniunctione latere.

Dolui autem quam maxime peritissimum illum et veracem virum alto praeteriisse silentio modum, quo elegantissimus ille regulus confici optime et cum notabili in officinas metallicas redundante emolumento possit; consilium enim ill. WALLERII *i)* huc non quadrat, tum quod ferrum facilius fluens, quod vt plurimum minus purum et tenax est, praescribat, tum quod ipse fateatur, exiguam modo zinci portionem eo pacto ferri compagem subire.

Expiscari igitur repetitis iisque variatis periculis modum, quo necti istud connubium fructuosissime possit, constitui; quae in laborum istorum decursu atque euentu obseruaui, detexi, profecisse mihi videor, enarrare Vobis nunc liceat.

Inieci primo catillo terreo Almerodensi zinci in frustra comminuti drachmas duas, et quo minus metallum illud, quod solet, dum

B 3

ignis

gar nicht annehmen, da er sich doch gegen Arsenik, Zinn, Zink und Wißmuth, wenn diese auch das Eisen gar sehr übersezt haben, im geringsten nicht weigert."

f) Pag. 414. "Eisen macht mit Zink einen geschmeidigen silbergleichen doch harten regulum, und dieser hängt sich auch dem Magneten nicht faul an" ea verba latine reddita, sua ipsius, vt legenti apparet, experientia destitutus recinit SWEDENBORG regnum subterra-

neum siue minerale de ferro, Dresd. et Lips. 1734. fol. p. 259. 359.

g) Teste clar. FORSTERO patre apud CRELL l. c. P. III. 1781. p. 84. 85.

h) Prouti zincum iam *ψευδαργυρον* vocasse videtur STRABO; refragatur tamen meae huius coniecturae, nisi artifex nimia de suo inuento praedicet, quod nouum istud metallum acida plane non immutent. v. CRELL l. c. P. VII. p. 267.

i) Loc. cit. p. 274.

ignis vi liquefcens fuam aëri nudam exhibet fuperficiem, flamma ftatim conficeretur, antequam fibi iunxiffet ferrum, febum fuperin- gelfi, nouam femper, vt primum prior deflagauerat, eius portionem fubminiftrando; quum zincum liquefceret, eundem ignis gradum conferuando, ferri lima comminuti mediam partem inieci, et ruta- bulo ferreo excalefacto violenter agitando zinco intermifcere cona- tus fum; fed quicquid etiam tentarem, impedire non potui, quo mi- nus, zincum diutius igne vrgendo cum ferro conflaturus, potio- rem eius partem flammae et lanae fpecie abigerem; quod de zinco a flamma illibatum in catilli fundo perftitit, in globulos et mafculas coactum cum ferri fco- be, quae ab igne et zinco, qualis catillo in- iecta fuerat, talis rediit, nequaquam confufum erat.

Idem fuit experimenti euentus, quum loco febi carbonum ex ligno vftorum polline tenuiffimo zincum in crucibulum ingeftum in- fperiffem.

Iteraui vtrumque experimentum, eo tantummodo cum difcri- mine, quod primo ferri fco- bem in crucibulo excandefacerem; huic ferro candenti zincum memorata cum circumfpectione in altero ca- tillo liquatum infunderem, et, fimulac ferri fuperficiem continge- ret, rutabulo ferreo candente vehementer agitarem. Sed ne fic quidem melius refpondit votis meis tentaminis exitus; aliquoties potius in hifce laboribus zincum, dum in itinere fuo ex altero in alterum vas nudum offerret fuperficiem, in flammam exarfit, fuper- ftrato febo aut carbonum puluere vix iterum reftinguendam, et, quum ignis violentia folle adaugeretur, quafi ex cineribus refurgentem.

Neque aut zinci incendium inhibuit, aut eius cum ferro con- nubium adiuuit facile et toties in hifce meis laboribus adhibitum artificium, vt, fimul ac vtrumque metallum immiffum erat, vasis orificium operculo exacte quadranti obferarem; vasis enim refrigeratis
inter-

internam eius superficiem zinci, quos vocant, floribus dealbatam, et tum exilem, quae de zinco superabat, portionem, tum ferrum ipsum haud mutatum inueni.

Inficias tamen ire nequeo, et sponte sua me non monente colligent vel paulisper in istiusmodi laboribus exercitati, ad catillum iam per aliquod temporis spatium medias inter prunas constitutum vix adeo exacte accommodari operculum posse, vt omnis aëri circumfuso ad materiae contentae superficiem interclusus sit aditus.

Vt hanc igitur superare difficultatem, zincum in minora frustra contusum vna cum ferri scobe, superstrato carbonum puluere, catillo ingessi, catillo operculum exactissime quadrans bolo rubra cum oleo seminis rapi in luti speciem subacta agglutinaui, et ignem nunc subtraui caute et pederentim ad plenam vsque excandescentiam auctum; verum haec etiam repagula perfregit zincum; vix enim penitus canduerat vas, quum per fissuras et angusta foramina, quae ab expandente atque extrorsum vrgente halitu acceperat lutum, amoena zinci cum leni sibilo emicaret flammula; refrigeratis vasis et operculo soluto heic pariter internam eius superficiem alba quasi lana vestitam vidi, ferrum vero haud mutatum absque vlllo zinci vestigio in fundò crucibuli deprehendi.

Zincum, dum splendentis metalli speciem prae se fert, facilius ardere ac comburi, quam quidem eum puluerem, qui ab vstione zinci fixus remanet, probe gnarus, atque animo mecum voluens, in conflandis aliis atque aliis ex cupro et zinco misturis rarius nitore suo argenteo conspicuum metallum, quam quidem carbonum puluere adiecto, calcem eius adhiberi, eo semper cum effectu, vt cuprum arcte nubat zinco, recensita haftenus experimenta omnia et singula eadem plane ratione repetii, substituta solummodo in locum zinci
metal-

metallici, zinci calce. Ast perinde mea me fefellit spes, ac in prius institutis.

Subiit nunc mentem cogitatio, an forsan melius procederet res, si ferro tum ope additamentorum tum vi vehementissimi ignis liquefacto immergeretur, et violenter virga ferrea candente agitando immisceretur zincum; metuens, ne per media mere salina adroderetur alterutrum vel vtrumque metallum, elegi materiem illam a clar. ILSEMANNO *k*) ad fundendas ferri calces natiuas argillaceas commendatam, et ex sedecim partibus salis culinaris decrepitatione exsiccati, quatuor carbonum in pollen comminutorum, quinque fluoris mineralis et totidem calcis viuae recentis compositam; exposui in catillo terreo ferri lima comminuti drachmas duas cum fluxus illius, quae fusorum est appellatio, vncia vna igni paulatim et follis denique vi ad summum vsque gradum aucto. Fluxit tandem vltima ignis vi materia, sed satis adhuc tenaciter; ingessi zincum; et valide agitando cum reliqua materia miscui; vix tamen aequalem cum ea calorem concepisse poterat, quum omne in flammam exardescere inciperet, et tum hac, tum lanae, vti quidem philosophis per ignem audit, philosophicae forma aufugeret; ferro ipso, quemadmodum frigefactis omnibus spectare licuit, in scorias potius commutato, quam in vnâ massam siue regulum coacto.

Idem fuit experimenti exitus, si loco scobis ochram ferri, aut mineram eius, vti quidem audit, lacustrem, recipiebam; sperabam enim, fluxum illum a clar. ILSEMANNO traditum hisce fundendis magis fore accommodatum, quam quidem metallo ipsi.

Tum eandem tum supra iam memoratam ob causam singula haec experimenta ita variaui, vt loco zinci calcem eius albam fumerem; euentus fuit idem, nisi quod pars pulueris, quia nullum adhuc

k) *Neueste Entdeckungen in der Chemie, gesammelt von* LOR. CRELL P.VI. p.34.

adhuc ex carbonibus exfluxerat inflammabile principium metalli faciem nondum indutum, scoriis illis quasi per puncta interspersa haereret. Sic spes mea, fore, ut ex vtriusque metalli calcibus natiuis inter se mistis, atque addito carbone et fluxu liquatis facili opera in officinis istis metallicis ipsis utilis eiusmodi ex zinco et ferro conflare mistura possit fere occidit.

Prouti in prioribus, ita et in his posterioribus experimentis nihil profeci, si statim post ingestum zincum aut zinci calcem operculo obtexi crucibulum.

Visum mihi et hęc, in vasis firmissime obferatis, omnem aërem a materia contenta arcentibus felicius fortassis fieri negotium istud posse; zincum igitur paulisper comminutum cum aequali copia scobis ferreae, et duplici fluxus illius commistum crucibulo forti ingessi, operculum arctissime occludens luto ex bolo rubra et oleo seminum napi confecto firmaui, et igne, sensim sensimque violentiori, tandem violentissimo torfi; reddebatur utique materies fluida, tantopere quidem, ut per parietum poros pars eius transfudaret; sed flammula zinci carbonum folle suscitatae flammae interlucens metum iam incussit, ne plurima pars zinci auolaret, et, quod refrigerato ac recluso catillo in fundo eius deprehendi, neque aut splendore aut tenacitate metallum, neque factam vtriusque metalli coniunctionem loquebatur.

Idem experimentum ea tantum cum varietate repetii, ut loco zinci crudi vltum zincum sumerem, et quidem altera vice vniuersae reliquae materiae, altera illi tantum, quam liquandi ferri gratia adieceram, terendo intermiscerem; euentus tamen pariter fuit irritus.

Supra iam memorata non levis zinci cum stanno similitudo, quod tam facile comburi et in calcem conuerti suo cum damno toties experiuntur artifices, animum denuo addebat, spemque fouebat,

fore, vt, si eodem modo, quem alii in commiscendis inter se ferro et stanno vtilem inuenere, in meis hisce laboribus vterer, iam dudum desideratum istud zincum inter et ferrum vinculumnectere tam felici esse mihi tandem contingat.

Ingressus igitur viam, a b. BERGMANO *l)* ex felicissima eaque a se ipso saepius confirmata experientia commendatam, sumsi crucibulum terreum, vniuersam eius internam superficiem et ad altitudinem circiter dimidii pollicis fundum puluere carbonum cum argilla Almerodensi plurima aqua temperata in pastae siccioris formam redacta obduxi, fundo foueolam vtcunque hemisphaericam impressi, atque exsiccatis omnibus in hanc foueam primo demisi zincum, huic inspersi mediam partem ferri in scobem comminuti, texti omnia sale sedatiuo ab HOMBERGIO denominato *m)*; quod reliquum erat vasis adhuc vacuum, carbonum puluere impleui, et nunc aliud crucibulum inuersum, nunc operculum quadrans vtrumque intus similiter praemunitum luti saepius iam memorati ope firmissime agglutinaui; luto siccato accendi focum, et ignem cito follis adminiculo ad vltimum vsque gradum auxi; nihil quidem per commissuras vasis eius flammulae prodibat, quae zinci aliquid abire in tot meis praegressis periculis fuerat testata; verum non prunae tantum catillum circum circa proxime cingentes, quamuis aëre, quem follis eructabat, reliquis non magis excitatae, solito et ceteris clariore luce coruscabant, sed etiam in eodem circo, quasi ex prunis ipsis surgeret, hinc inde fluctuabat flammula, haud ambiguo zinci auolantis documento.

Vidi etiam refrigeratis omnibus vnum eorum catillorum, quos hunc in vsum adhibueram, subtilissimas in medio parietum egisse rimas,

l) *Diff. de ferro et stanno igne commixtis. §. I. A. Opusc. phys. et chem. Vol. III. p. 471. et diff. de mineris ferri albis §. V. E. Opusc. Vol. II. p. 195.*

m) In eo solo a b. viro discedens, qui ll. mm. cc. boracem calcinatam superinfernus iubet.

rimas, zinci vi perrupturi flauescente calce quasi lineis ductis oppletas, et referatis vasis modo operculi aut crucibuli superioris internam faciem metallicis zinci globulis tenaciter adhaerentibus consitam, modo glomer istiusmodi globulorum medium inter carbonum puluerem haerens aut vasis parietibus adfixum; quicquid de zinco in fundo vasis restabat, (aliquoties nihil, semper parum) et fragilitate sua zincum perfecte referebat, et euidenti indicio nihil sibi de ferro iunxisse, magnetis imperium pertinaciter abnuebat, ferri scobe pariter non mutata, ne liquata quidem, nisi velis particulas aliquas in superficie haerentes et sali sedatiuo superstrato proxime confines in scoriarum speciem conuersas *n*).

Neque plus profeci, quum, ceteris simili modo obseruatis, ferri eo certius fundendi causa, materiae, ab Expertissimo Bosc d'ANTIC o) eo nomine tantopere praedicatae, ex fluore minerali et media parte calcis viuae dilapsae compositae, in vitri formam conflatae et in puluerem contusae strato texissem vtrumque metallum in catilli fundo positum. Idem etiam fuit laboris exitus, siue zinci superficiem ferro contiguam carbonum puluere conspergerem, siue nudam contingeret ferrum superimpositum, seu medius inter ferri scobem et vitri puluerem haereret sal narcoticus, seu hoc omisso vitrum proxime contingeret ferrum.

Neque exoptatum illud vinculumnectere licuit, quum ferri scobem cum duabus partibus eiusdem fluxus in catillo terreo aperto igni folle ad extremum gradum aucto exponerem, et quum vtriusque ope liquefieri coepisset, zinci in altero vasi liquati pariter duas partes infunderem, infusas rutabulo vehementer agitando commiscere cum ferro conarer, et oppleto carbonum puluere vase violentissimum

C 2

ignem

n) Idem etiam a borace in simili casu peractum vidit POTT l. c. p. 24.

o) Oeuvres, contenant plusieurs mémoires sur l'art de la verrerie, sur la

sciencerie, la poterie, l'art des forges, la mineralogie, l'électricité et sur la médecine. à Paris, 8. Tom. II. 1780. n. IV.

ignem per aliquod adhuc temporis spatium continuarem; pars enim altera flammae lucidae specie erupit, altera nec mutata nec cum ferro permista in fundo perstitit.

Modus, quo varia illa in officinis metallicis ex aere et zinco eiusue calcibus vel natiuis vel arte factis conflantur aurum colore suo nunc magis nunc minus aemulancia metalla, nouam mihi monstrauit viam, qua calcata arctioris zinci cum ferro connubii spes denuo adfulgebat: caementatione scilicet, vt artificum voce vtar, posse vinculum illud netti, mihi persuadens, ceteris eadem ratione instructis, qua in mox praecedentibus experimentis, foueolae primo immisi frustum zinci, superinieci scobem ferri, texi iterum zinco, superstrauī denuo scobem, addidi iterum zincum, hoc nouo ferri strato contexi, fluxu illo a cl. Bosc d'ANTIC commendato omnia inspersi, vacuum adhuc catilli spatium carbonum puluere expleui, ne minimo quidem hiatu relicto operculum agglutinaui, et subieci ignem, paulatim, celeri tamen gradu ad extremam vsque violentiam progressum; sed et hic tum in ipso labore eadem obseruaui, quae in prioribus tentaminibus euenisse mihi retuli, tum finita operatione fere eadem reperi; videlicet et ferri scobem, nisi colorem superficiei velis, non mutatam, et zincum colore, tenacitate malleo explorata idem, partim in globulos solidos sublimatum, partim globorum minus perfectorum eorumque cauorum specie in fundo relictum.

Tam eo scopo, vt inflammationem fugamque zinci tanto certius praecauerem, quam vt experirer, an hoc pacto maior conciliari zinco ductilitas possit *p*), experimentum ea cum variatione iteraui, vt singula zinci strata carbonum polline conspergerem; euentus tamen fuit idem, qui prioris experimenti.

Eundem laborem denuo suscepi, loco zinci metallico splendore fulgentis, vltam eius terram carbonibus in puluerem comminutis
terendo

p) Excitauit eam spem nuper CRANTZ apud CRELL *neueste Entdeckungen in der Chemie* P. V. p. 94.

terendo exactissime mistam recipiendo; in eo propius imitatus modum, quo in officinis maioribus *q*) orichalcum conflare vulgo solent. At neque hic operandi modus exitu se praestitit prioribus potiore.

Saepe eo cum discrimine, ut pro scobe ferrea laminas ferri tenuissimas, nunc rubigine iam arrosas, nunc alio modo asperas et minus puras splendasque, nunc lima politas tentarem, illud experimentum repetii; verum, quamvis ex superficie laminarum, absoluto labore aliis atque aliis coloribus ludentium, qualemcunque eas subiisse mutationem hariolarer, idem tamen fuit lima politis, qui antea, color, eadem igne in fluidum statum transeundi difficultas, eadem ab humore, vel a purissimae aquae guttula ferruginem contrahendi facilitas.

Neque conspiciere erat ullam in euentu operationis differentiam, siue metallorum strata fluxu illo obtexissem, siue hoc, uti quidem, mihi tunc temporis videbatur, coniunctionis adminiculum praetermissem.

Quum in plurimis hisce experimentis zincum flammulae specie per ipsos catilli arctissime obserati parietes transpirare animaduertissem, ut huic etiam fugae praeuenterem, in aliis subsequentibus uniuersam tam crucibuli, quo eum in finem utebar, tum operculi externam superficiem modo argilla Almerodensi, modo bolo rubra cum lithargyrio in tenerrimum pollinem contrito et oleo seminum napi subacto obliniui, et commissuras clausi, ac siccata demum ista lorica ignem instruxi. Obducebatur sic vitreo cortice externa catilli superficies, et minus luculenter quidem apparebant illa, ex quibus alias zincum per poros vasis abire colligebam, tanto frequentiores

C 3

inui-

q) Quae lapide calaminari aut aliis nativis, aut in furnorum, in quibus zinci feraces minerae torrentur vel eliquantur, caminis sese adfigentibus calcibus, carbonum pulueri mistis eo scopo vtuntur.

innidulabantur in medio carbonum puluere, et parietibus adfixi haerebant aggregati illi zinci globuli; ceteris simili modo contingentibus, quam in prioribus periculis.

Suadet praeter alios ill. WALLERIUS *r*), ad zincum cum aliis metallis fusione commiscendum, zincum liquatum alteri metallo pariter iam fuso infundi, at ne prius in flammam exardescat, dum ingeritur in posterius, omnia tartaro in puluerem contuso, aut fluxu, quem vocant, nigro contegi.

Fateor, neutrum consilium, certe pro meo scopo mihi placuisse; posterius tum eo, quod non inique netuebam, ne sal ille per ignis violentiam aucta eius vi, partem saltem metalli in calcem et scorias vertat, tum, quod animus mihi erat, inuenire modum, quo in officinis etiam maioribus fructuosissime fieri ista combinatio, queat, non arrisit; prius, quod facile erat praeuidere eo ignis gradu, quo opus est, ad fundendum ferrum, zincum, quod iam aestu, quem candens carbonum puluis concipit, dissipatur *s*), nulla mora interiecta in lucidissimas exarsurum esse flammam *t*), et quod coniungi debebat cum ferro, coniugio illo repudiato, tum flammam, tum lanam forma auolaturum, quemadmodum b. MARCGRAF *u*), quum zincum cupro, quod multo leniore tamen, quam quidem ferrum, igne liquefcit, fuso immisceret, plurimam eius partem ea specie in auras abiisse testatur.

Quum haec consilia recensitas ob causas negligere, incidi in obseruationem b. MALOUINI *x*), ex qua in emendandis hisce meis laboribus multum emolumenti me capturum esse, certus sperabam; erat quippe ea, nequaquam compesci zinci incendium carbonum bonum

r) Loc. cit. §. II. p. 270.

s) WALLERIUS l. m. c. §. 4. p. 260.

t) Quod obtigisse videtur POTTIO l. c. p. 24.

u) Apud ROZIER l. c. Octobr. 1778.

p. 319. 322.

x) Loc. cit. p. 81 sqq.

bonum puluere posse, vt primum puluis iste candet, et quum ad fundendum zincum violentiore aestu opus sit, quam quidem ad candefaciendum illum puluerem, zincum autem nunquam in flammam exardescat, priusquam ignis vi fluat, non igitur vna cum zinco crucibulo ingerendum esse carbonum puluerem, quoniam sic eodem igne prius excandesceret, quam zincum liquaretur, sed tum demum esse iniiciendum, dum per omnem suam massam candet metallum, et primo quasi fusionis momento.

Zincum igitur nudum catillo terreo immissum foco exposui, et quum prorsus ignesceret carbonum pollinem inspersi; vt primum aequabiliter et satis tenuiter fluxit, celeriter et vno quasi riuo inieci ferri scobem, in altero propinquo catillo excandefactam, et, ne in calcem exureretur, simili cum circumspectione carbonum puluere superiniecto praemunitam, nunc quartam eius, nunc mediam ratione zinci partem, nunc aequalem copiam, nunc tres ferri partes admiscendo; simulac omne, quod altero crucibulo continebatur, in alterum transferat, virgae ferreae candente extremitate paulo violentius agitando vtrumque metallum inter se miscere tentavi, texi denuo spisso pulueris carbonarii strato, et follis ope ignem nunc cito gradu ad extremam vsque violentiam auxi; simulac zinci vel levis flammula (eius tamen in nonnullis posteriorum horum experimentorum ne vestigium quidem conspiciere datum est) superficiem candentis materiae lambebat, iterum carbonum puluere largo manu superaddito suffocaui, dimidia circiter hora a commixtione vtriusque metalli elapsa crucibulum ex igne exemi, et donec penitus refrigeratum esset, operculo tectum in cineribus posui.

In omnibus his experimentis potior ferri pars intemerata perstitit, vt facile est conicere, tanto quidem maior, quanto plus scobis illius addideram; vix enim putem mutationis promereri nomen aut superficialiam quandam coloris alterationem, in aliis meis
expe-

experimentis iam notatam, aut qualemcunque particularum ferri in globulas coagmentationem, certe adeo leuam, vt momentaneo inter digitos tritu vel leuissimo mallei ictu diuelli iterum a se inuicem possent. Eadem certe erat ferri ipsius, quae antea, conditio, siue magnetis, siue ignis, siue menstruorum, vti quidem chemicis audiunt, et praecipitantium viribus, siue mallei ictibus exposueris.

Verum quaedam tamen ex his experimentis luculenter docuerunt, ferrum zinci confortionem non plane respuere; nam etiamsi portio ferri illibata remansisset, etiamsi in vno horum experimentorum, quemadmodum in reliquis omne, pars zinci minus perfectorum eorumque intus cauorum globorum specie superasset, zincum tamen ferro incumbens aut omne, aut pro parte ferri aliquid in se suscepisse, euidenter monstrabat; propius quidem colore suo accedebat ad zincum meracum, interlucebat tamen, si cum hoc comparaueris aliquid grisei; splendor, quo fulgebat, etiam post humectationem erat durabilis, fluxus in fouea carbonis, flamma candela per tubum ferruminatorium excalescens, adsperfa borace facilis, et si diutius ibi relinquebatur, flamma quoque ex materia liquata surgens zincum aperte loquebatur. Erant tamen glebulae illae magneti obsequentissimae, cuius imperium zinci ante hanc cum ferro fusionem vel exilissimus puluisculus praeacte abnuebat; tingebant acidum salis communis spiritum, quo soluebantur, rutilo illo colore, quem ferrum ipsi inperitur, et dum vel spiritus vini vel aqua, adstringente gallarum principio foeta, cum hac solutione confundebatur, atramentum nascebatur, quemadmodum ab infuso lixiuio, tingente caerulei Berolinensis materia saturato, caeruleum sedimentum in fundum delabebatur. Quae omnia, ferrum his glebulis inhaerere, extra omnem dubitationis aleam ponunt.

Exspectabitis, et speraui ipse, in sui societatem adscito tenacissimo ferri metallo zincum multo tenacius proditurum, tantum
vero

vero abest, vt tenacitas aucta sit, vt potius, fragilius quam antea primo mallei ictu in mille granula diffilirent percussae istae glebulae primo intuitu et suadente ipsa interiore glebarum istarum compage suspicatus, a fluxu minus aequabili et iusto spissiori, hinc ab vtriusque metalli connubio nimis laxo pendere inopinatam illam fragilitatem, vnam ex illis glebulam coram tubo ferruminatorio adpersa borace in carbone liquaui; impetraui globulum splendidiorum, superficie tum interna, tum externa laeui conspicuum, at prima iam mallei percussione eandem fragilitatem prodidit.

Timueram haftenus, ne inuersa ratione operando, ferri scobi infunderem liquatum zincum; in transitu enim huius ex altero in alterum vas omnem arceri aëris ad fluidum metallum aditum, et qui sua sponte ex eo sequitur, flammiferum zinci ardorem reprimi vix posse, mecum reputabam; sed quum modis adhuc a me adhibitis et parum ferri zinco nubere, et metallum ex isto connubio zinco longe fragilius prodire viderem, clar. GELLERTI *y*) consilium secutus ferrum lima comminutum in catillo terreo violentiae ignis, folliis beneficio aucti exposui; vt primum candebat, carbonum pulverem superingessi, et quum catillus vna cum contenta materia plene canderet, liquatum memoratis iam saepius cum cautelis in altero catillo zincum subito et vno quasi oculi ictu infudi, rutabuli candente extremitate protinus agitando commiscui, catilli partem plurimam haftenus vacuam carbonum puluere impleui, atque operculo superiniecto statim fortissimum, quem quidem potui, subministraui ignem; absoluto horae circiter dimidia spatio, crucibulum, donec refrigeratum esset, medios inter cineres posui.

Euentus tamen huius etiam experimenti, quod cum alia atque alia ferri ratione zinci copia institueram nec fuit constantior,
nec

y) Loc. cit. P. II. p. 444.

Comment. Phys. Tom. VII.

nec multo felicior. Licet pluries summa, qua potui, celeritate transfundendo zincum, quo minus in hoc itinere in flammam exardesceret, obstarem, saepius tamen zincum nullam prorsus iniit cum ferro coniunctionem, sed plane segregatum alias in solidis grandiusculis glebis, alias in minutis excavatis quomodocunque globosis massis (aëtitas pusillos ob similitudinem dicas) in fundo restitit; erant autem hae massae rarius vacuae, quam nunc quasi cellulis repletae, nunc crySTALLIS splendidissimis prismaticis, acus tenuitate referentibus sese inuicem decussantibus intus fartae x).

Deprehendi tamen in duobus crucibulis, in quibus hoc periculum feceram, haud obscura facti inter vtrumque metallum connubii indicia; erat quidem in altero pars zinci omnis adhuc ferri expers, altera vero colore, granosa compage et reliquis notis illi similis, quam inuerso modo procedendo aliquoties me obtinuisse narraui, et ex utroque metallo commisto conflata esse ostendi. In altero autem catillo zinci quidem plurima pars aut globulorum istorum solidorum forina superiora vasis petierat, aut vacuorum quasi pataminum specie a ferro libera in fundo permanerat; conspiciebantur tamen media inter ferri ramenta perpaucae glebulae solidiores, malleo aequae ac magneti obtemperantes, et tum his notis, tum obscuro, quem extrinsecus prae se ferebant, colore, tum difficiliore coram tubo ferruminatorio, borace quamuis conspersae, fluxu ferrum potius referentes, extremo illo aestu fusum, colore tamen post liquationem cum borace lucidiore quam qui ferro puro competit, conspicuae. An forsan in hac posteriore magis malleabili mistura ferrum, quemadmodum in fragili illa zincum dominatur?

Perinde inconstans fuit experimentorum euentus, si loco zinci ipsius zinci calcem in crucibulo candefactam, et simulac candebat,
carbo-

x) Idem etiam observauit quum zincum solum igne examinaret b. MALOUIN l. c. p. 80.

carbonum puluere contextam a) alio atque alio modo, alia atque alia copia cum ferri scobe commiscerem.

Docere igitur videntur haec experimenta, quae alio tempore ulterius prosequi animus est, debilem esse, quae ferrum inter ac zincum intercedit, adfinitatem, quamuis et zincum rarissime omni careat ferro b), et natiuae eius tum calces c) tum minerae d) fere omnes ferro sint inquinatae; iniiciunt metum, continuato tamen examine demum vel dissipandum vel confirmandum, vt vnquam massae grandiores vtriusque metalli cum notabili in officinas metallicas et vitam communem redundante emolumento conflari inter se possint, nisi forsan aut interueniente tertio corpore metallico e) vel

D 2

non

a) Zincum ipsum cum cupro fusione coniunctum misturam fragiliorem efficere, quam eius calcem, asseuerat cl. GELLERT l. c. P. II. p. 447.

b) Vt certis adhibitis artificiis a magnete trahatur A. BRUGMANS *magnetismus, seu de affinitatibus magneticis observationes academicae*. Leid. 4. 1728. a mercatoribus Indiae ferro fusione immisto adulterari, nescio quo teste contendit HELLOT *Memoir. de l'Acad. royal. des scienc. à Paris pour l'ann. 1735.* certe neque in Sinensi, neque in Goslariensi eius vestigia reperit ill BERGMANN *de mineris zinci* §. II. *Opusc. Vol. II. p. 315. 322. 323. 327.* et RINMAN *Försök för Järnets Historia*. Stockh. 1782. 4. Sect. III.

c) HENCKEL loc. cit. p. 721. SAGE *Memoir. de l'Acad. de Paris pour 1770.* p. 15 sqq. Ill. BERGMANN et apud eum RINMAN l. m. c. p. 317.

d) Praesertim vulgatissimae illae, quae pseudogalenae nomine veniunt, testibus HENCKELIO l. c. p. 406-409. POTTIO *de pseudogalena* l. c. p. 110.

113. 116. MARCGRAEF l. c. P. I. p. 272. SCOPOLI *ann. V. historic. natural.* pag. 55. 57. 59. et BERGMANO *de mineris zinci* §. VI-VIII. et de tubo ferruminatorio §. XXXIII. *Opusc. Vol. II. p. 332. 333. 335. 503.*

e) Argentum eo scopo a nonnullis commendari refert POTT l. c. pag. 24. ferri, exiguum quamuis portionem zinci cupri ope iungi posse, veterum arma testantur, haud ita pridem prope Langensalzam eruta, et docente clar. WIEGLEB examine, ex tribus his metallis composita; quo minus tamen cupri additamentum eum in finem suadeam, vetat iusta dubitatio, an periculum a cupri usu imminens eo pacto auertatur, et consilium eorum, qui orichalci fabricationem tradunt, atque vt illud ductile fiat, serio ab usu cupri ferro adhuc inquinati dehortantur. IVSTI *Abhandlungen von den Manufacturen und Fabriken. IIte Ausg. von I. BECKMANN.* 8. Berlin, P. II. 1780. pag. 281. Parum modo ferri zinci iungi posse RINMAN l. c. §. 38. testatur.

non metallico *f*) vinculum neſtatur arctius, aut materies accedat, quae, dum efficit, vt ferrum leniore, quam quidem ſolet, igne liqueſcat, zinci vel diuturno aeſtu agitati flammam, qua data porta, ruentem, reſſimit atque exſtinguit *g*); et ſi quidem alterutra via inueniatur iſtud medium, dubium adhuc ſuper-eſſe, an aliis atque aliis proportionibus inter ſe miſta ambo metalla regulum exhibeant, qualem HENCKELIVS ſpondet, ductilem argentiſque nitore ſpectabilem.

f) Miſcui terendo eum in finem cal-
cis zinci partes duas cum ochrae ferri
parte vna, ſlorum ſulphuris parte vna
et pulueris carbonum partibus duabus,
miſturam iſtam mediam inter cinerum
clauellatorum purorum et ſiccorum
partes quatuor in crucibulo Haſſiaco
violentiſſimo furni docimaſtici igni per
horam expoſui; lucidam zinci flammam

per totum illud temporis ſpatium con-
ſpexi; refrigerato catillo remanſit prae-
ter ſcorias maſſa metallica duriffima a
magnete magnis etiam fruſtis attraſta,
ſub malleo fragilis, colore obſcuro ad
ferrum potius accedens quam ad zincum.

g) Neque tamen nouis inquinamen-
tis ac vitiis inficit metallum, prouti v.
g. arſenicum.

JO. FRID. BLVMENBACHII
DE
OCVLIS LEVCAETHIOPVM
ET
IRIDIS MOTV
C O M M E N T A T I O

RECITATA

D. IX. OCTOBR. MDCCLXXXIV.

Scribendi occasio.
Leucaethiopes Sabaudici.

Annus est et quod excurrit, Sodales coniunctissimi, cum in itinere Heluetico versatus, Aurelia Allobrogum Sabaudiam peterem, ingentia illa naturae prodigia, candidum montem, aliaque id genus iuga et maria glacialis ditionis Falciniacae (*Faucigny*) propius visendi cupidus.

Accidit tum inopinanti et plane aliud agenti, ut ex ingente glaciali antro quod Arueroni fluuiio fontes praebet, redux, inter alios Sabaudos, qui, ut ibi mos est, crystallos et similes patriae suae diuitias peregrinatoribus offerre solent, puerum offenderem, quem primo statim intuitu ex roseis oculorum pupulis et singulari capillorum albedine ad Leucaethiopes, nostris saltem in terris longe rarissimos, pertinere, facile intellexi.

D 3

Auide

Auidē inquirens, comperi, patriam ipsi esse vicinum viculum, cui nomen *aux bois*, ad ipsos Arueronis fontes situm; fratremque habere, natu maiorem, eodem oculorum vitio laborantem.

Ingenter gauisus de viso tandem leucaethiopiae humanae genuino exemplo, quae quidem affectio iam pridem industriam meam exercuerat, opportunitate hacce vsurus, vtrumque eorum, eadem adhuc vespera Campimonitum (*Chamouni*) arcessi curavi, vt eo commodius oculos eorum obseruare, et super visu ipsorum experimenta instituere possem.

Comperi tum fratrem seniore[m] viginti duo annos natum esse, iuniorem septemdecim, pro qua tamen aetate neuter satis adhuc adoleuerat, ita vt hic non nisi duodecennis — alter quindecim annorum pueri staturam attigerit.

Cutis eorum, praeter ruborem singularem maxime in facie conspicuum, praeprimis epidermide in niueos et tenellos fursures quasi fatifcente memorabilis erat. Capilli autem lanae caprinae similes, tum recto et omnis inflexionis experto decursu, tum insueto colore ex albo singulariter flauescente, erant insignes. Quibus etiam cilia et supercilia, et pubes tenella cum mentum tum reliquum corpus obsidens, respondebant.

Inprimis autem in oculos eorum inquisiui, quos in vniuersum cuniculorum alborum oculis perfecte similes reperi. Iride nempe tenella et fere pellucidula, valde mobili, quasi oscillante, et quae iam sub modica luce late expandebatur. Colore diluto, inter pallide violaceum et rubellum medio. Pupillis autem saturate rubicundis et fere rutilis, qualis succi rubi idaei intensior rubor esse solet. Iuniori pupulae diuersae amplitudinis erant, dextra nempe angustior.

Ad

Ad nocturnam quidem caliginem non magis quidquam discernere poterant ac alii homines. In crepusculo autem et ad lunae debiliorem lucem longe acutius ac vulgo possumus, videbant. Fulgida vero lux, siue meridiana sereno coelo, siue candelarum aliusue ignis, non quidem per se valde molesta ipsis videbatur, verum plane inutilis, cum quidem eandem sine grauiore incommodo aut dolore perferre possent, non aliter autem exinde occaecarentur, ac nos vbi solis fulgore aut niuis candore subito perstringimur.

In vniuersum myopes erant.

Ambo fratrum pro genio istius gentis satis intelligentes et habiles, vtpote qui et legere et scribere nouerant. Iunior viuacior et excitatoris ingenii. Natu maior varia inualetudine a teneris laborauerat, praesertim ophthalmia habituali.

Vterque iam pridem morbo varioloso et quidem satis graui defunctus erat, paucis remanentibus cicatriculis.

Soli demum ex sua familia, cui nomen GRASSETORVM, singularibus quas dixi affectionibus obnoxii sunt. Parentes enim ipsorum, et ternae sorores, et tertius frater, oculis et capillis spadiceis, prout ea tellus fert, praediti fuere.

Rara haecce opportunitas leucaethiopum oculos obseruandi, duplici quam titulus huius commentationis prae se fert, disquisitioni, ansam praebuit: — cum in ipsam singularem eiusmodi oculorum affectionem inquirendi, tum occasione eorum, quae in tenella et valde mobili ipsorum iride obseruare mihi licuit, motum huius membranae in vniuersum, adeo diuersimode huc vsque explicatum, inuestigandi.

De vtroque seorsim — et primo quidem de eo quo leucaethiopum oculi laborant vitio. —

SECT.

SECT. I.

DE OCVLIS LEVCAETHIOPVM.

Dignitas pigmenti nigri.

Nigrum istum mucum, qui plures oculi interni membranas obducit, eum praesertim in finem animantibus concessum esse, vt superfluum et praestringentem lucem absorbeat, non vno argumento verisimillimum redditur.

Vt enim artis imitamentum taceam, quo nempe, eodem fine tubi dioptrici, siue telescopici siue microscopici intus nigro obducuntur colore, praesertim id euincitur attenta consideratione singularis istius *pectinis* plicati quod auium oculis proprium est, et ex fundo oculi exque ipsa nerui optici insertionem productum, in medium corpus vitreum penetrat. Magis enim id lucis absorptioni quam motui lentis inferuire, quae post alios PORTERFIELDII opinio fuit, vel, vt HALLERO placuit, vasis saltem capsulae eius aduehendis, facilis comparatio oculorum ex diuersi ordinis avibus docet. Verum et pigmenti vsus eorum animalium exemplo probatur, quorum chorioideae facies interior, retinae obuersa, in fundo praesertim, elegantissimo illo *tapeto* vt vocant pingitur, et quae, aut non procul videre, aut lucem iniquius ferre posse, compertum habemus. Extat enim tapetum hoc imprimis in herbiuoris, iisque myopibus, vtpote vicinas saltem herbas dignoscere valentibus, et in feris nyctalopibus, quae noctu praedantur, interdum vero plerumque in saltibus suis delitescunt.

Demum et hoc pigmenti nigri dignitatem demonstrare videtur, quod iam tenerrimi embryonis oculos inuestiat. Vtpote quod in foetuum quinque hebdomadam et apiculam magnitudine non excedentium oculis, milii seminis magnitudine, iam repperim.

Affe-

Affectiões quae defectum pigmenti sequuntur.

Vti autem in vniuersum nihil magis ad vsum partium corporis animalis constituendum confert, quam observatio phaenomenorum quae defectum eorum sequuntur, ita et hic quem dixi pigmenti nigri genuinus vsus luculentissime comprobatur argumento eiusmodi hominum et brutorum animantium quae plenario eius defectu laborant.

Id genus homines cum primum inter aethiopas innotuerint, *Leucaethiopum* nomine iam apud veteres veniunt.

Quamquam autem neque inter hos tantum, neque, vt nuper adhuc cl. DE PAUV placuit, in torrida vnice quae tropicos interiacet plaga, — verum per vniuersum orbem, imo vt vidimus inter ipsos glaciales rigores, et in singulis earum quinque varietatum reperiantur, in quas vniuersum genus humanum commode diuidi posse, alias ostendi; — nihilominus tamen vetus *Leucaethiopum* nomen retinere, idemque generatim in omnis gentis homines, eadem affectione correptos transferre, mihi liceat.

Quod *bruta* attinet, eidem oculorum vitio obnoxia, non nisi in calidi sanguinis animantibus id observaui; maxime quidem in cicuribus aut domesticis, attamen et in aliis, tam multifariis quadrupedibus quam in non vnus generis auibus.

Vulgatissimi omnium sunt *cuniculi*, inter quos haec affectio tam late regnat, vt integram fere horum animantium varietatem constituat; tum inter *mures*, (vtique etiam ad domestica animantia referendos, quippe qui sponte sua hominis consortium sequuntur;) apud quos, quibusdam in regionibus, ab aliquot retro annis miranda copia nasci cepere.

Om nibus huiusmodi hominibus et brutis idem eleganter roseus oculorum color, quem in Sabaudis leucaethiopibus dixi, et quem a plenario pigmenti nigri defectu pendere vulgo notum est. Om nibus vero ex ipso hocce defectu visus quaedam imbecillitas nascitur, imo quibusdam vera lucis impatientia, quam photophobiam nosologi vocare: qualem inter mures candidos aliquando alui, qui adeo lucem ferre non poterat, ut vel in diluculo palpebras fere clausas teneret. Non quidem mie fugit, alios eiusmodi musculos, ut et cuniculos albos, lucem satis commode perferre; nullus tamen dubito debiliorem esse eorum diurnum visum: quod, quanquam in his animalibus non facile et certo experiri licet, euincitur tamen exemplo leucaethiopum, quos ad vnum fere omnes nyctalopas esse, nubes testium extat.

Quid in Sabaudicis istis pueris idcirca obseruauerim, iam iam protuli. Momorable autem est, eos *non semper* tam lucis patientes fuisse ac nunc sunt, cum cl. BOURRIT, qui in candidi montis descriptione ante octennium eorum mentionem fecit, expressis verbis addat, eos tum temporis diurnam lucem non sine dolore perferre potuisse. Eandem ergo et in bruta quae dixi animantia consuetudinis vim esse probabile fit, quae etiam temporis progressu, praesertim ubi ea valetudo per plures iam iam generationes in alteram quasi naturam abiit, luci assuescere demum potuere, ut eam sine incommodo saltem sustinere valeant, etiam si iis, ut Sabaudis nostris, clarior lux ad videndum inepta sit.

Idem fere in animantibus nocturnis proprie sic dictis videre est, quorum aliqua, noctuae praesertim et inter has maxime bubo, quamvis ad meridianam lucem palpebras late apertas habeat, eadem tamen luce adeo plane occoecatur, ut caute appropinquanti oculos eius bacillo ferire, imo corneam ipsam tangere liceat, antequam imminens periculum sentiat et palpebras claudat.

Roseus

Roseus oculorum color non nisi symptoma est singularis morbi cutanei.

Sufficerent haec, quae de dignitate pigmenti nigri et de visus vitiis, quae eius defectum sequuntur, dicta sunt, ad demonstrandam *morbosam* indolem leucaethiopum et quae iis similia sunt animantium, quam tamen nihilominus nuper in dubium vocare placuit cl. nonnullis viris.

At enim vero longe adhuc apertius quae diximus exinde euincuntur, quod ipse hicce roseus pupillae et iridis color non nisi *symptoma* sit alius et subinde grauioris longe affectionis, quae cutem et pilos — et in auibis pennas — occupat, easque anomala et singulari albedine inficit.

Quanquam enim primo intuitu paradoxon videri posset, elegantem cuniculorum aut murium quos dixi candorem pro morbo habere, hoc tamen re vera haud aliter comparatum esse facile patebit consideranti, eandem vitiosam albedinem quae singularem istum oculorum habitum coniunctum habet, in leucaethiopibus subinde ipsi teterrimae leprae satis similem existere, et per mitiores saltem gradus in aliis aliisque minus foedum, imo in quibusdam satis elegantem habitum prae se ferre.

Oculorum autem vitiosam rubedinem non nisi symptomaticam esse et cutaneum morbum tanquam affectionem principem sequi, vel ex eo patet, quod (quantum ego quidem noui) ille nunquam solus et ab hoc seiunctus extet, cum e contrario non raro similes cutis affectiones absque nigri in oculo muci plenario defectu observentur; nam et in India orientali et in Loangi regno, vbi *endemicus* hic leucaethiopum morbus existit, alii roseis alii magis in griseum colorem vergentibus oculis visuntur; imo ipse quondam iuuenem

noui foedo et habituali cutaneo morbo laborantem, isti simillimo, quem relationes Trankebarienses alique itinerum auctores quibusdam leucaethiopibus tribuunt, attamen caesios habentem oculos. Nusquam autem fuscis et bene valentibus oculis praeditum fuisse quempiam id genus hominum, pro indubitato affirmare ausim.

Egregie exinde confirmatur, vetus quidem et iam ARISTOTELI, viro summo, in problematibus dicta *a)*, ast nihilominus adhuc maxime memorabilis et vltiore disquisitione digna obseruatio, qua quidem constat, oculorum colorem constanter sequi colorem communium integumentorum.

In vniuersum enim notari meretur, non nisi iis animantibus oculorum varietatem esse, qui et cutis et pilorum colore variant, id quod non solis hominibus et equis, quae veterum opinio fuit, sed et aliis, ex domesticorum maxime tribu, contingere nouimus.

Consensus cutem et oculos intercedens.

Mirus exinde euincitur *consensus* cutem inter et oculos, iridisque praesertim colores, quos in vniuersum certe cutis colori respondere, in humano genere pridem obseruarunt veteres, et per vniuersas fere humani generis varietates egregie confirmatum videmus.

Ita enim, quod VITRUVIVS annotauit: sub septentrionibus nutriri gentes candidis coloribus, non de cute solum — verum et de oculis et de capillitio valere itidem veteribus iamiam vulgatum erat; vt vel IUVENALIS testatur, qui Germanis nostris coerulea *lumina* cum flaua *caesarie* iuncta tribuat.

Nostreis vero temporibus borealibus gentibus non vnius coloris oculos superesse, nemini mirum videbitur perpendenti, variorum barbarorum

a) Sect. X. p. 416. ed. CASARE.

barorum inuafiones aliasque id genus viciffitudines, quibus maioribus noftris ex mixtis connubiis mixti quoque harum corporis partium colores venerunt. Contrarium praebente exemplum Ifraelitarum gente, qui, cum non nifi inter fe nubantur, fub quauis coeli plaga ad vnum fere omnes intemeratam feruant orientem fpirantem oculorum et capillorum nigredinem.

Ne nimius fim in enarrandis eiusmodi oculorum cum capillis quoad colorem confenfus exemplis, bina faltem adhuc tangere liceat. Aethiopum nempe quibus in tanta cutis et capillitii nigredine iris quoque tam intente fusca eft, vt in viuus praefertim, non nifi propius infpecta, ab ipfa pupilla diftingui poffit; tum vero hominum ruffo et fere flammeo capillo; quibus et cutis plerumque fimilis coloris maculis, quas *epheides* vocant, confperfa, et irides fubinde fingulari plane viridefcente et praefno nitore confpiciuntur.

Verum longe euidentius intima haecce tam diuerfarum partium cenfensio in animantibus quae colore variant, elucet. Vtpote quorum iris fubinde ad amiffim pilorum colori refpondet. Ita in canibus praefertim, quorum pellis variegata eft, iridem etiam non vno colore variegatam obferuari, iam pridem dictum eft *b*). Simile quid in ouibus et equis animaduerti, in nullis aliis autem tam praeclare et luculenter ac in cuniculis; vbi grifeis, qui nempe natium et filueftrem colorem retinuerunt, irides in totum fufcos, in variegatis autem, quorum pellis nigro et niueo maculata eft, quamquam non femper eadem claritate, fubinde tamen euidentiffime irides quoque identidem maculatas reperi: in plane candidis demum, qui leucaethiopibus fimiles funt, rofeas efle, mentione vix eget.

Simili et non minus memorabili modo *faucium* quoque color apud nonnulla animantia in eundem confenfum trahitur; ita vt in

E 3

canibus,

b) I. P. MOLINELLI *Commentar. instituti Bononiens.* T. III. p. 281.

canibus ouibusue vnicoloribus linguam et palatum itidem aequali colore imbutum, — in variegatis autem easdem partes diuersi coloris maculis distinctas viderim c).

Deriuatur hic consensus ex similitudine fabricae.

Rem ita se habere, certo certius constat.

Causam vero eruere, *cur* ita se habeat, hoc opus, hic labor est.

Vti enim in vniuersum explicatio mirandae istius quae varias corporis animalis partes intercedit sympathiae, et quae iam toties tantorum virorum ingenii acumen et industriam exercuit, haud exiguis adhuc premitur difficultatibus, ita haec de qua nobis heic fermo est, si quae alia, explicatu ardua videtur.

Si quid tamen in re obscura coniecturae verisimili indulgendum est, eundem coloris in iride et integumentis consensum, ad eum sympathiae fontem referrem, quem in *fabricae similitudine* quaesiuerunt physiologi.

Quemadmodum enim aliae consensus species ad nervos, aliae ad vasa tam lymphatici quam sanguiferi generis, aliae ad alias causas referri possunt, ita et aliae ex fabricae analogia deriuantur, cui praefertim magnus quondam noster HALLERVS et in mammarum cum vtero consensione et in aliis id genus sympathiis plurimum tribuere solebat.

Quanquam autem primo intuitu non valde magna iridem inter et communia corporis integumenta praeualere videatur similitudo, curatius tamen re pensitata, non in vna re easdem partes singulariter inter se conuenire patebit.

Vti

c) Cf. ARISTOT. *de generat. animal.* L. V. cap. 5. pag. 708.

Vti enim iridis colôres in tenerrimo celluloso contextu qui primarium huius membranae parenchyma constituit, residere in aprico est; ita non minus patet idem quod integumenta communia tingit pigmentum, simili tenuissimae cellulosae telae inhaerere.

Perinde enim est, siue epidermidem et quod ipsi subiacet Malpighianum sic dictum rete, pro efflorescentia ipsius corii, siue pro membrana sui generis habeas, cuius materies cum vasis corium perforantibus emergat, eadem tamen materies non nisi ex tenui cellulosa constabit tela, eidem simili quae chorioideam et iridem et alias quas supra dixi oculi interni membranas constituit; vtpote quae eodem plane modo pigmentum nigrum ipsis destinatum recipiunt, vti Malpighianum rete, in aethiopibus praesertim, nigredinem suam recipit.

Et si generatim eas corporis animalis partes perlustramus quae simili nigrítie affici nouimus, omnes non tantum in eo conuenire videbimus quod ex tela cellulosa constant, sed, quod caput rei videtur, eandem nigredinem eiusmodi saltem cellulosum contextum amare patebit, qui in membranam expansus, et pinguedini recipiendae ineptus est *d)*, seu, quod idem est, nunquam in ea cellulosa reperiri quae corio subiacet et musculis interposita communiter animali oleo recipiendo dicata est.

Reperi enim nigrum istud pigmentum, praeter oculum internum et aethiopum simiarumque quorundam reticulum, et animantium

d) Egregie id confirmatur observatione BENED. STAEHELINI, viri elegantè docti, qui cum aliquando in vitulino oculo pinguedinem scleroticae et chorioideae praeter naturam interiacentem reperisset, pigmentum nigrum quoque illinc defecisse, et chorioideam albo conspicuam fuisse colore, annota-

vit. v. EJ. *Thes. anat. botan.* Basil. 1721. p. 13 sq. fig. 2.

Ipse quoque non vna vice aethiopum nuper defunctorum recentia capita diffecando, obseruari meatum eorum auditorium, qua aurigine vinctus est, pallefcere, neque eam prae se ferre nigredinem, in reliqua externa aure conspicuam.

tium quae dixi fauces, — saepius circa glandulas muciferas quae in homine asperae adiacent arteriae, imo in ipsa subinde pulmonum superficie: porro non vna vice in cellulosa tela quae nerueam et villosam intestinorum humanorum tunicas intercedit; tum et quandoque ouium aliorumque animalium durae meningi adspersum. Alii eandem nigredinem magna copia circa auium quorundam periosteum viderunt, qualem et ipse quoque super ranarum ossibus et hinc illinc in eorundem mesenterio offendi; vt loliginem taceam, cuius nigritiem cum aethiopum colore ex professo comparauit cel. quondam Rhotomagi chirurgus LE CAT.

Omnibus hisce quae excitauit nigrore infectis locis id commune est, quod ex tenello consistit celluloso parenchymate, pinguedinis experte et cui numerosissima vasa sanguifera vel intertexta sunt, vel saltem vicina adiacent.

Quomodo et pilorum color oculorum colori respondeat.

Verum et illam spongiosam telam, quae pilorum texturam constituit, huic de qua loquimur cellulosae valde cognatam esse, non vno probabile fit argumento. Eandem nempe cum Malpighiano reticulo originem nata, eidem quoque in diuersis animantibus variatati, — et in diuersa aetate vicissitudini, obnoxia est. Ita enim, vt alia omittam, fenescantibus aethiopibus capillitium, vsque adhuc nigrum, eodem passu albescere, quo et cutis nigredo sensim in foede pallescentem subfuluum colorem abit, notissimum est.

Nostri vero in regionibus canescentibus annosis hominibus pari modo pallescere chorioideam pridem obseruatum legimus *e*); quomodo vero in leucaethiopibus pilorum albidus color cutis candorem et nigri pigmenti in oculo absentiam sequatur, ipsi iam monuimus.

Vtraque

e) Vid. MARC. MAREVS de oculi hum. partibus et usu. Argent. 1677.

Vtraque vero pilorum albedo, natiua leucaethiopum et senum canities eandem causam remotiorem, iniquam nempe nutritionem agnoscere videtur.

Causae iridis colorem mutantes.

Sed et *iridis* color subinde easdem cum capillis mutationes subit. Apud nos sane plerique infantes albido capillo, et, quod nec ARISTOTELEM latuit, caesiis oculis nascuntur. In multis hicce vtriusque partis natiuus color posthac seruat; in aliis vero primo iamiam tenellae aetatis anno sensim in fuscum abire incipit.

Quae vero aliae dicuntur causae quae iridis colorem in hominibus aliisque animantibus mutare valeant, eae vltiore adhuc disquisitione et grauiore probatione egent.

Pertinet huc artificium cuius meminit vir et meritis in rem antiquariam et fato clarus Jo. WINKELMANN *f*), quo medicamentorum ope caesios oculos in nigros mutari posse asserit; exemplum afferens Silesiacae sui temporis Comitissae, quae id, vt votis cultorum satisfaceret, perfecte quidem, sed cum ipsius visus iactura effecerit.

Sit fides penes auctorem. — Quae vero addit, veteribus iamiam id artificium innotuisse, et DIOSCORIDEM vnicum esse qui eius meminerit auctorem, id vtrumque vacillante nititur talo: cum ea, quae non apud DIOSCORIDEM solum, sed et apud GALENUM idcirco leguntur, non iridem, sed *pupillam*, eamque ex glaucomate caesiam attineant, cui malo, vnguento ex auellanae putaminibus, sincipiti inuncto, mederi autumabant.

Ligato sectoue neruo octauu paris in canibus iridis colorem mutatum fuisse, primus et solus quantum noui auctor est cl. MOLINELLI; mihi

f) Nachahmung der griechischen Kunstwerke. pag. 171.

Comment. Phys. Tom. VII. F

mihi enim experimentum in cane repetenti, nullam exinde, praeter viuidi nitoris in lacrumante oculo iacturam, coloris quoque iridis mutationem obseruare licuit.

Tandem et in morborum dirissimo, *hydrophobiam* puta, iridis colorem mutari testes adsunt, quibus etsi fidem denegare nefas ducere, id tamen monere oportet, eiusdem subinde iridis colorem, pro lucis varietate, et intuentium vario situ, varium quoque exhibere colorem, cuius rei exemplum alias citaui, leucaethiopis nempe a. huius seculi 44 Lutetiae visi, cui MAVPERTVISIVS et VOLTARIUS, vterque autopta, — alter roseos alter caesios oculos tribuebat: FONTENELLIVS autem recte monebat, sub certo saltem situ eos rubellos apparuisse.

Conclusio de genuina leucaethiopum morbi indole.

Neque hunc ad quem iam reuertor, leucaethiopum singularem oculorum habitum, vnquam homini iamiam nato superuenisse, aut quod idem est, cuipiam fuscum pigmentum sensim euanuisse, pro indubitato asserere ausim.

Morbus ergo *connatus* et quidem non raro *hereditarius* est. Eo minus autem de *morbosa* leucaethiopiae natura dubitare licet, cum in vniuersum pallidiores oculorum et pilorum colores, debilitatem quandam designare videantur.

Ita sapiens VERVLAMIUS album colorem *defectuosum* appellauit; et reuera candidas domesticorum animalium varietates, iumentorum, equorum etc. etiamsi oculos debita nigredine obfuscatos prae se ferant, tamen minus robustas esse, vetus est annotatio.

Oculos autem, ne dicam pigmento suo plane orbos, verum modo caesios, quorum nempe vnea, obseruante iam SIM. PORTIO g) tenuiore

g) *De coloribus oculorum*, Florent. 1550. 4. pag. 34 sq.

tenuiore pigmento vestitur, debiliores aut magis sensiles esse, pridem ARISTOTELES, et inter nuperos, post Arabes aliosque, monuit cl. DEMOURS. Et id certe ex supra dictis constare videtur, nigros oculos melius solis fulgorem perferre, caesios in diluculo acutius visu gaudere; prouide itaque naturam *hos* tribuisse borealibus gentibus, quibus longiora sunt crepuscula; *istos* vero australibus, vicini sideris vapore adustis, vt PLINII verba mea faciam.

SECT. II. DE IRIDIS MOTV.

Iam ad alteram cui oculi Sabaudorum leucaeethiopum ansam praebuere disquisitionem progredior, *iridis* nempe *motum*, memorabile adeo phaenomenon, et quod summorum nostri praesertim aevi physiologorum exercitauit industriam; nondum tamen adeo exhaustum, quin adhuc multum in ea re explicanda, dubii et obscuri supersit, cui sequentibus nonnihil luminis attulisse in votis habeo.

Optime autem in praesenti defungi confido, si primum ex iis quae in variorum animantium oculorum dissectionibus, et viuorum obseruatione deprehendi, ea selecta exhibeam quae ad iridis motum illustrandum conferre videntur, quibus HALLERI, idonei sane iudicis effatum denuo confirmatum iri confido, *anatomen brutorum plus boni fecisse in physiologia quam anatomem corporis humani*; quod tamen in vniuersum vix vltiore probatione egere videbitur cuius, vel tantum ingentia incrementa physiologiae, superiore praesertim seculo ex Zootomia nata consideranti.

Ita *naturae speciei* rite considerata facile erit *rationi* verosimiliorem istius phaenomeni solutionem a minus naturae consonis discernere.

Iridis in animantibus varietas.

Et primo quidem generatim notari meretur vix aliam visus organi partem tam diuersam, in diuersis animalium generibus, exhibere fabricam, quam ipsam eam de qua agimus iridem.

Ita enim iam quod ad *pupillae figuram* qua perforata est, praeter vulgatas varietates, *transuersam* scil. ruminantium bisulcorum *h)*, aliorumque quorundam herbiuororum, et ranarum plerarumque; *oblongam* felium et crocodilorum etc. singularis plane formae pupulae in quibusdam, frigidi praesertim sanguinis animantibus visuntur.

Nulli vero animalium tam mirabilis concessa est iridis figura ac *Raiis*, quibus superior eius pars in digitatas et dependentes lacinias diuisa pupillam lunatam et pectinatim quasi excisam reddit *i)*.

Huic non absimile est pupillae lunatum operculum, iridi continuum, quod in dissectis officinalis *sepiae* oculis coriaceae tenacitatis et vt ipsam iridem praegrande; et simili ac in *raiiis* directione deorsum pendens, et superum lentis crySTALLINAE marginem obtegens reperi *k)*.

Quae vero prodidit immortalis SWAMMERDAMIUS de simili fabrica a se aliquando in *equino* oculo reperta, ea aut ad monstrosam aliquam fabricam, aut ad residuam partem pupillaris membranae proprie sic dictae, de qua infra dicendi locus erit, referrem.

Tenuia vero similis operculi vestigia et quasi prima rudimenta in *Ranae bombinae* aut *ignitae* oculis reperi; vtpote cuius irides, cor-
difformi

h) Cerui pupillam parallelogrammi transuersi figuram exhibere, primus quantum noui obseruauit cl. EANDI. vid. EJ. *Memorie istoriche intorno gli studi del P. Giambatista Beccaria* pag. 76 sq.

i) V. egregias *raiae* oculi descriptiones, STENONIS in *observ. de musc. et glandul.* pag. 68. et ill. nostri sodalis CAMPERI in *Mém. présentés* Vol. VI. pag. 191.

k) Cfr. SWAMMERDAMII *biblia naturae* pag. 880 sqq. 893 sq.

diformi pupilla pertusae, in superioris sui marginis medio in acutiorē appendiculam abeunt.

Non minor quam in figura iridis, *crassitiem* eiusdem apud varia animantia intercedit diuersitas. Aliis tenuior, aliis crassior; vtraque tamen ad texturam huius membranae inuestigandam non exiguum lucis affert.

Ita hac fine praeprimis tenuissima *cuniculorum alborum* iride, et valde crassa *phocae marinae* vsus sum, cuius oculum ab amicissimo SOEMMERRINGIO viro cl. acceptum, curatissime dissecai, et quamplurima memorabilia in eodem reperi.

Istos tum ob non vnā similitudinem qua Sabaudorum leucaethiopum oculi cum ipsis conueniebant, tum ob pelluciditatem praeferēbam, quod lente vitrea, speculo argenteo ad LIEBERKÜHNII modum instructa, intus perspicui possint: vti similem fere ob causam FERRENIUS 1) ad demonstranda sua vasa neurolymphatica caecos oculos fuscis praeferēbat.

Phocae vero iris commoda visa est tum quod ob insignem *crassitiem cultello* melius indagari posset: tum vero maxime ob elegantissimum et plane singularem modum quo vasa eius sanguifera super anteriore eius pagina decurrunt. Non enim vt in aliis animalibus ipsi vuae membranae intertexta sunt; sed innumeris et subtilissimis anastomosibus inuicem iuncta, anticae iridis faciei tanquam reticulum praetentum, ita magis nuda adiacent quam inhaerent, vt subtili vossella aut specillo integrae huius reticuli partes a subiacente crassiore iridis membrana eleuari possint. (Fig. II. a. Fig. III. a.)

De phocae oculo et visu amphibiorum excursio.

Idem mihi oculus aliam maxime memorabilem exhibuit fabricam; quam, etsi non proxime cum eo de quo agimus iridis motu

F 3

coniun-

1) Hist. de l'acad. des Scienc. a. 1738. pag. 46.

coniuncta videatur, ob variam tamen quam opticae et physiologiae impertit lucem, obiter heic tangere liceat.

Cum enim toties et tam diuersimode in physiologicis quaestio agitata fuerit de oculi pro varia obiectorum distantia aut lucis varietate mutationibus internis, aliquid super hac re luminis ab oculi diffractione maioris et quidem calidi sanguinis amphibii expectare licebat, utpote cui alternis vicibus tam cum terrestribus animantibus per aërem, quam cum piscibus per undas, vno verbo per vtriusque generis tam diuersae densitatis *medium* quod optici vocant, videndum esset. Nec spes me fefellit. Siquidem simplicem et elegantem problematis solutionem in varia quam *sclerotica* tunica diuersis in locis prae se ferebat crassitie deprehendere mihi visus sum. Quae nempe tenuem valde corneam (Fig. II. e.) proxime excipit scleroticae regio, (Fig. II. f.) crassa est et fere cartilaginea; quae hanc vero sequitur medium cingens bulbum (Fig. II. g.), attenuata et facillime flexilis; reliqua vero, quae fundum oculi occupat [quem nervus opticus in ipso eius *centro*, corneae et pupillae medio directe respondente, intrat (Fig. II. d.)] adeo denuo crassescit (Fig. II. h.), ut anteriorem quam fere cartilagineam dixi partem, duritiae adhuc superet. Facile exinde patet obsequiosum adeo bulbum, muscutorum insignium qui eum amplectuntur ope, pro diuerso cui phoca inest elemento, modo breuiorem reddi, modo vero iterum elongari posse, adeoque prout densius tenuiusue medium exigit, corneam modo conuexiorem modo planiorem reddi, lentemque globosam simul modo antrorsum magis, modo magis retrorsum pelli.

Sed e diuerticulo in viam redeo.

Iris bubonis.

Quod ergo *originem* iridis, eiusque cum vicinis membranis *nexum* attinet, nullo alio in animante tam luculenter eam sui generis

ris esse membranam, propriam, nec chorioideae continuam, vidi, ac in *bubone* aue, cui vtraque pagina aurantia et nigro pigmento plane destituta iris, ita in humore aqueo quasi suspensa fluctuat, vt margo eius exterior non nisi tenuibus vasculis sanguiferis, quibus tenerrima et pellucida membranula interiacet, ligamento ciliari annectatur. (Fig. IV. a.)

Vt res se in oculo, post mortem auis, dissecto habuerit, icones perhibent.

Verum — vt iterum HALLERI verba mea faciam — *a cadauere motus abest, sed in motu animati corporis tota physiologia versatur.*

Auidus ergo cupiebam in *uivo* bubone iridis tam singulariter conformatae motum curatius contemplari; cuius voti me compotem fecit Gener. DE WÜLLEN Ilesfeldi Dynasta, qui viuam eiusmodi auem beneuole mihi transmisit. Cum autem nudis oculis motum hunc non satis rimari possem, imo mihi myopi armato oculo propinque ad ferocem et efferatam auem accedere non liceret, peropportune fane accidit, vt iisdem quibus ea disquisitione occupatus eram, diebus, in nouis nostris litterariis Perill. L. B. DE ASCH relationem de ill. AEPINI nouo apparatu tele-microscopico offenderem. Statim ergo ex binis a DOLLONDIO confectis achromaticis telescopiis eiusmodi microscopium mihi comparauit, quod huic fini, si cui alii, peregre satisfacit. Quodsi enim amanuensis caueae auis adstans vel minimum strepitaret, bubo diductis late palpebris, quamuis occaecatus, oculos immotos in eum conuertebat, mihique e longinquo per *Aepinianum apparatus* eos intuenti commode et curate iridis motum obseruare permittebat.

Eadem quorum memini vascula, quibus margo exterior iridis suspensus haeret, et tunc facile conspici poterant; et quidem inflexa magis

magis quando iris retracta et pupilla ampla erat: paulo rectiora vero vbi iris expansa pupillam arctabat.

Pupillae diameter pro diuersa luce permultum variabat; subinde tamen eodem quoque luminis gradu mutabatur et quasi ludebat.

Iridis ipsius superficies, in oculo viuo et vitali turgore nitente, quodammodo floccosa videtur, qualem floccosam fabricam etiam hominis viui oculus mentitur; post mortem vero dissecto oculo non nisi alutae similis apparet: id quod et in *humana* iride contingit, utpote quam, etsi in viuo oculo eleganter flocculentam speciem praeferebat, in dissecto tamen ad summum clauis typhae latifoliae similem, et quasi fusco puluere dense obtectam vidi *m*).

Expansa bubonis iris ad similitudinem tenfi et laeuiusculi accedebat orbis perforati, crassioris in externo margine, ita autem pupillam versus tenerascentis ut fere pellucida et ob oculi interioris nigredinem viridescens appareret. (Fig. IV. *b*.)

Quod vero in ita explicata iride maxime memorabile visum est, singularis et oculo armato perquam distincte obseruandus erat mediae eius zonae motus, utpote quae, utroque interim iridis limbo firmo et immoto quiescente, continuo fere undulata laterali oscillatione leniter fluctuabat; interdum vero, praesertim vbi diutius fulgidis solis radiis exponebatur, quasi contremiscere visa est.

Iris quiescens retracta est.

Adeo autem inquietus et quasi spasticus erat is tremor, ut vel exinde opinionem egregie confirmatam viderem in qua me semper fuisse profiteor, statum nempe iridis naturalem, quietem scil. in
retra-

m) Cfr. cl. viri ADOLPHI MURRAY descr. canalis ciliar. in *Nov. Act. Upsal.* Vol. III. pag. 44 sq.

retractione eius, seu pupillae dilatatione, consistere; expansionem vero iridis, seu pupillam arctam, violentiorem eius esse statum.

Quanquam enim contrariam sententiam speciosis sane argumentis tuitus est egregius quondam noster ZINNIVS *n*), et qui eum sequutus est cl. FONTANA *o*), et CAJETAN. TORACCA *p*), non vna tamen ratione impediatur, quo minus tantorum virorum opinioni subscribere possim: praeprimis vero toties repetitis experimentis quae in infantibus *neonatis* super ea re institui; et quae summatim eo redeunt, quod in dormientibus quidem si caute ipsis diduxerim palpebras, arctam viderim pupulam, quae vero expergiscentibus subito dilatatur, et post breuem oscillationem pro portione valde aperta manet. Tenellorum enim infantum irides, si cum adultis comparaueris, valde retractas, pupulasque praegrandes esse, neminem fugit, quanquam oculi hacce tenella aetate tam ob supercilia vix adhuc pubescentia, quam ob arcum superiorem orbitae nondum rite efformatum, multo magis quam in adultis lucis irritamento expositi sint.

Quod autem infanti aliisque mammalibus iris sub somnum expanditur, id non inepte a *consuetudinis vi* deriuandum mihi videtur, quum foetui per longe maximum temporis spatium, quod somno imo torpore sepultus materno in vtero transigit, iris membrana pupillari clausa sit, vtpote quae nonnisi vltimis qui partum praecedunt mensibus, in pupillam dehiscere incipit.

Vsus membranae pupillaris.

Quod vero ipsius huiusce *pupillaris membranae usum* attinet, quum proxime cum ipsius iridis historia cognatus videretur, curatius quo-

n) De motu vuae 1757. pag. 57.

o) Dei moti dell' iride 1765. pag. 21.

p) Giorn. di Medicina Vol. IV. pag.

321 sq.

Comment. Phys. Tom. VII.

que in eius inuestigationem incubui, iamque eum in eo reperisse mihi videor, vt, cum formationem et perfecticnem iridis in foetu iuuat, tum vero ad futurum motum eiusdem facilitandum eandem quasi praeparet.

Vtriusque vtilitatis genuina ratio eo magis elucescit, si terminum quem dixi consideramus, quo sensim fatiscere incipit pupillaris membrana. Incidit is terminus exacte in id tempus vbi iris iam ad eam fere magnitudinem increuit, quam per totam posthac vitam seruat.

Notum enim est ex cel. pictoris HOGARTHI q) acutissima observatione, inter omnes humani corporis partes nullam aliam esse quae tam cito in perfectam molem adolescat, et tam nullum fere post partum amplius incrementum capiat, quam ipsam iridem.

Euanescit ergo membrana pupillaris, quando incrementum suum pene absoluit iris.

Quem autem ad huncce vsque terminum ipsi praestet vsum, facile patebit ex ipsa iridis figura et nexu, vtpote quae sphaerico oculi bulbo inclusa *exteriore* sui limbo firmiter affixa, pupillari vero margine aqueo humori libere innatat quasi.

Quodsi ergo paruulum tenelli embryonis bulbulum cogitamus, — qui tam breui temporis spatio *rapida quasi celeritate*, in adulti bulbi molem increfcit, vix animo aliter concipi poterit, quam quod parui istius ocelli minutissima iris, cuius exterior margo ipsi bulbo firmiter adnatus eius incrementum necessario sequi debebat, si iam ab initiis pupilla sua pertusus fuisset, adeo ab increfcente bulbo retrahi ac in strictum saltem annulum distendi debuisset, vt ipsi sane oculo demum adulto vix vlla ad arctandam pupillam facilis mobilitas superfuisset. Huic vero incommodo ipsa ista membrana pupillari perfectissime cautum

q) *Analys. of beauty* pag. 132. sq. Fig. 110-115.

tum est, vtpote cuius vascula iridis vasis continua ipsam pupillam penitus claudunt, iridique tam diu integri *menisci* figuram imperitiunt, donec foetu versus maturitatem perducto, membranula ista prae sua teneritate, tensioni magis magisque incrementis bulbi non amplius resistere valet, sed in medio suo dehiscens, vasculis suis, versus centrum arcuatim reflexis, locum praebet, dum id, quod incrementi bulbo adhuc restat, absoluitur, versus interiorem iridis marginem recedendi, et pupillam aperiendi et perficiendi.

Simul autem eiusdem membranae pupillaris ope, quae iridis vasa versus commune centrum tendit, ipsi vuae necessaria ad futurum motum facilitas praeparatur, vt et posthac, pupilla iam rite formata, quoties lux retinam ferit, eo facilius in primaevam dilationem restitui adeoque pupilla arctari possit.

Neque mirum tum in dormiente quoque animali iridem *vi consuetudinis* in statum ei similem se componere quem sub primum tot mensium in vtero somnum seruauerat.

Totam demonstrationem icon adiecta illustrabit, (Fig. I.) quae pupillarem membranam foetus humani septem circ. mensium exhibet, lente auctam, in ipso eo quem dixi termino deprehensam, quo nunc fatiscere incipit, et vasculorum eius *elliptici arcus* ad ipsius iridis, nunc incrementum suum absoluentis, marginem interiorem retrahuntur.

Quomodo vero natura in *auibus*, pupillari membrana destitutis, haud absimilem tamen effectum laterali iridis hiato assequuta sit, pridem docuit cl. PETSCHER).

Iridis cum retina consensus.

Quae huc vsque super structura iridis in humanis et brutorum oculis a me obseruata protuli, eo fine praemittenda putavi, vt ea,

G 2

quae

r) *Sylloge anat. select. observ.* pag. 6 sq.

quae iam in ponderandis viribus quibus ipsa haec iris mouetur enarranda restant, tanto paucioribus a me expediri, tantoque facilius intelligi possint.

Duplicis vero generis est caussa *remota* quae iridi motum ciet et pupillae lumen simul mutat; lucis nempe varietas: — et obiectorum diuersa distantia.

Illa ni fallor arabum medicorum principi, RHAZEO, primum dicta est *s*).

Hanc, quantum noui, primus experimentis stabiliiuit SCHEINERVS *t*).

At enim vero non ipsam iridem luce irritari, sed a retina lumine affecta in consensum trahi post ZINNII argumenta, Jo. RVD. MÜLLERI *u*) et FONTANAE experimentis confirmata, extra omnem dubitationis aleam positum est.

Disputatum ergo est, quatenus huic retinam inter et iridem consensui via pateat.

MORGAGNIUS vir summus in retina lucis impulsu vibrationes excitari coniecit, quae autorsum primo ad ciliare corpus, hocce autem mediante, in ipsam iridem propagatae huius motum excitarent.

Etsi autem non vna ratio sit quae me impediatur quo minus huic coniecturae assentiam, id tamen inficias ire nequeo, in vniuersum ea quae vulgo contra sensationum propagationem ope oscillationis neruorum, ab HARTLEJO praesertim, eiusque scholiasta cl. PRISTLEJO orna-

s) *Traſſat. I. ad regem Almanzor. cap. 8. fol. 13. ed. Lugdun 1511.* "In vueae autem medio, in loco scil. ubi grandineo opponitur humori est foramen, quod quandoque dilatatur, quandoque constringitur, prout grandineo humori caussa luminis necessarium fuerit. *Constringitur enim cum lumen*

est multum: et dilatatur cum est in obscuro. Hoc autem foramen est pupilla "

t) *Ocul. f. fundam. optic. pag. 31 sq.*

u) *De irritabilit. iridis hincque pendente motu pupillae Basil. 1760. pag. 9 sq.*

ornatam, exinde petuntur argumenta, quod mollis neruorum medulla non chordae tensae in modum oscillationi apta esse possit, mihi quidem perparum ponderis habere videri, cum eiusmodi vibrationes multo subtiliores animo concipere oporteat quam quae tam rudi chordae tensae oscillationi vilo modo comparari possint.

Longe vero probabilior est opinio eorum, qui huncce iridis cum retina consensum ex ipso repetunt sensorio communi, in quod retina luce affecta primum agat, et cuius dein reactione iris ad motum compellatur.

Et quae huic sententiae refragari videtur obseruatio PETITI, quam in ipsa cuius memini *bubone* egregie confirmatam vidi, quod nempe vno saltem oculo lucis radiis exposito *huius* quoque tantum pupilla arctetur, altera eodem tempore dilatata, ea nil aliud comprobatur quam neruos opticos quanquam inuicem coalescere videantur, tamen non intime commisceri.

De viribus iridem mouentibus variae opiniones.

Sed in vniuersum hicce iridis cum retina, quisquis demum sit, consensus, non tanta premitur difficultate, quanta e contrario causa qua iris mouetur *proxima* laborat.

Non vno autem modo eam explicare studuerunt magni nominis physiologi.

Vt enim WEITBRECHTII iatromathematicam huius problematis solutionem taceam, ab humoris vitrei expansione, — aut DEMOURSII a sola elasticitate fibrarum iridis radiatarum — aut cl. DELLA TORRE *x*) ex neruorum constrictione petitam, ceterasque huiusmodi farinae explicationes; binae aliae, eaeque longe acutiores ponderandae sunt,

G 3

sunt,

x) *Nuoue osservaz. microscopiche* pag. 68. Tab. X. Fig. 2. 3.

sunt, quarum vtraque magni nominis nuperos physiologos nata est defensores.

Alii nempe *musculares* iridi tribuunt fibras quibus varium eius motum committant.

Alii vero eundem ab humorum vario affluxu et recessu deriuant.

In vtriusque ergo opinionis fundamenta inquirere oportet.

Musculi imaginarii iridis.

Et primo quidem, quod musculares quae iridi tribuuntur *car-*nes attinet, iam id suspectum videri posset, adeo parum sibi constare earum defensores, tam in stratis et fabrica, quam in actione earum constituenda. —

Alii enim breuissime se tota re expedire putarunt, si duplex musculosum stratum iridi concederent; in antica nempe eius facie orbiculare pro constrictione pupillae; in postica vero radiatarum fibrarum ad eandem dilatandam.

Alii, vt DEMOURSIIUS priores quidem, sphincteris vice fungentes admittunt, posteriores autem reiciunt.

Alii contra, quibus et ipsum nostrum ZINNIVM assensisse constat, orbitales negant, non nisi radiatas afferentes.

Nulli sunt.

At enim vero bina sunt quae ad musculosam cuiusdam partis indolem requiruntur. Primo nempe euidenter visibiles fibrae vere carnae; tum autem in viua parte memorabilis illa vis, cuius genuina indoles ex ipsa nostra Societate vniuersae Europae primum innotuit, HALLERIANAM puta *irritabilitatem*.

Neutrum

Neutrum vero in iride adhuc cum euidente quadam veri specie demonstrare licuit.

Irritabilitatem enim genuinam illam, quae vnice musculosae carni propria ab aliarum partium similiarum contractione probe distinguenda est, iridi *nullam* esse, post tot HALLERI, MÜLLERI, FONTANAE aliorumque tentamina, propria quoque me docuerunt experimenta, in non vnus generis animantibus, canibus praesertim et cuniculis instituta, quibus, siue corneam acu perforarem, siue eandem plane rescinderem et ita cultelli apice iridem irritarem, ne minimum quidem alternae istius oscillationis vestigium detegere potui quam vere musculosae partis irritationem sequi notum est. Iridis enim sub cultello *spasticam contractionem* quam subinde obseruare licet, nemo physiologice doctus cum genuina musculari irritabilitate confundet, cum illam et numerosis excarnibus corporis humani partibus, peritoneaeo v. c., cuti, aliisque membranis omni musculari fibra destitutis, communem esse vulgo notum sit.

Quod ipsas autem putatitias fibras musculares attinet, ego quidem iridibus humanis et brutorum tam recenter microscopio subiectis, quam variis liquoribus, aceto praesertim et muria et nitro maceratis, ne vniam quidem fibram eruere potui quam, siue quod ad figuram, siue quod ad colorem, pro vere musculari agnoscere mihi licuisset.

Quod enim post felicissimam vasorum sanguiferorum iniectionem vt vocant, et praeter neruos iridis restat parenchymatis, id omne facile, vnea aquae immersa, in cellulosum dissoluitur contextum.

Praeprimis autem muscularium harum fibrarum absentiam vltro confirmat cum phocae de qua supra iam locutus sum iris, crasso et spongioso conflata contextu, facillime in cellulas, carnosarum fibrarum plane expertes, distrahendo; tum cuniculorum alborum irides,

des, vt iam monui fere pellucidae, adeo vt si vnquam adesset car-
nei quid, id in his oculi armati aciem profecto latere non posset.

Orbicularium praeterea fibrarum actionem earum iridum fabrica
non admittere videtur, quales supra ex sepia, raia, et rana bom-
bina descripsi.

Radiatis autem ingens illud inter iridem expansam et retractam
quod ad latitudinem descrimen obuersatur, in felibus praeprimis ac
noctuis tam insigniter conspicuum, et quod aliis contractionis muscu-
laris legibus repugnat, quibus musculus secundum naturam vel
vehementissime contractum tamen vix ultra tertiam suae longitudinis
partem breuiari constat.

Taceo tam variabilem et inconstantem pupillae post mortem
amplitudinem aut angustiam: taceo ipsum pigmentum nigrum, quo
musculosas vnquam obduci partes in oeconomia animali inauditum est.

*Sed et congestio humorum ad pupillam arctandam non
magis locum habet.*

Cum ergo ea quae iridis motum a muscularibus deriuat fibris
opinio, tam parum firmo nitatur talo, iam ad alterius sententiae
trutinam accedamus quae eundem aut congestioni aut recessui hu-
morum tribuit.

Duplici id fieri posse modo docetur.

Siue humorum decolorum in ipsum iridis parenchyma alterna
effusione et resorbtione, ei analoga quam in erectione et in erubes-
centia contingere videmus.

Siue vasorum saltem sanguiferorum alterna turgescencia et
depletionem.

Verum

Verum vtraque opinio non minore quam modo examinata premitur difficultate.

Nullam enim sub dilatatione iridis in eius parenchyma effusionem erectioni analogam locum habere, instar omnium me docuit oculorum in Sabaudicis leucaethiopibus obseruatio, quam posthac toties in albis cuniculis repetii; quibus omnibus in tanta iridis pelluciditate, eandem dilatatam neutiquam effuso quodam humore turgere, imo contrarium accidere, eamque quo magis expansam eo tenuiorem fieri, euidentissime est videre.

Et idem quoque in bubonis iride eodem quo dixi modo obseruatu facillimum erat, vtpote quae, luci sensim exposita, eodem gradu ex coriacea densitate (Fig. V. a.) in corneam quasi transparentiam (Fig. IV. b.) transibat.

Quo minus vero alteri sententiae subscriberem quae iridis expansionem ad sanguinis in serpentina eius vasa impulsus refert, non vna est quae me impedit ratio.

Et primo quidem ab ea quam iam descripsi, et quam icon (Fig. II et III.) curatissime exhibet, iridis crassissimae in phoca marina fabrica infirmatur, in qua scil. rete vasculosum non ipsi eius substantiae intertextum, sed antea saltem laxe instratum est, adeo vt facile quidem crassae subiacentis membranae motum sequi, neutiquam vero eam ipsam tendere et protrahere valeat.

Sed et in me ipso obseruationem isti opinioni parum sane fauentem instituendi, anno praeterito inoptatam mihi praebuit occasionem brevis quidem temporis at satis grauis pulsus intermissio, ex primarum viarum labe orta, quo tamen morbo, vt aliquam saltem ex ista aduersitate lucrarer vtilitatem, ad varias obseruationes circa pulsus synchronismum et alia id genus physiologiae capita instituendas vsus sum.

Inter alia autem exinde didici, iridis motum ne hilum quidem cordis motu turbato mutari: ita vt cessante pulsus intermissione, (quando nimis viuide sensi quo impetu sanguis denuo in arterias faciei, temporalem, labialem etc. irrueret), quieta tamen pupilla ne minimum quidem angustior exinde redderetur.

Cum id malum typum aliquem seruaret, ita vt intermissiones versus vesperam frequentiores et longiores citius se exciperent, subinde per horae quadrantem et vltro eadem continua attentione speculum inspexi, quo curatius iridem perfecte et aequaliter quietam, nunquam ab inaequali pulsu turbatam obseruare possem.

Demum et notissimo phaenomeno vasorum in motum iridis imperium conuellit, quo pupillae amplitudinem diu post mortem, imo in capite a trunco resecto a variis causis, frigoris praesertim aut caloris intemperie, subinde tam valde mutari constat, vt nullus certe suspicioni locus maneat, sanguinis in vasa inertia et vacua impetum aut regressum eam iridis mutationem perficere posse.

Iridis motus ex vita eius propria deriuatur.

Et haec quidem sunt, quibus insufficientiam istarum virium, quibus adhuc iridis motum committere placuit physiologis, satis iam demonstrasse confido.

Inesse autem iam in erronearum hypothesium confutatione aliquid meriti, etiamsi eas nulla verisimiliore compensare valemus, inficiari sane nequeas.

Iustum enim est ill. nostri sodalis acutissimi BONNETI effatum, quo erroris veteris detectionem plus valere inquit quam nouae veritatis inuentionem. Multa enim sunt quae ignorare licet; — in eo vero laborandum ne ea pauca quae scimus erronea sint. —

Ne

Ne tamen in eam reprehensionem incurram quae HELMONTIO seniori quondam vitio versa est, magis eum in euertendo quam in adstruendo occupatum fuisse, liceat mihi aliam iridis motus rationem coronidis loco annectere, quam tamen, nisi me omnia fallunt, naturae magis consonam reperient oeconomiae animalis gnari.

Et quidem eam in *vita iridis propria* deprehendisse mihi videor.

Ne autem obscurum per aequè obscurum interpretari, aut ad occultam quandam facultatem simileue ignorantiae asylum confugisse videar, id monere oportet, minime me vt motum iridis quodammodo explicarem eam *vitam partialem s. propriam* anxie tantum arcessiuisse, sed vitae huius propriae, cuius probabilitas diu ante mihi arrisit, et super qua pridem quam plurima meditatus sum, eximium exemplum mihi se in ipso eo iridis motu sponte obtulisse.

Quanquam enim celebris ista virium animalis corporis triga, *neruea scil., insita, et mortua* longe plurimis vniuersae machinae vitalis functionibus perficiendis sufficit, et magnae Societatis nostrae fundatori et Physiologorum principi, aeternum manet meritum, quod naturam harum virium, et quae ipsas intercedunt differentiae, primus rite constituit; ipse tamen vir summus subinde haesitasse videtur, ad quamnam harum virium aliquas corporis humani actiones referret? cuius dubitationis non inficianda vestigia in immortalis opere physiologico ad motum intestinalis tubi, et darctos tunicae, et vteri, et alias occurrunt.

Et reuera tam in humani corporis oeconomia quam in aliorum animantium physiologia numerosae deprehenduntur singularum partium functiones, quae admodum difficulter et non sine affectatione quadam ad eas tres vires principes referri posse videntur.

Imo insunt quibusdam organis, quorum functiones vulgo sub vna earum complecti solemus, tam longe diuersae et maxime singu-

lares potentiae, ut vix ac ne vix quidem pro vnus eiusdemque vis modificatione haberi possint. Exemplum ipsum de quo egimus visus organon praebet: utpote cuius primaria pars, retina, praeter vulgarem sensum qui ipsi cum aliis nervis communis est, et veram vim nerveam constituit, alia eaque duplici sibi propria gaudeat facultate: altera nempe qua *luminis* impulsus percipit, altera vero qua et *imaginibus* recipiendis apta est. Nam diuersas eas esse facultates praeter alia, oculorum quaedam vitia luculentissime demonstrant; diuersae praesertim amauroseos species, in quarum aliis oculum saltem imaginibus recipiendis ineptum esse quanquam lucis aliquem sensum seruarit, in aliis vero omne ipsi lumen ademptum esse, constat.

Mederi autem posse hisce difficultatibus, et sanae simul rationi et nuda naturae speciei consonum esse videtur, si praeter eam quae vniuerso corpori praest, vitam, singulare quoque et proprium vitale principium, si non singulis, tamen iis corporis animati partibus concedamus, quae singularibus motibus et functionibus peragendis destinatae sunt.

Neque defuerunt post acutissimi ingenii virum Jo. BAPT. AB HELMONT ex STAHLII praesertim affectis egregii physiologi, qui huic de qua loquor vitae propriae simile quoddam principium animato corpori tribuerent.

Sed magnus — nec huius loci labor esset, eorum super hoc principio varias et plerumque nimis vagas notiones heic in medium proferre.

Sufficiat eum qui huic excursioni ansam praebuit et ad quem iam reuertor *iridis motum* egregii instar exempli eiusmodi *vitae propriae* protulisse, quod nemini ineptum videbitur consideranti, iridem, tam quod ad fabricam et viuidissimum in multis animalibus

libus colorem etc., quam quod ad motum, nulli plane in vniuerso reliquo animali corpore analogum, tam multa habere singularia et propria, — vt et vitam propriam ipsi tribuendam esse, si non certo certius, attamen verisimile esse videatur.

Define quapropter nouitate exterritus ipsa,
Expuere ex animo rationem; sed magis acri
Iudicio perpende, et, si tibi vera videtur,
Dede manus; aut si falsa est, accingere contra!

Figurarum explicatio.

Fig. I.

Membranam exhibet pupillarem *foetus septimestris*, lente auctam, quae iam in ipso centro fatiscere cepit, et cuius vasculorum arcus elliptici sensim ad ipsius iridis marginem interiorem retrahuntur.

Fig. II.

Phocae Groenlandicae oculus a latere spectatus.

- a.* iridis facies antica, cui vasa sanguifera, non tam vt in aliis animalibus intertexta sunt, quam laxè praetenta.
- b.* orbiculus ciliaris.
- c.* chorioidea.
- d.* neruus opticus, non vt in homine aliisque animalibus imaginario quem vocant, sed *vero* bulbi *axi* insertus.

Reliqua huius figurae memorabilem eam structuram scleroticae denotant, de qua supra pluribus dictum est.

H 3

e. cornea

- e.* cornea tenuis.
- f.* crassus scleroticae annulus.
- g.* tenuis et flexilis hunc annulum excipiens regio.
- h.* iterum crassus et fere cartilagineus discus, fundum bulbi occupans.

Fig. III.

Idem oculus ab antica facie visus.

- a.* rete iridis vasculosum.
- b.* orbiculus ciliaris.
- c.* iridis sectio reflexa.
- d.* insignis iridis ad marginem exteriorem crassities.
- e.* processus ciliares.
- f.* chorioidea.

Fig. IV.

Bubonis oculus ab anteriore facie; resecta cornea.

- a.* vascula iridem ambientia eamque quasi suspensam tenentia.
- b.* iridis dilatatae margo interior, tenuis et fere transparentis.

Fig. V.

Idem bulbus a facie postica, per medium scleroticae annulum osseum, infundibuliformem, transuersim sectus.

- a.* iris retracta, complicata.
- b.* processus ciliares.
- c.* annulus scleroticae osseus, infundibuliformis, in hoc specimine ex sedecim constans segmentis, eo quem icon exhibet modo, imbricatim inuicem iunctis.

OBSER-

OBSERVATIONES
MEDICO-CHIRURGICAE
JO. PETRI FRANCK

RECITATAE

D. XIII. NOVEMBER. MDCCCLXXXIV.

O bueniunt in artis medicae exercitio complures saepe circumstantiae, sub quibus vel exercitatissimos oculos densiores obfuscant nebulae, neque nos aliter sinunt, nisi palpando progredi. Non tamen omnem ideo motum caligo mox impedit: perturbato enim apud homines sensu vno, alii magis magisque excoluntur atque singuli tandem apud coecum, visus tam egregie funguntur officio, ut hunc illis ipsis, qui linceis gaudent oculis, non raro reddant in discernendis rebus longe perspicaciorem.

Ast vero duce quodam vfos esse illos oportet, qui nunc per tenebras securi ambulant sibi quae alisae pridem frontis offendicula viarumque impedimenta varia reddiderunt tam probe cognita. Neque alia certe *Experientiae medicae* natura est, et cicatricibus incederent facie notati numerosis, qui famam aliquam in arte nacti sunt, nisi cutem alienam feriisset contusio, et nisi antecessorum pericula, propriorum aliquomodo numerum diminuissent.

Observationum medicarum fidelis historia filum porrigit in hoc labyrintho ducem optimum, et qui hoc tandem propriisque bene experienciis instructus procedit; is, ni fallor, in allevandis mortalium
miseriis,

miseriis, profunda licet nocte inuolutus, egregie tamen versabitur, neque ob noui morbi ingressum, tremulis mox fraena manibus laxabit, quae suo aegrotum fato indefensum committant. Quare, dignas notatu obseruationes, quisquis demum morborum fuerit exitus, Commentariis Academicis consignandi consuetudo, artem omni certe modo promouit, et concessa mihi abhinc in practicis laboribus utilitas me ipsum nunc inuitat, vt ex proprio penu fasciculum colligam atque Vobis tandem, Sodales perillustres, hodie offeram.

OBSERVATIO I.

DE

HYDROPE CVM VASORVM OSSIFICATIONE
CONIVNCTO.

Vltimus Serenissimae stirpis *Badeno-Badensis* Marchio AVGVSTVS, aetatem degens 65 annorum, cuiusque ad aulam annis 1769 — 71, medicus eram, a prima iuuentute constitutionis erat debilioris, sensilioris, animi pathematibus variis atque inferiorum praeprimis extremitatum spasmis vexabatur. Aetate virili haemorrhoidum fluxu laborare incipiens, huic sanguinis excretioni per 25 annos sine incommodo subiiciebatur, donec nouem ante obitum annis, sine causa manifesta, haec tandem omnino sisteretur.

Hisce vero annis catarrhis persaepe, atque aliquando leuiori pulmonum inflammatione afficiebatur. Cibis interim copiosis, farinaceis, glutinosis, salitis, crudis, rarius vino, sed per aliquod tempus a coena liquoris spirituosius, cum ceraforum nucleis parati, portione modica utebatur. Solebat Serenissimus Princeps per plures iam annos corpore ex omni parte constricto incedere: tam quod ob herniam, vt credebant, scrotalem, vinculum adhiberet; quam quod ob leue aneurisma, verum ab infelici venaesectione productum, perpe-

perpetua compressione vteretur; tam quod, ex consuetudine prava, vestem arctiorem, femora cum abdomine propius cingentem, aliis praeferret. Sedentariae interim vitae addictus, liberioris aerae atque motus corporei omni fere destituebatur beneficio.

Quinto ante morbum funestum anno, ob indigestionem, in hemiplegiam lateris sinistri inciderat aeger, a qua tamen, praeter sinistri cruris infirmitatem atque pedis eiusdem oedema, malleolos non superans, nunc auctum nunc imminutum, nullo alio vexabatur incommodo, quam quod, iam a multis retro annis, post pastum, non sine praecordiorum difficultate, alio modo, quam inclinatio paulum in dextrum latus corpore, potuerit incedere: quae tamen vacuo iterum ventriculo mox euanescere solebat necessitas.

Iam ultra annum praeter modum rubebat facies. Respiratio, vel cum e lecto esset surgendum, vel cum scalae fuissent ascendendae, saepius cum sibilo reddebatur anhelosa, et sputa mucosa, alba tussi eiiciebantur. Varia interim digestionis obueniebant vitia, et vrina saepius cruda, aquosa, pallida, copiosius excernebatur. Leuia quandoque his opponebantur euacuantia, confortantia; vena vero diu anno aliquoties secta, sanguinem offerebat crusta phlogistica plus, minus, obtectum. Assistebat interim eodem adhuc fatali anno, quas aulae suae humanissimus Princeps concedere solebat, choreis, aeremque respirabat impurum atque puluerulentum.

Die 22 Februarii 1771 Serenissimus inuaditur febre catarrhali inflammatoria, quae tamen venaesectionibus et temperantibus tam feliciter cessit remediis ut optimus Princeps, se nulla per annos tam bona grauisum esse valetudine, in suorum solatium effaretur, atque 31 Martis coram suis publice compareret.

Ast vero pristini diaetae errores respirationem mox denuo reddebant difficiliorem, augebant tussim, pedesque nouo tumore

inflabant. Somnus conceditur adhuc sat naturalis, atque in vtrumque thoracis latus eadem facilitate decumbitur, nisi quod ex consuetudine, dextrum hunc in finem praefertur.

Ex adhibita aqua *Schaidtschutzensi* nouae induciae. Ast vero 12 Maii, respiratio difficilior, hypochondria, praecipue dextrum, tensa, secretio renalis parca atque tarda. Cum interim noui errores in diaeta commissi, archiatri tunc visi essent laxantia denuo indicare remedia, eadem illa aqua minerali et tinctura rhei aquosa cum liquore terrae foliatae tartari, per 12 dies, tempore humido ac frigido, Princeps utebatur.

Augebatur vero debilitas, respirationis difficultas cum tussi, sputisque descriptis. Adhibebantur tunc pectoralia remedia, dein, interpositis diureticis, confortantia medicamina. Pulsus interim naturalis, neque palpitantis cordis ullus sensus erat. Interim respiratio adeo coercebatur, vt nonnisi erecto corpore suffocationis euitaretur periculum. Quamobrem tumor pedum oedematofus modo altiores egit radices, vrinae imminuebatur copia et aquosa magis illa reddebatur. Adhibita sunt varia remedia diuretica; ast integras extra lectulum noctes transigens, vt suffocationem praeveniret aeger, mox femora vidit cum genitalibus et abdomine intumescere, cum interim facies, cum iugulo atque extremitatibus superioribus indies emaciarentur. Accessit sub noctem febris hectica, vrinae reddebantur lixiuiosae, altero mane turbidae, cum sedimento lateritio; aluus vero saepius de die laxabatur.

Hoc tempore et meum expetebatur consilium. Pulsus inuenio inaequalem, debilem, saepiusque intermittentem. Accedit et syncope frequentior. Varia tunc adhibita sunt, quae illustres medici L. B. VAN SWIETEN, DE STÖRK, LÖRRY, STRACK, EHRLMANN, COHAVSEN, proposuerant, atque vrinam paulo videbantur promouisse remedia. Non obstantibus his, malum in dies augebatur,

batur, subitaneum saepius imminebat suffocationis periculum, aegrotum perpetuus detinebat sopor, tumorque vndique augebatur. Noctis tempore aliquoties querebatur Serenissimus de *motus undulatorii sub osse sterni sensu*; thoraci vero sinistro incumbere iamiam nequit. Urinae raras, lixiviosae, turbidae; talius de die saepius excernitur foetida, siti interim parum adaucta.

Illustris quoque nunc TISSOTI consilium exoptatum est. Ast vero mors hoc praeuenit, quae die 21. Octobris 1771, est insecuta.

Sectionis igitur in cadauere Principis a me susceptae historiam, ad ill. TISSOTVM hic apponam quantum quidem illa ad rem declarandam facere potest.

Cadaueris sectio.

Auctis scilicet praeter modum anxietatibus, respirationis et decubitus in sinistrum latus, difficultatibus, pulsu tandem minimo, oscillante, tumore abdominis non tam aucto, quam vltimis diebus indurato, aeger Serenissimus vigesima prima Octobris expirauit.

Aperto cranio, ablatisque cerebri integumentis, integrâ corticalis substantiae superficies gelatina quadam cineritia obducta apparuit; venae vero haec loca supercandentes sanguine atro tuebant. Cum ad anteriores cerebri ventriculos peruentum esset, in sinistro *vnam*, in dextro autem bene *ynam* cum semisse flauescens ferè *vniciam* inuenimus. Pulmones erant nullibi adcreti, sed sinister in suppurationem abiuerat. In thoracis cauitate sinistra erant eiusdem aquae *octo*, in dextera vero, *quatuordecim* vnciae. Aperto pericardio, vbi praeternaturalem, maioremque lymphae copiam, ex motu illo in cordis vicinia undulatorio expectauissem, nonnisi duae vnciae fuerunt detectae.

In corde ipso polypi plane nulli, neque in eius vasis maioribus, quae videbantur sana. Sed quod mirabar, arteriae cordis

coronariae ab exortu suo plane omnino erant *offesfactae*. Ad abdominis sectionem progressis, se obtulerunt intestina admodum turgida et inflata: aquae vero limpidae librae circiter sex effluxerunt. Nullum plane vel in pancreate, vel in mesenterio, vel in hepate vitium detegere licuit. Arteriae renales cartilaginosa naturam ac duritiem exhibuerunt, crassitie ad ambos renes, caeterum sanissimos, adaucta. Mox ab arteriarum renalium ex aorta egressu, haec *osseam* induebat naturam, paucis solummodo hinc inde locis confervata indole membranacea. Taliter vsque ad suam in arterias Iliacas divisionem descendebat: quae ambae, matris naturam infectae, *osseae* ad ambo femora pergebant.

Haec sunt, atque mira satis, quae me cadaueris docuit sectio causasque morbi fatalis reddunt clariores, qui, nescio quo fato, tres iam patriae meae Principes, *patrem* scilicet, LUDOVICVM heroem quondam Germaniae famigeratissimum, et ambos, qui successerunt in regimine, filios, LUDOVICVM atque tunc AVGVSTVM Marchiones, quorum singuli osseas corpore gerebant arterias, singulos hydrope pectoris abstulit.

Epicrisis.

Superfunt aliqua, quae super hunc morbum litteris consignare temporis tunc ratio non permiserat. Incommodum scilicet illud, quod Princeps in vita senserat ad praecordia, dum vellet erecto post mensam corpore incedere, et leuamen, quod ex eodem in dextrum latus reclinato, percipiebat, ex cadaueris sectione erant eruenda. Vetabat autem huius a me publice et coram illustribus, a Serenissimo Principe ac Marchione *Badeno-Durlacensi*, successore, constitutis commissariis, noctis ad ingressum institutae, decor et ratio, ne in singula, prout in minus nobili cadauere fecissem, subtilius inquirerem; interim symptomatis singularis rationem mox detexit

detexit hernia, non quidem, ut sibi persuasum habuerant, intestinalis, sed omentalis, quae forte vinculo non debuisset coerceri: quid quod testiculus ipse dexter (in quo loco omentum erat prolapsum) sat insigniter intumuerat et, forte quod Princeps ex equo pridem ad illum alliserat, sarcocelen sic dictam nobis sistebat: cui tandem tumori omentum ipsum a ventriculi maiori curvatura oblique et rectis latae adinstar ad abdominalem annulum descendens, firmiter adcreuerat. Vacuo igitur stomacho minus tensum, erecto corpore incedere facile permiserat; mox vero ab assumtis cibis et mutato repleti ventriculi situ, non potuit non Principem, ut corpus tunc ad dextra et anteriora reclinaret cogere.

Patrem vero ambosque Marchiones filios, aetate nondum decrepita, cum osseo arteriarum maiorum systemate demortuos esse, cum tamen inter illum belli ducem indefessum, atque hos pacificos Principes, tanta, quoad vitae rationem, intercesserat differentia, illam quoque illustris TISSOTI, in datis ad me litteris humanissimis, attentionem omnem mereri visa est. Ex veste autem arctiori, cui aeger in vita erat adsuetus, corporisque perpetua constrictione, videtur mihi imprimis haemorrhoidalis ille fluxus diuturnus facile posse explicari; neque sine ratione, harum in nouem ultimis vitae annis, cessationem ex hac demum insecuta vasorum abdominalium maiorum offescentia, deriuauerim: cum, imminuta vasorum diametro, sanguinis portio longe minor per meseraicam inferiorem arteriam atque vasa hypogastrica, atque sic systemati haemorrhoidali afflueret.

Ast vero huic ipsi sanguinis impedimento frequentes illos catarros, pulmonumque, leuiore licet, inflammationes, in viro, ad has, alias non multum disposito, adscripserim: quibus tandem ipsa pulmonis sinistri substantia in pus fuerat conuersa. Neque aliam fuisse in tribus his principibus hydropis, quam in praeternaturali

hac vasorum immutatione, rationem, mihi facile persuaferim; atque mihi vero non videtur ab simile, morbum quandoque certis familiaribus proprium esse vasorum ossescentiam.

Actionem vero diureticorum hic in renes nullum fuisse, ex renalium arteriarum ad duas tertias fere imminuta diametro, facile explicare potui, neque impediri tunc in me cogitatio poterat, num idem forte vitium in arterias spermaticas agendo, in causa fuerit, cur ex ultima hac *Domus Badeno-Badensis* stirpe nulla vnquam progenies fuerit enata. Vltimum, quod adiciam, id est, quod illustris MORGAGNI etiam hac mea obseruatione, ultra confirmetur opinio, ex palpitazione motuque vndulatorio sub sternum ab aegris persensum, ad *pericardii hydropem* nequaquam cum certitudine posse concludi.

OBSERVATIO II.

DE

HAEMORRHAGIA PERFORATIONEM CALVARIAE INHIBENTE.

Iuuenis rusticus 24 annos natus, robustus et sanus, die 5. Augusti 1774 a rixante milite, peracuto ita percutitur gladio, vt ad anteriorem conuexamque ossis frontalis partem dextram, in distantia pollicis vnus cum dimidio a futura sagittali apud adultos oblitterata, vulnus, obliquo ad hanc ductu, externam cranii laminam diuideret ac eleuaret. Longitudo duos pollices superabat, latitudo adaequabat dimidium; finis extremus laesionis a futura coronali distabat pollice integro.

Aeger conditionem suam nemini reuelauit, sed salem in aceto solutum vulneri, vt sanguinem sisteret, adplicuit.

Die 8 Augusti. Vulnus siccum tetricumque habitus: varios scilicet eidem pulueres insperferat iuuenis, de nullo, praeter dolo-
rem,

rem, symptomate grauiori conquestus. Dilatato igitur vulnere, ad diploen vsque obliquo hiatu illud penetrare inuenimus, cumque praeter pulsum plenum et febrilem nullum aliud vrgeret symptoma, praeter venae sectionem nihil est adhibitum.

Versus 11. *Augusti*, aeger pectore alias sanissimo praeditus, tussim frequentem patitur, cui se thoracis dextri adiungit dolor punctorius. Vena ob id in secundam vicem secta, enemata aliquot iniecta, et antiphlogistica leuia laxantia sunt adhibita, sub quibus illa symptomata sopiebantur. Vulnus tegebatur pure laudabili, et die 14. *Augusti*, lamina ossea, gladio iam ex parte separata sponte secedebat. Labia vulneris optimi sunt coloris et omnia sanitatem mox futuram promittunt.

Die 24 *Augusti*. Pristina circa pectus symptomata recrudescent, augetur calor, aegerque difficulter respirat. — Adhibitis vero praedictis remediis, malum denūo victum videbatur.

Die 28 tota faciei pars dextra oedemate intumuit, quod, vbi herbis aromaticis siccis leniter fouebatur, fere in integrum euauit. Caetera symptomata sunt optima.

Die 5 *Septembris*, augetur in multum tumor oedematofus, incrementum febris, aeger inquietus est et difficulter respirat.

Die 6 Versus noctem, vulnus siccum, liuidum; quae iam in illius sinu excreuerat substantia sana, vulnus carne adimplens, haec nunc fungosa est malique adpectus. Vena de nouo aperitur et perforationem cranii die 7. *Augusti* institui curo.

Coronam igitur instrumenti perforatorii ita imposuit chirurgus vulnere, vt eius sectio medium illius occuparet. Vix vero ad diploen pertigerat, cum annulus a coronae dentibus in caluariae osse productus, sanguine mox repleretur, quem ex pluribus arteriis provenire docebat motus huic vasorum generi proprius. Spongia eductus sanguis illico de nouo

nouo repleuit annuli cauum ita vt hoc opus, in hac saltem cranii parte, absoluere, non datum fuerit. Augebatur haemorrhagia et plures arteriolae videbantur aperte sanguinem, non quidem copiosum, eiaculari; super genas mox defluentem.

Cum tamen de operationis necessitate fuisset omnino persuasus; nouum eligere locum studui, cui corona perforatorii instrumenti posset adplicari: ast vero aeger mox exclamat, se mallei quasi ictus in cerebro persentire visumque sibi deficere.

Sequebatur nunc lipothymia, a qua res aegri pessimum in statum mox fuit conuersa, pulsu paruo, celeri, inaequali, respiratione vero difficiliore redditus. Versus noctem accesserunt deliria, extrema frigus occupauit; die vero sequenti post meridiem aeger e vita secessit.

Sectio cadaueris.

Dissectum cranium offerebat caluariam crassitie hinc illinc valde inaequalem. Nulla per sic dictam vitream tabulam fissura penetrauerat. Interna caluariae seu ossis frontalis superficies, quae illi loco respondebat, cui perforans admotum erat instrumentum, excauata fuit ita, vt fabam mediocrem facile reciperet: hunc vero locum concuum *septem vasa* totidem foraminibus perforabant et ad ossis substantiam migrabant, diploe hic omnino destitutam, hinc multo tenuiorem. Cum igitur sic dictae coronae dentes, super hunc locum agentes, in eo iam prius ad ipsam peruenerant laminam vitream, quam in aliis dimidiam caluariae crassitiem penetrauissent; vasa illa oportuit necessario dilacerari atque sanguinem in illis contentum profundum: quemadmodum aliqua potuerunt conspici foramina, quae, postquam per laminam cranii vitream penetrauissent, in ipso artefacto circulo ferra desinebant disrupta. Tam dura mater, quam, ablatis tegumentis, ipsum cerebrum naturaliter se habebant, neque liquidum

dum illis extrauafatum inhaerebat. Ventriculus cerebri dexter aquae circiter vnciam continebat subflauae: ad basin vero cerebri, sanguis ad vnciam vnam cum dimidia stagnabat. Pulmo dexter cum pleura concretus, vlceribus obtegebatur.

Commentatio.

Videtur omnino mortis causa in extrauafato hoc ad fundum calvariae sanguine quaerenda esse; neque dubitandum credo, hunc a prima cerebri concussione fuisse effusum. Prima interim symptomata hunc cerebri statum nequaquam indicauerant.

Hepatis suppurationes a vulnere capitis saepius adnotarunt obseruatores medici. In nostro casu videtur omnino et pulmonis vitium non inique a cerebri affectu deriuandum, vel sic dictam inflammationem consensualem huic cerebri perturbationi esse attribuendam.

Attentionem vero meretur haemorrhagia ab operatione nata, aegroti sub ea singularis perceptio et insculta mox fyncope cum euidenti symptomatum incremento, iam altera die in mortem abeunte. Certe insuetus adeo non est vasorum ad internam calvariae superficiem et caueas huic insculptas lusus, quae non minimis adeo truncis laminam vitream aliquando perforant. Quamuis igitur hanc ob rationem calvariae perforationem, vbi vere indicatur, minime recusauerim, cum et ipsos super cerebri sinus institutam, felix euentus comprobauerit: esse tamen momentum non minimae considerationis aliquod crediderim, ne, nouo consilio, mox a prima molestorum aliquot symptomatum apparitione, ad trepanum inconsulto confugiamus. Non quidem detexi sanguinem a laesione extravasatum caluariam duramque inter matrem stagnauisse; quodsi tamen opus absoluisssem, videtur omnino tale quid fuisse exspectandum; neque dubito, quin, in certis diffracti cranii casibus, vbi, post

illius in vna parte perforationem, sanguinem durae matri incumbentem detegimus neque tamen, eo educto, symptomata leniuntur, sanguis nouus ex ipsis forte perforatione laesis vasis effluxerit, eductique cruoris locum ipse occupauerit: quod saltem in illis casibus attentione dignum esse mihi videtur, vbi, post institutam similem operationem, in demortuis sectio legalis instituitur et de sanguine hic haerente quaestio nascitur, num ante perforationem susceptam hic exstiterit, num vero hanc, et quidem num ex naturali, vel mutata ossis fabrica, fuerit insecutus.

OBSERVATIO III.

DE

PARTV DIFFICILI OB HYDROPEM INTESTINORVM.

Cum anno 1775, mense Decembris, Principem Episcopum *Spirensen*, cuius tunc Archiater eram, WAGHÄUSELIAM comitarer, locum amoenum, passuum duo fere millia ab vrbe munita, quam *Philippiburgum* nominant, distantem, accidit, vt, (vna cum amico) post prandium, hanc ciuitatem ambulando peterem. Pharmacopolium ibidem inspicere cupidus, vidi, a veterano medico *puluerem ad partum difficilem* fuisse praescriptum. Cum ab hoc parum esse sperandum, iure credidissem: inquisiui, quibusnam sub circumstantiis in hac vrbe, tunc expertis obstetricibus necdum bene instructa, puluis ille tam necessarius potuisset videri. Mox autem ipse a parturientis marito, qui aduentum meum in urbem perceperat, ad vxorem accessitus sum.

Parturientem vegetam 43 annos habentem, octo iam prolium matrem, per horas 24 et vltra, inanes ad partum, quem crediderant proximum, dolores vexauerant. Refert praesens huic operi
obste-

obstetrix, caput foetus, toto hoc intervallo, cunei adinstar haesisse, nec vlla dolorum vi vel artis adminiculo potuisse e loco moueri. Rem hanc ipse explorans, illam multo se aliter habere facile mox percepi: infantile enim caput videbatur inferiorem peluis aperturam ex parte iam fere transgressum, atque colore erat flauo nigroque deforme.

In capite igitur retardati partus causam non inueniens humerum forte ad os pubis haerere, neque tamen, hoc in situ, tanto ante truncum spatium caput protrudi potuisse credidi, atque mox dubitare coepi, num colli inter se adhuc vertebrae cohaererent? Auribus enim non raro ab obstetricibus prehensum, atque alio violento modo protractum foetus caput a trunco separari, cute iuguli, vtpote magis extensibili, adhuc integra, experientia noueram.

Atqui sic rem se omnino habere, mox potui detegere: colli enim vertebrae distractae, spatium inter se vacuum, cute tamen obtectum, exploranti offerebant digito. Caput igitur foetus mortui, vtpote remoram partui faciens, vi minima a trunco separaui. Mox vero persentiebam, humeros, cur corpus foetus caput praeuium non insequeretur, in causa non esse. Interim vterus, effluentibus iam ante multas horas aquis, circa infantile corpus valide constringebatur. Brachium dextrum, quod inquirenti se mihi offerebat, protrahere satagens, nixus matris in prolem editos, et ex altera parte omni modo secundabam. Cum haec non sufficerent, alterum quoque eduxi brachium: neque tamen euentus tunc votis magis respondebat, sed brachia foetus, capite iam a trunco separato, a thorace facili opera diuulsa sunt.

Quare in tanti impedimenti causam vltius inquirens, diffractis primum, digitorum ope, ne conuerso foetu ceterum laederent, colli ossescentis acutis angulis, truncum, in quantum potui,

ad latus pelvis dextrum dimoui, viamque paravi manui, cui tandem altius ascendenti pes sese obtulit. Arrepto hoc, alteroque mox quaesito, non dubitavi, mox totum infantis corpus hos, secundum pulvis axim a me protractos, esse nunc infecuturum.

Ast vero nova mox impedimenta persentiebam, neque dubium tunc supererat, quin abdominalis foetus hydrops, seu *ascites*, partem moraretur. Diagnosi per manum vtero immissam confirmata, instrumentum perfodiendo foetus abdomini adcommodatum deerat. Forficem igitur longam, quam scindendis chartis adhibent, credidi hoc supplere: sed altius haerebat foetus abdomen, quam ut hoc demum instrumento illud adtingere datum fuisset, neque sic dicto *perforatorio capitis* communi, si ad manus etiam fuisset, villo modo potuisset perforari. Legem ergo novam imposuit necessitas, cui obtemperans, scalpellum manui dextrae vterum denuo petenti ita commisi, ut omne laesionis periculum manus propriae volam, non muliebria, respiceret. Cum sic ad infantile abdomen peruentum esset, illud, non tamen sine magna difficultate, cum id vnica, eaque compressa fortiter ab vtero constricto, manu, peragendum fuisset, perfodi.

Effluxit mox aquae circiter libra. Cum tamen volumen abdominis exhinc non multum imminueretur, dilatato sensim vulnere atque immisso fat largae plagae digito, aquarum nunc satagebam promouere effluxum vltiorem. Sed et haec conamina votis non respondebant.

Difficili ergo lentoque partus labore, quem, pedes ad pelvis axin caute trahendo, promouebam, post horas noctisque ingressum, opus hoc feliciter tandem absolutum est.

Mirabai

Mirabar foetus protracti menstraeque superimpositi molem plane insignem, neque videbam, quomodo tam turgidum abdomen e pelui exitum potuerit aliter inuenire, nisi, visceribus cum diaphragmate in pectoris cauum protrusis: abdominis sic latitudo et volumen multum quoque decreuissent, et tarda dolorum vis optato fuisset auxilio. Sed aucta mox est admiratio, dum vulnus ad duos fere pollices infra vmbilicum foetus, in vtero adhuc haerentis, abdomini a me inflictum, amplum satis atque in cauum illius penetrans, immixtis denuo digitis, nullam tamen aquam profunderet.

Abdominis igitur integumenta atque musculos nunc dissecai, illiusque cauum inueni, intestinis aqua pellucida turgidissimis omnino repletum. In ipso abdominali cauo aquae nullae haerebant: interim vulnus huic in vtero inflictum vno in loco ad *intestina* penetrauerat, ibique canalisis alimentarius ad palmae vnus longitudinem erat in se collapsus. Ast nulla erat caui perfossi cum caeteris intestini cauis communicatio; sed totus intestinorum tubus ex amplis vesicis seu ampullis, inter se distinctis, in diuersis locis contractis, interne connatis, coecis, aqua limpida distentissimis, constabat. Ex totidem igitur et plus quam viginti saccis, amplitudine inaequalibus, formabatur *hydrops intestinalis*, qui in crassis praecipue intestinis maioribus turgebat cistis, quarum aqua, inflicto minori vulnuscule, cum impetu, quin sociae per idem foramen potuissent depleri, profiliebat.

Aquae vero non infra octo libras in cauo intestinali sic contineri, mediocri calculo potui coniicere. Temporis enim penuria (nam solus tunc aulam medicus insecutus eram et urbis munitae portae nunc erant obserandae, quae regressum ad illam hac nocte erant impediturae) subtiliorem casus rarissimi inquisitionem, quam valdopere desiderauissem, omnino denegauit. Interim puerpera a

difficili certe labore multum quidem debilitata, feliciter tamen est restituta, et in hanc usque diem optata gaudet salute.

Narratorum adumbratio.

Exemplum *hydropis intestinalis* me legisse non memini: quàm ob rem summopere dolui, quod praeternaturalem hanc intestinorum constitutionem ulterius et pro dignitate inuestigare non potuerim. Non tamen, vt arbitror, absque fructu, futuris in casibus erit obseruatio, vbi partus, ob infantilis abdominis molem, retardatur et expertae manus sibi exposcit auxilium. Aquis in hoc cauo collectis, molem illius insigniter posse augeri, plures aliorum et propriae obseruationes testantur, atque perforationem integumentorum abdominis, tunc recte institutam, mox collapsi foetus enixus solet insequi.

Ast et *hydropem* abdominis *saccatum*, vel et *hydatides* hic aliquando subesse, aequè possibile est: quo fit, vt simplici abdominis perforatione, aquae non euacuentur, et chirurgus rei causam non suspicans, circa adhibenda tunc auxilia dubius anxiusque haesiturus sit.

Oportet igitur, in simili casu, abdominis cauum tam *amplo vulnere* aperire, vt, nulla in eo fluida vllò modo posse contineri, quae non facilem queant exhinc inuenire exitum, reddamur securi. Quodsi et ego hoc in casu vltra simplicem perforationem fuisset progressus: potuissem certe partum multo expeditius, quam feci, absoluere; ast vero cum aquae parua tantum portio primam abdominis vulnerationem esset insecuta: poteram de illis, quae in causa erant, modo non cogitare; vt vero cogitent demum alii, exemplo hoc monere, non credidi esse superfluum.

DESCRI-

DESCRIPTIONES PLANTARVM

ALIQVOT

NOVARVM ET RARIORVM

AVCTORE

JO. ANDREA MURRAY

PRAELECTAE

D. XII. FEBR. A. MDCCLXXXV.

Pugillum Vobis, Sodales, plantarum exhibeo, earumque florentium, quae proxime praeterlapso anno vel primum in horti R. botanici possessionem venere, vel, post aliquot annorum in eo commorationem, primos flores emisserunt. Erigit inter multiplex laborum, molestiarum, taediorum, valetudinis offensusarum, genus, quod cum hortorum botanicorum cultura, ut numero civium, ordini, decori, munditiei prospiciatur, iunctum est, et cuius nonnisi DILLENII, BOERHAAVII, LINNEI, JUSSIEUI, JACQUINI, apti iudices existunt, animum praefecti in primis hoc, quod vigilantia sua et amicorum, cum quibus commercium litterarum alit, liberalitate, quae non auro sed animorum propensione et mutuis officiis redimitur, quotannis formam horti mutatam experiatur, mox stirpes obtutui subiiciat, quarum desiderio per longam annorum seriem flagrauerat, mox ciues antiquas, quas steriles et effoetas sub asperiori climate iudicauerat, praeter spem et opinionem laete efflorescere prolemque ferre cernat, mox stirpes, quarum altum in scriptis botanicis silentium, scrutari contingat. Si eam voluptatem instar praemii

praemii curarum haud mediocris habeas, recte quidem facis, modo memineris, nihil probabile ne ab artifice quidem proferri in medium posse, nisi quis rei, quam peragit, amore teneatur. Capit eum praecipue nobilis ambitio cumulum addendi antea inuentis nouasque stirpes in posteritatem producendi, quo in auso quam facile sit labi et decipi, quilibet peritior fatebitur, quum statione diuersa vel cultura habitus stirpium subinde mirum in modum mutetur, nec in libris botanicis vbiuis ea diluciditas et accuratio vel prolixitas obtineat, qua ad discernendas stirpes opus est, et imagines additae saepe plus elegantiae, quam fidei, prae se ferant. Augetur haud parum difficultas, si nouitatis pretium non ex solo LINNEI Systemate, sed et libris praecedentis omnis aetatis, qua res herbaria scientiae nomen meruit, metiendum sit. Etenim in vetustioribus quibusdam monumentis latioris ambitus, PLUCKENETI, PETIVERI, BARRELIERI, RHEEDII, RUMPHII, aliorum, variae latent stirpes, quae, ob aliquam in descriptionibus vel iconibus labem, indicibus vniuersalibus, quorum certitudo summa lex est, indi haecenus non potuerunt, recentis autem plantae, quae nostris oculis sese offert, comparatione vitam suam quasi et vigorem recuperant et ciuitatis iure potiuntur. Via quae ad hosce fontes ducit, abdita saepe est mirifice, et anfractibus lacunisque multis interrupta. Nec planior et directior euadet illa, donec aliquis ferrea patientia nec mediocri doctrina botanica imbutus, neglectarum plantarum vel dubiarum catalogum vel repertorium, quod vocant, elaboret. Multum tamen iuuat ex historia botanices litteraria librorum argumenta probe perspecta habere. Subinde cognita stirpis patria illuc deuehimur, quae, si ignoratur, diutius longe non raro oberrare cogimur. Non parum quoque leuamur empirico quodam, fateor, auxilio, sed tamen non spernendo, eo scilicet, quod libri ampliores, qui miscellas observationes botanicas continent, sedulo peruoluantur, non tum modo, quando stirps quaedam nouitatis speciem prae se ferens exquirenda, sed

sed et praeter necessitatem hanc: ita inopinato saepe in memoriam recurrit imago stirpis, quam nouissime modo in conspectum botanicorum venisse alias existimaretur. Plurimum igitur interest, in contubernio perpetuo eiusmodi librorum versari, quos quoniam, ob carius pretium, raro priuati hominis res fert coëmere, depraedicanda est quorundam principum liberalitas, qui propriam bibliothecam in vsum praefectorum horti siue, quod idem est, in incrementum scientiae, instruendam duxerunt.

Quousque nouitatis dignitas extendi debeat in plantis istis, quas iam Vobiscum communico, ipsi, Sodales, iudicate. Equidem, vna excepta, reliquas in locupletissimis LINNEI recensibus non inueni, et in aliis, ad quos coniectura deducere me posset, plerasque pariter frustra quaesiui. Quae de duabus Paeoniis adieci, obuiam ibunt vltiori earum cum aliis speciebus huius generis confusioni, in cuius quibusdam exemplis haud parum dictu difficile est, quaenam stirps Species, quae Varietas vocanda sit.

EVPHORBIA CYATHOPHORA *Mihi.*

EVPHORBIA umbella trifida multifida, appendice calycino cyathiformi, foliis plerisque panduraeformibus, infimis caulinis ouatis.

Semina eius à peregrinante hortulano obtinui, qui de patria nihil exponere sciuit. Primo anno sationis, quam praeterito vere institui, succreuit, floruit et semina maturauit, initio intra vaporarium dein in caldario seruata. Vnicum exemplar modo emerfit, quod adhuc viget, sed caule ad basin non lignoso, vnde fruticosa declarari stirps non potest.

Planta pedalis, hispido pilosa.

Comment. Phys. Tom. VII.

L

Truncus

Truncus erectus, crassus, infra subteres et pilosus, supra angulatus, subflexuosus et glaber, inde a basi, quae minutis foliorum vel ramusculorum propaginibus obsidetur, ramosus, internodiis vix pollicaribus.

Rami ad exortum gibbosi, angulati, quaquauersum dispositi, pilosi praecipue inferiora versus, patentes, vltra truncum ascendentes, omnes fertiles. Horum inferiores cruciatim oppositi, crassi, compositi, ramulis alternis, foliosi, aucti ad latus ramulo breuiori gracili, simplici, apice modo foliosi; superiores alterni, infra nudi.

Folia oblonga, lineata, horizontalia, bipollicaria, supra glabra, deorsum pallide viridia venis pilosis, petiolata, difformia: scil. infima caulina subaxillaria, ouata, acuta; superiora panduraeformia, angulato dentata, maculis albidis notata, laciniis lateralibus acutis, impari rhomboidali acuminata.

Petioli deorsum conuexi et hirsutiores, supra plani, foliis quadruplo breuiores, varie flexi, patentes.

Vmbella trifida, multifida, pedicellis breuibus.

Inuolucrum vniuersale vix aliud, quam folia vmbellam obualantia, quae vel panduraeformia sunt, vel lanceolata, serrata; breuia, vtroque casu versus basin colore carneo picta, vnde valde speciosa apparent; *inuoluccella* plane nulla.

Flores omnes hermaphroditi.

Calyx monophyllus, ouatus, quinquedentatus, dentibus obtusis laciniatis, erectis.

Corolla nulla, nisi membranulas aliquot pellucas multifidas velis, intra calycem continuo reconditas, vixque ab eo ob tenuitatem separabiles. Huius loco

Nectarium



Nectarium cyathiforme, luteum, subcompressum, margine crassum, calycis superiori parti extrinsecus adhaerens, sed illo breuius dimidio, scatens succo melleo, vnicum, rarissime duplex.

Stamina supra 12, et *Pistilla*, vt in genere.

Capsula glabra, in flore centrali tetracocca, alias tricocca.

Animaduersiones.

Distinguitur ab omnibus mihi notis Euphorbiis iisque, quas recenset LINNEUS in *Diff. de Euphorbia* (*Amoen. acad. Vol. 3. p. 103.*), appendice calycis cyathiformi et colore carneo summorum foliorum. Praeter *E. heterophyllum* L. et hanc, nulla foliis panduraeformibus instruitur. Quidam florum marginalium foeminei videntur, sed intra calycem stamina fertilia latent, etiamsi capsula extra illam propendeat. In *Sytemate* quartae subdiuisioni (**** *Umbella trifida*) pone *E. diuaticatam* addatur.

Explicatio iconis Tab. I.

Fig. 1. Stirps ipsa, naturali magnitudine.

2. Flos microscopio conspectus.

SILENE PROCVMBENS *Mihi.*

SILENE *calycibus ouatis inflatis erectis obsolete decemangularibus, petalis subauriculatis bifidis, caule procumbente.*

Nulla adscripto nomine huius femina inter Vralensia multa a. 1779. collecta a generosissimo L. B. AB ASCH obtinui, quae subsequente anno terrae mandata demum a. 1784. medio m. Julio primos in area horti flores tulerunt. Probe sub dio hiemes nostras fert.

Planta perennis, debilis fragilisque, glaberrima.

Radix albida, vertice turiones multos oblongo ouatos protrudens, ex trunculo exiguo tereti ramosa ramis paucis longis calamo scriptorio paulum crassioribus, perpendicularibus, versus apicem gracilescentibus, hinc inde ad latera fibrosis.

Caules copiosissimi, bipedales, graciles, teretes, quaquaversum directi, procumbentes, instructi internodiis pollicaribus basi geniculatis, ramosissimi et apice per plures diuisiones trifidi.

Rami versus basin caulis longiores, ad dodrantem vsque longi et alterni, versus apicem autem breuiores et trifidi, ascendentes, patentissimi, ceterum cauli similes.

Folia angusta, acuta, glabra, sed margine scabra, ceterum integra, plana, sursum, vena media excepta, fere auenia, deorsum aliquot venis manifestioribus notata, opposita, horizontalia, sessilia, basi connata; horum caulina maiora lanceolata, ramea minora lineari subulata.

Flores solitarii, erecti ex dichotomia caulis et apicibus ramulorum lateralium oriundi, hinc terni apparent, infidentes pedunculis breuibus, erectis, teretibus, subpubescentibus, quorum medius subinde breuior.

Calyx inflatus, ouato oblongus, basi subplanus, lineis decem prominulis longitudinaliter distinctus, purpureo-viridis, quinque-dentatus dentibus erectis.

Corolla pentapetala, albo-purpurascens, vngue angustato, lamina obtusa, obouata, subbifida, ad latus subauriculata, subtus picta venis purpureis, basi supra aucta denticulis binis ferratis, qui reliquis iuncta coronam ad faucem formant.

Stamina decem, quorum quinque longiora vngues corollae longitudine exaequant.

Pistillum



Pistillum : *Germen* vnicum, ouato-oblongum; *Styli* tres, subulati, aequantes stamina maiora; *Stigmata* nulla distincta.

Capsula ouata, supra coarctata in apicem obtusum, sexfariam dehiscens. *Columella* tuberculis sextuplici serie dispositis notata.

Animaduersiones.

In hac *Silenes* specie, prout reliquis, quas examinaui, intra calycem columna siue receptaculum exstat, cuius apici et filamenta staminum et germen infixa sunt, eodem modo, vt in *Passiflora* fit. In *S. Armeria* haec columna adeo dimidiam longitudinem calycis exaequat. In *Cucubalis* breuior et crassior est.

Stirpis, quam descripsi, flores paucos modo fructus maturos ferunt. Transferenda in Systemate ad tertiam generis subdiuisionem (***) *Floribus ex dichotomia caulis*) pone *Silenem pendulam*.

Explicatio iconis Tab. II.

Fig. 1. Caulis foliiferus et floriferus.

2. Radix.

3. Flos, cuius calyx vi reuolutus, vt receptaculum staminum et pistilli conspiciatur.

4. Petalum.

5. Germen cum pistillis.

6. Capsula cum receptaculo, quo suffulcitur.

HIBISCVS ARENARIVS Rottböll.

HIBISCVS foliis palmatis quinquepartitis, pedunculis axillaribus petiolo longioribus, calyce externo triplo internum superante. MIHI.

Sub nomine praefixo obtinui semina Hafnia a Demonstratore botanico cl. VIBORG. Seruavi triuiale, ne alio etiam si aptiori molestus essem his, qui dicto iam assueuerint. Florere incepit stirps medio Julio et continuauit per Augusti subsequentiis primum dimidium.

Planta annua, in vaporario colenda, habitus piloso pubescentis, mucilagine scatens.

Folia seminalia duo, subrotunda, cordata, opposita, petiolata, trineruia, petiolo tereti aequalia.

Radix ramoso fibrosa, ramis gracilibus longis horizontalibus, fibrillas vndique tenuissimas decompositas spargentibus.

Caulis erectus, sesquipedalis, strictus, culmi frumenti crassitie, teres, subasper, tectus pilis horizontalibus maioribus, inter quos copia minorum, ramosus.

Rami multi, alterni, quaquauersum directi, breues, vix palmares, pollicem circiter distantes, patentes, pilosi eodem modo, quo caulis, axillares.

Folia caulina et *ramea*, excepto infimo caulis subrotundo, palmata laciniis quinque lanceolatis, obtusis, vel integris vel hinc inde dentatis, quarum laterales et minores inter se confluunt, impar, quod maximum, ad basin fere vsque soluitur; quinqueruia, pubescentia, oblique dependentia, alterno diametro, sesquipollicaria, petiolata.

Petioli subcompressi basi et apice nonnihil inflexo, crassiores, pilosi interspersa pube, horizontales, foliis longiores.

Stipulae duae, setaceae, horizontales, pilosae.

Pedunculus vniflorus, solitarius, lateriflorus inter ramulum et folium, petiolo longior et gracilior, teres, patentissimus, piloso pube-



pubescens, versus apicem sub angulo obtusissimo articulum formans, paullo crassiores, lineas duas longum.

Flos magnitudine fere *Maluae rotundifoliae*.

Calyx duplex, persistens: *externus* decaphyllus, pilosus, foliolis setaceis corollam fere aequantibus et apice illam tangentibus; *internus* cyathiformis, semiquinquefidus laciniis ovatis, acutis, carinatis, triplo breuior externo.

Corolla pentapetala, albo rubella, petalis ovatis, plerumque oblique excisis, basi angustatis, hinc foramina quinque in fundo corollae comparent.

Genitalia declinata.

Stamina Filamentis multis, in columnam albam concretis, apice liberis; *Antheris* luteis.

Pistilli Germen globosum; *Stylus* linearis, filamenta staminum exaequans, apice in decem fila diuergentia diuisus; *Stigmata* rubra, capitata.

Capsula globosa, subdepressa, quinquelocularis et quinquevalvis, futuris quinque eleuatis.

Animaduersiones.

Superficie inferiori foliorum et calyci externo adhaerent globuli pellucidi mucilaginosi, quos forma liquida ex pilis foliorum et calycis exsudasse arbitror. Quidam adeo satis tenaciter pilorum apicibus adglutinati sunt. Natales eorum ex mucilaginosa natura columniferarum intelliguntur.

Explicatio iconis Tab. III.

Stirps naturali magnitudine.

GERANIVM

GERANIVM TEREBINTHINACEVM.

GERANIVM *calycibus monophyllis reflexis, foliis pinnatifidis sinuatis viscosis, caule fruticoso.* MIHI.

Sub isto, quod addidi, nomine ramusculos aliquot huius elegantis fruticis recentes aestate praeterita obtinui, cui ansam sine dubio dedit balsamicum liquidum, quod herba eius aestate praecipuis exsudat. Hoc odore me iudice ad Jasminum propius accedit, qui ipse contactu digitis adhaeret. Flores verò similem sed subtiliorem sponte spargunt. Serius cognoui, proximis hisce annis in hypocaustis Angliae item Galliae haud raro fruticem hunc obuenire, et ibidem cl^{um} AITON, praefectum horti R. Kewensis, auctorem nominis haberi. Neque in Dissertatione BURMANNIANA de Geraniis, nec in LINNEANIS operibus memoratur, nisi, quod ad haec attinet, Geranium quercifolium LINN. *fil.* (*Supplem. plant. p. 306.*) idem sit, quod quidem sub breuitate descriptionis non satis certe constitui potest.

Frutex, cuius magnitudo ex ramulis terrae infixis definiri certo nequit, qui quidem ex dodrante in altitudinem trium circiter pedum ante finem Januarii anni praesentis succreuerunt. Habitus vinctuoso pilosi.

Truncus (dicto temporis termino) pedalis, teres, calami cygnei crassitie, annulatum nodosus, vestitus cortice rimoso, obliquus, pilosus, apice ramosus.

Rami diuvaricati, supradecompositi, teretes, pilosi, pedales supraque, alterni, internodiis bipollicaribus; *Ramuli* breuiores, patentes, ceterum instar ramorum.

Stipulae ad exortum ramorum vel petiolorum duae exiguae ex basi lata acuminatae, margine reflexae, pilosae, horizontales, marcescentes.

Folia

Folia sinuato pinnatifida laciniis ouatis obtusis obsolete crenatis, infimis maximis plerumque bilobis, reliquis sensim minoribus, pubescentia, viscosa, sublineata, mox alterna, quod crebrius, mox opposita, idque subinde per totum ramum, petiolata.

Petoli teretes, basi latiores, longitudine fere foliorum, patentes.

Pedunculi longi, palmares, teretes, patentes, oppositifolii vel axillares, pilosi, apice crassiores, quinque - octoflori.

Flores umbellati pedicellis brevissimis, suffultis involucri polyphyllo, saepe pentaphyllo, foliolis ouatis bipartitis vel palmatis, adpressis, marcescentibus, tum deciduis.

Calyx monophyllus, extus pubescens, basi tubulosus tubo infra ad latus gibboso, quinquepartitus laciniis duabus latioribus, medio reflexis, acutis, apice canaliculatis, post anthesin patentibus.

Corolla pentapetala, patens, irregularis, alba. Petala cuneiformia, emarginata, quorum duo superiora maiora, picta versus basin lineis purpureis binis vel ternis et supra hasce macula difformi, tria inferiora minora, picta medio macula pallide purpurea.

Genitalia deorsum versa, longitudine fere petalorum inferiorum.

Stamina inaequalia, septem octo vel pauciora. *Filamenta* subulata, albida, basi coalita, quorum breviora gerunt *Antheras* luteas, longiora purpureas. Praeter haec adsunt filamenta gracilia, antheris destituta.

Pistillum vnum staminibus paullo brevius; *Germinē* oblongo villoso; *Stylo* et *Stigmate* quinqueradiato, purpureis.

Fructus haecenus non maturuit.

Animaduersio.

Collocetur in Systematis subdiuisione prima (qua species fruticosae pedunculis multifloris continentur), pone Geranium gibbosum.

Explicatio iconis Tab. IV.

Ramus naturalis magnitudinis situsque.

Transeo ad Paeonias duas, quarum neutra pro dignitate sua et necessitate haftenus examinata est.

PAEONIA ANOMALA L.

PAEONIA calyce folioso, capsulis glabris depressis. LINN. *Syst. veg. ed.* 13. p. 417. *ed.* 14. p. 502.

PAEONIA capsulis glabris, calyce folioso petalis longiore. LINN. *Mant.* pag. 247.

PAEONIA fructibus quinque glabris patentibus. GMEL. *Fl. Sibir. T. 4.* p. 184. *Tab.* 72.

Non dubito illi, in quam iam curatius inquirere mihi proposui, plantae haecce synonyma adiudicare, licet ill. PALLAS iam a. 1778. semina eius nomine Paeoniae heterophyllae mihi miserit, et ab auctoribus nominatis p. anomala breuius modo nec in omnibus satis recte descripta fuerit. Icon GMELINI haftenus vnica est, sed, ob formam chartae electae minorem, stirpem speciosam plus iusto abbreviatam sistit. Post sex annos in horti area primum floruit. Frequens in montibus Altaicis et Sibiricis est, vbi vmbrosa planities vel riui reperiuntur (PALL. *Reise T. 2. p. 555.* vbi p. foliis fissis vocatur), hortos vero Europaeos rarius occupat, vt vel inde colligo,





colligo, quod rarissime in catalogis hortorum, qui vndique verē ad me confluunt, comparet. Confundi aliquando cum alia specie paullo post proponenda quoque expertus sum. Tres modo caules floriferos in horto nostro exeunte Maio protrusit.

Planta perennis.

Radicem, ne vim afferrem plantae, attingere nolui.

Caules plures ex vna eademque radice, stricti, pennam cygneam crassi, obliqui, teretes, solidi, glabri, circiter tripedales, simplices, versus apicem nonnihil flexuosi, infra plerumque aphylli et purpurascens, basi instructi squama vna vel duabus concauis, quarum vna maior ouato oblonga, altera subrotunda.

Folia glabra, supra profunde viridia, subtus pallidiora, venosa, nitentia, radicalia vix vlla, alterna, petiolata. *Caulina* sex vel septem (praeter floralia), ternata, laciniata, incisa, laciniis pinatifidis, lanceolato linearibus, margine integris, in orbem dispositis, conuexa, horizontali dependentia; horum infima maxima diametri dodrantem excedentis, biternata, magis partita. *Floralia* incerti numeri, linearia, subulata, subundulata, reflexa; horum quaedam a calyce distantia, alia eidem approximata et foliolis calycinis connexa, vt calycis partem constituent, sessilia.

Petiole foliorum caulinorum vniuersales longi, quorum inferiores sesquipalmes; teretes, sursum canaliculati, basi crassiores. *Partiales* similes, medio reliquis longiori.

Flos vnicus, magnus, terminalis, cernuus.

Calyx irregularis, persistens, polyphyllus constans ex foliis tribus ouatis, concauis; pallidius viridibus, seta vel in apice vel pone illam auctis, dimidio breuioribus, quam petala, corollae

proximis, aliisque incerti numeri plerumque tribus, saepe pluribus, lanceolato linearibus, corolla aequalibus vel longioribus, venosis, inter se et cum reliquis tribus coalitis, feta subinde pone apicem pariter instructis.

Corolla irregularis, violaceo rubra, petalis inconstantis numeri sex, septem, octo, initio concavis, paullo post oblique reflexis, ouato oblongis, margine erosis, intus rugosis basi emarginatis.

Stamina numerosissima, petalis quadruplo breviora. *Filamenta* linearia, albida. *Antherae* magnae, luteae, oblongae, didymae.

Pistilla quatuor duobus exemplis, quinque vno. *Germina* totidem ouato oblonga, acuminata, glabra, pallide viridia. *Styli* nulli. *Stigmata* semilunaria, compressa, rubra, margine tumido pallidiori.

Calli numerosi gibbi inter stamina et pistilla. Hosce in nulla alia specie horti nostri animaduerti.

Capsulae glabrae, ceterum vt in charactere generico (LINN. *Gen.* pag. 273).

Semina plura, ouata, nigra.

Explicatio iconis Tab. V.

Planta naturali magnitudine.

PAEONIA INTEGRΑ *Mihi.*

PAEONIA foliis biternatis, foliolis integris ouatis, corolla regulari integerrima.

Icon:



Icon: JO. MILL. *Illustr. Syst. sexual.* inter Polyandras, sub nomine *Paeoniae officinalis*, perperam.

Ita nuncupo Paeoniam quandam, a reliquis omnibus, foliolis latis suis iisque integris et purpura variis, praeter florem, partibus aspersa facillimo negotio distinguendam. Nomen, quod illi imperitui, triuiale spectat tam ad integritatem foliorum, quam petalorum. Depingere stirpem superfluum duxi, quum venustam iconem eius JO. MILLERUS iam praestiterit. Descriptione autem omnino adhuc eget accurata. Offendi eam hinc inde in hortis eorum, quibus speciosi flores in deliciis sunt. Floruit versus finem Maii sub dio duobus exemplis.

De *Radice* nihil habeo, quod dicam, quoniam illi parcendum fuit.

Caules plures, pedales, obliqui, simplices, hexa-heptaphylli, apice et ad axillas purpurei, basi flexuosi, dein recti, subteretes, glabri.

Folia biternata, horizontalia, pallide viridia praecipue subtus, foliolis ouatis, cordatis, acutis, repandis, subneruosis, palmaris fere longitudinis, inaequaliter concavis, venarum basi purpurea, pinnis imparibus foliolorum lateralium subinde binatis.

Petiolus *uniuersalis* sesquipalmaris, basi crassior, patentissimus, purpurascens, teres absque sulco. *Petoli partiales* diuaricati, superiori dimidio grate purpurei; horum impares reliquis longiores et vltima diuisione canaliculati.

Flos solitarius, terminalis, erectus.

Calyx irregularis, tertio corolla minor, constans ex foliolis duobus vel tribus concavis purpureo reticulatis, et vno vel duobus foliolis frondosis.

Corolla pentapetala, regularis, violaceo purpurea, picta venis profundioris coloris, petalis ovato oblongis, concavis, margine integerrimis,

Stamina multa, *Filamentis* purpureis; *Antheris* flavis.

Pistilla tria, *Germinibus* totidem hirsutissimis tomento albo; *Stylis* nullis; *Stigmatibus* compresso semilunaribus.

Capsulae tomentosae, ceterum vt in genere.

Semina, qualia in praecedente specie.

Animadversiones.

In *Paeonia officinali*, cuius multas varietates eleganter depictas praestitit *Hortus Eyslettenfis*, petioli quidem pariter trifidi sunt, sed foliola numeri incerti, et multis formis lobata, caulis obsolete fulcatus.

HENRI-

HENRICI AVG. WRISBERGII
OBSERVATIONES ANATOMICO - PHYSIOLOGICAE
DE
NERVIS ARTERIAS VENASQVE
COMITANTIBVS

§. I.

*Nervorum in vasa influxus, assertus et
denegatus vicissim.*

HALLERI verba, elegantem suam propriam *de nervorum in arterias imperio* theoriam refellentia, quam cum in Commentariis ad Boerhaavium tum paullo post in egregia Dissertatione proposuerat, perlegenti, et difficultatem explicationis in re tanti momenti expendenti, minime indifferens esse potest summi Viri prolatum iudicium. Vt enim ipse cum magna argumentorum copia, persuasionis valore *narrationis flumine* et facundia, tum observationum anatomicarum vbertate, studio et applicatione verisimiliter ostenderit, nervorum circa vasa plicatorum laqueos, mox stringendo, mox vicissim relaxando tantas et saepe tam stupendas in corpore excitare mutationes; sic paullo post ex nimio irritabilitatis amore, et pro nimia in eam stabiliendam et propugnandam procliuitate "totam hanc deseruit laqueorum theoriam, (sunt ipsius viri immortalis verba), ab anno 1752 in secunda „sectione commentarii de partium sensibilitate. Vt enim probabilis „videri

„videri possit, repugnat certiori phaenomeno, nerui nempe, dum
„musculum in motum ciet, perfectae quieti.”

Cedere itaque debuit hypothesis alii: an probabiliori? an naturae magis consentaneae? Dudum omnino et summo cum iure dubitarunt, stringendi vim in partibus omnibus corporis humani irritabilitati adscribendam esse, quae visibilem oscillationem, crispationem et palpitationem particularum ostenderet. Quot sane motus manifestissimi in corporibus viventibus cum animalis tum vegetabilis naturae contingunt absque omni sensibus percipienda partium abbreviatione, aut vlla longitudinis imminutione? Fefellit procul dubio magnum virum laqueorum anfarumque neruearum circa arterias circumuolutio, qualem in subclauia arteria dextri lateris et aorta descendente vterque recurrens ex octauo, et circa art. thyreoideam inferiorem et subclauiam in vtroque latere intercostales nerui in ganglia ceruicalia media et infima abituri formant. Talium sane anfarum plures, dictis longe maiores fortioresque, in chiasmate neruorum brachialium, axillarem arteriam transmittente, et neruo tibiali communi in poplite, diuisionem arteriae popliteae sustinente, animaduertuntur. De omnibus illis ansis et laqueis vno filamentum laxum vas transiens continentibus, sine vlla veritatis specie creditum et assertum esse putamus, stringi inde vasorum lumina, sanguinis circulum inde mutari, constrictione augeri, et mediante hoc mechanismo animi pathematum primaria symptomata in oculos incurrentia, faciei ruborem et pallorem, produci. Vt hoc praestent, longe maiore sane opus fuisset longitudinis neruorum imminutione, quam in vlllo musculo cernimus, quin imo haec ipsa arterias venasque altius tolleret, motum liquidi contenti, cum totum canalem non amplectantur, nulla ratione sistere, sufflaminare et minuere, liberioresque vicissim subsequente nerui laquei relaxatione reddere, affluxumque quodammodo augere possunt.

§. 2.

Influxus neruorum probabilior redditur.

Verum enimvero si factum ipsum minime in dubium vocandum est, animi sensa pro diuerso corporis habitu, temperamentorum conditione, sanitatis statu cum secundo tum aduerso, idea menti vel mitius vel grauius inhaerente, tam amore quam odio, tam gaudio quam tristitia, spe aequae quam metu, iracundia, cupidinis venereae incendio, aliisque modis corpus in hac vel illa parte vehementer affici, vt mox rubore et ira excandescat, mox pallore exalbescat, vt mox cum vniuersum corpus, tum quaedam loca profusissimo sudore madeant, mox ariditate fere cutis siccetur, vt liquorum saliuorum bilisque fontes largius aperiantur, qui alio tempore vero, et sub aliis conditionibus iusto parcius fluunt, vt crises in morbis perfectae toties tum quantitate cum natura materiei criticae tam saepe mutentur et q. s. a. Quae omnia inquam cum ita sint de causa probabili et vera cogitandum omnino est, quae haec efficiat. Dispiciendum est vniuersum corpus in minoribus et magis latentibus partibus, quae corporea structura mere corporeos producat effectus.

§. 3.

Eiusdem argumenti continuatio.

Neruorum in vasa imperio hunc animi affectuum effectum accensendum esse, partim ex amabili decursu et neruorum cum vasis frequentissimo connubio, partim ex singulari proportionem, qua nerui tam diuersimode per corpus disperguntur, coniectura iam quodammodo prospiciendum erat. Modum vero explicationis inuenire res non adeo facilis est. Spirituum neruorum et fluidi neruei dominium quamdiu ingenia adhuc irretita tenebat, nemo ausus est, solidae neruorum parti functionis rationem adscribere. Minime

autem opus esse existimo ad hypothèses Argenterii Stahliique refugere, et nos tamen nihilominus de probabiliore neruorum actione per solida firma et tenacia filamenta conuincere. Exceptis enim paucis organorum sensoriorum locis in retina, molli vestibuli pulpa, tenerioribusque bulbulis in digitis, glande penis etc. in omnibus fere locis vniuersi corporis in tenacissima fila et membranulas, tensioni saepe satis forti resistentes finiuntur, in plexibus saltem oesophagum vasaque corporis omnia amplectentibus, tantam firmitatem tantumque robur ostendunt, vt de constringendi potentia nulla locum habere possit dubitatio.

At vero hypothefibus non immorabimur, ipsa corporis nostra interiora lustraturi operam dabimus, quid *quinti*, *septimi octauique* paris et *intercostalis* cum pluribus artuum neruis nos respectu plexuum circa vasa formatorum doceat: Selegi enim praecipuis hos corporis animati neruos, quoniam in efficiendo partium quam maxime dissitarum consensu et harmonia, medico ad diiudicandos effectus saepe haud praeuisos et inexpectatos, tam necessaria cognitu plurimum conferunt.

§. 4.

Neruorum plexus circa ductus excretorios.

Nec minorem sane attentionem postulat obseruatio in omnibus cadaueribus confirmata, quod, prouti vasa sanguifera, arteriae praecipue, ita etiam ductus excretorii plerisque in locis sedibusque prae aliis vberiore filamentorum nerueorum copia cinguntur et circumvoluuntur. In maioribus vasorum truncis id quidem vel raro vel nullibi fit, hinc pauci vel saltem exilissimi nerui comitantur aortam descendentem, cauas venas, earundemque maiores ramos, et validiores crassioresque nerui ab his vasis remotiores sunt. Vasis autem in minores ramos dehiscentibus, et ad loca vbi praecipuis

functio-

functionibus inseruire debent properantibus, neruei furculi cum iisdem sese iungunt, et pari passu factis circa ea elegantissimis plexibus et retibus cum iisdem decurrunt. Talia coniunctionum exempla praecipue in Infraorbitalibus, Transuersali faciei, Maxillari inferiore, Vertebrali, Coeliacæ et mesentericarum distributione Renali et in omnibus fere artuum arteriis. Exinde vero enascuntur multiplices nerueorum filamentorum implicationes excretorios canales et ductus stupenda ratione amplexantes, quales nemo sine admiratione in ductu *Stenoniano* cernere potest, vbi coalitiones ramorum buccinatoriorum et massetericorum ex ramo tertio quinti cum variis furculis ex communicante faciei, eundem ductum cingunt, ita pariter in ductu *Whartoniano*, quem plexus rami lingualis quinti, in pelui renali furculi ex plexu renali, et in canalibus bilariis, quos rami ex plexibus semilunaribus amplectuntur.

§. 5.

Notabilia loca ubi ramuli neruei quinti paris vasa amplectuntur et cingunt.

Quinti neruorum caluariae paris dignitas, quod praeter tot musculos et cutis loca neruis muniens, plurimis inter omnia alia neruorum paria sine dubio sensoriorum organorum instrumentis sentiendi impertit facultatem, iam prae reliquis accuratius et perfectius descripta est, cum non solum a b. MECKELIO a) et HIRSCHIO b) ex instituto vniuersi nerui historia verborum expositione enucleata sit, sed nuperrime quoque ab ill. SCARPA c) difficilis huius nerui particula

N 2

nouis

a) *Diff. de Quinto pare neruor. cerebri.* Goett. 1748. et descriptio ganglii sphaeno-pal. in *Mem. de Berl.*

b) *Diff. sist. Disquisitionem anat. paris quinti neruorum encephali.* Vienne 1765.

c) *Annotat. anatom. Lib. II. de organo olfactus praecipuo et de nervis nasalibus interioribus e pari quinto neruorum cerebri.* Ticini. 1785. 4.

nouis inuentis cum descriptione tum nitidissima rami naso-palatini, ossium turbinatorum, et palatinorum delineatione aucta et amplificata fuerit.

Solertissimi autem hi viri cum in prosequenda huius nervuorum paris historia suum cuius scopum prae oculis habuerit, mihimet ipsi iam connubium quorundam eius furculorum cum vasis perscrutari proposui.

§. 6.

In ramo primo s. ophthalmico frontali.

In ramo primo quinti paris seu ophthalmico Willisii, melius ophthalmico frontali nominando, nervulorum circa vasa complicationes praecipue in ramo eius frontali, qui integri rami primi finis est, memorabiles et conspicuae sunt.

Quamuis enim ramulus nasalis cum in formandis nervulis ciliaribus, tum in progressu ad nares et in continuatione eiusdem in infratrochlearem, ita pariter ramus lachrymalis circa arteriolas quae cum his nervulis versus glandulam incedunt varias formant circa vasa plexulos et reticula, cedere tamen omnino debent illis nunc iam in frontali describendis. Vt vero melius et accuratius discerni illi nervuorum furculi possint, qui in retia circa vasa frontis abeunt, in capite, cuius vasa perfectissime repleta fuerunt, cutis cum pericranio a calvaria solui et super orbitas, remota parte orbitaria ossis frontis, reclinari debet, ut in inferiore cutis et reliquorum integumentorum superficie vasorum nervuorumque progressus cerni possit.

Nervus igitur frontalis antequam orbita exiuerit, in media aut paullo anteriore eiusdem parte emittit adhuc ramum supratrochlearem, qui se binis vel tribus arteriae ophthalmicae ramis, quae nunc iam nomen suum cum denominatione frontalis commutat, et qui rami
in

in coniunctionem cum arteria angulari oculi interna ex nasali abeunt, et venae ophthalmicae initio se immiscet, et reticulis variis factis, cum in corrugatore superciliarum et orbiculari palpebrarum musculo, tum in palpebris circa easdem ludit. Ipse nervi frontalis truncus autem nunc iam inter arteriam frontalem et cognominem venam in ophthalmicam abeuntem per foramen orbitare superius orbita exit. Si arcum orbitarium ossis frontis attigit, statim cum arteria in duos vel interdum tres ramos, qui deinceps in plures minores diuiduntur, dehiscit. Tres illorum denuo bifurcati amplectuntur ramum arteriae venaeque, et easdem in reticula et plexulos mutati ita comitantur, vt fasciculus vasorum inter duos nervulorum furculos lateraliter collocatos incedat, qui filamentis partim ex vno nervulo, partim ex altero emissis cinguntur. Vnus eorum ramorum idemque fere maximus magis versus anteriorem frontis regionem temporalem inclinans, occurrit ramo arteriae temporalis orbitam petens et pariter binis furculis cum arteria progreditur, variisque versus arteriae truncum temporalem filis intermediis eandem ambit, et cum filamentis nervueis ex ramo temporali profundo ex musculo in cutem prouenientibus coit.

§. 7.

De usu et sequelis horum plexuum in laesionibus fronti illatis non improbabilis opinio.

Cum ad explicanda varia in corpore humano occurrentia phaenomena, quorum expositio et naturae consentanea euolutio ex fabrica partium anatomica repetenda est, saepe de singulari usu et influxu plexuum nervosorum circa vasa ludentium cogitarem; et fere conuictus essem, tunicis vasorum minorum tantam nervulorum copiam vix impendi posse, quod maiores trunci illis careant, aliumque igitur adhuc usum et scopum subesse debere, praecipue

me excitavit etiam amplexuum illorum neruoſorum ratio in fronte et locis vicinis, eorundemque circa vaſa luſus et amica- biles alliga- tiones. Rediit mihi his meditationibus dedito in mentem, qua- lem non raro Chirurgis metum iniecerint læſiones fronti illatae ad producendam amauroſin aliaque oculorum mala.

Ipfæ caſum ſcio, vbi ex grauiffimo cutis in limitibus frontis et ſincipitis ante futuram coronariam, ad cranium ipſum penetrante vulnere, diu poſt ſanationem remanſerunt in vtroque antea perfecte ſano oculo tunicae coniunctivæ inflammationes et moleſtæ lachry- mationes ſpontaneæ, poſt anni demum tempus ſua ſponte ceſſantes.

Tractavi alium aegrotum, qui lapſu in terram notabilem cutis in arcu ſuperciliorum dextro contuſionem, præciſe illo in loco vbi fa- ſciculus arteriæ et nerui frontalis per foramen orbitare ſuperius orbita egrediuntur, paſſus eſt, ſubſequentē et diu remanente oculi dextri dolore, tumore, albugineæ inflammatione et lachrumarum im- moderata et vix coercibili profuſione. Annuo circiter ſpatio præter- lapſo ſenſim enarratæ moleſtiæ minuebantur, et tandem plane ceſſarunt.

Semel aegroto iuueni aliquot tumores cyſticos in fronte verſus glabellam et in occipite hærentes nucis auellanae magnitudinis ex- ſecandos et exſtirpandos curaui: Finita vulneris ſanatione, ter vel quater ex leuiſſimo pedum refrigerio vehementi laboravit oculo- rum inflammatione. Nunc iam ab aliquo ætatis et vitæ ſuæ ſpatio decurrente, licet omnibus aeris et tempeſtatum iniuriis ſeſe expo- fuerit, frequenter venatum proficiſcatur, et in veneris caſtris non modice militare ſoleat, ab omni oculorum incommodo liber et immunis eſt.

Equidem non negabo, vulnera caeſæ fronti inflicta ſubſecutam eſſe guttam ſerenam, aut aliud quoddam oculi interioris vitium viſui inſidio-

insidiosum; at enim vero, an tales amauroses ex sola nerui frontalis in fronte laesione, ex communicatione nempe, quae huic neruo, mediantibus neruulis ciliaribus, ex ramo eiusdem nasali, et radice communicante cum pari tertio et ganglio ciliari, cum interioribus bulbi partibus intercedit, ortae fuerint, id mihi propter exilitatem illorum neruulorum ciliarium, qui ex ramo primo hoc quinti, cuius neruus frontalis continuatio est, proueniunt, admodum improbabile esse videtur.

Insequi autem posse, si reuera annotatae fuerunt, arbitror ex mutatione quadam grauiore in interiore encephali parte sub ictu contingente, quae nos latet, cum vita aegroti superstes examen profundioris cerebri regionis, ex qua neruus opticus ortum petit, aut nerui ipsius, non admittat. Ex quibusuis vero externarum regionum laesionibus et operationibus ibidem interdum cum vtilitate et prosperitate aegroti suscipiendis, quales tumorum cysticorum exstirpationes sunt, si partibus in caluaria contentis nulla illata iniuria fuerit, visus priuationem metuendam esse, mihi nullo modo persuadeo.

Sequelae igitur enarratae, quae nisi semper, tamen frequentissime omnes illas fronti et regionibus vicinis inflictae plagas, contusiones, tumorum cysticorum et tunicatorum exstirpationes, forsitan etiam trepanationem in fronte et sincipite peractam comitantur, ex mea quidem sententia potius arteriae frontalis ramis et neruulorum eorundem circumuolutioni, quam neruo soli adscribendae sunt.

Quodsi enim vnus vel alter maiorum arteriae frontalis ramorum maiorum percissus est, lumina eorum peracta consolidatione vulneris clauduntur, et liberum sanguinis per arteriam ophthalmicam irruentis iter, obturatis pluribus arteriae frontalis osculis tollitur. Ex quacunque itaque causa congestiones versus caput oriuntur, oculus labora-

laborabit, donec successu temporis laterales arteriae frontalis rami cum temporalibus coeuntes ampliores redditi, liberiores sanguinis ex orbita in frontem transitum, haftenus impeditum, denuo admittant. Quo itaque restituto incommoda oculi sua sponte pro futuro cessant.

§. 8.

Plexus neruorum ex Ramo secundo quinti seu Maxillari superiore vasa sequentes.

Nec minus memorabiles quin potius celebriores sunt et copiosiores neruulorum circa vasa complicationes ex *Ramo secundo quinti* enatae. Iam ipse integer *nerui maxillaris superioris truncus* in canale suo et in fissuram sphenomaxillarem ingressu, et inuolucro suo cinctus, pluribus circumlegitur vasorum tenellorum surculis, qui in subiectis idonea materie repletis egregium offerunt visui spectaculum. Aperta dein membranacea illa capsula, quae fissuram sphenomaxillarem inuestit, et in pinguibus subiectis adipe repletur, quaeque aliquantisper, in interiore saltem lamella, durae matris propago est, arctissime sane cum duro neruorum inuolucro cohaeret, elegantius adhuc vasorum rete ipsam nerui substantiam obducens in conspectum prodit, quod omnes maiores ramos sequitur, et praecipue ganglion sphenomaxillare nitidissime amplectitur.

Qui deinceps rami progrediuntur, siue singuli siue cum alio coniuncti, vasa quilibet sua cingunt, et cum iisdem ad varia capitis loca, quibus destinati sunt, abeunt, quorum vero amplexus in nullo tam grandes et multiplicati sunt, quam in neruo infraorbitali, tam in canali suo adhuc latente, quam per faciem iam distributo. Tangendi vero et perscrutandi antea sunt minores huius nerui diuisiones, *vidiani* nempe, *pterygo-palatini*, et *nasopalatinus Scarpae*.

§. 9.

§. 9.

Ramus Vidianus.

Nervus Vidianus, derelicto ramo suo seu potius trunco *pterygoideo*, qui in ganglion sphenomaxillare abierat, simul cum arteriola illum concomitante, canalem Vidianum intrat, et in plura filamentula diuisus, paruae medullae spinali quodammodo similis, arteriam talem in modum amplectitur, ut paucis in locis per liberos a nervis relictos hiatus rubri parietes arteriae pelluceant. Dum hac ratione nervus Vidianus in canali suo versus posteriorem eiusdem aperturam progreditur, et diuersos furculos, partim ad nares, partim pro formanda vnione cum portione dura nervi acustici seu *communicantis faciei* in elatiorem aquaeductus Fallopii partem, partim ad formandam cum radice ex sexto *nervi intercostalis* primam originem, exhibuit ediditque, omnes illi arteriae Vidianae furculi tenellis horum neruulorum filis cinguntur. Cum ex his arteriae Vidianae furculis plures in cauernulas ossis sphenoidi spongiosas, ad nutriendum os abeant, microscopii adeo ope tenuissimi neruulorum capilli distinguere possunt, qui cum arterioliis os intrant.

§. 10.

Ramus Naso-palatinus Scarpa.

Multiplices fiunt in fissura sphenomaxillari cum ramis rami secundi quinti paris et arteriae maxillaris internae combinationes.

Ramus naso-palatinus Scarpa d), dum ab altiore fossae pterygoideae regione, per fissuram sphenonasalem supra septum se incuruat, et uti recte celeb. SCARPA e) annotauit, cum arteriola, quae

d) Egrege illum delineauit ill. ANTON. SCARPA in *Anat. Ann. L. II. Tab. I. ff.*

e) *Lib. cit. p. 73.*

Comment. Phys. Tom. VII.

quae quidem satis insignis est, vti ex periculosis saepe narium haemorrhagiis patet, a ramo palatino - nasali orta, inter periosteum septi narium, et membranam pituitariam per septi narium quodlibet latus ad foramen incisium s. palatinum anterius decurrit, ibidemque cum nervis vasisque membranae pulposae palati coit. Laborem taedio plenum, nec difficultate carentem requirit, rationem expiscari in durissima hac membrana, quam seruant vasa nervique per septi narium membranaceam partem decurrentes. Opus fuit, cum in subiectis recentibus, tum in spiritu asseruatis, maceratione, vt tractabilius et ad perscrutandum magis idoneum redderetur periosteum, qua ratione vossellae ope tot laciniae et frustula emolliti periostei auferri possunt, vt distinctius vasorum nervorumque decursus cerni et distingui queat. Sub hac encheiresi omnino observationes ill. SCARPAE f) confirmatas vidi, hunc *nervum naso-palatinum* per proprium et peculiarem canaliculum, pone canalem incisium exire ad membranaceam palati papillam, retro dentes incisivos haerentem, id tamen cum meis qualibuscunque disquisitionibus vix bene conciliare possum, hunc nervum, "*nullo septi membranae dato furculo*" g) ad palatum procedere.

Nisi omnia sane me fallunt, in illis capitibus, quae antea perfectissime in arteriis iniectionis materia ad amissim penetrante vt venae aequae plenae fuerint, repletae sunt, animaduertisse me arbitror, ramum illum nerveum, retia circa comitem arteriam formasse, quae in membranam septi cum ramis vasorum abierint, et filamenta illa nervi, per canaliculos suos ad papillam abeuntia teneiora fuisse trunculo ipso per septi exteriorem superficiem decurrente. Nec minus evidentes fiunt inter ramulos vasorum cum ramis paris primi per foramina laminae cribrosae ossis ethmoidei in septum narium descendentes et haec vasa combinationes, ex quibus non
fine

f) Lib. cit. p. 81. 82.

g) Pag. 76.

sine aliqua probabilitatis specie ad nervi primi paris cum ramo naso - palatino Scarpae concludi possit anastomosi.

Non plane improbabile esse videtur, in notissimis criticis illis narium haemorrhagiis, quae vtplurimum, quin frequentissime aut plane semper ex aliqua septi narium in vno vel in altero vel vero in vtroque latere arteria fiunt, iucundam saepe aegrotis titillationem praecedere, quo sensu permoti frequenter digito narium interiorem superficiem fricant cum sanguinis stillicidio subsequente.

§. II.

Ramus pterygoideus et palatinus.

Implicatur statim *ramus pterygoideus* cum fasciculo vasorum eundem per canalem pterygo - palatinum ad palatum comitante. Exeunt simul cum neruulorum ramis per ossa turbinata distributis vasorum furculi, quos, si membrana pituitaria ab ossibus detracta ab exteriori superficie lustratur, eleganter cingunt.

Nervi palatini communis per canalem pterygo - palatinum descendens diuisio in *minorem ramum*, qui palato molli, vuulae, tonsillis et principio pharyngis furculos dat, vbi etiam primae copulationes cum ramo pharyngaeo ex octauo s. potius glossopharyngaeo, et arteria pharyngaea Halleri fiunt; et *maiores* per foramen palatinum posterius erumpentem, et per totum ambitum membranae pulposae palati distributum, simul secum affert et deducit vasorum fasciculum, inter quos praecipuus est, et a nobis solummodo scrutandus qui *ramum palatinum anteriorem et maiorem* comitem habet, cuiusque decursus et distributio incomparabili solertia et nitore depicta est a celeb. SCARPA h). Referri merentur huius rami palatini maioris circa vasa palatina complicationes

O 2

et

h) Anat. ann. L. II. Tab. II. fig. 11. 18. 19. 20. 21.

et amplexus mutui inter praecipuos et varietatibus minus obnoxios. Vt vero satis commode illos intueri possimus, requiritur pariter specialis administrationis ratio. Resecanda nempe est ferrae ope coelum palatinum osseum cum arcu alveolari maxillae superioris vsque ad alas pterygoideas et partem verticalem ossis palatini, dein separandae sunt alae pterygoideae pone originem illorum ex osse sphenoideo, ut totus ramus palatinus cum vasis in canali conseruentur, auellendum tandem est totum coelum palatinum osseum, et nunc membrana pulposa palati commodissime in illa parte examini potest subiici, vbi coelo adhaesit palatino. Disperscitur plerumque, bene repraesentante ill. SCARPA, ramus palatinus anterior s. maior per foramen palatinum posterius delapsus, in tres fasciculos maiores et aliquot minores, cum totidem fere ramis palatinis dehiscit. Decurrunt iunctim versus arcum alveolarem, et dum per exigua coeli palatini ossei foraminula ramuli arteriarum cum nasalibus interioribus communicent, luculenter distinguere potui, etiam tenerima filamentula ex plexu hoc palatino cum vasis in membranam meatum narium inferiorem obducentem penetrare. Formant nerui plura reticula circa vasorum ramos, et cum iisdem omnem rugositatem membranae pulposae palati perreptant ad gingiuas vsque. Non reticendum hic quoque est singularis horum neruorum vasorumque varietas, quam hac hyeme in cadauere virginis 16. annorum duplici hiatu palatino instructo, et cuius vasa eleganter cera colorata repleueram, obseruaui.

Cum perfecto in omnibus partibus narium septo, attamen valde plicatili, deerant binae coeli palatini ossei partes septum cum arcu alveolari iungentes, ut itaque vtraque narium cauitas cum ore vnum idemque cauum formaret, duplici rictu versus laminam cribrosam ossis ethmoidei ascendens, et septo narium diuisum, in cuius summa extremitate alveolari vnus dens incisius haerebat. In ipso

ipso hoc septo quoad vasa et nervos omnia erant naturali statui perfecte similia. Nervus autem palatinus cum arteria ex canali pterygo - palatino descendentes, longe erant minores quam in consueta fabrica in proportionem corporis staturae esse solent, et quicquid vasorum nervorumque alias per membranam pulposam palati solet dispergi, in hoc deformi palatu per gingivas utriusque arcus distribuebatur. Vix autem, si arterias mesentericas et ramos coeliacae excipio, recordor me elegantiores circa vasa nervorum plexulos vidisse illis qui per gingivas horum arcuum alveolarium diffeminabantur.

§. 12.

Nervi infraorbitalis circa vasa irretiti plexus.

Nervus infraorbitalis eodem iure rami secundi quinti paris continuatio et finis censendus est, quo ramus infraorbitalis arteriae maxillaris internae finem facit. Singulari ratione integri nervi maxillaris superioris divisionem cernere possumus, si, *uti in meis iconibus delineari curavi*, decursus nervi maxill. sup. non ex lateribus, uti hucusque factum est, sed ex parte superiore inspicitur, in quem finem omnes superiores partes a basi calvariae cum nervis et vasis et ipse ramus primus quinti paris remouendae et auferendae sunt, ut superior ambitus fissurae spheno - maxillaris et spheno - nasalis ubique liber et apertus sit. Incedit integer nervi maxillaris superioris truncus canali suo inclusus recto versus fissuram sphenomaxillarem aut aliquantisper declivis: Si locum attigerit ubi in varios ramos dehiscere debet, paullo magis versus exteriorem fissurae regionem inclinatur, quasi totus in ramum infraorbitalem abiturus. Ex superiore loco nunc visus, tres praecipue rami, in hoc situ tantum discernendi, notantur, fasciculus nervulorum nasalium versus interiora, ramus Vidianus ab interioribus versus posteriora procedens cum

ganglio spheno-maxillari, et ramus infraorbitalis paullo magis versus exteriora: ramus pterygoideus omnium maxime inferior fissuram pterygo-palatinam intrans, cum ab aliis ramus tegatur, ex hoc loco spectatus bene distingui nequit.

Videtur ramus secundus quinti paris quasi in duas portiones findi, quarum *minor* paullo magis interior ex ramis constat, pterygoideo, fasciculo nasalium et vidiano, qui ganglio spheno-maxillari uniuntur, *maior* autem tota in ramum infraorbitalem cum suis minoribus ramis alveolaribus et subcutaneo malae impenditur.

Hic ramus infraorbitalis in latissima fissurae spheno-maxillaris parte arteriae maxillari internae per hanc dictam fissuram serpentino ductu migranti at in plures ramos, inter quos arteria infraorbitalis maxima est, dehiscenti occurrit, et partim cum hac arteria, partim cum plexu venoso spheno-maxillari mirabili modo irretitur.

Emissis dein ramis, dentali superiore et subcutaneo malae, ramus infraorbitalis cum arteria et vena comite canalem infraorbitalem intrat, et in illo, vsque ad exitum eius in faciem, multiplicibus filis arteriam venamque amplectitur. Diuiditur nerv. infraorbit. secundum probatissimas, nunc omnibus iam notas, descriptiones in tres partes, ramum nempe *subcutaneum malae*, *alveolarem maxillae superioris*, et *infraorbitalem*; nisi prior, nempe *subcutaneus*, prouti in multis subiectis fit, et a beat. et desideratissimo MECKELIO *i)* delineatum est, ex ipso trunco prouenerit. Vnus vel alter ramus, ex hoc vel illo ramo, vel ex trunco ipso interdum proueniens solis musculis prospiciens, nostro scopo non inferuit.

Antequam igitur neruus infraorbitalis cum sua comite arteria apertura anteriore canalis infraorbitalis exierit, plerumque tres ramos emisit: 1) *ramulus antri highmoriani*, qui cum simili ramo arteriae

i) Diff. incompar. cit. Fig. I 56.

arteriae infraorbitalis per exiguum foramen membranam illam petit, quae sinum maxillarem inuestit: Saepe ex hoc, saepe absque nexu cum illo prodit ramus dentalis cum ramo dentali posteriore ex alveolari anastomosi iunctus; nitidum vasorum neruorumque rete format hic ramus sinui maxillari superiori prospiciens. 2) *ramus superficialis nasi*, qui partim dentibus incisivis adhuc fibrillulas mittit, partim nasum attingit: 3) *Continuatio trunci nervi infraorbitalis*. Cum hac vltima et maxima nervi infraorbitalis portione egreditur simul arteria anteriore apertura canalis infraorbitalis declivi paullulum decursu in faciem. Nervus iam in multos ramos diuisus arteriam vbique amplectitur et obtegit, vt pauca vestigia translucens rubrae arteriae supersint. Similes repetitae nerueorum ramorum diuisiones et subdivisiones cum vasis repetuntur per reliquum nervi decursum super illam faciei partem, quae inter orbitam, nasum, zygoma, tuber maxillae et labium superius continetur, vt certissime nulla paullo memorabilis arteriola inueniatur in hac regione, quae non binis vel vnico ramulo nervi mox rursus diuisi et cum altero irretiti cingeretur. Id vero praeprimis in ramulis *palpebralis*, *nasalis* et praecipue *labialis* egregie visu est, a quibus stupenda papillarum labii superioris fabrica pendet. Quodsi etiam furculi neruei cum aliis vniuntur, vti in hac parte multiplices tales cum infratrochleari et pluribus ramis communicantis faciei ex septimo pare perficiuntur, fere semper vasorum ramus anastomoscos et vnionis comes erit.

§. 13.

Applicatio huius structurae ad phaenomenon quoddam.

Grauitas et dignitas rei sane postulat, accurata et diligente observatione et meditatione in symptomata, vsum et sequelas inquirere, quae ex eiusmodi constante et eleganti neruorum cum vasis copula enasci possit.

A meo

A meo sane scopo iam alienum est, ad omnia momenta attentionem dirigere, quae in morboſo corporis ſtatu, cum auxilium medicum, tum chirurgicum efflagitante, colligi et enodari debeant. Subſiſtam modo in delibando vnico phaenomeno phyſiologico-pathologico, quod nobis offert *ſtructura papillarum labii oris ſuperioris*. Dixi iam ſuperius, et nunquam ſatis repetere poſſum, rarius id fieri, vt neruei plexus maiores vaſorum truncos, in infimo ventre autem exceptio locum habet, amplectantur, ſed in minimis canaliculis id praeprimis locum habere. Eiusmodi locis nunc prae omnibus annumerandae ſunt papillae ita dictae cutis, et maxime *labiorum oris, linguae, areolae mammae cum colliculo intermedio, digitorum, penis, glandis clitoridis et villorum inteſtinalium*.

Labiorum oris, et potiffimum *labii ſuperioris papillarum ſtructura*, qualem ſub perfectiſſima vaſorum repletionem in meis praeſeparatis cernere licet, inter elegantiffima naturae artificia pertinet k).

Per totam ſuperficiem rubram vtriuſque labii oris diſſeminata eſt infinita copia villorum, villis in tunica intima inteſtinorum tenuium hominis perquam ſimilium, reliqua cutis labiorum parte glabra. Maior illorum copia in labio ſuperiore, vt ampliore, vbi etiam longiſſimi ſunt: inter plures eiſdem longitudinis et craſſitiei eminent alii longiores et craſſiores, plerique vero in craſſiuſculum terminantur bulbulum. Vaſa eſſe maximam partem docet elegans rubor a contenta materia, ſed optima lente ſimul diſtinguimus terrima albicantia fila et maculas, neruorum procul dubio in eosdem continuationes. Qui nunc ſenſum exquisitum conſiderauerit, quem

k) Aliquantisper repraeſentationem ſed minime ſufficientem horum villorum inuenies in magni inciſoris beat. BERNH. SIEGER. ALBINI *Annotation. acad. Lib. VI. Tab. III. fig. 1.* Difficultatem exprimendi hos villos

egometipſe iam bis expertus ſum. a diuerſis pictoribus delineari pro *aduerſariis academicis* meis curauit, in nulla autem figura id expreſſum eſt, quod auditores mei, et qui Muſeum meum perlustrarunt, admirati ſunt.

quem admotis labiis parti cuidam percipimus; qui de periculo infectionis diuersae persuasus est, qua contaminari possumus, si sub quacunque laesione aut destructione epidermidis basis inquinatum os alterius, aut vas quoddam impurum bibendo tangimus, de nervorum in vasa et hos villos imperio non amplius dubitare potest.

§. 14.

Rami tertii quinti paris ad vasa relationes.

Ramus tertius quinti paris seu *maxillaris inferior*, quamvis omnium huius paris ramorum maximus sit, non tam multiplices tamen et insignes cum vasis complicationes format, quam duo rami priores: forsan quod maxima filorum nerveorum suorum copia musculis impendatur.

Notissimum iam est, quod post meas repetitas observationes et iconem 1), etiam receperunt nostri aevi incisores, duas esse portiones, quae ad integrum par quintum formandum confluent, quarumque minor in ramum tertium inclinatur. Vt vero omnes fasciculi portiois maioris multiplici vnione et diuisione in ganglion seu potius plexum gangliiformem coalescunt, haec portio minor id singulare habet, quod cum plexu illo non commisceatur, sed facta leni versus posteriora incuruatione, cum ramo tertio quidem per foramen ouale cranio egrediatur, facto autem egressu, tota quanta in musculum pterygoideum consumatur.

Diuisioni cognitae, quam ramus tertius in plures ramos tam validiores, quam debiliores patitur, cum nihil magni momenti addi possit, id tantum notari debet, varios arteriae maxillaris internae ramos sine constanti ordine per fissas rami tertii

portio-

1) De quinto pare nervorum encephali, et de nervis, qui ex eodem
Comment. Phys. Tom. VII.

duram matrem ingredi falso dicuntur.
Goett. 1777.

portiones vadere: Cum vero nunquam vel haec vel illa cum constantia neruorum plexibus inuoluatur et cingatur, nobis tantummodo in illis rami tertii quinti paris subsistendum est ramis, qui ad vasa, aut ductus excretorios, eorumque munia pertinere videntur; et si huic satisfacere studemus, perscrutabimur praecipue ramos, *lingualem et alueolarem maxillae inferioris*.

§. 15.
Ramus lingualis ex quinto pare.

Coniuncti paullo antea bini neruorum insignes fasciculi, *alueolaris maxillae inferioris et lingualis*, maximam filamentorum nerueorum rami tertii absorpserunt: facta illorum separatione, *ramus tantillum anterior*, assumpto mediocri filamento, ex cauitate tympani per fissuram Glaseri adueniente, quod sub nomine *chordae tympani*, appellatione minime conueniente, omnibus notum est, sub rami *lingualis* significatione ad linguae apicem properat.

In illa via, antequam linguae carnes attigerit, emittit constantem fasciculum, qui vel propriis suis filamentis, vel vno alteroque furculo a ramo mylohyoideo, vel, quod semel vidi, ex nono pare accedente, in multis cadaueribus, minime in omnibus, in gangliolum quoddam intumescit, optime a beat. MECKELIO *m)* delineatum, et maxillare dictum. Dispersi ex hoc gangliolo, aut si talis structura non adest, ex plexu, ramuli neruei cum furculis arteriarum glandularum ex labiali prodeuntium irretiuntur, et minimas illarum diuisiones per glandulam submaxillarem dispersas illaqueando insequuntur.

Ex eodem trunci loco, cum radice praecipua ganglii maxillaris prouenit *primus ramus communicans* cum nono pare, ex qua vnione
plures

m) Diff. cit. Fig. I. 74.

plures furculi ramum arteriae lingualis superficialem amplectuntur, et nitidum neruorum rete circa eandem formant.

Sequitur dein *alter ramus communicans* cum nono, cuius furculi tam profundiores linguae musculos penetrant, quam arteriam lingualem profundam ambiunt: Paullo post trunco egreditur ramulus nerueus insignis ad glandulam sublingualem, et arctissimo reti cum vasis sanguiferis glandulae copulatur. Cum tandem truncus rami lingualis ex quinto in plures ramos fissus versus anteriorem linguae regionem incedit, ductus salivaris Whartonianus inter duos magnos ramos inclusus, ex quibus tenella filamenta ex vno in alterum mittuntur rete formantia, versus linguae fraenulum procedit, et pone illud in cognita papilla aperitur.

§. 16.

Ramus alveolaris maxillae inferioris.

Hic ultimus rami tertii paris quinti ramus, quodammodo maximus, paullo post quam ex trunco suo processit, sibi adsociat ramum arteriosum alveolarem maxillae inferioris et venam homonymam. Cum his in fasciculum, duriore cellulosa inuolutum, cinctus, versus canalem maxillarem decurrit, et licet in transitu per canalem cum neruo tum vasa in ramulos plures diuidantur, semper tamen plurimum sunt ramorum nerueorum qui vasa intermedia amplectantur.

Quamuis in definiendis corporis humani attributis et structura observationes ex homine desumptae omnes alias praecedere debeant, in hac nostra consideratione annotationes in quibusdam brutis factas, in quibus hic neruus admodum grandis esse solet, praemittere volo. Desumpta est descriptio ex maxilla inferiore vituli, cuius vasa ad amissim erant repleta. Decurrit fasciculus neruorum et vasorum

pone limbum inferiorem maxillae, ad quem ipsum pertingunt sacculi illi membranacei et vasculosissimi dentium primordia comprehendentes, ita quidem, ut fasciculo vasorum nervorumque immediate incumbere videantur. Pro hac membrana alveolos obducente fouenda et nutrienda, exeunt ramuli arteriae alveolaris cum binis, tribusque nerveis filis, et repetitis divisionibus et factis anastomosibus per membranam distribuuntur, ut tota vasculosissima et ruberrima reddatur: Lentis ope clare potest animadverti, tenerrima albicantia fila, nervulorum propagines, vasa sequi et amplecti. Derelinquit dein hic fasciculus canalem maxillarem, et per aperturam eius anteriorem in exteriori maxillae inferioris superficie erumpit, et per labium oris inferius dispergitur.

In cadaueribus humanis id tantum diuersitatis occurrit, quod non solum canalis maxillaris per mediam maxillae inferioris partem incedat, et sepimenta inter foramina alveolaria crassiora sint, caeterum similis structura in hominibus ac in brutis locum habet. Erumpens per foramen mentale nervus alveolaris maxillae inferioris una cum arteria et vena, ut per regionem mentalem dispergantur; ut plurimum nervus in duas portiones diuiditur, quarum quaelibet, cum duobus vel tribus minoribus ramusculis totidem ramos vasorum sequitur, et in minora filamenta fissa, versus labium oris inferius inclinant. Pauci illorum ramorum per cutem distribuuntur, plures superficiei interiori oris reservati sunt, quam eam ob causam tam vasa sanguifera eleganter coccineam, et nervi acutissime sentientem reddunt.

Vt hi nervorum vasorumque fasciculi inexplicabili ratione cum ramis arteriae labialis, et pluribus furculis nerveis ex ramo maxillari inferiore communicantis faciei ex septimo pare communicant, sic praecipua attentione digni sunt illi huius plexus furculi, qui labium oris inferius ipsum attingunt. In similes enim villos, saltem
tam

tam numero rariores, quam structura teneriores mutantur, quam in labio superiore, et procul dubio eiusdem efficaciae in producendis symptomatibus et sequelis sunt, vti occasione nerui infraorbitalis, in labio oris superiore notatum est.

§. 17.

De portione dura nerui acustici, seu quod conuenit melius, de neruo communicante faciei.

Neruus hic, qui ad normam commodioris et breuioris denominandi et significandi rationis, quae antiquis placuit incisforibus, 5^{to} veterum et 7^{mo} recentiorum pari, vel in genere *neruo acustico* annumeratus fuit, sine omni alio fundamento, quam, quod iunctim meatum auditorium ingrediuntur. Cum vero semper perpenderem, hunc neruum durum vulgo appellatum, *ortu, decursu, natura, canali* quem occupat, *distributionis sede et usu*, a portione molli dicta paris septimi vel auditorii longissime diuersum esse; non amplius dubitavi illos separare, et nouo nomine *communicantis faciei* hunc insignire, quam significationem etiam, ceu magis conuenientem, tanquam suam assumerunt varii magni nominis incisfores, ill. PFEFFINGER n), et HAASE o).

Rami superficialis Vidiani in *communicantem faciei* per aquaeductum Fallopii decurrentem insertio, iam primam offert eiusdem cum pari quinto coniunctionem, quam, sub vlteriore progressu mediante chorda tympani denuo confirmans, post exitum tandem infinitis fere anastomosibus per omnem faciei regionem cum plerisque ramis quinti paris sustinet.

P 3

§. 18.

n) In egreg. *Diff. anat. de structura neruorum Part. II. Argentorati* 1783. p. 41.

o) In doctiss. et vtiliss. libro *Cerebri neruorumque anatome repetita* Lips. 1781. 8. §. 151.

§. 18.

Quaedam observationes respectu magni retis nervosi integri trunci.

Peractum iam et summa cum diligentia et laude fere finitum laborem denuo agerem, si post inimitabilem ill. olim et beat. MECKELII *p*) descriptionem et delineationem, portionis durae super faciem decursum denuo proponere vellem. Cum vero a diuersa praecipuorum eiusdem ramorum decurrendi, diuidendi, et cum ramis quinti paris communicandi ratione, in facie humana tot et tam diuersi effectus lineamentorum, characterum et in genere physiognomiae pendeant, quae cum in statu sano, tum etiam morbo praecipue, voce satis clara et signis obseruatori instructo indubiis, latentem statum significant, non satis repeti, et nouis obseruationibus adumbrari possunt quaeuis memorabiles nerui communicantis faciei varietates.

Haec itaque causa est, cur aliquam semel animaduersam, praecipuo meo themati praemittam. Non sine sufficiente ratione credere possum, inter rarissimas varietates pertinere forsan a nemine adhuc visam, cum manifestam et satis insignem obtulerit *nerui communicantis faciei, cum ramo satis forti octauo paris recurrente anastomosis.*

§. 19.

Rara nerui duri cum octauo pare anastomosis.

In cadauere adulti hominis die 7^{mo} Febr. 1776. examinati nervus durus, datis ramis posterioribus, inconsueta ratione diuidebatur, et cum ramo inconsueto coniungebatur.

Media

p) Mem. de l'ac. roy. des scienc. de Berl. Tom. VII. vel EJ. Physiologische und anatomische Abhandlungen von einer ungewöhnlichen Erwei-

terung des Herzens, und denen Spannadern des Gesichts. Berlin, 1755. 4. pag. 22.

Media circiter in Parotide, inter acinos eiusdem quasi sepultus, in tres magnos ramos statim diuiditur, quorum primus ramum inferiorem, secundus *ramum communicantem cum octauo*, et tertius communem quasi truncum sed breuem rami superioris constituit.

Ramus inferior, consuetam subit diuisionem in ramum subcutaneum colli, cum neruis ceruicis communicantem, et in alterum ramum versus maxillam inferiorem directum, qui subcutaneo longe maior est. Hic ramus maxillaris statim ex separatione a subcutaneo fortem et robustam ansam cum ramo faciali inferiori constituit. Deinceps truncus in duos magnos ramos diuiditur, alterum inferiorem et minorem ad oram maxillae inferioris super Masseterem incidentem, qui datis multis furculis in Platysmammyoidem, cutem, Masseteremque ipsum, mentum deinceps attingit, ibidemque pluribus cum labialibus mentalis factis communicationibus, in orbiculari oris, depressore labii inferioris, quadrato menti et cute faciei finitur.

Alter maior ramus, exhibitis multis exiguis filamentis ad Masseterem, et nonnullis tenerrimis ramis ad ramos faciales inferiores, in duos aequales ramos finditur; quorum superior statim cum magno ramo transuersali faciei confluit, et magnam ansam constituit, alter siue inferior derelicto Massetere versus buccas tendit, cum buccinatorio multis filamentis coniungitur, vix extricabilem plexum constituit, et pluribus filamentis in musculis ibidem positis; cute et angulo oris finitur. Creberrime inde ansae cum ramis facialibus mediis et plexu zygomatico seu faciali formantur.

Secundus ramus, qui in hoc specimine medium constituit, et qui praecipuum obseruationis a consueto naturae tramite aberrantis sistit, breuissimum modo truncum format, post coalitum cum ramo insigni ex ipso trunco octauo paris supra ortum rami pharyngaei versus foramen stylomastoideum recurrente, in quatuor nouos ramos diuisum, quorum duo priores, mox a diuisione rursus confluunt, et
magnam

magnam crassamque ansam formant. Foramen potius appellare debemus, per quod migrabat Arteria auricularis. Ex hac deinceps ansa tres magni rami ad faciem mittebantur, quorum superior ramus binis radicibus ex communi trunco oritur, quae inter se pariter nouam ansam faciunt, postquam hae radices in vnum truncum confluxere, breui decursu facto, cum magno trunco secundi rami, qui cum posteriore coniungendo formatur, denuo valide connectitur, et nunc ab eodem separatus, communem quendam truncum pro temporali, frontali, supra orbitali, et zygomaticis superioribus formabat, quorum decursus a naturali itinere nihil diuersi habebant.

Alter ramus horum trium ramorum ex ansa prouenientium, binis cruribus oritur, quorum crurum superius ex ansa superiore rami primi vel superioris oritur, inferius ex ansa tertii rami ortum ducit. Nunc breuem truncum format, mox cum insigni quodam ramo posteriore totius trunci duri confluit, et validissimam ansam cum eodem constituit, inter quam magna vena temporalis intercedit, et versus tempora diuiditur. Ad hanc ansam formandam quodammodo secundus ramus consumitur, ex qua ansa vel arcu deinceps plerique nerui zygomatici et faciales oriuntur, quare eorundem iter nunc non amplius describemus.

Tertius ramus s. inferior pariter duplici crure oritur, alterum crus ex coniunctione cum ramo medio siue secundo, alterum vero ex ramo magno posteriore, qui in hac obseruatione, primaria attentione dignus est.

Tertius primarius ramus ex superiori ramo totius trunci, singularem quendam neruum constituit, cuius apud scriptores nerui duri, nulla ratione situs atque itineris mentio facta est. Egreditur nempe truncum portionis durae in loco maxime posteriore atque profundo, retro venam magnam temporalem incedit, eademque obtegatur,

tegitur, et cum reliqui tres rami venae temporali incumbant, hic noster ramus commode *ramus facialis posterior* appellari potest. Elegantissimum spectaculum visu est, quomodo haec vena temporalis per hunc plexum migrat. — Diuiditur hic ramus facialis posterior iam sub ipsa vena in duos ramos, aequalis magnitudinis, quorum superior cum trunco superiore, et ansa rami medii confluit, inferior autem cum ramo secundo s. medio coniungitur, et nouam ansam facit, ex qua magna ansa siue area, vti diximus, reliqui nerui zygomatici, faciales superiores, medii, atque inferiores oriuntur.

Rara haec varietas, quam ab illo tempore, quo primum eandem vidi, et ex quo cadauere etiam haec descriptio deprompta est, semel elapsa hyeme repetere mihi licuit, admodum idonea videtur, ad mirabilem ventriculi consensum in quibusdam hominibus cum facie illustrandam et euincendam. Non enim adeo infrequens est obseruatio homines videre, qui, saburra in ventriculo laborantes, miras patiuntur lineamentorum et physiognomiae mutationes, cum singulari musculorum faciei lusu et agitatione: quibus paullo post, impuritatibus siue a nimia ingestorum copia, siue ab humorum gastricorum inquinamento, siue a bile et succo pancreatico, ex duodeno in ventriculum regurgitante, ortae fuerint, vel sursum vel deorsum expulsis, serena frons, et vultus naturalis redit.

§. 20.

Plexus arteriae transuersalis faciei.

Inter alias partes, quas nerui communicantis faciei plexus ambiunt et comitantur, illi reliquis facile palmam praeripient, quos a) durus neruus circa arteriam faciei transuersalem format, b) vbi venas, et praecipue venam magnam faciei amplectitur, et c) dum ductum Stenonianum cingit: de primo itaque primum sermo faciendus.

Ramo nempe communicantis faciei superiore in duos magnos ramos, *temporalem* nempe, et *zygomaticum* dehiscente, transit per hanc furcam ramus arteriae temporalis sub nomine *transuersalis faciei* cognitus, et anssae instar illam fulcit et sustinet, cum ramulus non mediocris inter vtrumque ramum temporalem et zygomaticum intermedius, arteriam transuersalem per foramen hoc nerueum migrantem excipit, ex quo ipso loco arteria ramum illum insignem massetericum superiorem musculo masseteri ablegat. Ex ramo *temporali* nerui communicantis faciei, qui caeterum tribus magnis ramis arcum zygomaticum supergrediens altiore regionem petit, quartus ramus magnitudine reliquis non cedens cum ramo zygomatico denuo confluit, et ipsi ramo zygomatico nunc insignem conciliat magnitudinem.

Effert sese sub hoc ramorum nerueorum confluxu continuatio arteriae transuersalis faciei, et ex loco profundiore in sublimiorem quasi emergit. Rami illi neruei, alter nempe ex ramo temporali, alter zygomaticus, nunc rursus separati, super faciei partem transuersalem inter arcum zygomaticum, arteria transuersali faciei intermedia, incedunt, et multis minoribus furculis, ex ramo temporali cum retro, tum ante arteriam in zygomaticum insertis reteque formantibus, arteriam tam arte amplectuntur vt vix eleuari possit: repetitae furculorum nerueorum subdiuisiones et nouae coniunctiones, paruas inter se relinquunt liberas areolas, per quas rubra pellucere potest arteria. Vbi arteria faciei transuersalis neruorum plexu hoc modo inclusa, altiore regionem attingit, et in minores furculos diuiditur, quorum maximus cum arteria infraorbitali coit, elegantissimo rete neruoso vbique tectus, separati illi rami neruei tandem in vnum communem truncum congressi, cum ramo zygomatici descendente masseterico, qui huc vsque Stenonianum ductum sequutus erat, confluunt, et non solum celebrem illam anastomosis cum
neruo

neruo infraorbitali rami secundi quinti paris efficiunt, sed etiam cum ramo buccinatorio communicantis faciei in coniunctionem cum ramo buccinatorio rami tertii quinti paris abeunte vniuntur: ex qua vnione dein partim numerosi furculi per ipsum musculum buccinatore disparguntur, partim labiis anguloque oris copiosissimis nerueis filamentis prospicitur, vti egregie a beato MECKELIO annotatum est.

§. 21.

Plexus nerui communicantis faciei venam magnam facialem in ophtalmicam inosculatam ambientes.

De insigni rete neruoso venam temporalem tam mirifice amplectente paullo ante dictum est. Tam grande, et tam copiosis ramis mutuo sibi irretitis, et tam arte venarum tunicis inhaerens saepe inueni, vt de singulari illius retis neruosi in mutando sanguinis itinere influxu dubitari nequeat.

Luculentius autem ramorum nerueorum communicantis faciei cum vasis sanguiferis circumuolutiones intueri possumus, in observando decursu venae facialis, ab angulo maxillae inferioris vsque ad ingressum eius in orbitam. In ipso enim angulo oculi interno, vbi ramulos venosos palpebrales recepit, et pone ligamentum palpebrale incedit, copiosis irretitur furculis neruulorum trochlearium cum ramis ex ramo zygomatico et temporali inferiore communicantis faciei vnitis. Manifestiores fiunt illi plexus et reticula, si vena facialis, in sinu isto inter nares, zygoma et maxillam superiorem versus buccas progreditur: Ibi enim per tam intricatum rete neruorum transit, quod ex vnione infraorbitalis et maximae partis zygomatici formatur, vt verbis vix describi possit. Omnium vero maxima et validissima coniunctio fit, dum vena, derelicta maxilla superiore, in vicinia ductus saliuales Stenoniani super buccas versus maxillam inferiorem incedit. Validi nempe furculi ex ramo zygo-

matico, cum plurimis ex ramo masseterico duri, aliisque ex ramo inferiore eiusdem cum neruo mentali confluyente, et ramis buccinatoriis et massetericis ex ramo tertio quinti, tam ineffabili ratione inter se confluunt et irretiuntur cum vena per illud rete gliscente, vt filamenta neruea pluribus in locis arctissime venam, et ramum arteriae buccalem venae comitem amplectantur et cingant. In hoc etiam loco cum specie veri praecipuam contingere in vasis putamus mutationem, cuius sequela et effectus faciei rubores et pallores sunt, si animi affectibus laboramus.

§. 22.

Plexus circa ductum saliualem Stenonis.

Paucis modo verbis speciatim tangam neruorum circa ductum saliualem ludentium reticula, phenomeno illo, tam subito saepe aucti vel imminuti salivae prouentus si nerui afficiuntur, memorabilia facta.

Incipiunt iam neruorum filamentula ex ramo temporali et zygomatico prouenientia ductum Stenonis amplecti, dum minores salivialis ductus furculi ex diuersis parotidis locis in communem truncum confluunt. Augentur plexuli illi filis ex rete neruoso elabentibus, quod arteriam transversalem faciei, mox propius mox remotius a ductu salivali excurrentem cingit. Progreditur hoc rete cum ductu vsque ad locum vbi musculum buccinatorem perforat, et in os aperitur. Ibidem enim cum enarratis nerueorum filorum reticulis ex profundiore loco accedentes irretiuntur furculi mediantibus ramo masseterico et buccinatorio ex ramo tertio quinti orti, quorum fila partim musculum buccinatorem petunt, partim strictissime ductus salivalis tunicis adhaerent, et in illis finiuntur.

§. 23.

§. 23.

Generalia de nervis cardiacis.

Cum iam limites commentationi academicae, ne in volumen accrescat praescripti, vix permittant, eo ordine quo huc vsque usus sum, etiam magnos nervos *oſtaum* et *intercostalem* per magnum quem absolunt campum in vasorum amplexu persequi, quod proxima commentatione, quae historiae nervorum viscerum abdominalium alteram partem comprehendet, peracturus sum, nunc unicam tantum particulam, *nervorum* nempe *cardiacorum*, ceu ramorum ex unione vtriusque vagi nempe et intercostalis ortorum, ad vasa relationem respicientium cum publico communicabo. Idque eo minus ab instituti mei ratione alienum esse arbitror, quod nouas quasdam contineat obseruationes, ad constituendam et in clariorem lucem ponendam difficillimorum nervorum historiam idoneas.

Quod repraesentationem plexus cardiaci maximi cum difficilem, tum dubiam, naturae minime respondentem, quin falsam et erroneam reddit, sunt numerosissima *vasa lymphatica* glandulis lymphaticis seu conglobatis et arteriis remixta, plexum insignem vasorum lymphaticorum cardiacorum formantia, et tandem partim venae thyroideae mediae et principio venae cauae superioris inserta, partem versus ductum thoracicum migrantia. Oriuntur enim in baseos cordis vniuerso ambitu, praecipue in regione coalescentium sinuum copiosi vasorum lymphaticorum furculi, qui in interuallo venae cauae superioris, arteriae aortae et tracheae, cum iam plures ramuli in glandulas conglobatas confluxissent, non mediocrem plexum formant. Facile incisor in cognoscendis vasis lymphaticis inexercitatus in errorem incidere potest, vt vacua et contorta vascula absorbentia pro nerveis filis habuerit, dubia inde in figuris exhibita retia enata esse videntur.

§. 24.

Nerui vasa cordis amplectentes.

Cordi, viscerum vitalium fere principi, multos naturam nervos impertiuisse, facile erat assertu, si perennem huius partis motum a primis foetuum incunabulis ad extremum vitae halitum durantem, actionem eius minime in sanis animantibus interruptam, vigorem, efficaciam, fortitudinemque, qua massam sanguinis propellit, languentem fulcit et sustinet, cessantemque saepe restaurat, consideraueris.

Quamuis equidem nostri temporis industria, HALLERI *q*) vel ANDERSCHII *r*), et NEUBAUERI *s*) indagandi cupidine incensa, neglectum LOWERI *t*), LANCISII hos nervos describendi depingendique studium et laborem, a VIEUSSENIO *u*) et WILLISIO *x*) paullo meliorem factum, correxerit, multum tamen abest, omnem hanc disquisitionem plane absolutam, luceque meridiana clariorem redditam esse, ut nihil partim nervorum cardiacorum enodationi in genere, partim eorundem per varias cordis partes distributioni addi possit. Quid quod, ipsa nervorum cardiacorum quantitas minime ita comparata est, ut ex eorum in fibras cordis musculares ipsas dispersione, ad sustinendum tam fortem constantemque motum sufficiat, cui vividissima huius visceris irritabilitas succurrere omnino debuit. Pro hac nervorum cordis paucitate ac tenuitate, magna adhuc illorum pars cordi ipsi eripitur, vasisque illius impenditur. Paucis itaque observationibus de plexibus nervorum cardiacorum in genere ab aliis,

q) Descriptio anatomica nervorum cordis, nondum promulgata, vel vero quoad picturam, ALBERTI DE HALLER ad figuram nervorum cordis diuinitio in Comm. Soc. Goett. T. II.

r) Descriptio nervor. cardiacorum. Jenae 1772. 4.

s) Tractatus de Corde. Amsterd. 1669. p. 15. seq.

t) De motu cordis et aneurysmatibus. Lugd. Bat. 1740. 4. Tab. VII.

u) Neurographia uniuersalis. Lugd. 1685. fol. Tab. 33.

x) Cerebri nervorumque anatomie. Genevae 1680. 4. Tab. IX.

aliis, ANDERSCHIO praecipue et NEUBAUERO cum publico communicatis, quae ortum nervi cardiaci magni concernunt praemissis, subnectemus proprias nostras novasque cum de *maximo nervo cardiaco ganglio longiusculo praedito*, tum de nervulis ex plexibus cardiacis vasa cordis amplectentibus observationes.

§. 25.

De magno nervo cardiaco dextri lateris ganglio longitudinali instructio.

Ex iis, quae de nervorum cardiacorum ortu, situ, numero, figura, magnitudine et habitu, tam ex figuris publici iuris factis, quam ex descriptione adiecta collegimus, patet, neminem omnium magni huius cardiaci nervi ganglio praediti quem *trunci* instar considerare possumus, talem in modum mentionem fecisse, qualem mea adumbratio cum verbis tum icone repraesentat, et qualem quilibet rei cupidus inter mea praeparata cernere potest, quare absque vlla arrogantia et inclarescendi pruritu eum *nouum* appellari debere existimo. Non simplicem varietatem, rarissime inter plura cadauera vnico tantum exemplo occurrentem esse, repetitae meae in nouem corporibus humanis institutae observationes testantur, quorum sex similem ostenderunt fabricam, conformationem, figuram, situm, magnitudinem aliaque: in tribus tantum tam nervi ipsi quam eiusdem ganglion erant teneriores, et vti a NEUBAUERO descripti sunt. Ad faciliorem nervi huius cardiaci maximi et ganglii eidem proprii disquisitionem instituendam, et situm eiusdem securius et certius inveniendum, cor a pericardio nudum, e dextris versus sinistra reclinandum, vena azyga cum vena caua superiore vel descendente quantum fieri potest in sinistrum latus dirigenda, aspera vero arteria fortiter versus dextram thoracis regionem ducenda; hoc modo enascitur cauum oblongum, cuius *inferiorem* marginem formant
ramus

ramus arteriae venaeque pulmonalis, *sinistrum* vena caua superior cum reflexa azygos vena, *dextrum* sinister ramus bronchiorum cum integra asperae arteriae parte inferiore, *superiorem* truncus communis pro arteria carotide et subclauia dextra s. anonyma vel arteria prima, et vena subclauia, in fundo autem huius foueae cernimus superficiem posteriorem arcus aortae vbi arteria prima illa egreditur.

In hac descripta cauitate, si debita encheiresi, cautela et administratione vasorum lymphaticorum plexus et glandulae, cellulosa et adipis particulae remotae fuerunt, intueri possumus insignem hunc neruum ad totam longitudinem in fundo cauitatis s. foueae super arcus arteriae aortae planum posterius versus cor descendere, et in media aortae parte in ganglion suum oblongiusculum intumescere.

§. 26.

Ortus huius magni nerui cardiaci.

Primam eandemque maximam repetit originem *neruus cardiacus maximus* ex crassissimo nerui intercostalis filamentum, quod ex ganglio ceruicali superiore trunci continuationem format, et super musculo colli longo descendit. Exit nempe ex hoc nerui intercostalis trunco in regione media carotidis cerebralis filamentum nerueum insigne ipso trunco tamen minus, et paullo magis in interiore colli superficie pone carotidem communem descendit, antequam fere locum attigerit, vbi arteria thyreoidea inferior sub carotide transit, neruea radix haec finditur, et paullo post denuo cum altero ramo coit insulam constituens, in cuius ramum alterum interiorem inseritur tenerius filamentum ex plexu magno, quem ramuli intercostalis, octauo nonique paris ad exterius pharyngis latus formauerant, alter autem huius fissae radices ramus exterior exiguum furculum ex trunco intercostalis ipso nanciscitur, nactusque hoc duplex augmentum in elegans
sed

sed paruum gangliolum intumescit, in plerisque cadaueribus arteriae thyreoideae inferiori insidens, quod etiam in aliis mox supra mox infra eandem inueni. Ex tenello ganglio quinque furculi plerumque solent exire, duo exigui in tunicas carotidis, tertius maior et satis insignis ad recurrentem, quartus pariter memorabilis in thoracem descendit, et inter arteriam anonymam s. primam et venam thyreoideam infimam nervus cardiacus superficialis fit, quintus vero, omnium maximus, ulterius descendendo progreditur, et in angulo, quem carotis et subclauia dextra includunt, alteram eandemque crassissimam radicem, ex trunco intercostalis prouenientem, secum iungit. Vt alteram nerui cardiaci maximi radicem melius cognoscamus, ratio habenda est progressus nerui intercostalis vsque ad ansam subclauialem.

Edita magna illa radice cardiaci, quam primam appellauimus, truncus nerui intercostalis versus thyreoideam inferiorem progreditur, in quo itinere vnicum furculum, quem tertiam radicem nominauimus, cardiaco dedit, super thyreoideam incedit, eandemque exigua ansa amplectitur, quam format nouum filamentum ex neruo ceruicali sexto accedens, cuius maxima portio cum alio filamento, ex septimo ceruicalium proueniente, gangliolum efficit, ex quo deinceps duo filamenta cum trunco intercostalis ipso, et alio filamento a septimo ceruicalium emergente, in ganglion *ceruicale medium* abeunt, thyreoideae inferiori adsidens. Prodeunt ex ganglio ceruicali medio, quod plerumque inter omnia ceruicis ganglia minimum esse solet, in fere omnibus quae examinaui subiectis, tres nerui: *primus* idemque exterior, truncum ipsum intercostalis continuans, super arteriam subclauiam dextram se coniicit, ansam subclauialem format, et in ganglion *ceruicale infimum* transit; *secundus*, qui medius est, et omnium minimus, fit cardiacus superficialis, *tertius* interior maximus, trunci nomine dignior quam primus, radicem nerui cardiaci nostri constituit.

§. 127.

763

Descriptio nerui cardiaci maximi et ganglii eiusdem.

Magna haec radix, derelicto ganglio, insignem ramulum ex neruulis cervicalibus superius descriptis, qui paruum gangliolum formauerant, sibi insertum accipit, duo etiam filamenta retro subclauiam in ganglion cervicale et canalem vertebralem abeuntia emit- tit, mutataque directione, nunc interiora magis petit, vbi in an- gulo, quem carotis et subclauia cum arteria prima includunt, trun- culum ex prioribus radicibus enatum secum iungit. Ex hac con- iunctione neruus cardiacus ad eandem increuit crassitiem et magni- tudinem, quin fere maiorem, quam neruus recurrens dextri lateris habet. Sub carotide dextra neruus cardiacus nunc absconditur, ante recurrentem dextrum incedens arteriae primae appressus est. In ipso hoc profundiore retro arteriam primam situ, noua insignis, ex vnito ramo qui ex octauo et nono prouenit, radix accedit ad car- diacum: ex ganglio tunc cervicali infimo, arteriam vertebralem arctissime amplectente, abscedit ramus non mediocris magnitudinis, sequitur vertebralem vsque ad originem eius ex subclauia, firmiter eidem appressus, ex trunco cardiaci nerui ipso duo rami transuer- saliter illi inferuntur, vt vertebralem arteriam plexus in modum cingant et amplectantur, iunctis dein his neruulis ramus ipse insignis sub angulo acuto ad ortum arteriae subclauiae ex prima, cum trunco cardiaci nerui coniungitur. Truncus cardiaci in vltiore versus cor progressu integrum rete ex tribus quin quinque filamentis a recur- rente dextro ortum, binis radicibus sibi adfociat. Quo facto nunc tandem ex omnibus radicibus conlatus integer nerui cardiaci trun- cus profundius in thoracem demergitur, et planum posterius aortae in cauitate superius descripta attingit.

§. 28.

§.

28.

Descriptionis continuatio.

Ab vltimae radice in cardiacum magnum insertione, vsque ad nouam in minores ramos diuisione, truncus nerui cardiaci maximi ad duorum pollicum et vltra longitudinem laeuis et aequalis incedit. Iam ab illo loco, vbi vltimam radicem ex recurrente accepit, intumescere incipit, ganglion nouum formaturus; imperceptibiliter intumescencia augetur, donec crassissimo et latissimo loco lineae latitudinem et dimidia crassitiem attigerit.

§.

29.

Nerui cardiaci in ramos distributio.

Ex oblonga hac gangliiformi nerui intumescencia diuisio nerui cardiaci in plures ramos contingit, qui omnes in interuallo inter aortae planum posterius, venarum cauarum et pulmonarium sinus, ramum arteriae pulmonaris dextrum et bronchum, cor petunt sequenti ratione.

Primus ramus, omnium maxime *anterior*, cum directio totius nerui cardiaci maximi cum sua intumescencia gangliiformi a dextris versus sinistra, in interuallum inter aortam et pulmonarem procedat, in isto interuallo ramo arteriae pulmonaris dextrae incumbit.

Mox post factam a trunco separationem, tenuem emittit furculum, cum paruis aliis ex neruis cardiacis minoribus plexus posterioris prouenientibus irretitum, et per posteriorem arteriae pulmonaris dextrae superficiem tam in tunicas arteriae, quam in bronchum vicinum distributum;

Inclinat dein rami huius primi truncus versus sinistrum arteriae aortae latus, vbi pulmonarem dextram tangit, et copiosa tela cellulosa laxiori inuolutus, quae in plerisque subiectis adipe repletur, versus ortum arteriae aortae, vbi ex ventriculo aortico prodit, decurrit. Ibidem circa principium arteriae coronariae sinistrae et posterioris in plures ramos dehiscit, alii eorum tunicis aortae implantantur, alii iidemque copiosissimi in egregios plexus mutati, cum arteria coronaria dicta per omnem cordis substantiam, cui haec arteria prospicit, distribuuntur.

Secundus ramus parvus, arteriam pulmonarem dextram petit, et in tunicis eiusdem manet.

Tertius ramus etiam minoris voluminis, per superficiem posteriorem arteriae aortae in tunicis dispergitur.

Quartus ramus, seu continuatio trunci nervi cardiaci maximi, statim in plures ramos fissus, per dictum inter aortam et pulmonarem arteriam intervallum, versus anterius aortae planum excurrit, et late super illam exspatiatur: Praecipui et validissimi illius rami circa arteriam coronariam dextram seu anteriorem in similes elegantes plexus mutantur, vti de ramo primo respectu alterius coronariae dictum est, et cum ramificationes huius arteriae sequantur, mediantibus illis vasorum ramis per alteram cordis dimidiam late disperguntur.

§. 30.

Plexus circa arteriam vertebralem.

Coronidis loco adhuc, donec paratas meas et absolutas observationes de nervorum vasa cingentium in reliquis corporis partibus amplexibus publici iuris faciam, insigne vas paucis attingere volo, quod in excitandis animi affectuum sequelis, inter praecipua et efficacissima

cacissima pertinet, nempe *arteriam vertebralem*. Duo praeprimis loca sunt, vbi non mediocres neruorum rami illam amplectuntur; *Par primum neruorum ceruicalium ASCHII*, et *ansae nerui intercostalis* in regione ganglii ceruicalis infimi, in loco igitur ingressus et egressus, vbi arteria vertebralis canalem vertebralem petit.

De inferiore loco primum dicturus.

Arteriam vertebralem subclauia egredientem varii insignes nerui amplectuntur, antequam canalem suum osseum attingit. a) Continuatio nerui intercostalis ex ganglio ceruicali medio, ansae instar circa arteriam subclauiam recurua, et in ganglion ceruicale infimum abiens: b) c) d) tres fasciculi fortes ex ganglio ceruicali infimo, et cum furculis ex recurrente in plexum cardiacum magnum consumti: e) f) duo minores rami ex ganglio in interuallum quod subclauiae et vertebrali intercedit: g) h) i) tria crassa filamenta ex pari septimo et octauo ceruicalium, et primo dorsalium, ad augendum et amplificandum ganglion ceruicale infimum consumta:

Ex omnibus his neruorum ramis circa ingressum arteriae vertebralis in suum canalem fitis, partim ex vno partim ex altero, semper autem ex tribus vel quatuor eorundem, multi neruorum fasciculi super arteriam sparguntur, quorum irretitae inter se complicationes in aperto canale facile cerni possunt.

Alteram nerui memorabilis cum arteria vertebrali copulam perficit, paris primi neruorum ceruicalium ill. ASCHII truncus y). Arteria nempe ex foramine processus transversalis atlantis emergente, et inter occiput et primam vertebralem versus foramen magnum occipitis properante, integri paris ASCHII truncus dura

R 3

matre

y) Elegantissimam et accuratissimam huius paris cum descriptionem tum picturam exhibuit Vir summus in Diff. anat. de Primo pare neruorum medullae spinalis. Goett. 1750.

matre medullae spinalis egressus, posteriori arteriae vertebralis superficiei arctissime incumbit, et, latae fasciae instar, super dimidiam superficiei partem arcuatae arteriae expanditur.: Ex ipso iam diuisionis loco, ubi par primum in varios ab ill. ASCHIO enarratos ramos dehiscit, tres vel quatuor tenelli fasciculi per arteriae vertebralis tunicas sparguntur, et cum eadem foramen occipitale ingredjuntur, vt saepe albicantia neruorum fila in arteria basillari distinguere poterim.

Si cum his arteriae vertebralis fasciculis comparare volumus, quae carotidi cerebrali, per canalem suum progredienti, ex intercostali, eiusdemque praecipue ganglio, cervicali supremo impertuntur neruulorum propagines, neruorum in has cerebri primarias arterias imperium minime in dubium vocari potest.

HENRICI AVG. WRISBERGII
OBSERVATIONES
ANATOMICO-MEDICAE
DE
NERVIS PHARYNGIS

PRAELECTAE

D. II. APR. A. MDCCLXXXV.

§. I.

*Utilitas et necessitas disquisitionis subtilioris nervorum
pharyngis.*

Nervorum pharyngis novas traditurus observationes, facile ab iis assensum me impetraturum fore arbitror, qui cum dignitatem quin necessitatem huius disquisitionis perpendunt, tum accuratam, concinnam et completam illius neurologiae partis explanationem in scriptis anatomicorum et physiologorum frustra quaerunt. Observantes enim attenta mente deglutitionis rationem, admirabuntur, quanta nempe, imo saepe incredibili, velocitate omnia, siue solida siue fluida fuerint ori ingesta, tam regulariter in oesophagum promouentur, ut nisi musculorum actio ab alia superueniente causa, ut tussi, risu, fletu, voce, sternutatione etc. turbetur, mirabili ordine succedat.

Non

Non sine iusta autem misericordia homines intueri possumus, qui labefactata ex qualicunque causa, siue corpus peregrinum faucibus impactum haereat, siue ex vulnere quodam externo vnus alterue pharyngis neruus affectus fuerit, deglutiendi difficultate laborant, quanta torqueantur anxietate, quantum dolorem patiantur, donec remoto impedimento partium libertas restituta est. Similem angorem et inquietudinem in omni anginarum specie obseruamus, praecipue autem in angina tonsillari.

Omnem tandem superant fidem horrenda illa sub spastico hydrophobiae stadio, siue morfu animantis rabidi contaminatus homo fuerit, siue febre acuta maligna et phrenitide laboret, oborta symptomata, anginoideis, si tantum horrorem aquae excipias, cum acutis tum chronicis admodum similia. Haec cum in variis hominibus, praecipue hypochondriacae atque hystericae naturae, nervosis itaque affectibus et quodammodo tumultibus quam maxime pronis, si in febres malignas et phrenitides incidunt, probabiliter analogiam quandam habent cum notis illis colli, pharyngis laryngisque spasticis doloribus, qui in febribus malignis, itidem minori in gradu in anginae quibusdam speciebus, vti nuper in iuvene hypochondriaco aegroto expertus sum, deliriorum prodromi esse solent. Propter illam hydrophobiae et quibusdam anginis familiarem summam pharyngis stricturam, dolorem ardoremque, non modo excusandus est JOSEPHUS ab AROMATARIIS cum BOERHAAVIO illi assensum praebente, si rabiem caninam anginoideam faucium inflammationem esse dixerit, sed etiam, non obstante sectione cadauerum, et egregio vomitoriorum in hoc morbo rabioso vsu, satis refutatus nondum est.

Si vltimo denique loco abominabile hydrophobiae proprium symptoma perpendimus, aegros, licet summo potus desiderio flagrent, si gutta tantum aquae linguae partem tetigerit, horrendas

das illas pharyngis stricturas oriri, ex consensu vagi et accessorii truculentas illas cardialgias et tormina produci, et ex sympathia neruorum faucium, pharyngis, reliquique corporis, vniuersam machinam conuelli, de vtilitate et necessitate subtilioris neruorum pharyngis disquisitionis et indaginis persuasi esse poterimus.

Neurologiae studium et cognitio etiam hic multum ad illustrationem et comparisonem mali truculentissimi confert, neque vel hoc nomine, quae a quibusdam ignauis hominibus dicuntur vulgo anatomicae subtilitates, decet per ignorantiam contemnere, cum nullibi haec subtilia satis sint, quae lucem qualemcunque praecludent.

Cum primae huic canalis primarum viarum parti, quam pharyngem appellamus, ex tribus fontibus nerui suppeditentur, ex *pari quinto, octauo, et intercostali*, in tria itaque capita commode dispecisci potest, quod obseruationes et experientia me docuerunt.

CAP. I.

DE NERVIS PHARYNGIS EX QUINTO PARE
ORTIS.

§. 2.

*Generaliores de neruis pharyngaeis ex quinto pare
ortis obseruationes.*

Licet haec prima canalis primarum viarum pars, *pharynx* dicta, praecipuos suos neruos ex octauo, seu potius illius portione, *glossopharyngaeo* nanciscatur, sunt tamen omnino in *parte pharyngis superiore*, a nobis *palatina a)* nuncupata, minime contemnendi ner-
vorum

a) Vt in ampla pharyngis regione curatius determinari possit, in tres partes illam dispeciscere conuenit, *palati-*

Comment. Phys. Tom. VII.

S

vorum fasciculi, qui originem ex quinto pare petunt. Referimus huc praecipue, a) surculos ex *ramo vidiano* rami secundi, b) ramulos *nerui palatini* eiusdem fontis, c) ramulum *pharyngaeum* rami tertii, qui in multis subiectis, nisi id iam a *neruo palato-pharyngaeo* factum fuerit, cum ramo retroflexo ex *glossopharyngaeo* tradito in unionem abire solet.

§. 3.

Nerui pharyngis ex Vidianio.

Primam omnium pharyngis neruorum originem procul dubio formant, tenelli illi fasciculi, qui ex *neruo vidiano* in ipso canale b), numero inconstante, cum duos, tres, modo vnum viderim, musculos ingrediuntur a tuba eustachiana et alis pterygoideis ortos, sub nomine *salpingopharyngaei* et *pterygo-pharyngaei*, cum *cephalopharyngaeo* altissimam crassae illius tunicae muscularis quae pharyngem format partem petentes, quam regionem pharyngis palatinam breuitatis causa appellamus. Propter duriores huius regionis naturam, cartilagini fere similem, praeparatio horum neruulorum admodum difficilis est: conabimur verò aliqualem descriptionem exhibere.

Nervus vidianus, quem b. MECKELIUS tam egregie repraesentavit in suo canale, magnum neruulorum fasciculum caudae equi-

nam, tonsillarem, et laryngaeam. Respondent satis bene receptae distinctioni musculorum pharyngis in confrictorem superiorem, medium et inferiorem. Quemadmodum vero post elegantes clar. GAUTIER *Myologie complete en coulcur.* Paris 1746. fol. max. Tab. IX. beat. ALBINI *Tabulae Sceleti et musculor. corp. hum.* Lugd. Bat, 1747. fol. max. Tab. X. J. B*** *Traité de la cephalotomie à Avignon*

1748. 4. Tab. 15. beat. SANTORINI *Septendecim Tabulae.* Parmae 1773. 4. Tab. VI, figuras vix quidquam magni momenti de hac parte pingi potest. ita egregia ill. HAASE *descriptio in Myotomiae specimine de musculis pharyngis et veli palatini.* Lips. 1784. omnia exhaust.

b) Secessum horum ramorum bene expressit. ill. SCARPA *Anat. ann. Lib. II. Tab. II. Fig. II. 10.*

equinae instar format, arteriam venamque vidianam includentem, qui minimis furculis, arteriis ciliaribus similibus modo tenerioribus, circa neruum eiusque furculos ludunt: Vti nunc ex neruo vidiano plures furculi cum ad nares, tum ad aquaeductum Fallopii neruum durum continentem, et ad canalem caroticum ablegantur, ita cum ramulis vasorum vidianorum aliquot tenella filamenta paullo post quam rami *nasales superiores posteriores Meckelii* ad vomerem et tubae Eustachii aperturam exierunt, ex eodem principium pharyngis ab osse occipitis etc. proueniens ingrediuntur. Difficile omnino est in crassa et fere cartilaginea substantia qua pharyngis initium cum osse occipitis, petroso et tuba Eustachiana nequitur, exiles et molles neruulos praeparare. In subiectis autem, in quibus vasorum repletio cum in arteriis rubra, tum in venis coerulea materia bene successit, si examen instituitur, prouti in duobus ego feci, elegantes anastomoses cernere possumus, quastenera haec vasa propter repletionem vero visibilia et discernenda, cum ramis vasorum palatinorum formant. Procedunt deinceps cum musculorum fasciculis a tuba Eustachiana sub nomine salpingo-pharyngaei in pharyngem inferti, ad eundem saccum, et imperceptibili tenuitate distribuuntur.

§. 4.

Nerui pharyngis ex ramo palatino quinti secundo, et ex ramo tertio quinti.

Harmonia, et conspirans actio functioque palati et pharyngis ex illa quoque elucescit anatomica obseruatione, quod superiori pharyngis principio, ex vno eodemque insigni rami secundi paris quinti, qui respectu praecipuarum palati partium, quibus prospicit, summo iure *nerus palatinus* appellatur, furculos nerueos non mediocres obtineat.

Ex ramo nempe palatino posteriore, seu minore, qui vuulae, velo palatino pendulo, itidemque tonsillarum vicinitati, vti etiam ex nervo palatino exteriori c), quem commodè palato-pharyngaeum appellare possumus, duo vel tres fasciculi ablegantur ad pharyngis partem palatinam, qui per carnes eiusdem distributi, in nonnullis subiectis occurrunt aliis surculis ex ramis glossopharyngaei retrocedentibus versus superiora, vt vna, cum vasorum plexu, cum his neruulis in copulam abeunt.

Tertius tandem fons, ex quo pharyngis parti palatinae ramuli neruei subministrantur, est ramus tertius quinti paris ipse; in verticaliter dissecto capite, par 5^{tuus} a parte interna perquisiui, remouebam itaque omnem posteriorem s. internam partem ossis petrosi, corporisque sphenoidei, dissecai tubam Eustach. et omnes ibidem iacentes musculos cum velo palatino, palato ipso, lingua etc. remoui, relictus mansit musc. pterygoideus. Iam vidi duo tenuissima filamenta neruea trunco rami tertii exire, quorum alter super musc. pterygoideos oblique versus os et velum palatinum progreditur, alter autem versus posteriora inclinans per duriores altissimi pharyngis carnes dispergitur, cum huius ramis denuo anastomoses fiunt cum ramis recurrentibus ex glossopharyngaeo. Mihi non omnino improbabile esse videtur, hanc forsan neruorum copulam insigniuisse ill. COTUNNI, cuius mentionem fecit ill. et exoptatiss. MARTIN d), licet ego nec vnionem cum septimo pare, nec peculiare gangliolum in illo inuenire potuerim.

CAP.

c) Eleganter repraesentati apud ill.
SCARPA T. II. Fig. II. 25. 32.

d) Institution. Neurologicae. Part.
II. p. 36.

CAP. II.

DE NERVIS PHARYNGIS EX OCTAVO PARE.

§. 5.

*De integra octavi paris nervorum serie
generaliores observationes.*

Dudum iam procul dubio oportuisset incisores antiquum dimittere errorem, tres, in tam multis attributis diuersas nervorum series, quae recte momente b. SANTORINO e) incongrue fascies nominantur, sub vno eodemque octavi vel vagi paris nomine comprehendere. Res vero semper eodem in statu mansit, donec b. ANDERSCH, et secundum mentem meam egregius olim discipulus meus celeb. SOEMMERRING f), ramum glossopharyngaeum ab octavo separare inceperint. Id mihi a primis temporibus, quo auditoribus meis fabricam corporis humani ostendere et illustrare debui, naturae conuenientius visum est, cum nervo glossopharyngaeo, alteram nervorum classem inchoare, et medullae par primum nuncupare, cuius alterum deinceps ipse nervi truncus fit, et tertium par linguale medium vulgo nonum dictum, quae tria paria, primum vniuersae medullae nempe medullae oblongatae nervorum ordinem componunt; alter dein ordo continet nervos cervicales quorum principium est notissimum par primum ill. ASCHII.

§. 6.

Exitus octavi paris.

Omnes tres fasciculi, vel potius series, nempe Glossopharyngaeus, Vagus et Accessorius, qui iuncti iuxta receptum loquendi usum

S 3

inte-

e) Tabulae Septendec. pag. 26.

f) Diff. de basi encephali. p. 159.

integrum *oſtaui paris* truncum componunt, intrant finum illum osseum, inter partem petrosam ossis temporum et os occipitis medium, vel cum vena iugulari communem, vel vti saepissime fit, lingula ossea a fossa iugulari separatum.

Profundum quasi illud ahenum, satis accurate sub foramine meatus auditorii interni, quem auditorius nervus cum communicante faciei intrat, situm est, aliquot lineas saltem inferius, magnitudinis fere eiusdem. Laxa quadam arachnoideae continuatione in patina vel aheni dura matre obducto, cinguntur, ad exitum vero sese accingentes, hi tres nerui in ipsa hac fouea separantur, et tribus in dura matre fabrefactis canalibus, qui saepe etiam in ossibus seorsim parati sunt cavitatem cranii egrediuntur. Melius hoc sane cerni nequit, quam si bini superiores fasciculi, *glossopharyngaeus* inquam et *vagus* ab interioribus versus exteriora reclinantur, nitidissime enim sub hac encheiresi oblongum et horizontaliter directum canalem superiorem, quem *glossopharyngaeus* ingreditur, medium eundemque maximum pro *vago* magis verticaliter descendentem, et tertium inferiorem pro *accessorio*, ab initio leni acclivique quodammodo ascensu, deinceps declivi descensu directum cernere possumus. Quemlibet autem nunc iam seorsim considerabimus.

SECT. I.

DE NERVIS PHARYNGIS EX GLOSSOPHARYNGAEO.

§. 7.

Progressus glossopharyngaei, gangliolum petrosum et diuisio eiusdem.

Primus eorum *Glossopharyngaeus* recte appellatus, ex 4. 5 etiam 6. minoribus fasciculis nerveis coalitus, per canalem suum in
dura

dura matre factum descendens, intra caluariam nullum amplius habet cum vago commercium, si apperturam sui canalis semel ingressus est. Cum pone parietem posteriorem et inferiorem cauitatis tympani versus inferiora progrediatur, facile suspicari possumus, anne filamentulum communicans cum neruis auditoriis adesset g); nihil vero deprehendi, quod villo modo huic opinioni ansam dare posset, id tamen minime infrequens est, in ipso canale filamentum abire, quod principio statim musculorum a stiliformi processu orientium impertitur.

Proxime adiacet neruus in *ganglion petrosum* intumescens lateri anteriori venae iugularis internae, cui etiam vnum alterumque tenuem furculum in multis subiectis exhibuisse vidi. Si tenellorum illorum furculorum abientium plures adsunt, *gangliolum illud petrosum*, quod omnino ratione figurae oblongae ganglio ceruicali superiore simile est, non inter minima ganglia referri debet.

Truncus nerui *glossopharyngei* per canalem suum cranio egressus in plerisque subiectis in quinque ramos praecipuos dehiscit, quorum quatuor priores et minores, partim cum ramis ex vago, partim cum neruis mollibus ex intercostali, partim inter se diuersimode cohaerent, omnes autem per pharyngem distribuuntur, quintus idemque maximus, *lingualis* recte dictus, versus linguae radicem procedit. Hanc diuisionis rationem in plus quam viginti cadaueribus annotaui: in 7 exemplis in tres ramos secessit, in 4 cadaueribus duos ramos aequalis magnitudinis vidi, vnicum mihi tantum huc vsque obuenit, in quo cum ramus lingualis iam altiore in loco
in

g) Beat. ANDERSCH lib. cit. §. 3. p. 4. de ramo ascendente auris internae, et ganglio petroso ex hoc neruo glossopharyngeo (ipsum octauo neruo capitis) loquitur, fateri autem debeo me quidem tenerrima filamenta albicantia, ex

canale membranaceo huius nerui parieti auris internae adhaerentia vidisse, quae vero potius pro fibris durae matris, quam neruorum habenda esse arbitror.

in ramos suos musculares, pharyngeos et linguales diuisus esset, octo ramos maiores aliquotque minores numerare potuerim, et sub hac varietate vidi, ramulum vnum vel alterum cum neruulis ex classe mollium copulatum, in plexum cardiacum descendisse, non absolute constans esse puto, in omnibus hominibus altissimam neruorum cardiacorum originem ex glossopharyngaeo repetendam esse.

§. 8.

Ramus communicans primus.

Primus constans et perpetuus ramus, etiam ratione magnitudinis sua attentione et appellatione dignus est communicans primus glossopharyngaei, cum ramo pharyngaeo ex vago plerumque ex infima ganglii extremitate egreditur, et in variis subiectis furculum communicatorium, vti b. ANDERSCH illum appellat, in truncum vagi abire vidi: minimo vero constans est, nam in aliis cadaueribus humanis, etiam in cane, in quo animantium genere nervus glossopharyngaeus admodum grandis esse solet, illum ramulum non inveni. Crassiusculus quidem hic ramus est, sed reliquis breuior, praeter tenerrimos binos furculos, cum nervis mollibus ex intercostali confluentes, recta via descendit ad latus exterius arteriae carotidis, et cum ramo pharyngaeo ex vago in latere exteriori huius rami confluit, et notabile voluminis augmentum huic ramo affert, ex quo confluxus loco. dein plures per pharyngem nervi distribuuntur, de quibus occasione rami pharyngaei ex vago sermo erit.


§. 9.

Secundus glossopharyngaei ramus muscularis.

Secundus ramus Muscularis a me dictus, quoniam praecipue stylohyoideo et biuentri prospicit, priori ratione magnitudinis similis, ex eodem fere loco ortus, paullo magis versus exteriora dirigitur.




I.




II.




III.



V.



IV.



gitur. In molli et mucofo cellulari contextu, qui mufculos a ftyliformi proceffu prouenientes, cum carotide et vena iugulari neftit, a ramo communicante primo, quocum adhuc neftebatur, fecedit, et verſus exteriora pauliſper decurrit, ſtatimque ramoſus fit; minorum furculorum alii pariter cum neruis mollibus iunguntur, et reti vaſorum pharyngaeorum immixti, ſuperiorem pharyngis regionem attingunt, ibidemque finiuntur, et anafomofes ſupra notatas efficiunt: maxima autem portio partim in mufculum ſtylohyoideum, partim in mufculum digaftricum diſtribuitur. Interim tamen notandum eſt caſus occurrere, in quibus vel digaftricus, vel ſtylohyoideus hunc ramum ſolus abſumit, frequentius vero per vtrumque diſpergitur.

§. 10.

Ramus communicans ſecundus.

Tertius ramus ſatis accurate iterum *communicans* idemque *ſecundus* cum ramo pharyngaeo ex vago appellari poteſt. Cum quarto ramo parili ratione aliquantulum cohaeret, vti primus et ſecundus ramus cohaeſerant. Excepto ramo *quinto ſ. linguali*, qui trunci glosſopharyngaei vti continuatio ita et finis eſt, hic ramus tertius reliquos ramos magnitudine ſuperat. Paulo magis decliui deſcenſu verſus anteriora dirigitur, admodum inconfans vero eſt ratione diuiſionis, licet ſummam naturae conſtantiam reſpectu finis obſervauerim. In multis, et aſſerere auderem in plurimis ſubiectis, abſque omni alio ramo edito verſus ramum pharyngaeum ſuperiorem ex vago properat, et in mediam huius rami circiter partem paullo exteriorius in illum abit, illo praeciſe in loco, vbi ex eodem ramo pharyngaeo ſuperiore praecipuus ramus pharyngaeus inferior ſeu radix eiſdem exit. In aliis duo, tres, quin quatuor parui furculi abeunt, et pharyngis regionem tonſillarem attingunt, factis

Comment. Phyſ. Tom. VII.

T

nonnul-

nonnullis anastomosibus cum proprio *ramo tonsillari* seu quarto ex trunco glossopharyngaei: et editis his furculis deinceps cum ramo pharyngaeo superiore ex vago, vti superius dictum est, coalescit.

Ramus tonsillaris.

§. II.

Quartus ramus constans quidem, sed omnium minimus, satis conuenienter *tonsillaris* dicitur, cum praecipue vel solus, vel cum aliis remixtus, ambitum pharyngis tonsillarem petat. Emissis aliquot exiguis furculis in musculus stylopharyngaeum, ramus ipse versus ramum pharyngaeum superiorem ex vago inclinatur, et in binos ramos dehiscit, *alter minor* reuera ramo pharyngaeo inseritur, seu potius nata ex ramo pharyngaeo superiore, eiusdemque ganglio radice, in alium ramum *tonsillarem-interiorem* increscit, et dum retro venam pharyngaeam eiusque ramos tonsillares incedit, cum alter maior ramus tonsillaris exterius ante venam processerit, in plures ramulos inconstantis numeri diuiditur, qui omnes in pharyngis regionem tonsillarem distribuuntur. Egregium sane spectaculum est, frequentes illas anastomoses intueri, quas hi ramuli, reti venoso pharyngo-tonsillari impliciti, partim cum ramo tonsillari exteriori, partim cum ramulis recuruis, ex ramo pharyngaeo superiori vagi versus alteriorem pharyngis regionem ascendentibus formant. *Alter ramus maior tonsillaris* proprie dictus exterior inter musculus stylopharyngaeum et rete venarum pharyngo-tonsillarium in exteriori latere decurrit, et vbi venam tonsillarem magnam tangit, cum furculo ex tonsillari ramo minore et interiori elegantem ansam format, qua ipsam venam amplectitur et fulcit. Nunc statim multi ramusculi exeunt in regione tonsillari pharyngis, cum furculis superius descriptis vniti, et multiplicibus ansis et anastomosibus cum venis irretiti, maximus horum ramorum paullo magis a regione tonsillari deflectit, et per fibras tunicae muscularis pharyngis

ryngis repetitis diuisionibus sparguntur, quae sub nomine glosso-pharyngaei, hyopharyngaei etc. notae sunt. Infinitis ibidem cohaeret anastomosibus cum ramulis ex pharyngaeo superiore vagi factis.

Copiosis illis neruorum cum vasis sanguiferis copulationibus, et in genere magno neruulorum per regionem tonsillarem pharyngis regionem distributorum numero, vehementia dolorum et symptomatum, si hae partes affectae sunt, adscribenda est.

§. 12.

Ramus glossopharyngaei lingualis.

Quintus ramus, ratione partis cui prospicit, *lingualis* commode dictus, est vera trunci continuatio et finis, quatuor prioribus ramis longe maior. Exeunt ramo, antequam ductu musculi stylopharyngaei versus pharyngis regionem tonsillarem et linguae radicem progreditur, tres, interdum plures parui et exiles furculi in pharyngis partem palatinam, ibidemque distinctis anastomosibus cum ramulis rami descendentes duri, subcutaneis rami tertii quinti, et cum furculis subcutaneis ex plexu ceruicali coeunt.

Dein cum musculo stylopharyngaeo pharyngem et linguam attingit: in eo itinere duo exiles sed constantes, furculi musculum quodammodo includentes, trunco exeunt, qui per pharyngis regionem tonsillarem distribuuntur, et cum tonsillaribus neruulis antea descriptis multiplici ratione vniuntur. Nunc demergit se truncus ipse in carnes musculi stylopharyngaei, et in fissura, quae musculum in duas portiones diuidit, versus linguae radicem excurrit, et in plures ramulos incerti numeri disspescitur, plerumque sex numeravi, quorum duo maiores et paruus, pharyngis illi tonsillari parti imperiuntur, quae super epiglottidem est: minimis filis ad interiorem

tunicam porriguntur, et cum tonsillaribus, et pharyngaeis superioribus ex vago, multifarie communicant. Duo maiores vero, qui saepe tertium minorem furculum medium, ex vno alteroue maiore saepe orientem includunt, soli linguam petunt. Natura ipsa duce hi duo rami linguales a se inuicem distinguuntur.

Alter nempe minor et superior commode sublimis et superficialis nominandus optime ab ill. MONRO h) icone repraesentatus. Denominationi decursus ratio perfecte respondet, nam inter linguae integumenta, et partem muscularem lateraliter et superficialiter incedit, in multos furculos diuisus, quorum validiores posteriores, cum neruulis tonsillaribus adhuc communicant, anteriores autem ultra mediam dorfi partem procedentes, in papillis, linguae marginem obsidentibus, finiuntur. Ab hoc ramo deriuari posse arbitror deglutiendi difficultatem, qua afficiuntur, quibus aphtae dolentes latera linguae occupant.

Alter maior ramus profundus, quodammodo muscularis dicendus, in profundiores linguae partes sese demergit, et in plures minores ramulos diuisus, per musculares linguae fibras dispergitur.

SECT. II.

DE NERVIS PHARYNGAEIS EX VAGO.

§. 13.

Egressus nerui vagi et nerui inde prodeuntes communicatorii.

Nervus vagus semper fibrillatim, vel 6. 7. vel 8. 9. 10 fasciculis tenellis parallelo ordine sibi accumbentibus ex medullae oblongae

h) Observations on the structure and functions of the nervous system. Edinb. 1783. Tab. 26. M.

longatae loco cognito ortus, et molli lanugine ex arachnoidea investitus, versus medium foramen vel canalem in foramine lacero sibi destinatum dura matre cinctum progreditur. Ibidem satis constanter insignem filamentorum nerueorum fasciculum, accessorio ex medulla spinali saepe maiorem, per peculiarem in dura matre haerentem canaliculum, cum neruo *accessorio* Willisii per proprium canalem descendente, coniungit. Huic primo ramo communicatorio, vti et secundo et plexiformi filamentorum eorum inter se nexui, et magnae trunci accessorii ipsius cum secundo et tertio pare neruorum ceruicalium ope anae anastomosi, adscribenda esse arbitror symptomata aliquoties a me obseruata, vt ex vulnere, quod musculus trapezium illo in loco penetrauit, vbi neruus accessorius per eundem distribuitur, ab ipso laesionis momento loquendi difficultas enata, et per reliquam vitam superstitem in balbutiem mutata fuerit: qui porro graui in cucullari, splenio, et sterno-claidoque mastoideo afficiuntur rheumatismo, loquelaе difficultatem, ventriculi molestiam, et in genere in omnibus visceribus aduersam sentient valetudinem, quae ex vago neruis prospiciuntur.

§. 14.

Continuatio eiusdem argumenti.

Edito fasciculo communicatorio dicto, truncus nerui vagi tres circiter lineas in suo canali membranaceo, a vicino, qui accessorium continet, plane diuerso, versus exitum ex foramine lacero progreditur, venae iugulari proxime incumbens, ita quidem, vt antea habeat canalem glossopharyngaei, posterius et inferius accessorii; venam iugularem autem in fossa ipsa inter glossopharyngaeum et vagum, medium locum occupasse, vti cel. MARTIN ⁱ⁾ asseruit, ego nunquam vidi. Mox in margine inferiore foraminis

T 3

laceri,

ⁱ⁾ De Neruis T. II. p. 117.

laceri, neruo vago ex canale suo infra caput in collo comparenti, manifestissime denuo adsociatur insignis neruorum ramus ex accessorio ortus, et per peculiarem canalem membranaceum versus vagum properat, illique sub angulo acutissimo in parte posteriore immittitur. Appellare possumus hunc ramum *communicantem secundum*, et sistit quodammodo alteram radicem, s. alterum nerui vagi crus ex medulla spinali ad illum augendum accedens. Minor licet sit hic ramus communicante primo, apparet tamem exinde, partes, quae ex vno alteroque neruorum trunco ramos fortiuntur, sub diuersis rerum conditionibus consensum sustinere, et medici chirurgique attentionem practicam requirere.

§. 15.

Progressus nerui vagi in collo.

Cum nerui vagi truncus extra fossam iugularem integer et indiuisus comparuerit, nam in plus quam 500 cadaueribus, in quibus neruum vagum in regione colli lustraui, vnicum tantum varietatis exemplum vidi, *truncum vagi bifidum fuisse in dextro latere*, qui super arteriam anonymam in vnum denuo coalescerent, vsque ad originem rami *pharyngaei* superioris in plurimis subiectis ad longitudinem integri pollicis et vltra nullum memorabilem furculum emittit, forti cellulosa venae iugulari adhaeret, et neruo hypoglossi vel nono pari, qui facto arcu oblique ante illum versus linguam procedit. In quibusdam autem indiuiduis omnino animadverti, duos vel tres tenellos furculos super ramum *pharyngaeum* trunco exiisse, vnum cum nono pare, duos reliquos cum ganglio ceruicali superiore ex intercostali coiuisse, vnumque vel alterum filamentum in plexum cardiacum misisse.

Ramus itaque *pharyngaeus*, bene ab HALLERO ita appellatus, inter ramos vagi vllius dignitatis primus est. Ex trunco prodit plerumque illo in loco, vbi nonum par ante illum incedit, et ipse
ramus

ramus aliquantisper ab hypoglossō neruo obtegitur. Vel iam paullo prius recepit in plerisque cadaueribus vnum alterumque filamentum ab accessorio, bene a b. LOBSTEINIO *k*) animaduersum.

§. 16.

Ramus pharyngaeus ex vago.

Insignis hic ramus *pharyngaeus* cum ratione magnitudinis, tum respectu vsus et multiplicis cum aliis partibus copulationis, praecipue autem propter egregium ganglion quod format, inter celebriores vagi nerui ramos pertinet. Descriptionibus iisdemque satis prolixis de hoc ramo equidem non caremus, licet huic prolixitati saepius molestae, perspicuitas cedere debuit, quod praecipue in ANDERSCHII enarratione desideramus, picturam autem fidelem, exactam et rei consentaneam nullibi deprehendo. Ab ortu ex trunco suo vagi per aliquot lineas progreditur ramus pharyngaeus indivisus, rarior enim est obseruatio, in vnico modo subiecto a me facta, tum ex neruo ceruicali secundo, tum ex ganglio primo intercostalis furculum in eum abiisse, et filamentulum ad plexum cardiacum descendisse.

Dum leni arcu versus pharyngem inclinat, superius approximatum sibi ramum communicantem primum ex glossopharyngaeo recipit, et inde crassior, deorsum vero plerumque duos, saepe tres, quatuor, rarius vnicum modo furculum versus ganglion ceruicale superius nerui intercostalis mittit, qui vel seorsim absque coalitu in maiores furculos, quod frequentissimum, vel in maiores coaliti totidem furculis ex ganglio occurrunt, et hoc modo anastomoses formant, ex quibus dein vnum alterumque filamentum in plexum cardiacum consumitur.

§. 17.

k) Diff. de neruo spin. p. 32.

§. 17.

Diuisio rami pharyngaei ex octauo et ganglion pharyngaeum.

Nunc vltcrius facto versus anteriora progressu fibrae nerui parumper a se inuicem diducuntur vt late scat, nonnullis earum fibrarum pauxillum versus inferiora inclinantibus. In superiorem marginem et aliquantulum anteriorem recipit iam ramum communicantem secundum ex glosso-pharyngaeo, quo recepto ramus noster in nodolum ganglio vero perfecte similem *pharyngaeum* commode appellandum intumescit. In hoc nerui loco, vbi *ganglion pharyngaeum* format, quinque neruorum rami confluunt et vniuntur, qui partim ingrediuntur, partim exeunt: 1) primus ramus idemque maximus est continuatio rami pharyngaei: 2) secundus ramus est communicans alter ex glosso-pharyngaeo pariter insignis: 3) tertius est anfula illa communicans ex ramo tonsillari glossopharyngaei: 4) quartus est continuatio rami pharyngaei versus pharyngem ipsum: et 5) quintus est grandis ramus descendens versus nervos pharyngaeos ex intercostali.

In centro quinque horum ramorum enarratorum confluentium locatum est nostrum *ganglion pharyngaeum*, ratione figurae stellam refert, tot radiis instructam, quot ramuli neruei in illud coalescunt, respectu magnitudinis gangliis mediae classis simile, vti renale ganglion fere, maius certe ophthalmico in orbita.

§. 18.

Continuatio diuisionis.

Diuiditur nunc ramus pharyngaeus facto ganglio in duos ramos, quorum alter paullo *minor* horizontalis, totus quantus in pharyngis regionem trachealem impenditur, alter maior descendens, cum ramis ex ganglio ceruicali superiore prouenientibus in novos ramos coale-

coalescit. Minor vel horizontalis pone venam pharyngaeam incedit, et ubi pharyngem attigit, in 4 ramulos dehiscit, quorum bini superiores adhuc in pharyngis regionem tonsillarem abeunt, et infinitis anastomosibus cum tonsillaribus nervis ex glossopharyngaeo communicant: bini inferiores autem magis descendunt, et multis furculis per pharyngis regionem trachealem disseminantur, ex quibus 5, cum totidem furculis ex pharyngaeo inferiore, versus superiora reflexis, in egregios arcus coeunt, ex quorum margine conuexo infinita copia filorum nervorum per musculos thyreo- et cricopharyngaeos distribuitur.

Ramus maior descendens breuior quidem praecedente sed crassior mox denuo in duos dehiscit ramulos, quorum *longior* et *tenerior* cum alio ramo ex intercostali prodeunte in nervum pharyngaeum inferiorem coalescit, *breuior* autem ramus partim in ramum laryngaeum superiorem abit, partim cum intercostalibus miscetur. Bini autem hi rami ope ansae cohaerent, quae arteriam plerumque pharyngaeam transmittit.

§. 19.

Ramus pharyngaeus inferior ex vago.

Ramus *longior* et *tenerior* reuera primam radicem nervi *pharyngaei inferioris* sistit, quae cum altera et tertia radice ex ganglio ceruicali superiore singularem ramum format, quem *pharyngaeum inferiorem* appellare possumus, cum vago, tum intercostali communem, ex binis itaque fontibus ortum. Quicquid de hoc ramo ad nervum intercostalem pertinet, ut maxima pars, occasione huius fontis enarretur, nunc modo ultimam portionem absoluemus, quae ex vago pharyngi exhibetur.

Facta igitur cum ramo ex intercostali circa arteriam pharyngaeam ansa, ramus hic ad pharyngem procedens paullisper versus inferiora declinat: assumit in progressu ex ramo intercostalis medio-crem furculum, quo sibi iuncto paullo post in duos ramos diuiditur, inferior in ramum pharyngaeum ex intercostali abit, superior statim versus pharyngis regionem trachealem excurrit, et infra cornu ossis hyoidis per pharyngis fibras musculares, ex cartilagine thyreoidea ortas, distribuitur, ab inferioribus versus superiora leuiter reflexus, vbi elegantes supra memoratos arcus format, quibus ramuli pharyngaei superioris ex vago cum his vniuntur.

SECT. III.

DE NERVIS PHARYNGIS AB ACCESSORIO SVPPEDITATIS.

§. 20

Generalia de relatione nerui accessorii ad pharyngem.

Paucos modo pharyngi exhibet *neruus spinalis ad vagum accessorius* furculos, nec quidem immediate ad illum progrediuntur, eamque igitur ob causam tanquam praecipuus neruorum pharyngaeorum fons speciatim de illo differere non opus esset. Interim cum hic neruus propter constantem cum faucibus organisque vocis et deglutitionis consensum, tot symptomatibus et phaenomenis manifestum, in plerasque harum partium actiones tam in sano, quam in morbofo statu influxum habeat, et in descriptione huius nerui Lobsteiniana, quam fere omnes post eum sequuti sunt, et fere exscripserunt, varia occurrant emendationem poscentia, nouam illius quoad decursum imaginem, a natura depromptam, minime superfluum esse arbitratus sum.

§. 21.

§. 21.

Diuisio nerui accessorii.

Nervus accessorius, factis cum vago intra canalem membranaeum copulationibus, nunc extra canalem comparens, venae iugularis superficiei interiori et paullo posteriori artissime adhaeret, et ante neruum noni paris incedit, ut ita medium locum inter venam iugularem et neruum nonum occupet. Si hunc situm optime cernere volumus, praeparatio, non uti plerumque a Lobstenio, aliisque administrata fuit, ab exteriori colli latere inchoanda, sed in capitis dimidio, verticaliter secti, ab interioribus versus exteriora progrediendo perficienda est. Opus quoque est, ut examen vel in subiecto instituat, cuius venae materia ceracea non repletae fuere, vel, si hoc factum est, vena iugularis euacuanda, ut in planitiem expandi possit. Mox infra nerui egressum, truncus quatuor vel quinque filamenta diuersae crassitiei emittit, quorum duo vel tria crassiora cum ramis pharyngaeis ex glossopharyngaeo confluunt: vnum cum filamento ex pari primo neruorum cervicalium ASCHII versus superiora ascendente confluit, et cum furculis ex nono et intercostali accedentibus, in longe pluribus subiectis in egregium gangliolum confluit: ultimum, si 4 fuerint, vel duo si 5 cum nervis mollioribus uniuntur.

His furculis exhibitis truncus accessorii in plerisque subiectis absque omni alio ramo dato versus coniunctionem cum nervis cervicalibus properat. Cum nunc inter musculum longissimum et venam iugularem descenderit, circa vertebrae colli secundam truncus accessorii in duos ramos dehiscit, quorum posterior *ramus communicans*, anterior *ramus muscularis* dici potest. *Ramus communicans* denuo statim diuiditur: altera et prima portio, duobus fasciculis grandibus cum ansa inter par cervicalium secundum et tertium media confluit.

Reliqua, eademque maior portio; siue musculus sternomastoideum siue cleidomastoideum perforauerit, quod in multis contingit, siue illum plane non tangat, versus colli scapulaeque musculos excurrit, et pluribus filamentis per trapezium et cutem distributis finitur. Alter ramus, quem muscularem dixi, nata et data radice ex pari neruorum cervicalium tertio, in multos ramulos diuisus, per musculos sterno- et cleidomastoideos distribuitur.

§. 22.

Consensus inter varias partes ope huius nerui enascens.

Memorabilis omnino neruus est hic descriptus *spinalis ad vagum accessorius*, causa et instrumentum adminiculans multorum phaenomenorum, ex coniunctione et consensu eius cum glossopharyngaeo, et per hunc cum quinto pare encephali, vago, intercostali et cervicalium plurimorum pendentium, in morboris praecipue affectibus saepe animaduertendorum. Nostrum equidem non in praesenti est, saltem a scopo meo iam alienum, omnes enarrare affectus, qui ex consensu neruorum huius regionis, cum neruis per thoracem, abdomen, et peluim distributis oriri queunt, in qua re prudentes viri REGA, KAW-BOERHAAVE, HALLER, LANGHANS, TISSOT, RAHN, multique alii plurimum fecerunt.

Addere modo horum virorum veritati pauca philosophumena volui, quae practicum seu potius therapeuticum me docuit exercitium.

1) Notum omnibus medicis practicis est phaenomenon, insolitum stuporem et rigorem in mouenda scapula et brachio sentiri, si affectus catharrhalis in veram anginam transire videtur.

2) In

2) In veris anginis, aut sub symptomate anginodæ in hydrophobia, procul dubio consensualis est ex infimo ventre specificè spastica stricture, nervis pharyngis, laryngis, accessorioque communicata, cum viderim, inter has convulsiones, insolito more attolendo deprimendoque vicissim scapulas moveri, interdum adeo rigidas et immobiles esse.

3) Si ebrietatis effectus, præcipue ex vinis austeris et mangonifatis observamus, sæpius singularem scapularum inertiamprehendimus.

4) Vidi nuper in vxore centurionis vehementis convulsione ex cardialgia hysterica enatae exemplum.

Propter motum peristalticum, lento modò versus oesophagum directum, omnis bilis et succus pancreaticus ex duodeno in ventriculum retrocedebant, quoties sufficiens saburrae copia ventriculum replet, spastica faucium convulsio enascebatur, rigor et immobilitas scapularum tanta erat, vt eleuare corpus nequiret, et singularis durities in sternomastoideo oriretur, subueniente vomitu, omnia cessabant.

5) In deplorabili illo feminarum hystericarum statu, si impedimentum in qualicunque tractus intestinorum parte oboritur, quo minus liquores intestinales, vt succus gastricus, pancreaticus et bilis non bene descendant, quod frequentius in ieiuni principio fit, a mesocolo transuerso constricto, vehementissimi dolores convulsui in ventriculo, oesophago, et pharynge oriuntur, ex quibus consensualiter colli scapularumque muscoli simul afficiuntur.

CAP. III.

DE NERVIS PHARYNGIS EX INTERCOSTALI
PROVENIENTIBVS.

§. 23.

De relatione nerui intercostalis ad pharyngem.

Nervus ille corporis animalis mixtus, qui ex parte nervorum encephali quinto et sexto *l)*, et quoad maximam partem ex medulla spinali *m)* prodit, et qui partim *intercostalis*, nomine licet maxime incongruo, attamen frequentissimo et omnibus cognito, partim *sympathetici maximi* a WINSLOWIO praecipue adhibito, et quoad vsum et functionem praecipue commendabili, notus est, pharyngem equidem non pluribus munit nervis, attamen illum minime intactum relinquit.

Numerus et magnitudo ramorum pharyngaeorum ex intercostali illis omnino minor et inferior est ex glossopharyngaeo exhibitum, dum teneri modo illi furculi ex ordine nervorum mollium, et proprii pharyngaei exinde prodeant, nihilominus autem in explicandis variis phenomenis, propter consensum nerui intercostalis cum tot aliis, et toto fere nervoso systemate magni omnino momenti censendi sunt.

§. 24.

*Nerui pharyngaei ex classe nervorum mollium nerui
intercostalis.*

Oriuntur proxime nerui pharyngis ex classe *nervorum mollium* supra ganglion ceruicale superius, statim ab egressu nerui intercostalis

l) Evidentissime evicta est origo dicta a beat. MECKELIO *Diff. cit.* et clar. HIRSCH.

m) DEMETRIUS IVANOFF. *de origine nervorum intercostalium.* Argent. 1780.

stalis ex canale carotico. Non exiguum numerum sistunt, nec inter minima pertinent filamenta quorum constantem per pharyngis tunicas distributionem iam b. HALLERUS agnouit. Interim tamen in his ipsis filamentis multum varietatis et inconstantiae subrepat.

Si iunctae radices ex nervo vidiano quinti, et vna vel altera sexti paris per canalem caroticum delapsae in collo in conspectum prodeunt, et truncum nervi intercostalis efficiunt, inter carotidem cerebralem, et crassum nervorum, glossopharyngaei vagi et accessorii fasciculum tenaci cellulosae immersus iacet. Ex ipso hoc coalito trunco, antequam ex vilo nervorum colli radices accessorias nactus fuerit, vidi in 7 cadaueribus tria, vel quatuor filamenta, in 2 subiectis vnicum furculum in regionem pharyngis palatinam distribui. Incedunt haec filamenta pharyngaea inter nervum glossopharyngaeum eiusque ramos et arteriam carotidem, cum nonnullis glossopharyngaei ramis communicant, et fere cum omnibus arteriae pharyngaeae ascendentes ramificationibus per pharyngis superiorem regionem distribuuntur.

§. 25.

Nervi pharyngaei ex ganglio ceruicali nervi intercostalis, superior et inferior.

De radice accessoria quae ex ganglio ceruicali superiore ad nervum pharyngaeum ex octauo accedit, iam superius dictum est; Praeter hanc duo adhuc magni fasciculi nervei, *pharyngaei intercostalis* appellandi, ganglio ceruicali superiore exeunt pharyngi impertiti.

Alter

Alter superior idemque maior factis per tenella fila cum pharyngaeo ex octauo anastomosibus infra cornu cartilaginis thyreoidis superius pharyngem petit, et pluribus diuisionibus et subdiuisionibus perpeffis super pharyngis partem laryngaeam seu trachealem dispergitur.

Alter inferior f. minor, ex infima ganglii parte egressus in duos finditur ramos, quorum superior infimae pharyngis parti impenditur, inferior maior, rami ipsius continuatio vasis thyreoideis superioribus se adiungit, et multiplici ratione iisdem irretitus finitur.

COMMENTATIONES

SOCIETATIS REGIAE SCIENTIARVM
GOTTINGENSIS

MATHEMATICAE CLASSIS
TOMVS VII.

AD A. MDCCCLXXXIV ET LXXXV.

ALB. LVD. FRID. MEISTERI
COMMENTATIO
DE
SOLIDIS GEOMETRICIS
PRO COGNOSCENDA EORVM INDOLE
IN CERTOS ORDINES ET VERSVS DISPONENDIS.

RECITATA
D. I. OCTOBRIS MDCCLXXXV.

Notabilis affinitas, quae intercedit inter figuras planas triangulares et inter pyramides triangulis terminatas, hoc est quadrangulares seu quadrilateras, subinde me in eam cogitationem adduxit, fieri posse, ut multa eorum, quae de pyramide praecipiantur, eodem fere modo praecipiantur, quem ad triangula adhibemus. Verbo dicam, Trigonometriae respondere videbatur Tetraedrometria, eodem habitu, quo sunt inter se superficies et solidum.

Vtut enim diuersae sint naturae haec duo extensorum genera; paullo tamen sagaciorem obseruatorem fugere non potest admirabilis et fere perpetua analogia, inter theoremata plana atque solida. Quae tantum non hoc efficit, ut, certo sensu, planimetria

pro parte vel specie aut casu stereometriae possit haberi. Sane in tractandi ordine, et in methodo qua vtriusque propositiones ac demonstrationes concinnamus, non sine insigni perspicuitatis augmento ad illam analogiam respici arbitror.

Ita pyramidis quadrangularis projectio, in aliquod illius latus, formam quadranguli refert, per binas diagonales in bina triangula dupliciter secti. Aut si curiosius numerum ineam, receptis in eum etiam figuris complicatis; quatuor laterum triangularium projectiones in totidem quadrangula, diagonaliter secta, disponi deprehendo. Ea tamen lege, vt, pro varia pyramidis constitutione, is numerus triangulorum possit, in projectione, ad pauciora quin ad vnicum redire.

Est ergo naturalis quidam transitus a triangulis ad figuras quadrangulares, et inde ad pyramides tetragonales: a trigonometria ad tetragonometriam, et inde ad tetraedrometriam. Priorem viae partem iam muniendam susceperunt aliquot viri acutissimi et mathematici egregii. Alteram, ea ratione qua susceptam velim, adhuc nemo, quod sciam, aggressus est. Ita scilicet, vt, quemadmodum in triangulis, ex relatione mutua partium sibi oppositarum aut adiacentium, formulae repertae fuerunt generales, quarum ope ex datis certo numero partibus reliquae incognitae inuestigantur, perinde fieri possit in tetraedris.

Non vanum fore huius rei consilium, cum tentamina a me instituta, ea quidem perquam adhuc leuia, me docuerunt; tum spem mouet peculiaris inter vtramque figuram responsus et, relatae ad ceteras sui generis, habitus, En, aliquot affinitatis argumenta!

1. Triangu-

1. Triangulum, ex omni figurarum numero, solum est, cuius anguli per latera determinantur. Idem obtinet in tetraedro.

2. Vtriusque figurae species, seu similitum classis, per angulos illius finitur; quod fecus est in ceteris omnibus.

3. Inter corpora sola pyramis, et inter ea, quae lateribus et angulis ex iisdem classibus desumptis terminantur, solum tetraedron hoc habet, quod figuris superficialiis commune est, ut totidem angulis gaudeant, quot lateribus. Forte operae pretium fuerit, causam quoque huius phaenomeni, eamque generalissimam, hic subiunxisse. Ut extensum angulis et lateribus terminatum, totidem angulis terminetur quot lateribus, opus est, ut angulus quilibet tot crura habeat, quot latus habet angulos. Angulus planus terminatur a duabus rectis, recta a duobus angulis (seu punctis, vicem angulorum gerentibus); hinc in omni figura superficialia obtinet aequalis laterum et angulorum numerus. Ut in solido obtineri possit, cuius quidem anguli solidi numero A , constantem habeant tum angulorum tum crurum numerum λ , latera autem (hoc est figurae planae quibus continetur) numero L , itidem habeant constantem tum angulorum tum laterum numerum l : debet esse $L.l = A.\lambda$. Ergo, ut sit $A=L$; necessario debet esse $l=\lambda$. Quantitas omnium angulorum planorum est $= (l-2). 2 R. L$; hinc etiam crurum, angulos omnes solidos constituentium, $(l-2). 2 R. L = (\lambda-2) 2 R. A$. Ex natura anguli solidi sequitur, ut sit $(\lambda-2) 2 R. A \leq 4 R. A$; hinc $\lambda-2 \leq 2$; hoc est $\lambda \leq 4$. Cum autem λ , seu l , neque possit esse numerus fractus, neque minor quam ternarius; consequens est, ut solus numerus 3, conditionibus solidi quaesiti satisfaciat. Nempe sola latera triangularia, et soli anguli solidi tricrurales, solidum

A 3

consti-

constituere possunt, quod aequali numero laterum et angulorum gaudeat.

Eodem modo definietur numerus solidorum possibilium, si latera cuiusque ad eandem polygonorum classem, anguli itidem ad eandem angulorum solidorum classem, pertinere debeant. Est enim in his quoque $L.l = A.\lambda$, et $\frac{L.l}{\lambda} = A$; ita tamen, ut iam non amplius sit $L = A$, neque $l = \lambda$. Summa angulorum planorum est $= (1-2) 2 R.L$. Quae cum ita dispesceat in numerum A angulorum solidorum, ut nullius portio assurgat ad quatuor rectos; erit $\frac{(1-2) 2 R.L}{A} < 4 R$; unde colligitur $\frac{(1-2).L}{2} < A$, quod est $\frac{(1-2)L}{2} < \frac{L.l}{\lambda}$, et $\frac{1-2}{2} < \frac{1}{\lambda}$. Numeri l et λ non sunt ternario inferiores:

ergo ponatur $l = 3 \mp m$; $\lambda = 3 \mp n$; erit $\frac{1 \mp m}{2} < \frac{3 \mp m}{3 \mp n}$; inde $m \mp mn \mp n < 3$. Quae conditio problema ad casus admodum paucos restringit. Etenim, assumpto $m = 0$; potest esse vel $n = 0$, vel $n = 1$, vel $n = 2$. Primum efficit $l = 3$, $\lambda = 3$; hinc et $L = A$ (I) quod soli tetraedro conuenit. Secundus valor n , efficit $l = 3$, $\lambda = 4$. (II). Tertius $l = 3$, $\lambda = 5$. (III). Assumpto $m = 1$; debet esse $n = 0$; hinc $l = 4$, $\lambda = 3$. (IV). Assumpto $m = 2$; erit iterum $n = 0$; hinc $l = 5$, $\lambda = 3$. (V). Ultra assurgere numerus m , nullo modo potest. Hinc totus solidorum quaesitorum numerus continetur quinario. Nisi solida sphaeroidea in sextum locum recipere placuerit. Vbi formula $m \mp mn \mp n < 3$, mutabitur in hanc, $m \mp mn \mp n = 3$. Quod si ergo m ponatur $= 0$, ut solidum triangulis infinite paruis contineatur; erit $n = 3$; hinc $l = 3$, $\lambda = 6$. Vel si ponatur $m = 1$, ut solidum

solidum contineatur quadratis, erit quoque $n=1$, $l=4$, et $\lambda=4$. Ad $m=2$, foret n numerus fractus $=\frac{1}{3}$, ad hunc vsum ineptus. Ad $m=3$, est $n=0$; hinc $l=6$, $\lambda=3$. Si m ternarium excederet, foret valor n negatiuus, hinc $\lambda < 3$; quod indicat angulum solidum impossibilem. Ergo sphaeroidica solida aut triangulis, aut quadrangulis, aut sexangulis, numero et magnitudine infinitis continentur.

Quandoquidem valores A et L , l et λ , m et n , vicibus plane iisdem funguntur in formulis; colligitur inde, reciprocam esse angulorum et laterum in istis solidis constitutionem. Hoc est, si L , l , m pertinent ad latera, A , λ , n ad angulos vnus ex istis quinque solidis; pertinebunt vicissim, et pari iure, L , l , m ad angulos, A , λ , n vero ad latera alterius cuiusdam. Inde iam ex sola calculi consideratione patet, vnumquodque ex istis quinque solidis, si omnimode fuerit truncatum, transire in alterum aliquod; et vice conuersa redire ad prioris formae indolem. Ita Tetraedron transit in aliud Tetraedron; Hexaedron in Octaedron, et conuersim; Dodecaedron in Icosaedron, et vice conuersa. Neque interest, vtrum haec solida fuerint regularia, nec ne.

4. Triangulum est figura prima, omnium simplicissima, minimo laterum numero circumscripta; in quam ceterae omnes resoluuntur. De Tetraedro idem valet.

5. Triangulo cuilibet circulus circumscribi potest: Tetraedro seu pyramidi quadrilaterae cuilibet, sphaera.

6. Triangulo inscribi potest circulus: Tetraedro item sphaera.

7. Rectae,


7. Rectae, angulós trianguli bifecantes, communi interfectionis puncto gaudent: perinde, ac in tetraedro plana, angulos inclinationum bifecantia.

8. Rectae normales, a mediis trianguli lateribus procedentes, centrum circuli circumscribendi definiunt: normales, a centris circulorum tetraedri lateribus circumscriptorum procedentes, centrum sphaerae circumscriptae definiunt. Sunt enim isti circuli in sphaerae superficie, hinc perpendiculares a centris erectae, globi diametros constituunt.

9. Rectae, angulos trianguli bifariam fecantes, in centro circuli inscripti concurrunt: plana, quae in tetraedro angulos inclinationis planorum bifecant, in centrum sphaerae inscriptae concurrunt.

10. Ductis, in triangulo, tribus rectis, quarum quaelibet bina trianguli latera ad angulos aequales fecet; deinde per medium harum rectarum ducta recta (normali) ad angulum oppositum; posteriores rectae, communi suo interfectionis puncto, circuli inscribendi centrum exhibent: similiter, quatuor planis ea lege tetraedro inductis, vt singula tribus solidi lateribus aequaliter insistant, et descripto, intra triangulum plani secantis, circulo; rectae, a centris horum circulorum ad apices tetraedri oppositos ductae (planis circulorum perpendiculares) in communi suae interfectionis puncto centrum sphaerae inscribendae exhibebunt. Addam demonstrationem.

fig. 1 Esto BCD, aliquod ex istis planis, ad quae latera DAB, BAC, CAD aequaliter inclinantur. Ductis perpendiculari AK, et normalibus Ka, Kb, Kc; erunt anguli inclinationum aequales AaK, AbK, AcK; hinc triangula ipsa, ad commune perpendiculum constituta,



constituta, inter se aequalia; eorumque bases Ka , Kb , Kc aequales, et K centrum circuli inscripti, triangulum BCD tangentis in punctis a , b , c . Porro autem manifestum est, ob angulos ABD , ABC aequales, et situm rectae AK perpendicularem, planum AKB bisecare angulum inclinationis inter duo latera ABD et ABC ; hinc transire per centrum sphaerae. Quod, cum de ceteris duobus planis AKD , AKC perinde valeat, eorum communis intersectio AK per sphaerae centrum transibit. In tribus reliquis tetraedri angulis solidis haec omnia eodem modo obtinent; hinc omnes quatuor rectae, ab illis angulis ad instar rectae AK procedentes, commune intersectionis punctum in centro sphaerae fortiuntur.

II. Ductis, per bina contactus puncta, circuli triangulo inscripti, tribus rectis (scilicet chordis), quae bisecentur per rectas ab fig 1 angulis oppositis procedentes; harum intersectio erit centrum circuli inscribendi. Similiter per trina contactus puncta, sphaerae in tetraedro inscriptae, ponantur quatuor plana, iisque inscribantur circuli; quatuor rectae per centra eorum ab angulis solidi oppositis proficiscentes, sphaerae centrum assignabunt.

Demonstratio.

Sphaera inscripta tangat latera anguli solidi A in punctis a, b, c ; intersectio plani, per haec puncta positi, in tetraedro efficiat triangulum BCD , et in sphaera circulum huic triangulo inscriptum trianguli latera in punctis a , b , c tangentem. Esto K centrum huius circuli; erunt anguli KBb , KBa aequales, et $aB = Bb$. Ducantur ad , bd , normales rectae AB ; erit quoque $ad = bd$, quia punctorum a , b , in quibus sphaera tangit vtrumque planum, quorum

Comment. Mathemat. T. VII.

B

inter-

intersectio est AB , non potest esse diuersus situs respectu huius rectae. Hinc $\angle DBb = \angle DBa$; et planum ABC secat angulum solidum B in duos angulos solidos, per totum similes. Hinc non differt ab illo plano, quod angulum inclinationis duorum laterum bifecat, quodque per sphaerae centrum transit. Quod, cum perinde valeat respectu punctorum binorum a, b et c, b ; intersectio horum trium planorum, hoc est, recta AK , transit per centrum sphaerae.

12. Triangulo dato vnicum triangulum inscribi ea lege potest, ut singula huius latera, bina dati ad angulos aequales secant: tetraedro dato vnicum inscribitur alterum, cuius latera singula ad trina dati eandem inclinationem habeant.

13. Circulus triangulo dato inscriptus, circumscribitur triangulo, iuxta conditionem praecedentem 12) constructo: sphaera tetraedro dato inscripta, circumscribitur tetraedro, iuxta eandem legem deformato.

14. Rectae, per bina contactus puncta circuli inscripti positae, ad bina trianguli latera aequaliter inclinantur: plana, per trina contactus puncta sphaerae inscriptae posita, ad trina tetraedri latera aequaliter inclinantur.

15. In triangulo rectae, ab angulis ad latera opposita normaliter ductae, communem intersectionem habent: in tetraedro vnumquodque punctum datum, fieri potest communis intersectio quatuor planorum, per angulos ad latera opposita normalium; verum, si ista plana per centrum circuli, lateri opposito circumscripti, ponantur, communem intersectionem in sphaerae centro fortientur. Prioris quoque effati, parum ut arbitror obuii, demonstrationem addo,
eamque

eamque concinnam et omnibus trianguli speciebus adcommodatam. Propter similitudinem triangulorum $b\beta c$, $(b\alpha x)$ $a\beta x$, est $b\beta : c\beta$ ^{fig. 2.}_{3, 4.} $= a\beta : x\beta$; propter similitudinem triangulorum $b\beta a$, $(b\alpha y)$ $c\beta y$, similiter $b\beta : c\beta = a\beta : y\beta$; hinc $x\beta = y\beta$, et $xy = o$. De tetraedro res sponte patet. Nam cuncta plana, centris circulorum in sphaera descriptorum ad normam insistentia, sphaerae centrum trans-eunt: hinc et illa plana, quae praeterea angulum tetraedri opposi-tum secant.

16. In triangulo, rectae ab angulis procedentes, quae latera opposita bifariam (in centro grauitatis) secant, commune fortiuntur interseccionis punctum, nempe centrum grauitatis in triangulo: si-militer plana per angulos tetraedri ita posita, vt latus oppositum in centro grauitatis secent vtcunque; commune habent interseccionis punctum, idque centrum grauitatis tetraedri. Etenim, facile intel-ligitur, vnumquodque horum planorum secare cuncta tetraedri ele-menta, lateri opposito parallela, in centris illorum grauitatis.

17. Dato triangulo simile inscribitur, dum per medias altitudi-nes ducuntur rectae basibus parallelae: tetraedro item simile inscri- ^{fig. 5} betur, dum in tertia altitudinum parte ponuntur plana basibus par-allela. Apices trianguli minoris contingunt latera maioris in cen-tris eorum grauitatis: similiter apices tetraedri minoris contingunt latera maioris, in centris eorum grauitatis. Similitudo vtriusque solidi patet ex similitudine laterum quibus terminantur: vt et angu-lorum solidorum. Quemadmodum enim crura cruribus parallela efficiunt aequales angulos planos; ita plana planis, eodem ordine politis, parallela, constituunt aequales angulos solidos. Triangula illa erunt in ratione $1 : 2^2$; tetraedra in ratione $1 : 3^3$.

18. Quemadmodum triangula, praecedentis numeri, qualia sunt
 fig. 5 bcd , $\beta\gamma\delta$, eodem grauitatis puncto gaudent; ita pariter tetraedra
 $ABCD$, $\alpha\beta\gamma\delta$. Recta enim $A\alpha$, quae centrum grauitatis α , ba-
 sis BCD transit, transit etiam centrum grauitatis a , trianguli bcd ,
 basi paralleli, hinc et trianguli $\beta\gamma\delta$, ceu basis tetraedri $\alpha\beta\gamma\delta$ in-
 scripti; eiusdemque apicem α ; hinc centrum grauitatis vtriusque
 solidi. Quod cum de ceteris tribus rectis $C\gamma$, $D\delta$, $B\beta$ perinde
 valeat; commune erit vtrique solido grauitatis centrum.

19. Si triangulo inscripto, iuxta eandem legem inscribatur ter-
 tium, huic quartum, et ita porro; oriatur series triangulorum simi-
 lium, circa idem grauitatis centrum ita dispositorum, vt in situ al-
 terne recto et inuerso latera homologa sint parallela, areae decre-
 scant in progressionem $1, \frac{1}{2^2}, \frac{1}{4^2}, \frac{1}{8^2}$ etc. $= 1, \frac{1}{2^2}, \frac{1}{2^4}, \frac{1}{2^6}$ etc.
 De solidis idem valet; nisi quod sint in progressionem $1, \frac{1}{3^3}, \frac{1}{9^3}, \frac{1}{27^3}$
 etc. $= 1, \frac{1}{3^3}, \frac{1}{3^6}, \frac{1}{3^9}$, etc.

Sunt multa alia, in quibus triangulo conuenit cum tetraedro;
 sed sufficiat, haec qualiacunque pro scopo meo, hoc est in excusa-
 tionem consilii mei et spei conceptae, attulisse. Tempus me monet,
 vt ex diuerticulo in viam redeam.

Consilium, quod iam aliquo abhinc tempore ceperam, nec ad-
 huc deposui, scilicet experiendi, vtrum calculus pyramidum qua-
 drangularium possit ad aliquam calculi trigonometrici similitudinem
 reduci, et formulis illi analogis adstringi, si, quae animo meo ob-
 versabantur, exitum aliquem habere omnino possint, requirere vi-
 debatur,

debatur, vt antequam in his tentaminibus vltcrius progrederer, de duplici subsidio parando effem sollicitus. Primum, et potius, proficisci debebat a qualicunque methodo, angulorum solidorum magnitudinem, vel rationem, per numeros exprimendi: alterum a solidorum ipsorum reductione in certos ordines et certas ordinum classes, quae indoli corporum communi non responderent solum, sed etiam indagandae inferuient.

De angulis solidis facile praeuidebam, quandoquidem illis non perinde contingit, ac angulis planis, aut sphaericis, vt qui sint aequales iidem quoque sint similes, quamquam conuersa vice, qui similes sunt, iidem quoque sint aequales; nihil sperari posse eorum, quae ab hac indole, si quidem reciproca foret, in calculi constitutionem proficiscerentur. Quid, quod haec ipsa discrepantia obest, quo minus naturalis aliqua aut necessaria detur quantitas, ad cuius mensuram ratio inter duos angulos solidos exigi vel possit, vel debeat. Supereft, vt arbitraria aliqua mensura adhibita, cuius rationem sequatur id, quod in angulis solidis magnitudinem vocare placuerit, videatur, vtrum haec talis magnitudo pareat certis legibus, quae inferuire solidis definiendis, inter se comparandis, iuxta aliquam figurarum planarum, seu sphaericarum etiam, similitudinem calculo accommodandis, quodammodo possint.

Cum angulis solidis, ad centrum sphaerae positis, respondeat portio superficiei sphaericae, poterat vel perimeter vel area huius figurae, in anguli ipsius mensuram adhiberi. Missam feci priorem hypothesin, cogitans, ita futurum esse, vt angulo euanescente, perimeter quae illius mensura debebat esse, non euanescat, sed in certum aliquem valorem exeat. Ideo substiti in altera hypothesi,

quae sumit, angulorum solidorum magnitudines proportionales areis figurarum sphaericarum, angulis ipsis oppositarum; vel, quod perinde est, sphaerae sectoribus, in hos angulos excurrentibus. Verum haec in aliam occasionem sepono.

Quod ad solida ipsa attinet, eorum diuisio in regularia et irregularia, pro infinito eorum numero nimis inadaequata videbatur, quam vt magnum inde subsidium ad infinite diuersas eorum naturas et constitutiones indagandas peti possit: cum ex altera parte, aut si aequius videatur in ipso fronte, sola quinque vel sex consistant; ex aduerso, aut pone tergum, ceterorum omnis promiscua multitudo. Et si vel hanc ipsam in peculiare prismatum, parallelepipedorum, pyramidum, acies diuidem, imo, si, in separandis ordinibus, integrorum etiam et truncatorum corporum rationem habeam; aequae tamen infinitus supererit numerus copiarum plane irregularium, quae nisi in ordinem redigantur, imperio non parebunt.

Regula, ad quam constituerentur ordines, peti poterat a figura triangulari, quadrangulari et ceteris, laterum, quae solidum terminarent: haec ipsa autem abibat in infinitas alias, ex quo polygonorum diuersae classes, a solo numero angulorum constitutae, inter se committebantur.

Angulorum solidorum figura trilatera, quadrilatera, et ceterae, ob eandem causam minus aptae videbantur ad regulam, quam corporum ordines sequerentur, constituendam.

Numerus laterum non pendebat a numero angulorum solidorum; hinc vtrisque inter se commissis, regula ex numero laterum constituenda non simplex erat, sed in diuersas abibat, pro varia angulorum, in quae latera coirent, multitudine.

Conuersa

Conuerſa ratio eodem incommodo laborare videbatur. Verum mox perſpexi, certo angulorum ſolidorum numero, quamquam non reſpondeat certus laterum ſolidi numerus, reſpondere tamen conſtanter eandem multitudinem triangulorum lateralium, hoc eſt tallium, in quae cetera polygona quae ſolidum continent, per meras diagonales diuiduntur.

Haec indoles ſolidorum, niſi omnium, certe eorum quorum cenſum ſuſceperam, ſcilicet ſimplicium, non in ſe ipſa redeuntium, neque in angulos concauos ſinuatorum, me admonebat, vt conſtiterem eorum ordines ex ſolo angulorum ſolidorum, vel quod ad idem redit, ex ſolo triangulorum lateralium numero: quemlibet autem ordinem, iuxta numerum laterum, diuiderem in ſuas ſpecies, pro varia polygonorum, quae ſolidum terminare poſſint, ſpecie.

Ita corporum ſolidorum acies conſtituitur in abaco triangulari, qui ab vna parte in infinitum excurrit, quique continet certas numerorum ſeries arithmeticas, tum parallelas lateribus, tum obliquas, ſolidum cuiusuis loci definientium.

Iam hoc ipſum praeter ſpem meam eueniebat, vt ſolidorum, in infinitum diuerſae, conſtitutiones arithmetiſ legibus parerent. Deinde ex tali ordine, in quem ſe redigi patiebantur, variae deducebantur eorum affectiones, mihi quidem antea non perſpectae: variae praeuidebantur mutationes, quae ſubeundae eſſent corpori, dum vel ex ſuo loco in alium tranſit, vel in duo pluraue membra difſecatur: multa demonſtrabantur de omnibus, quae, ab vno alterove exemplo facta leui coniectura, vix de paucis aliis auſus eſſem expectare.

Haec

Haec haftenus. Plura, et longe maiora, certo certius deprehendet is, qui in re, non dicam tenui, sed vtilitatem suam non prae se ferente, laborem ponere porro voluerit *).

Theorema I.

Omne solidum perinde in pyramides quadrangulares resolui et diffecari potest, vt figura superficialia in triangula.

Demonstratio.

Solidi enim lateribus vtcunque in triangula diuisis, si intelligantur rectae ab angulis horum triangulorum duci ad commune aliquod punctum, in ipso solido, pro lubitu, assumtum; palam est, ita

*) Me quidem auocare ab hac solidorum tractatione poterant et debebant Virorum summorum, KAESTNERI atque EULERI, in simile argumentum impensi labores. Et auocassent omnino, nisi mea haec qualiacunque iam tum maximam partem elaborata fuissent, cum ill. KAESTNERVS suas nobis Commentationes recitaret (*De corporibus polyedris data lege irregularibus; De sectionibus solidorum, crystallosum structuram illustrantibus; Commentatt. Societat. Scientiar. Goettingens. Vol. VI*); et nisi incuria mea accidisset, vt de Eulerianis (*Elementa doctrinae solidorum; in Nouis Commentt. Ac. Sc. Petropol. T. IV; epitome horum elementorum in ill. KARSTEN: Lehrbegr. der gesamten Math. T. II*) non cogitauerim ante, quam ad recitandum me accingerem, nec nisi monitus a conjunctissimo collega KAESTNERO. De hoc quidem non est, vt sim sollicitus: nam video, me viam ab

ipsius plane diuersam tenuisse. Eorum autem respectu, quae Eulerus docuerat, me quidem piget, hinc inde laborem me egisse, iam melius actum, et inuenisse quae inuenta reperire poteram; sed erigit cogitatio, neque hunc ipsum consensum cum tanto viro gloria sua carere, et assecutum me esse aliquot solidorum proprietates palmarias, in quibus ille demonstrandis, vt ipse refert, diu et omni studio frustra laborauerit, quibus repertis non obscure gauisus sit, quasque inter fundamenta totius stereometriae referre non dubitauerit. Religioni autem mihi duxi, cognito hoc errore, commentationi meae vel demere quicquam vel addere. Quamquam hinc inde meliora edoctus; talia exhibeo, qualia a me sunt profecta: non tamen intercedo, quin ad primum auctorem referantur, quae referri poterunt. Supererit, spero, pars non contemnenda, quam nemo sibi vindicare poterit.

ita definiri pyramides quadrangulares, ex quibus totum solidum constet, et in quas vicissim separari possit.

Scholium.

Dubium mouere potest punctum, ita assumtum, vt pars rectarum illuc ductarum solidi fines egrediatur. Sed eodem modo remouebitur hoc dubium, quo in figuris planis; praeterea autem in solidis, quorum anguli omnes sunt conuexi, ad quae sola hic respicimus, sua sponte cessat.

Theorema II.

Numerus minimus pyramidum quadrangularium, in quas solidum, triangulis $4 \mp 2n$ lateralibus circumscriptum, diuidi possit, descendere nequit infra numerum $\frac{4 \mp 2n}{2} - 1 = n \mp 1$.

Demonstratio.

Quaelibet pyramis quadrangularis, a solido recisa, duo ad summum triangula lateralibus secum aufert; praeter vltimam, quae quatuor. Hinc numerus triangulorum lateralium, dimidiatus, ostendit numerum minimum pyramidum, vnitate auctum.

Coroll. I.

Vice conuersa, ex dato numero $1 \mp n$ pyramidum, componi solidum, quod pluribus quam $4 \mp 2n$ triangulis lateralibus contineatur, nullo modo potest.

Coroll. 2.

Non autem solidum quodque tam paucas pyramides continet. Etenim, non vbique licet pyramidem ita recidere, vt duo triangula secum auferat. Sunt, quae vnicum saltem, aut nullum auferant;

vel quae adeo vnum alterumue ceteris addant. Quod secus est in figuris planis, in quibus constans est numerus minimus triangulorum constituentium, ad quem nunquam non descendere licet. Aequalis scilicet $2 \mp 2n$, in quacunque figura laterum $4 \mp 2n$. Notatu vero dignum videtur, quod numerus, infra quem in solidis descendi non potest, sit dimidium illius, ad quem in figuris semper descendimus.

Coroll. 3.

Ad hanc paucitatem tetraedrorum constituentium descendunt, verbi causa, pyramides generatim omnes. Nam si contineantur triangulis $4 \mp 2n$, basis continebit triangula $\frac{4 \mp 2n}{2} - 1 = 1 \mp n$, et solidum totidem pyramides. Porro prisma triangulare; et quadrangulare. Et alia solida.

Theorema III.

Numerus minimus pyramidum quadrangularem, in quas solidum, angulis solidis $4 \mp n$ terminatum, diuidi possit, descendere nequit infra numerum $n \mp 1$.

Demonstratio.

Incipiendo a tetraedro ipso, cuius sunt quatuor anguli solidi, quoties nouus accedit angulus solidus, accedit etiam, ad minimum vna, pyramis; hinc numerus angulorum solidorum $4 \mp n$, superat tribus vnitatibus numerum minimum pyramidum; hoc est, pauciora tetraedra solidum constituere nequeunt, quam $1 \mp n$.

Coroll. I.

Vice conuersa, ex dato numero $1 \mp n$ pyramidum, componi solidum, quod pluribus quam $4 \mp n$ angulis solidis contineatur, nullo modo potest.

Coroll.

Coroll. 2.

Ad hanc paucitatem tetraedrorum constituentium descendunt, inter cetera solida, pyramides generatim omnes. Nam si fuerit angulorum solidorum numerus $= 4 \mp n$; erunt anguli basis $3 \mp n$; triangula basis $1 \mp n$; et totidem solidi tetraedra. Porro prisma triangulare et quadrangulare. Generatim solida omnia, quorum triangula lateralia sunt $4 \mp 2n$, et anguli solidi $4 \mp n$, si ad numerum $1 \mp n$ tetraedrorum descendere possunt respectu laterum, possunt etiam respectu angulorum solidorum. Id quod sponte sua patet.

Theorema IV.

In omni solido, quod triangulis lateralibus $4 \mp 2n$ continetur, si non ad minorem tetraedrorum constituentium numerum descendere licet, certe licet ad hunc $4 \mp 2n - 3 = 1 \mp 2n$; tribus scilicet unitatibus deficientem a numero triangulorum.

Demonstratio.

Assumto enim aliquo ex angulis solidis in apicem communem pyramidum quadrangularem, in quas secari solidum intelligimus; palam est, triangula cuncta, quae pertinent ad solidi latera plana in hunc apicem concurrentia, non constituere bases harum pyramidum, sed in earundem latera cedere. Ergo, cum latera illa, tria minimum triangula contineant, totidem decedunt a numero basium, hoc est tetraedrorum, in quae solidum diuiditur.

Coroll. I.

Minimus, qui hac via obtineri possit, tetraedrorum numerus, tum existit, cum is angulus solidus in communem apicem eligitur, quem constituunt solidi latera, quam maximum triangulorum late-

ralium numerum continentia. Sit iste numerus $= t$; erit numerus pyramidum $= 4 \mp 2n - t$; tanto minor, quanto maior est t . Pendet autem numerus t , tum a multitudine figurarum seu laterum quæ angulum solidum constituunt, tum a multitudine laterum, quæ figuras ipsas constituunt. Ita tres figurae quinquangulares totidem continent triangula, quot nouem figurae triangulares. Et potest datus triangulorum numerus t , a variis figuris varie contineri. Ita, si fuerit $= 9$; continebitur in tribus, quatuor, quinque etc. figuris, hoc modo:

7 \mp 1 \mp 1	
6 \mp 2 \mp 1	
5 \mp 3 \mp 1	5 \mp 1 \mp 1 \mp 1 \mp 1
5 \mp 2 \mp 2	4 \mp 2 \mp 1 \mp 1 \mp 1
4 \mp 4 \mp 1	3 \mp 3 \mp 1 \mp 1 \mp 1
4 \mp 3 \mp 2	3 \mp 2 \mp 2 \mp 1 \mp 1
3 \mp 3 \mp 3	2 \mp 2 \mp 2 \mp 2 \mp 1
<hr/>	
6 \mp 1 \mp 1 \mp 1	4 \mp 1 \mp 1 \mp 1 \mp 1 \mp 1
5 \mp 2 \mp 1 \mp 1	3 \mp 2 \mp 1 \mp 1 \mp 1 \mp 1
4 \mp 3 \mp 1 \mp 1	2 \mp 2 \mp 2 \mp 1 \mp 1 \mp 1
4 \mp 2 \mp 2 \mp 1	3 \mp 1 \mp 1 \mp 1 \mp 1 \mp 1 \mp 1
3 \mp 3 \mp 2 \mp 1	2 \mp 2 \mp 1 \mp 1 \mp 1 \mp 1 \mp 1
3 \mp 2 \mp 2 \mp 2	2 \mp 1 \mp 1 \mp 1 \mp 1 \mp 1 \mp 1 \mp 1

Coroll. 2.

Cum ex Theorem. II constet, pyramidum numerum nunquam minorem esse posse, quam $1 \mp n$; patet inde, neque posse esse $4 \mp 2n - t < 1 \mp n$; aut $3 \mp n < t$. Sit, verbi causa, $n = 12$, erit

$$4 \mp 2n$$

$4 \mp 2n = 28$, et $3 \mp n = 15$; et t non poterit esse maius 15. Hoc est; in solido, quod viginti octo triangulis lateralibus continetur, non dabitur angulus solidus, cuius figurae circumiectae (in hunc angulum concurrentes) contineant plura quam quindecim ex istis triangulis.

Coroll. 3.

Verum, non repugnat, posse esse $4 \mp 2n - t = 1 \mp n$; $t = 3 \mp n$. Ita in exemplo allato, ex viginti octo triangulis, quindecim concurrent in angulum solidum, reliqua tredecim in figuram planam quindecim laterum coalescent; inde nascetur pyramis totidem laterum. Neque hoc peculiare est vni aut alteri pyramidum, sed in vniuersum omnibus conuenit. Nam vbique numerus laterum triangularium duabus vnitatibus excedit numerum triangulorum, quae

basin constituunt. Hinc posterior erit $= \frac{4 \mp 2n}{2} - 1 = 1 \mp n$; prior $= \frac{4 \mp 2n}{2} \mp 1 = 3 \mp n = t$.

Coroll. 4.

Eundem valorem t , praeter pyramides, aliis multis solidis conuenire, iam exinde patet, quod pyramis data, seruato angulorum solidorum et triangulorum lateralium numero, in varia corpora mutari potest, ita, vt figurae pauciores, sed eodem triangulorum numero constantes, in apicem electum coeant. Qua de re postea pluribus agetur.

Theorema V.

In omni solidò, triangulorum lateralium numerus, et numerus angulorum solidorum, ita a se inuicem pendent, vt si prior fuerit $= 4 \mp 2n$; posterior sit $= 4 \mp n$. C 3

Demonst.

Demonst.

Corpus quodlibet ita formari et componi potest, ut pyramides quadrangulares subinde nouae accedant prioribus. Quaelibet autem noua pyramis ita iungitur solido ex prioribus iam dum coalito, ut vel unicum pyramidis latus adglutinetur unico solidi triangulo laterali, vel duo iungantur duobus, vel tria tribus, vel cuncta quatuor

fig. 6 quaternis. In primo casu accedunt nouus angulus solidus α , et tria triangula lateralia abc , acd , adb , unicum autem $\alpha\beta\delta$ decedit: hinc numerus angulorum solidorum crescit unitate, triangulorum latera-

fig. 7 lium duabus unitatibus. In secundo casu nouus angulus solidus non accedit; accedunt quidem duo triangula bcd , bca , sed totidem decedunt $\alpha\beta\delta$, $\alpha\kappa\delta$; hinc neque angulorum solidorum neque trian-

fig. 8 gulorum lateralium numerus mutatur. In tertio casu decedunt unicus angulus solidus α , concavus, et tria triangula $\alpha\beta\kappa$, $\alpha\kappa\delta$, $\alpha\delta\beta$; accedit autem nouum triangulum bcd ; hinc angulorum solidorum

fig. 9 numerus decrescit unitate, triangulorum duabus. In quarto casu, introducto tetraedro $abcd$ in cauitatem solidi undiquaque clausam $\alpha\beta\kappa\delta$, decedunt quatuor anguli solidi interni concavi α , β , κ , δ ; et totidem triangula lateralia interna $\alpha\beta\kappa$, $\alpha\kappa\delta$, $\alpha\delta\beta$, $\beta\kappa\delta$. Sed ab hoc ultimo casu abstinemus: quandoquidem nobis de solidis, sui nuclei cauitatem ambientibus, non est sermo; et nostra culpa accideret, si in componendis corporibus, qualia in censum nobis veniunt, ad haec talia deduceremur.

Ergo in ceteris casibus, dum noua additur pyramis; vel manet prior angulorum solidorum et triangulorum lateralium numerus; vel ille mutatur vnica unitate, hic duabus. Hinc incipiendo a pyramide quadrangulari, cuius anguli solidi tot sunt quot triangula lateralia,

lateralia, et addendo subinde nouas; dum numerus angulorum solidorum, a quaternario incipiens mutatur per singulas vnitates, modo crescendo modo decrescendo; numerus triangulorum lateralium, ab eodem quaternario incipiens, mutabitur per binas vnitates, iuxta cum altero crescens vel decrescens. Ergo vbi prior factus est $= 4 \mp n$, posterior factus erit $= 4 \mp 2n$.

Scholium.

Mirabilis, et nisi fallor fecunda, est haec inter angulos solidos et triangula lateralialia conspiratio; mihi certe eius notitia, vel sola, remunerari videbatur laborem in haec impensum.

Corollarium.

Numerus triangulorum lateralium in omni solido est par, scilicet aequalis $4 \mp 2n$; angulorum solidorum potest esse vel par, vel impar. Prius inde quoque colligi poterat, quod in solido terminando bina vbique triangulorum vicinorum latera congruere debent. Sunt autem triangulorum m , latera $3m$; hinc numerus rectarum in quibus bina latera congruunt, $= \frac{3m}{2}$; qui cum necessario sit integer, debet esse m numerus par.

Problema I.

Reperire condiciones, quibus positis datus triangulorum lateralium numerus possit in polygona eiusdem classis coire, laterum numero $= \lambda$ terminata.

Solutio.

I. Datus triangulorum numerus $4 \mp 2n$, diuisus per numerum $\lambda - 2$ triangulorum, quae in singula polygona disponuntur, debet
quotum

quotum integrum exhibere; is enim $\frac{4 \mp 2n}{\lambda - 2}$ numerum laterum indicat, quae solidum quaesitum continent.

II. Anguli omnium polygonorum sunt numero $\frac{(4 \mp 2n) \lambda}{\lambda - 2}$; qui diuisus per numerum angulorum solidorum $4 \mp n$, debet iterum exhibere quotum integrum $\frac{(4 \mp 2n) \lambda}{(\lambda - 2)(4 \mp n)}$, aequalem nempe numero angulorum planorum, in singulos solidos coeuntium.

III. Idem numerus non debet esse minor trinario; cum angulus solidus tres minimum angulos planos requirat.

Exempla.

Sit $n=0$, λ successiue = 3, 4, 5 etc.; proueniunt sequentes valores fractionis (N. II.): $\frac{3}{1}$; $\frac{4}{2}$; $\frac{5}{3}$; $\frac{6}{4}$ etc. Prima et secunda fractio dant numeros integros; sed posterior iusto minorem. Prior indicat solidum quatuor laterum triangularium, et totidem angulorum solidorum; quod est Tetraedrum.

Sit $n=1$, λ successiue = 3, 4, 5 etc. erunt valores fractionis $\frac{6}{5} \cdot \frac{3}{1}$; $\frac{6}{5} \cdot \frac{4}{2}$; $\frac{6}{5} \cdot \frac{5}{3}$; $\frac{6}{5} \cdot \frac{6}{4}$; $\frac{6}{5} \cdot \frac{7}{5}$ etc. inter quos solus tertius integer est, verum ternario minor, vt et ceteri omnes praeter primum.

Pro $n=2$, $\lambda=3, 4, 5$ etc. reperientur fractiones $\frac{8}{6} \cdot \frac{3}{1}$; $\frac{8}{6} \cdot \frac{4}{2}$; $\frac{8}{6} \cdot \frac{5}{3}$; $\frac{8}{6} \cdot \frac{6}{4}$; etc. quarum prima et tertia ad integrum redit, verum sola prima ternario non minor est; et haec indicat octo latera triangularia et sex angulos solidos; hoc est Octaedrum.

Pro $n=3$, $\lambda=3, 4, 5$ etc. reperientur $\frac{10}{7} \cdot \frac{3}{1}$; $\frac{10}{7} \cdot \frac{4}{2}$; $\frac{10}{7} \cdot \frac{5}{3}$; $\frac{10}{7} \cdot \frac{6}{4}$ etc. Prima fractio non redigitur ad integrum; et ceterae omnes sunt iusto minores.

Pro

Pro $n=4$, $\lambda=3, 4, 5$ etc. reperientur $\frac{1}{8} \cdot (\frac{3}{1}; \frac{4}{2}; \frac{5}{3}; \frac{6}{4}$ etc.)
 Secunda fractio problemati satisfacit et denotat solidum sex laterum quadrangulare, et octo angulorum solidorum, hoc est Hexaedrum.

Uterius extendere has series, non adtinet; cum in promptu sit, legem quam sequuntur, perspicere.

Theorema VI.

Pro dato numero angulorum solidorum, constanter aequali $4 \pm n$, vel quod perinde est, triangulorum lateralium $= 4 \pm 2n$, reperientur solidi latera $4 \pm n$; $4 \pm n \pm 1$; $4 \pm n \pm 2$; $4 \pm n \pm 3$ $4 \pm 2n - 1$; $4 \pm 2n$.

Demonst.

Quod si enim in basi laterum $4 \pm n - 1$, fiat pyramis; erit numerus laterum, vna cum basi, aequalis $4 \pm n$; basis continebit triangula $4 \pm n - 3$; quae cum, saluo angulorum solidorum numero, sensim sensimque separari possint, hoc est declinari in plana alia atque alia, accedent solido vnum, duo, tria - - - - $4 \pm n - 3 - 1 = n$ latera, ad illa $4 \pm n$, quae statim ab initio habuit; et tota summa erit $= 4 \pm 2n$.

Coroll.

In hoc ultimo casu latera cuncta solidi erunt triangula; neque augeri amplius poterit eorum numerus, saluo angulorum solidorum numero. Dicitur hoc solidum, ordinis sui primum. Ordinem constituent solida, quae aequalem numerum angulorum solidorum, aequalem triangulorum lateralium habuerint. Index ordinis erit valor literae n , qui ordinem numerabit. Solidum, quod paucissima numerabit latera, dicitur ordinis sui vltimum. De quo statim.

Theorema VII.

Pro dato numero angulorum solidorum $4 \pm n$, hinc triangularum lateralium $4 \pm 2n$, reperientur solidi latera $4 \pm n$; $4 \pm n - 1$; $4 \pm n - 2$ - - - - $4 \pm \frac{n}{2}$, ad n par; $4 \pm n$; $4 \pm n - 1$; $4 \pm n - 2$ - - - - $4 \pm \frac{n \pm 1}{2}$ ad n impar.

Demonstratio.

Sufficit, vt haec pro solido vltimo concinnetur. Nam si postrema seriei membra solidum possibile exhibent; praecedentia nihil difficultatis habent: cum a postremis eodem modo regressio detur, quo in Theoremate proxime superiori dabatur progressio, scilicet per successiuam complicationem laterum in latera triangularia.

fig. 10

Ergo, ad n par, intelligatur pyramis seu prisma ABCDEFG, cuius basis habeat latera $3 \pm \frac{n}{2}$, secari a plano obliquo ABcdef iuxta aliquod basis latus AB. Huius solidi truncati erunt anguli solidi $2(3 \pm \frac{n}{2}) - 2 = 4 \pm n$; latera $(3 \pm \frac{n}{2}) \pm 1 = 4 \pm \frac{n}{2}$.

fig. 11

Ad n impar, intelligatur item prisma seu pyramis, cuius basis habeat latera $3 \pm \frac{n-1}{2}$, secari a plano obliquo iuxta aliquem basis angulum A. Huius solidi truncati anguli solidi erunt numero $2(3 \pm \frac{n-1}{2}) - 1 = 4 \pm n$; latera $(3 \pm \frac{n-1}{2}) \pm 2 = 4 \pm \frac{n \pm 1}{2}$.

Coroll.

Coroll. I.

Solidum, quod vel $4 \pm \frac{n}{2}$ vel $4 \pm \frac{n \pm 1}{2}$ lateribus continetur, prout n vel est numerus par, vel impar, vocabitur ordinis sui vltimum. Ita ordo n^{tinus} constabit ex solidis, quae a numero fuorum laterum constituunt sequentem seriem naturalem

$$4 \pm 2n; 4 \pm 2n-1; 4 \pm 2n-2; \dots 4 \pm n; 4 \pm n-1; 4 \pm n-2 \dots 4 \pm \frac{n}{2}, \left(4 \pm \frac{n \pm 1}{2}\right)$$

Ergo ordo n par, continet loca $(2n \pm 4) - \left(\frac{n}{2} \pm 4\right) \pm 1 = \frac{3n}{2} \pm 1$;

Ordo n impar, loca $(2n \pm 4) - \left(\frac{n \pm 1}{2} \pm 4\right) \pm 1 = \frac{3n-1}{2} \pm 1$.

Coroll. 2.

In solido vltimo laterum $4 \pm \frac{n}{2}$, hoc est ordinis paris n ; anguli solidi omnes ad trilateros seu tricurios redacti sunt. In solido vltimo laterum $4 \pm \frac{n \pm 1}{2}$, hoc est ordinis imparis n , anguli solidi omnes trilateri sunt, praeter vnicum, qui est quadrilaterus.

In neutro laterum numerus minui porro potest.

Coroll. 3.

Sane miratu digna res visa est mihi, quod hae binae formae, scilicet ortae ex prismate, seu pyramide, cuius bases vel in vno aliquo latere, vel in vno aliquo angulo suo coeunt, vltimis omnium ordinum solidis alterne satisfaciant; hoc est, quod solida omnino omnia, dum, seruato angulorum solidorum numero, laterum numerus quous-

que licet minuitur, tandem in has formas exeant. Ab his retro ascenditur, lateribus successiue in sua triangula complicatis, vsque ad primum in ordine solidum, cuius latera omnia sint triangularia.

Coroll. 4.

Schema solidi primi, quocunque laterum numero $2n \pm 4$ terminati, exhibent binae pyramides, basi cummuni $n \pm 2$ laterum ex aduerso insistentes. Aliud schema solidorum primorum, sed non *fig. 12* continuum, offert Fig. 12, terminatum lateribus 2 ± 6 ; 2 ± 2.6 ; 2 ± 3.6 - - - ($2 \pm p.6$). Huius anguli solidi omnes sunt quadricruri. Incipit ab Octaedro. Inde per saltus aequales, omissis quibus ordinibus, ad senos transit.

Coroll. 5.

Similiter schema solidi quadrangulis $n \pm 2$ terminati, dummodo n fuerit numerus par, > 4 , efficiunt binae pyramides, in eodem plano ita ex aduerso positae, vt bases laterum $\frac{n \pm 2}{2}$, iunctim, concludant figuram $n \pm 2$ laterum; plana pyramidum lateralia producantur, donec eorum quodlibet angulum solidum oppositi corporis *fig. 13* reciderit. Ichnographiam exhibet Fig. 13. Quadrangula, vt ABCD, pertinent ad superiorem pyramidem; cetera, vt ABEC, ad inferiorem.

Alio modo solidum, meris figuris quadrilateris, numero 2 ± 4 ; *fig. 14* 2 ± 2.4 ; 2 ± 3.4 ; - - - - ($2 \pm p.4$) terminatum, construi potest, dum pyramidi truncatae imponitur altera, cuius basis quadrilatera inferior, congruat in illius superiorem; secundae imponatur tertia, huic quarta, et sic porro. Eius anguli solidi omnes erunt tricruri. Per saltus aequales superatis ternis ordinibus, in quaternis residet.

Coroll.

Coroll. 6.

Poterit etiam solidum contineri a meris pentagonis, numero 2 ± 10 ; 2 ± 2.10 ; 2 ± 3.10 ; - - - - ($2 \pm p.10$). Modum ostendit fig. 15 figura adiecta; ex qua intelligitur, numerum pentagonorum, posse in infinitum crescere. Etenim, nihil requiritur, quam vt plana B, quae pyramidem truncatam assumtam fecant diagonaliter, paullo magis inclinentur, quam intersectio ab, planorum A, A. In basi superiori C, intelligatur secunda pyramis, cuius latera paullo plus inclinentur, quam intersectio cd, planorum B, B. Secunda pyramis ad eandem legem truncetur et circumcidatur, ac prima; huic imponatur tertia, et sic porro. Haec solida, per saltus aequales, superatis ordinibus nouenis, in denos incidunt. Anguli solidi omnes sunt tricururi.

Coroll. 7.

A folis fexangulis, aut plurium laterum figuris, solidum contineri nullo modo posse, facile perspicitur.

Coroll. 8.

Illud quoque praeter expectationem accidit, vt bases vltimorum solidorum constituent seriem polygonorum naturalem. Etenim, si index n crescat ex ordine numerorum naturali, scilicet, triangulorum lateralium numero per paria crescente; erit p, numerus laterum in basi solidi vltimi, alternatim $3 \pm \frac{n}{2}$, et $3 \pm \frac{n \pm 1}{2}$; iuxta sequentem seriem:

D 3

ad

$$\text{ad } n=0, \text{ par; } \text{erit } p=3 \pm \frac{n}{2} = 3$$

$$n=1, \text{ impar; } p=3 \pm \frac{n \pm 1}{2} = 4$$

$$n=2, \text{ par; } p=3 \pm \frac{n}{2} = 4$$

$$n=3, \text{ impar; } p=3 \pm \frac{n \pm 1}{2} = 5$$

$$n=4, \text{ par; } p=3 \pm \frac{n}{2} = 5$$

$$\vdots$$

$$n=q, \text{ impar; } p=3 \pm \frac{n \pm 1}{2} = 3 \pm \frac{q}{2} \pm \frac{1}{2}$$

$$n=q \pm 1, \text{ par; } p=3 \pm \frac{n}{2} = 3 \pm \frac{q}{2} \pm \frac{1}{2}$$

$$n=q \pm 2, \text{ impar; } p=3 \pm \frac{n \pm 1}{2} = 3 \pm \frac{q}{2} \pm \frac{3}{2}$$

$$n=q \pm 3, \text{ par; } p=3 \pm \frac{n}{2} = 3 \pm \frac{q}{2} \pm \frac{3}{2}$$

etc.

etc.

Coroll. 9.

Notum est, solida regularia terminari vel angulis solidis trilateris, vel lateribus triangularibus. Hinc sunt extrema suorum ordinum; partim prima, partim ultima.

Tetraedrum, quod et angulis solidis et lateribus trilateris terminatur, est primum et ultimum sui ordinis, et totum ordinem, cuius $n=0$, constituit.

Octaedrum incipit quartum ordinem, cuius $n=3$.

Hexae-

Hexaëdrum claudit sextum, cuius $n=5$.

Icofaedrum incipit decimum, cuius $n=9$.

Dodecaedrum claudit decimum septimum; $n=16$.

Sphaera infinitesimum ordinem vtrinque terminat, intermediis ceteris corporibus globosis; $n=\infty$.

Coroll. 10.

Singula membra alicuius ordinis, figillatim spectata, variant inter se multiplicitate angulorum solidorum et laterum, quibus continentur. Hoc est, corpus, ad eundem locum ordinis sui referendum, potest latera sua ex aliis atque aliis polygonorum classibus, item angulos suos ex aliis atque aliis angulorum solidorum classibus colligere.

Ita imus locus ordinis $n=16$, continet Dodecaedrum, prisma decangulum, segmentum prismatis hendecagoni secundum latus basis suae oblique secti etc. Primum ex his, meris quinquangularibus figuris et angulis solidis trilateris terminatur; secundum duobus decagonis et decem quadrangulis; tertium duobus hendecagonis, duobus triangulis et octo quadrangulis; et sic porro.

Theorema VIII.

Si detur, in certo aliquo ordine n , solidum laterum m ; dabitur solidum totidem laterum, in singulis ordinibus praecedentibus, adusque ordinem $\frac{m-3}{2}$, aut $\frac{m-4}{2}$ (prout m erit vel impar vel par) inclusive.

Demonstratio.

Demonstratio.

Pone, solidum datum occupare in suo ordine n , locum 1^{timum} ; erit $2n \mp 4$ numerus laterum in primo loco, hinc $2n \mp 4 - (1-1) = 2n \mp 5 - 1 = m$, numerus laterum in 1^{timo} loco.

Ordinis proxime praecedentis, cuius index dicatur $v (=n-1)$, habet in primo loco latera $2v \mp 4$, et in loco λ^{timo} latera $2v \mp 4 - (\lambda-1) = 2v \mp 5 - \lambda = 2n \mp 3 - \lambda$. Ergo, si λ fuerit $= 1-2$; erit hic laterum numerus itidem aequalis m . Hoc est, solidum, quod in ordine $n-1$ occupat locum $1-2$, totidem latera habet, ac solidum, quod in ordine sequente, n , occupat locum 1 .

Pari modo in ordine $n-2$, solidum laterum m , occupabit locum $1-4$; in ordine $n-3$, locum $1-6$; et sic porro, pro quolibet nouo ordine, decedent a numero 1 binae vnitates.

Ergo $\frac{1}{2}$, siue $\frac{1 \mp 1}{2}$, prout 1 vel erit numerus par vel impar, indicabit, in quot ordinibus, vna cum dato retro numeratis, iste laterum numerus m adfit.

Cum autem fit $1 = 2n \mp 5 - m$; indicabit $\frac{2n \mp 5 - m}{2}$, aut $\frac{2n \mp 6 - m}{2}$ (prout m , vel erit numerus impar, vel par) eosdem ordines retro numeratos. Hoc est, aut ordo $(n - \frac{2n \mp 5 - m}{2} \mp 1 =) \frac{m-3}{2}$, aut ordo $(n - \frac{2n \mp 6 - m}{2} \mp 1 =) \frac{m-4}{2}$, erit primus qui offerat solidum m laterum.

Coroll.

Coroll. I.

Si solidum datum, occupet vel primum vel secundum sui ordinis locum, hoc est, si vel fuerit $l=1$, vel $l=2$; erit ordo, qui primitus solidum tot laterum offerat, in primo casu $(n - \frac{2n \mp 6 - m}{2}$

$\mp 1 = n - \frac{1 \mp 1}{2} \mp 1 = n - \frac{2}{2} \mp 1 =) n$; in secundo $(n - \frac{2n \mp 5 - m}{2}$

$\mp 1 = n - \frac{1}{2} \mp 1 = n - \frac{2}{2} \mp 1 =) n$; in utroque idem cum dato ordine n .

Coroll. 2.

Iuxta eandem legem indicabitur, quem locum in aliquo sequentium ordinum occupet solidum m laterum. Quot enim unitatibus excedit index ordinis de quo quaeritur, indicem dati ordinis, tot unitatum paribus excedit locus quaesitus, locum datum. Ergo si quaeratur de ordine $n \mp q$; solidum laterum m , quod in ordine n occupabat locum l , occupabit in ordine $n \mp q$, locum $n \mp 2q$.

Coroll. 3.

In quolibet ordine proxime sequenti, solidum, salvo laterum numero, vel plectitur vno angulo solido et duobus triangulis lateralibus; vel iisdem augetur: prout ordines vel regrediuntur, vel progrediuntur. Eiusmodi series, dicentur series solidorum aequilaterum.

Theorema IX.

Numeri laterum, in solidis diuersorum ordinum, eodem loco constitutis, tot unitatum paribus a se inuicem differunt, quot unitatibus differunt suorum ordinum indices.

Demonstratio.

Sint ordines n , et $n \pm t$, locus l ; erit numerus laterum in solido prioris ordinis $= 4 \pm 2n - (1 - 1) = 5 \pm 2n - 1$; in solido posterioris $= 4 \pm 2n \pm 2t - (1 - 1) = 5 \pm 2n - 1 \pm 2t$. Differentia $= 2t$, duplum est differentiae inter ordinum indices.

Coroll. I.

Hae series vocabuntur Columnae. Solida quae illas constituunt, in progressu vel regressu per alios atque alios ordines, bis tot augentur vel plectuntur lateribus et triangulis lateralibus, quot angulis solidis.

Coroll. 2.

Columnae numerantur iuxta loca ordinum. Hinc perinde est, quaerere in quo ordine incipiat aliqua columna, ut l^{ima} , ac scire velle, in quo ordine l^{imus} locus primum occurrat; hoc est, in quo ordine sit vel ultimus, vel penultimus; aut quis ordo tot loca habeat, quot vel l , vel $l \pm 1$, habet unitates. Est autem forma generalis alicuius ordinis, sequens series naturalis:

$$4 \pm 2n; 4 \pm 2n - 1; 4 \pm 2n - 2; \dots 4 \pm n; 4 \pm n - 1; \dots \\ 4 \pm \frac{n}{2}, \left(4 \pm \frac{n \pm 1}{2} \right)$$

Quae ut habeat l terminos seu loca; debet esse differentia inter primum et ultimum terminum aequalis $l - 1$. Hoc est, vel $(4 \pm 2n - 4 - \frac{n}{2}) = \frac{3n}{2} = l - 1$, et $\frac{3n \pm 2}{2} = l$; vel $(4 \pm 2n - 4 - \frac{n \pm 1}{2}) = \frac{3n - 1}{2} = l - 1$, et $\frac{3n \pm 1}{2} = l$. Et vicissim erit vel $n = \frac{2l - 2}{3}$, vel $n = \frac{2l - 1}{3}$.

Exempla.

Exempla, ubi quaeritur n.

Sit $l=7$; erit $n = \frac{2l-2}{3} = 4$; hoc est, septima columna incipit in quarto ordine, eiusque loco ultimo.

Sit $l=14$; erit $n = \frac{2l-1}{3} = 9$; hoc est, columna decima quarta incipit in nono ordine, eiusque loco ultimo.

Sit autem $l=5$; erit $n = \frac{2l-2}{3} = \frac{8}{3}$; quod indicat, nullum ordinem respondere; sed $n = \frac{2l-1}{3}$, erit $= 3$, hoc est, columna quinta incipit in tertio ordine, eiusque loco ultimo.

Similiter $l=16$, si ponatur $n = \frac{2l-1}{3}$, dabit indicem $\frac{31}{3}$, qui nulli ordini respondet: alter valor $n = \frac{2l-2}{3}$, dabit indicem 10; et columna decima sexta incipiet in ultimo loco ordinis decimi.

Quod si autem neutra harum formularum exhibeat n , integrum; hoc erit indicio, columnam datam incipere in loco penultimo alicuius ordinis. Isque ordo reperietur, dum numero fracto, utriuslibet formulae, substituimus proxime maiorem integrum.

Ita si fuerit $l=6$, altera formularum, $n = \frac{2l-2}{3}$ dabit fractum $\frac{10}{3}$, altera $n = \frac{2l-1}{3}$ dabit fractum $\frac{11}{3}$. Numerus integer proxime maior, qui servato denominatore 3, prodit, est utrinque $\frac{12}{3} = 4$. Inde apparet, columnam sextam incipere in loco penultimo ordinis quarti.

Ergo semper vna ex tribus formulis $n = \frac{2l-2}{3}$; $n = \frac{2l-1}{3}$; $n = \frac{2l-0}{3}$, quaesito satisfacit. Et succedunt sibi iuxta hoc ipsum schema, dum crescit l in serie naturali.

Ad $l=1$, est $n=0$, ex formula $\frac{2l-2}{3}$

2,	1,	$\frac{2l-1}{3}$
3,	2,	$\frac{2l}{3}$
4,	2,	$\frac{2l-2}{3}$
5,	3,	$\frac{2l-1}{3}$
6,	4,	$\frac{2l}{3}$
7,	4,	$\frac{2l-2}{3}$
8,	5,	$\frac{2l-1}{3}$
etc.	etc.	etc.

Exempla, ubi quaeritur l .

Sit $n=12$; erit $l = \frac{3n \mp 2}{2} = 19$; hoc est, in ordine duodecimo incipit columna decima nona.

Sit $n=15$; erit $l = \frac{3n \mp 1}{2} = 23$; hoc est, in ordine decimo quinto incipit columna vicesima tertia.

Coroll.

Coroll. 3.

Vbi quaeritur, a quo laterum numero incipiat columna l data; vel, quod perinde est, si sit definiendus minimus laterum numerus, in solidis quae columnam l constituunt: inuestigetur primo index ordinis, a quo incipit data columna; deinde numerus triangulorum lateralium huius ordinis; tandem ab hoc numero subtrahatur $l-1$; residuum erit numerus quaesitus.

Exempla.

Ad $l=5$; est $n=3$; $2n \mp 4 = 10$; $2n \mp 4 - (l-1) = 6$; ergo columna quinta incipit a solido sex laterum.

Si $l=6$; est $n=4$; $2n \mp 4 = 12$; $2n \mp 4 - (l-1) = 7$; ergo columna sexta incipit a solido septem laterum.

Si $l=7$; est $n=4$; $2n \mp 4 - (l-1) = 6$; ergo columna septima incipit a solido sex laterum.

Coroll. 4.

Si iste minimus laterum numerus dicatur t ; erit in genere $2n \mp 5 - l = t$. Cum autem valor indicis n , qui pertineat ad datum l , sit ambiguus inter hos tres, $\frac{2l-2}{3}$, $\frac{2l-1}{3}$, $\frac{2l}{3}$; erit t

$$\text{vel aequale } 2 \cdot \frac{2l-2}{3} \mp 5 - l = \frac{l \mp 11}{3}$$

$$\text{vel } = 2 \cdot \frac{2l-1}{3} \mp 5 - l = \frac{l \mp 13}{3}$$

$$\text{vel } = 2 \cdot \frac{l}{3} \mp 5 - l = \frac{l \mp 15}{3}$$

E 3

Ex

Ex quibus valoribus vnus semper dabit quaesitum; vt ex hoc fchemate patet.

$$\text{Ad } l=1, \text{ est } t = \frac{1 \mp 11}{3} = 4$$

$$l=2, \text{ -- } t = \frac{1 \mp 13}{3} = 5$$

$$l=3, \text{ -- } t = \frac{1 \mp 15}{3} = 6$$

$$l=4, \text{ -- } t = \frac{1 \mp 17}{3} = 7$$

$$l=5, \text{ -- } t = \frac{1 \mp 19}{3} = 8$$

$$l=6, \text{ -- } t = \frac{1 \mp 21}{3} = 9$$

$$l=7, \text{ -- } t = \frac{1 \mp 23}{3} = 10$$

$$\vdots$$

$$l=20, \text{ -- } t = \frac{1 \mp 39}{3} = 13$$

etc.

etc.

Constituunt isti valores t , pro serie naturali valorum l , seriem itidem naturalem, quae a numero 4 incipit, et post trinos quosque terminos recurrit ad proxime praecedentem:

4, 5, 6, 5, 6, 7, 6, 7, 8, 7, 8, 9, 8, 9, 10 etc.

Problema II.

Ordines duorum corporum reciprocorum inuestigare.

Solutio.

Solutio.

Corpora reciproca voco, quorum vtrumcunque tot habet angulos solidos, quot alterum latera; hinc et tot latera, quot alterum angulos solidos. Esto itaque, in corpore altero A, numerus laterum $=m$, index ordinis $=n$, numerus angulorum solidorum $=n \mp 4$; erit in altero corpore B, vi problematis, numerus angulorum solidorum $v \mp 4 = m$; a quo si auferatur quaternarius, residuum $m - 4$ erit index ordinis quaesitus v .

Supereft, vt demonftratur; in hoc ordine quem $v = m - 4$ indicat, fore aliquem laterum numerum, aequalem numero $n \mp 4$ angulorum solidorum corporis A; hoc est, primi loci numerum $2v \mp 4$, non fore minorem quam $n \mp 4$; vltimi loci numerum, fiue fuerit $4 \mp \frac{v \mp 1}{2}$, feu $4 \mp \frac{v}{2}$, non fore maiorem quam $n \mp 4$.

Ergo demonftrandum eft, effe

$$\text{I)} \quad 4 \mp 2v \stackrel{>}{=} n \mp 4$$

$$\text{II)} \quad \left\{ \begin{array}{l} \text{feu } 4 \mp \frac{v \mp 1}{2} \stackrel{<}{=} n \mp 4, \text{ in cafu, quo } m, \text{ hinc et } v, \text{ fuerit} \\ \text{numerus impar} \\ \text{feu } 4 \mp \frac{v}{2} \stackrel{<}{=} n \mp 4, \text{ in cafu } m \text{ et } n \text{ paris.} \end{array} \right.$$

Hoc eft, fubstituto valore $v = m - 4$, effe

$$\text{I)} \quad m \stackrel{>}{=} 4 \mp \frac{n}{2}$$

$$\text{II)} \quad \left\{ \begin{array}{l} \text{feu } m \stackrel{<}{=} 2n \mp 3, \text{ in cafu } m \text{ imparis.} \\ \text{feu } m \stackrel{<}{=} 2n \mp 4, \text{ in cafu } m \text{ paris.} \end{array} \right.$$

Prius

Prius inde patet, quod minimus numerus m , hoc est in ultimo ordinis loco constitutus, sit $= 4 \pm \frac{n}{2}$ in casu n paris; et aequalis $4 \pm \frac{n \pm 1}{2}$, hinc maior quam $4 \pm \frac{n}{2}$, in casu n imparis.

Posterius ex eo patet, quod in casu m imparis, et maximi, hoc est locum secundum occupantis, eius valor sit $= 2n \pm 4 - 1 = 2n \pm 3$; et in casu m paris, et maximi, id est primum locum occupantis, eius valor sit $= 2n \pm 4$.

Corollarium.

Ergo pro quolibet solido dato, reperietur aliquod reciprocum. Hoc est, si solidum possibile fuerit, quod terminetur x lateribus, z angulis solidis; erit quoque possibile solidum, quod terminetur reciproce z lateribus, x angulis solidis.

Exempla.

Corpora regularia ex tribus reciprocorum paribus constare notum est.

Tetraedro respondet Tetraedrum, $m=4$, $n=0$, $m-4=v=0$

Hexaedro respondet Octaedrum; in illo est $m=6$, $n=4$, numerus angulorum solidorum $4 \pm n=8$; in hoc est $v=m-4=2$, $\mu=8$, numerus angulorum solidorum $v \pm 4=6$.

Dodecaedro respondet Icosaedrum; in illo est $m=12$, $n=16$, numerus angulorum solidorum $4 \pm n=20$; in hoc est $v=m-4=8$, $\mu=20$, numerus angulorum solidorum $v \pm 4=12$.

Notatu dignum est, indices ordinum, quorum singuli continent singula corpora regularia, seriem potentiarum numeri 2 constituere,

0, 2,

0, 2, 4, 8, 16, ∞ , vtrinq; a numero infinito stipatam, quorum alter tetraedrum respicit, alter sphaeram.

Porro: fit datum Prisma 14 angulorum solidorum, hinc 16 laterum; erit ex ordine decimo. Solidum reciprocum, erit ex ordine duodecimo et occupabit locum decimum quintum.

Porro Pyramis 18 angulorum solidorum, et totidem (vna cum basi) laterum, est ex ordine 14; solidum reciprocum ex ordine $18 - 4 = 14$; hoc est, ex eodem ordine et loco. In vniuersum, pyramis non habet solidum reciprocum a se diuersum; hoc est, reuera nullum.

Porro detur segmentum prismatis, cuius basis habeat 10 latera, cuius bases in vno angulo coeant; habebit angulos solidos 19, latera 12, et erit ex ordine 15. Eius reciprocum erit ex ordine 8, et occupabit locum secundum.

Denique detur segmentum prismatis eiusdem, cuius vero bases in duobus angulis coeant; numerabit 18 angulos solidos, latera 11, et erit ex ordine 14. Eius reciprocum erit ex ordine septimo, et occupabit locum primum.

Theorema X.

Solidorum omnium, quae vltimum ordinis sui locum occupant, reciproca consistunt vel in primo, vel in secundo ordinis sui loco; prout indices n, v , vel erunt numeri pares, vel impares.

Demonstratio.

Sit n numerus par; erit m in vltimo loco positum $= 4 + \frac{n}{2}$.

Ergo $v = m - 4 = \frac{n}{2}$; et numerus, in primo huius ordinis loco exi-

stens, erit $= 2v \mp 4 = n \mp 4$, hoc est, idem qui angulorum solidorum prioris corporis.

Sit n numerus impar; erit in ultimo loco positum $= 4 \mp \frac{n \mp 1}{2}$. Hinc si fiat $v = m - 4 = \frac{n \mp 1}{2}$; erit numerus in secundo huius ordinis loco existens $= 2v \mp 4 = n \mp 4$, idem qui angulorum solidorum prioris corporis; et solida ipsa reciproca.

Coroll.

In corporibus regularibus non occurrit numerus laterum impar, neque angulorum solidorum, ideo nec indicis, numerus impar. Hinc est, quod ex duobus reciprocis, alterum semper sit in primo, si alterum in ultimo, suorum ordinum, loco. Eorum autem nullum in loco aliquo intermedio deprehendi posse, palam est, cum in omnibus vel cuncta latera sint triangularia, vel cuncti anguli solidi trilateri, vel utrumque obtineat. Primo debetur locus primus; secundo ultimus; tertio et primus et ultimus, id est, qui sit sui ordinis vnicus.

Problema III.

Dato solido A, reperire locum reciproci B.

Solutio.

Sit index ordinis	num. Ang solidor.	num. Lat. in primo loco	num. Lat. Solidi A	index loci Solidi A
n	$n \mp 4$	$2n \mp 4$	m	1
\vdots	\vdots	\vdots		
v	$v \mp 4$	$2v \mp 4$	μ	λ

Erit

Erit $m = 2n \mp 4 - (l \mp 1)$, $\mu = 2v \mp 4 - (\lambda - 1)$. Problema
 postulat, vt sit $v \mp 4 = m = 2n \mp 4 - (l \mp 1)$; et vicissim $n \mp 4 = \mu$
 $= 2v \mp 4 - (\lambda - 1)$; et vt exinde eliciatur valor λ .

Prins dat $v = 2n - l \mp 1$; posterius $v = \frac{n \mp \lambda - 1}{2}$; vnde sequi-
 tur $2n - l \mp 1 = \frac{n \mp \lambda - 1}{2}$; et $\lambda = 3 \cdot (n \mp 1) - 2l$.

Exemplum.

Detur solidum A, decem laterum, duodecim angulorum soli-
 dorum, et quaeratur locus λ , reciproci B. Erit $n = 8$, $l = 11$,
 $v = 8$; hinc $\lambda = 5$.

Coroll. 1.

Non dantur solida reciproca A, B, in eadem columna, ex di-
 versis ordinibus petenda. Nam foret differentiâ inter numeros an-
 gulorum solidorum, aequalis differentiae inter numeros laterum;
 cum tamen haec sit constanter duplum illius.

Coroll. 2.

In quolibet ordine est aliquis locus, cuius numerus laterum,
 sit aequalis numero angulorum solidorum, ordini praefixo. Hunc
 locum deberi Pyramidi, palam est. Solida locorum, hoc inferiorum,
 habebunt sua reciproca in ordinibus hoc ordine inferioribus; solida
 superiorum, in superioribus. Illa quidem habebunt in superioribus
 partibus ordinum; haec autem in inferioribus. In illis constituta
 solida, plura habent latera quam angulos solidos; in his, plures
 angulos, quam latera.

Coroll. 3.

Numeri laterum in locis, quae pyramides occupant, seriem naturalem constituunt, a quaternario incipientem, perinde ac numeri angulorum solidorum. In quolibet ordine, locum pyramidis praecedunt loca $(2n \mp 4) - (n \mp 4) = n$; et sequuntur loca, vel

$$(n \mp 4) - \left(\frac{n}{2} \mp 4\right) = \frac{n}{2}, \text{ vel } (n \mp 4) - \left(\frac{n \mp 1}{2} \mp 4\right) = \frac{n - 1}{2},$$

prout n vel par est, vel impar. Ergo summa locorum omnium, quae in partibus superioribus omnium ordinum parium existunt, est ad summam locorum in partibus inferioribus, in ratione $n : \frac{n}{2} = 2 : 1$.

Sed summa locorum omnium, quae in partibus superioribus omnium ordinum imparium existunt, est ad summam locorum in partibus inferioribus, in ratione serierum infinitarum $1 \mp 3 \mp 5 - - - - - : 0 \mp 1 \mp 2 - - -$.

Coroll. 4.

I) Quod si numerus et ratio istarum summârum, ad certum vsque ordinem n , imparem, quaeratur; erunt, respectu ordinum parium,

$$\text{ab vna parte, } 2 \mp 4 \mp 6 \mp 8 - - - (n - 1) = \frac{(n \mp 1)(n - 1)}{4} *)$$

$$\text{ab altera, } 1 \mp 2 \mp 3 \mp 4 - - - \frac{n - 1}{2} = \frac{(n \mp 1)(n - 1)}{8}$$

respectu

*) Secundum notam formulam, summam S , seriei arithmeticae, ex datis terminis extremis a , z , et differentia

$$d, \text{ reperiendi: } S = \frac{(z - a \mp d)(z \mp a)}{2d}.$$

respectu ordinum imparium, erunt summae

$$\text{ab vna parte, } 1 \mp 3 \mp 5 \mp 7 \dots \mp n = \frac{(n \mp 1)(n \mp 1)}{4}$$

$$\text{ab altera, } 0 \mp 1 \mp 2 \mp 3 \dots \mp \frac{n-1}{2} = \frac{(n \mp 1)(n-1)}{8}$$

Iunctae itaque locorum, in vtrisque ordinibus, summae, erunt
(exceptis pyramidum locis)

$$\text{hinc } \frac{(n \mp 1)n}{2}; \text{ inde } \frac{(n \mp 1)(n-1)}{4}$$

$$\text{Est earum ratio} = n : \frac{n-1}{2}; \text{ summa} = \frac{3n^2 \mp 2n - 1}{4}$$

II) Si quaerantur hae summae, pro indice n , qui sit numerus
par; erunt summae locorum in ordinibus imparibus

$$\text{ab vna parte, } 1 \mp 3 \mp 5 \mp 7 \dots \mp (n-1) = \frac{n^2}{4}$$

$$\text{ab altera, } 0 \mp 1 \mp 2 \mp 3 \dots \mp \frac{n-2}{2} = \frac{n(n-2)}{8}$$

Respectu ordinum parium, erunt summae

$$\text{ab vna parte, } 2 \mp 4 \mp 6 \mp 8 \dots \mp n = \frac{n(n \mp 2)}{4}$$

$$\text{ab altera, } 1 \mp 2 \mp 3 \mp 4 \dots \mp \frac{n}{2} = \frac{n(n \mp 2)}{8}$$

Iunctae locorum, in vtrisque ordinibus, summae erunt

$$\text{hinc } \frac{(n \mp 1)n}{2}; \text{ inde } \frac{n^2}{4}$$

$$\text{Earum summa} = \frac{3n^2 \mp 2n}{4}; \text{ earum ratio} = n \mp 1 : \frac{n}{2}$$

F 3

Coroll.

Coroll. 5.

Si in altera harum formularum, literae n substituatur litera $v = n \mp 1$, vt denotet ordinem proxime superiorem; subtracta summa inferioris, ab hac superioris, residuum numerabit loca superioris excepto solo loco pyramidis.

$$\text{Summa pro } n \text{ impari} = \frac{3n^2 \mp 2n - 1}{4}$$

Summa pro ordine pari,

$$\text{proxime superiori} = \frac{3(n \mp 1)^2 \mp 2(n \mp 1)}{4} \left(= \frac{3v^2 \mp 2v}{4} \right)$$

Residuum $= \frac{3(n \mp 1)}{2}$, indicat, ordinis n imparis proxime superiorem parem, constare, praeter locum pyramidis, ex tot locis; vel illo addito, ex locis $\frac{3n \mp 5}{2}$

$$\text{Summa pro } n \text{ pari} = \frac{3n^2 \mp 2n}{4}$$

$$\text{pro impari proxime super.} = \frac{3(n \mp 1)^2 \mp 2(n \mp 1) - 1}{4}$$

Residuum $= \frac{3n \mp 2}{2}$, indicat, ordinis cuiusvis n paris, proxime superiorem imparem constare, praeter locum pyramidis, ex tot locis; vel illo etiam addito, ex $\frac{3n \mp 4}{2}$ locis.

Scholium.

Pars maxima eorum, quae haecenus exposui, et quae porro addam, multam lucem accipient a consideratione abacis, cuius constructionem statim exponam.

Problema

Abacus.

$Numerus laterum = 2n + 4 - (l - 1); 2v + 4 - (\lambda - 1)$

Nim. Angul.
Solidorum
Index Ordinis.

n $+4$	n	$2n$ $+4$	$2n$ $+3$	$\&c$														$n+4$	$n+3$	$\&c$								$\frac{n}{2}+4$
v $+4$	v	$2v$ $+4$	$2v$ $+3$	$\&c$														$v+4$	$v+3$	$\&c$								$\frac{v}{2}+4$
20	16	36	35	34	33	32	31	30	29	28	27	26	25	24	23	22	21	20	19	18	17	16	15	14	13	12		$\frac{l}{2}$
19	15	34	33	32	31	30	29	28	27	26	25	24	23	22	21	20	19	18	17	16	15	14	13	12		25	λ	
18	14	32	31	30	29	28	27	26	25	24	23	22	21	20	19	18	17	16	15	14	13	12	11		24			
17	13	30	29	28	27	26	25	24	23	22	21	20	19	18	17	16	15	14	13	12	11			23				
16	12	28	27	26	25	24	23	22	21	20	19	18	17	16	15	14	13	12	11	10				22				
15	11	26	25	24	23	22	21	20	19	18	17	16	15	14	13	12	11	10			20							
14	10	24	23	22	21	20	19	18	17	16	15	14	13	12	11	10	9			19								
13	9	22	21	20	19	18	17	16	15	14	13	12	11	10	9			17										
12	8	20	19	18	17	16	15	14	13	12	11	10	9	8				16										
11	7	18	17	16	15	14	13	12	11	10	9	8						15										
10	6	16	15	14	13	12	11	10	9	8	7							14										
9	5	14	13	12	11	10	9	8	7									13										
8	4	12	11	10	9	8	7	6										12										
7	3	10	9	8	7	6												11										
6	2	8	7	6	5													10										
5	1	6	5															9										
4	0	4																8										
																		7										
																		6										
																		5										
																		4										
																		3										
																		2										
																		1										
																		0										





Fig. 18.




Fig. 15. A.




Fig. 19.




Fig. 20.

Problema IV.

Abacum construere, super quem corpora cuncta, ex numero suorum laterum, angulorum solidorum, triangulorum lateralium, collocari tanquam in aciem aut phalangem possint ita, ut numeris, ordinibus, locis, versibus seu columnis, seriebus obliquis, abaco inscriptis, debite respondeant, et ut vicissim, quae de abaco demonstrata fuerint, de ipsis solidis ibi collocatis demonstrata sint.

Solutio.

Haec plane nihil difficultatis habet, et vel ex sola figurae *tab. II.* inspectione intelligitur.

Ductis enim, ad interualla aequalia, rectis horizontalibus et perpendicularibus, maculae quadratae huius retis constituent loca, ordines, columnas et series infinitas inclinatas.

A latere primae columnae adscribantur numeri naturales 0, 1, 2, 3 etc. quousque placuerit, aut pagniae spatium permiserit. Hi numeri erunt indices n , ordinum.

Ab horum latere adscribatur series itidem naturalis, sed a numero quaternario incipiens. Haec sistet numeros angulorum solidorum. Primo phalangis ipsius versui inscribatur series numerorum parium, a quaternario incipiens. Haec erit prima ex columnis proprie sic dictis, et continebit loca solidorum primorum, hoc est, maximo laterum numero in suo ordine gaudentium.

Ab hac inde columna, ceteri numeri commodius inscribentur iuxta ordines horizontales; et ut admoneamur, in quo numero subsistendum sit, ducatur ab imo apice columnae primae, hypotenusam trianguli, cuius basis sit ad altitudinem in ratione 4 : 3. Haec finiet

niet abacum ita, vt quaecunque retis maculae non integrae manebunt: neque pertineant ad abacum.

Theorema XI.

Cuncti ordines pares terminantur in hypotenusa, quae abaco dat formam trianguli rectanguli, cuius basis sit ad altitudinem in ratione 4 : 3.

Demonstratio.

Ordo n , par, continet loca $(2n \mp 4) - \left(\frac{n}{2} \mp 4\right) \mp 1 = \frac{3n}{2} \mp 1$ (Theor. VII. Coroll. I.); hinc primus locus distat a fine ultimi spatii, seu linearum interuallis, $\frac{3n}{2}$; idem autem distat ab imo suae columnae fine, spatiis n . Ergo rectae normales, quae haec spatia continent, et quae in angulum loci primi excurrunt, sunt inter se in ratione $\frac{3n}{2} : n, = 3 : 2$; earumque hypotenusa tangit extrema ordinis n et columnae primae.

Theorema XII.

Cuncti ordines impares, non terminantur in hypotenusa praecedentis Theorematis, sed in alia, illi parallela, verum retractiori; integro tamen loco non intercedente.

Demonst.

Ordo n impar, continet loca $(2n \mp 4) - \left(\frac{n \mp 1}{2} \mp 4\right) \mp 1 = \frac{3n-1}{2} \mp 1$ (Theor. VII. Coroll. I.); hinc secundus illius locus distat

distat a fine vltimi, spatiis $\frac{3n-1}{2} \mp 1 - 2 = \frac{3(n-1)}{2}$. Idem secundus locus distat ab imo suae columnae fine, spatiis $n-1$; ergo rectae inter se normales, quae haec spatia continent, quaeque in angulum loci secundi excurrunt, sunt inter se in ratione $\frac{3(n-1)}{2} : n-1, = 3 : 2$. Quod erat primum.

Ordo n par, continet loca $\frac{3n}{2} \mp 1$, totidemque spatia continet illius basis. Ordo v , ($=n-1$) proxime inferior impar, continet loca $\left(\frac{3v-1}{2} \mp 1 = \frac{3n-4}{2} \mp 1\right)$, totidemque spatia illius basis. Vt haec pertingeret ad hypotenusam ordinum parium, debebat esse, reciso primo loco, $= \frac{3(n-1)}{2}$ (per analogiam triangulorum similibus $2 : 3 = n : \frac{3n}{2} = n-1 : \frac{3(n-1)}{2}$). Est autem differentia inter hanc rectam, et illam basin, primo suo loco mulctatam, $= \frac{3(n-1)}{2} - \frac{3n-4}{2} = \frac{1}{2}$. Hinc basis ordinis imparis non pertingit quidem ad hypotenusam ordinum parium; sed ab ea tamen non distat integro aliquo spatio, seu linearum interuallo. Quod erat alterum.

Coroll.

Notetur, ordinem parem n , continere loca $\frac{3n \mp 2}{2}$, imparẽ proxime inferiorem loca $\frac{3n-2}{2}$; numerum locorum esse in ratione

$3n \mp 2: 3n - 2$. Ordinem imparem v , continere loca $\frac{3v \mp 1}{2}$, ordinem proxime inferiorem parem $n (=v - 1)$, continere loca $\left(\frac{3n \mp 2}{2}\right) \Rightarrow \frac{3v - 1}{2}$; numerum locorum esse in ratione $3v \mp 1: 3v - 1$.

Schol.

Praeter has duas hypotenufas, quae ordines pares et impares totius abaci terminant, insunt abaco aliae innumerae, quae series obliquas tangunt seu terminant, de quibus iam exponam. Sunt autem illae series numero infinitae, cum numerorum integrorum series omnes arithmeticas, a quaternario incipientes, vario modo exhibeant, partim integras, partim ab initio et a fine truncatas.

Theorema XIII.

Series omnes, quarum differentia est $= 0$, hoc est, quae singulae eosdem numeros continent, constituunt hypotenufam trianguli, cuius cathetus est ad basin in ratione $1:2$.

Demonst.

Sint m, m , termini ex aliqua harum serierum. Alter pertineat ad columnam l , et ordinem n ; alter ad columnam λ , et ordinem v .

$$\text{Erit } n = \frac{m \mp l - 1}{2}, v = \frac{m \mp \lambda - 1}{2}; \text{ hinc } 2(n - v) = l - \lambda,$$

et $n - v: l - \lambda = 1:2$. Ergo, si cuncta referantur ad apices locorum imos dextros, hoc est, si in toto alicuius loci areola quadrata, nihil spectetur praeter istum apicem; erit $n - v$ cathetus,

$$l - \lambda$$

1— λ basis trianguli, cuius hypotenusæ tangit apices duorum locorum m, m , assumtorum; hinc totius seriei.

Coroll. I.

Quaelibet harum serierum semel tantum adest in toto abaco; omnes inter se parallelæ sunt. Series parium habent primos suos terminos ex prima columna, imparium ex secunda; ceteros ex alternis, hoc est tertia, quinta et sic porro; quarta, sexta et sic porro; sed ex ordinibus superioribus continuis. In infinitum non excurrunt, sed secant hypotenusam abaci; priores quidem in ultimo

ordinis v loco, qui efficiat $\frac{v}{2} \pm 4 = 2n \pm 4$, hoc est, $v = 4n$;

posteriores in ultimo ordinis v loco, qui efficiat $\frac{v \pm 1}{2} \pm 4 = 2n \pm 4 - 1$, hoc est, $v = 4n \pm 3$.

Coroll. 2.

Continent hæc series solida, in quibus angulorum solidorum numerus crescit per singulas unitates; laterum numerus constans est. Dato solido A, cuius latera sint m , anguli solidi a ; facile definietur locus et ordo solidi B, cuius latera sint itidem m , anguli autem $a \pm x$. Etenim, si ordo datus fuerit n , ordo quaesitus erit $n \pm x$; et si locus datus l , erit quaesitus $l \pm 2x$. Impossibile erit

solidum B, ubi ordinis $n \pm x$ paris, locus ultimus $\frac{n \pm x}{2} \pm 4$, vel

ordinis $n \pm x$ imparis ultimus locus $\frac{n \pm x \pm 1}{2} \pm 4$, numerum continebunt, dato m , maiorem.

Coroll. 3.

Series omnes, quae, sursum versus, magis inclinantur ad latus abaci seu columnas, quam istae primae series obliquae; diuergentes sunt: quae minus inclinantur; conuergentes. Sunt autem ita accipiendae, vt primus terminus sit is, qui lateri sinistro abaci est propior. Videamus de diuergentibus; dein de conuergentibus.

Theorema XIV.

Series, quarum differentia est $= 1$, constituunt hypotenusas triangulorum, quorum cathetus est ad basin, in aliqua harum rationum, $1:1$; $2:3$; $3:5$; $4:7$ — — — $1 \pm t: 1 \pm 2t$.

Demonstratio.

Hoc vel ex sola abaci inspectione patet. Nam si detur numerus m , quicunque, ordinis n ; numerus proxime maior $m \pm 1$, seu terminus secundus, occurreret in ordinibus superioribus, ad certum vsque ordinem in praecedenti Theoremate determinatum. Ita autem occurrit, vt dum ab vno numero $m \pm 1$ proceditur ad proxime sequentem aequalem, vnus passus faciendus sit per ordines, duo faciendi sint per columnas. Hinc vbi $m \pm 1$ petitur ex ordine proximo $n \pm 1$; series $m, m \pm 1$ etc. progreditur per singulos ordines et binas columnas: vbi $m \pm 1$ petitur ex ordine $n \pm 2$; series $m, m \pm 1$ etc. progreditur per binos ordines et ternas columnas: vbi $m \pm 1$ petitur ex ordine $n \pm 3$; series $m, m \pm 1$ etc. progreditur per ternos ordines et quaternas columnas: vbi $m \pm 1$ petitur ex ordine $n \pm t$; series $m, m \pm 1$ etc. progreditur per ordines $1 \pm t$, et columnas $1 \pm 2t$. Isti autem progressus, perpendiculares et horizontales, constituunt cathetum et basin trianguli, ad cuius hypotenusam pertinet series $m; m \pm 1; m \pm 2$ etc.

Coroll.

Coroll. 1.

Serierum m ; $m \mp 1$; $m \mp 2$ etc., quae quidem hypotenusam trianguli $1:1$ sequantur, infinitum quidem numerum continet abacus; sed vnicam, quae a numero 4 incipiat: et hanc constituunt pyramides. Reliquas, huic parallelas, sistit schema sequens

Series vna, cuius terminus primus = 5

Series duae, quarum ————— = 6

—— 1, cuius ————— = 7

—— 2, quarum ————— = 8 etc.

Generatim seriei intermediae, vnicae, 4; 4 ∓ 1 ; 4 ∓ 2 etc. bis tot parallelae accedunt a numero pari incipientes, quot accedunt a numero impari incipientes. Etenim, ex altera illius parte constitutae series, incipiunt ab omnibus numeris quaternario maioribus; ex altera autem a solis numeris paribus, quaternario maioribus, hoc est, ab omnibus numeris primae columnae, excepto imo.

Coroll. 2.

Serierum m ; $m \mp 1$; $m \mp 2$ etc., quae hypotenusam trianguli $2:3$ sequantur, aequè infinitum numerum continet abacus; verum vnicam, quae a numero 4 incipiat; et haec pertinet ad hypotenusam abaci, ordines pares terminantem. Porro vnicam, quae a numero 5 incipiat; et haec pertinet ad alteram abaci hypotenusam, ordines impares terminantem.

Series duas, quarum prim. term. = 6

Seriem vnam, cuius ————— = 7

—— 2, quarum ————— = 8

—— 1, cuius ————— = 9 etc.

Nempe hae series incipiunt in prima, secunda et tertia columna; quarum loca, si ab imo primae et secundae recesseris, continent numerum senarium bis, ceteros impares semel, pares bis. Hinc seriei a 4 incipienti, bis tot parallelae accedunt series a numeris paribus incipientes, quot accedunt a numeris imparibus inchoantes.

Coroll. 3.

Serierum m ; $m \pm 1$; $m \pm 2$ etc.; quae hypotenusam trianguli $3 : 5$ sequantur, aequae numerum infinitum continet abacus. Verum nullam, quae a quaternario incipiat, vnicam a numero 5 incipientem. Praeterea series 3, quarum term. prim. = 6

$$\begin{array}{rcl} 2, & \text{—————} & = 7 \\ 3, & \text{—————} & = 8 \\ 2, & \text{—————} & = 9 \\ 3, & \text{—————} & = 10 \\ \text{etc.} & & \text{etc.} \end{array}$$

Etenim, hae series inchoare possunt ab omnibus numeris primarum quinque columnarum, excepto imo primae et quartae. In reliquis semel occurrit quaternarius, reliqui pares ter, impares bis.

Coroll. 4.

Serierum m ; $m \pm 1$; $m \pm 2$ etc quae hypotenusam trianguli $4 : 7$ sequantur, itidem numerum infinitum continet abacus. Verum nullam, quae a 4, aut 5 incipiat. Porro

Series duas, quarum term. prim. = 6

$$\begin{array}{rcl} 3, & \text{—————} & = 7 \\ 4, & \text{—————} & = 8 \\ 3, & \text{—————} & = 9 \end{array}$$

$$\begin{array}{rcl}
 4, & \text{—————} & = 10 \\
 3, & \text{—————} & = 11 \\
 \text{etc.} & & \text{etc.}
 \end{array}$$

Possunt enim initium capere ab omnibus numeris primarum septem columnarum, excepto imo primae et secundae, quartae et quintae, septimae. In ceteris adsunt senarius bis; ceteri pares quater; impares ter.

Coroll. 5.

Non attinet, haec ulterius prosegui. Illud etiam sponte patet, quas mutationes subeant corpora, in istis seriebus reposita. Nempe crescere in seriebus primi Corollarii, angulorum iuxta ac laterum numerum, per singulas unitates: in secundi Corollarii seriebus, illorum per binas, horum per ternas: in tertii, illorum per ternas, horum per quinas: in quarti, illorum per quaternas, horum per septenas.

Neque hoc loco Problemati immorabor, cuius ope possit reperiri, quot terminis constet series m ; $m \pm 1$; $m \pm 2$ etc.; data ratione catheti et basis, in triangulo, cuius hypotenusam sequitur series. Dabitur enim problematis, ad omnes series applicandi, solutio generalis.

Theorema XV.

Series m ; $m \pm 2$; $m \pm 4$ etc., hoc est, quarum differentia est $= 2$, (admissis in hunc censum etiam illis, quae ex terminis aequidistantibus serierum m ; $m \pm 1$; $m \pm 2$; $m \pm 4$ etc. colliguntur) constituunt hypotenusas triangulorum, quorum cathetus est ad basin in aliqua harum rationum $1 \pm 0 : 0 \pm 0.2$; $1 \pm 1 : 0 \pm 1.2$; $1 \pm 2 : 0 \pm 2.2$; $1 \pm 3 : 0 \pm 3.2$; $1 \pm 4 : 0 \pm 4.2$ - - - $1 \pm t : 0 \pm t.2$

Demonstratio.

Demonstratio.

Assumto aliquo numero m , ordinis n , in primum seriei terminum; secundus $m \pm 2$ reperietur in singulis ordinibus superioribus, ad certum vsque ordinem. Si sumatur ex ordine $n \pm 1$, proxime sequente; reperietur in illa ipsa columna, et progrediendum erit per vnum ordinem, columnam nullam, neque series erit obliqua. Si sumeretur ex ordine $n \pm 2$, faciendo passus 1 ± 1 perpendiculares, 0 ± 2 horizontales; series foret pars seriei 1, 2, 3 etc. theorematis proxime praecedentis, constans ex illius terminis paribus. Series sequens requirit passus perpendiculares 1 ± 2 , horizontales 0 ± 2.2 : proxima ab hac passus perpendiculares 1 ± 3 , horizontales 0 ± 3.2 : postrema perpendiculares $1 \pm t$, horizontales $0 \pm t.2$. Qui progressus constituunt cathetos et bases triangulorum.

Corollarium.

In solidis, quae hae series continent, angulorum solidorum numerum crescere iuxta multipla termini antecedentis, laterum numerum iuxta multipla termini subsequenteris (illius quidem rationis, quae pertinet ad latera trianguli, cuius hypotenusam sequitur series) non est vt moneam.

De numero et extensione harum serierum, videbimus in sequentibus vniuersim.

Theorema XVI.

Series m ; $m \pm d$; $m \pm 2d$ etc. quarum differentia est numerus par $= d$, (admissis in hunc censum etiam illis, quae colliguntur ex terminis aequidistantibus earum serierum, quarum differentia minor est

est quam d) constituunt hypotenuſas triangulorum, quorum cathetus est ad baſin in aliqua ſequentium rationum:

$$\frac{d}{2} \pm 1 : 0 \pm 1.2; \quad \frac{d}{2} \pm 2 : 0 \pm 2.2; \quad \frac{d}{2} \pm 3 : 0 \pm 3.2 \dots$$

$$\frac{d}{2} \pm t : 0 \pm t.2.$$

Demonſtratio.

Sit primus terminus m, ex ordine n; ordo $n \pm \frac{d}{2}$ dabit terminum $m \pm d$ in eadem columna, in ſerie non obliqua. Si qui praeceſſant ordines, qui eundem numerum $m \pm d$ exhibeant, pertinebit ad ſeriem inuerſam. His ergo excluſis, ceteri valores $m \pm d$ in ordinibus, ordini $n \pm \frac{d}{2}$ ſuperioribus, ita quaerendi ſunt, vt paſſibus $\frac{d}{n}$ fruſtra factis, dum porro per ſingulos ordines aſcendimus, per binas columnas deſcendamus.

Theorema XVII.

Series m; $m \pm d$; $m \pm 2d$ etc. quarum differentiâ d eſt numerus impar, (admiſſis etiam iis, quae ex terminis aequidiſtantibus aliarum colliguntur,) conſtituunt hypotenuſas triangulorum, quorum cathetus eſt ad baſin in aliqua ſequentium rationum:

$$\frac{d \pm 1}{2} : 1; \quad \frac{d \pm 1}{2} \pm 1 : 1 \pm 1.2; \quad \frac{d \pm 1}{2} \pm 2 : 1 \pm 2.2 \dots \frac{d \pm 1}{2} \pm t : 1 \pm t.2.$$

Demonstratio.

Sit primus terminus m , ex ordine n ; ordo $n \pm \frac{d \pm 1}{2}$ dabit terminum $m \pm d$ in columna proxime sequenti. Si qui praecedant ordines, qui eundem numerum $m \pm d$ exhibeant, pertinebit ad feriem inuersam. His ergo exclusis, ceteri valores $m \pm d$ quaerendi sunt in ordinibus, ordini $n \pm \frac{d \pm 1}{2}$ superioribus, ita, vt ad passus perpendiculares $\frac{d \pm 1}{2}$ et horizontalem vnum, iam dum factos, accedant subinde singuli perpendiculares et bini horizontales.

Coroll.

Exempli causa exhibebo aliquot schemata rationum, ad differentias 0, 1, 2, 3, 4, 5, etc. pertinentia; et ex istis formulis deducta.

$d = 0$	1:2;	2:4;	3:6;	4:8;	5:10
1	1:1;	2:3;	3:5;	4:7;	5:9
2	2:2;	3:4;	4:6;	5:8;	6:10
3	2:1;	3:3;	4:5;	5:7;	6:9
4	3:2;	4:4;	5:6;	6:8;	7:10
5	3:1;	4:3;	5:5;	6:7;	7:9
6	4:2;	5:4;	6:6;	7:8;	8:10
etc.		etc.			

Lege primarum rationum perspecta, facillimum est, ceteras addere. Verum et illa lex in propatulo est.

Problema V.

Reperire, quot terminis constet series obliqua, cuius primus terminus sit m ; differentia d ; ordo in quo incipit n ; positio $c:b$.

Solutio.

Solutio.

Sit AB columna prima, AC hypotenusa abaci; D locus terminus primi m datus; DC positio seriei. Haec quidem vel infinita erit, vel terminabitur in puncto C, in quo hypotenusam secat. Ex longitudine rectae FC colligetur numerus columnarum, per quas transit series DC; qui comparatus cum indole seriei, dabit numerum terminorum.

Est autem $b : c = (FC - FD =) GD : GH$; hinc $GH = \frac{GD \cdot c}{b}$, et $(GA - GH =) HA = \frac{GA \cdot b - GD \cdot c}{b}$

Porro $AB : BC = 2 : 3$

$BG : BH = b : c$

hinc $AB : BH = 2b : 3c$; et

$(AB - BH =) AH : AB = 2b - 3c : 2b$

hinc $HA = \frac{AB (2b - 3c)}{2b}$

Ex utroque valore HA, sequitur $AB = \frac{2GA \cdot b - 2GD \cdot c}{2b - 3c}$.

Et cum sit $AB : BC = 2 : 3$, hoc est, $AB = \frac{2BC}{3}$; erit ex utroque valore AB collato

$$BC = \frac{3GA \cdot b - 3GD \cdot c}{2b - 3c}$$

Est autem $AG = n$, $DG = l - 1$; et introductis his litteris

$$BC = \frac{3nb - 3c(l-1)}{2b - 3c}; (BC - DG =) FC = \frac{3nb - 2b(l-1)}{2b - 3c}$$

= numero locorum in parte FC, ordinis BC; siue numero columnarum, quas transit series DC.

H 2

Qui

Qui numerus, diuisus per basin b , dabit quotum, qui, vnitate auctus, exhibebit numerum terminorum in serie DC, aequalem

$$\left(\frac{3nb - 2b(1-l)}{2b - 3c} \right) : b \mp 1 = \frac{3n - 2(1-l)}{2b - 3c} \mp 1.$$

Coroll. 1.

Quoties haec fractio non reducitur ad numerum integrum; indicio est, seriem DC non terminari in ipsa abaci hypotenusa; et substituendum esse fractioni numerum integrum, proxime minorem.

Exempla.

Sit $n=2$, $l=2$, $c=5$, $b=8$; erit quaesitus numerus terminorum $= 5$.

Sit $n=3$, $l=4$, $c=5$, $b=8$; erit is numerus $= 4$.

Sit $n=2$, $l=1$, $c=10$, $b=17$; erit is numerus $= \frac{6}{4} \mp 1$; cui substituetur $1 \mp 1 = 2$.

Coroll. 2.

Indifferens videri poterat termini primi et differentiae valor m, d ; quandoquidem neuter in formula occurrit. Sed cogitandum est, illos iam inuolui in ceteris datis.

Coroll. 3.

Vbi quaeritur, quot terminis constet integra series, cuius differentia est $= 0$, primus terminus (hinc et ceteri) numerus par $= m$; erit $l=1$, $c=1$, $b=2$, $\frac{m-4}{2} = n$. Quibus substitutis in

formula theorematis; numerus terminorum erit $= 3n \mp 1 = \frac{3m-10}{2}$.

Ad

Ad m impar; erit is numerus $= 3n - 1 = \frac{3m - 11}{2}$.

Coroll. 4.

Ex quo ratio $c : b$, facta fuerit aequalis rationi $2 : 3$, hinc $2b = 3c$; formula Theorematis indicabit numer. infinitum terminorum.

Problema VI.

Reperire, quot series m ; $m \pm d$; $m \pm 2d$ etc., in prima vel secunda columna incipientes, contineat abacus.

Solutio.

Recepta etiam, in hunc numerum, serie perpendiculari, tot^{fig. 17} omnino reperientur, quot terminos, ab illa inde columna numeratos, continet series numerorum aequalium $m \pm d$. Ponatur $m \pm d = \mu$; erit is numerus, per Corollarium penultimum, vel $= \frac{3\mu - 10}{2}$, vel $= \frac{3\mu - 11}{2}$; hoc est, vel $\frac{3(m \pm d) - 10}{2}$, vel $\frac{3(m \pm d) - 11}{2}$; prout m , et $m \pm d$, fuerit vtrumque vel par vel impar; porro autem $\frac{3(m \pm d - 11)}{2}$, si fuerit m par, $d \pm m$ impar; postremo $\frac{3(m \pm d - 12)}{2}$, si fuerit m impar, $m \pm d$ par.

Coroll.

Vbi primus terminus m , fuerit in aliqua fequentium columnarum constitutus, cuius index fit l ; erit numerus terminorum in serie $m \pm d$; $m \pm 2d$; $m \pm 3d$ etc. hinc numerus serierum m ; $m \pm d$; $m \pm 2d$ etc. quaesitus, vnus ex fequentibus:

H 3

I. (ad

$$\text{I. (ad } m \text{ par; } m \pm d \text{ par)} = \frac{3(m \pm d) - 10}{2} - \frac{1-1}{2};$$

$$\text{II. (ad } m \text{ impar; } m \pm d \text{ par)} = \frac{3(m \pm d) - 12}{2} - \frac{1-2}{2}$$

$$\text{III. (ad } m \text{ impar; } m \pm d \text{ impar)} = \frac{3(m \pm d) - 11}{2} - \frac{1-2}{2};$$

$$\text{IV. (ad } m \text{ par; } m \pm d \text{ impar)} = \frac{3(m \pm d) - 11}{2} - \frac{1-1}{2}.$$

Problemà VII.

Reperire numerum serierum m ; $m \pm d$; $m \pm 2d$ etc. omnino omnium, quae in abaco infint.

Solutio.

fig. 17

In abaco ABC, fit DC series numerorum aequalium m ; EF series numerorum aequalium $m \pm d$. Tot inerunt series m ; $m \pm d$; $m \pm 2d$ etc., quot rectae DE, DG, DH, DI, DK etc. LG, LH, LI, LK etc. duci poterunt a terminis m omnibus, ad terminos $m \pm d$ omnes, vel in eadem, vel in sequenti aliqua columna constitutos.

Atqui, numerum serierum in D incipientium, dabit Problema praecedens; numerum serierum in quocunque loco L incipientium, eiusdem Corollarium.

Supereft, vt isti numeri in summam colligantur. Quod fiet, substituendo litterae l , fuos valores successiuos 1 ; 1 ± 2 , 1 ± 4 etc. $= 1, 3, 5$ etc.; vel 2 , 2 ± 2 , 2 ± 4 etc. $= 2, 4, 6$ etc.; et vfurpando ex quatuor Corollarii formulis illam, quae datis m et $m \pm d$, seu paribus seu imparibus, respondet.

Coroll.

Coroll. I.

Respondeat formula I; erit numerus ferierum omnium

$$= \frac{3(m \mp d) - 10}{2} - \frac{1-1}{2} \mp \frac{3(m \mp d) - 10}{2} - \frac{3-1}{2} \mp \frac{3(m \mp d) - 10}{2} \\ - \frac{5-1}{2} \text{ etc.}; \text{ quae series itidem arithmetica est, et quidem natu-}$$

ralis conuergens, cum sit differentia $= -1$. Tot autem terminos habet, quot terminos series DC; nempe $\frac{3m-10}{2}$ in casu form. I.

Hinc colligitur summa seriei, ex termino primo $\frac{3m-10}{2}$, ex differentia $= -1$, et ex numero terminorum $\frac{3m-10}{2}$, iuxta notam formulam. Est autem $=$

$$\frac{3m \mp 6d - 8}{2} \cdot \frac{3m - 10}{4}.$$

Coroll. 2.

Respondeant data, formulae II; erit numerus ferierum

$$= \frac{3(m \mp d) - 12}{2} - \frac{2-2}{2} \mp \frac{3(m \mp d) - 12}{2} - \frac{4-2}{2} \mp \frac{3(m \mp d) - 12}{2} \\ - \frac{6-2}{2} \text{ etc. Differentia huius seriei est iterum } = -1; \text{ numerus}$$

terminorum $= \frac{3m-11}{2}$; hinc summa $=$

$$\frac{3m \mp 6d - 11}{2} \cdot \frac{3m - 11}{4}.$$

Coroll.

Coroll. 3.

Respondeant data, formulae III; erit numerus serierum

$$= \frac{3(m \mp d) - 11}{2} - \frac{2-2}{2} \mp \frac{3(m \mp d) - 11}{2} - \frac{4-2}{2} \mp \frac{3(m \mp d) - 11}{2}$$

$$- \frac{6-2}{2} \text{ etc. Differentia seriei} = -1; \text{ numerus terminorum} =$$

$$\frac{3m-11}{2}; \text{ hinc summa} =$$

$$\frac{3m \mp 6d - 9}{2} \cdot \frac{3m-11}{4}.$$

Coroll. 4.

Respondeant data, formulae IV; erit numerus serierum

$$= \frac{3(m \mp d) - 11}{2} - \frac{1-1}{2} \mp \frac{3(m \mp d) - 11}{2} - \frac{3-1}{2} \mp \frac{3(m \mp d) - 11}{2}$$

$$- \frac{5-1}{2} \text{ etc. Differentia seriei constanter} = -1; \text{ numerus termi-}$$

$$\text{norum} = \frac{3m-10}{2}; \text{ hinc summa} =$$

$$\frac{3m \mp 6d - 10}{2} \cdot \frac{3m-10}{4}.$$

Exempla.

Quaeratur de seriebus 4; 5; 6; 7 etc. Erit $m=4$, $d=1$, hinc m par, $m \mp d$ impar; et ex formula IV, aderunt series duae.

Quaeritur de seriebus 4; 6; 8; 10 etc. Est itaque $m=4$, $d=2$, $m \mp d=6$; et iuxta formulam I, aderunt series quatuor.

Series 5; 10; 15 etc. ex formula II, aderunt septendecim.

Series 6; 12; 18 etc. aderunt, ex formula I, quadraginta sex.

Scholium.

Scholium.

Haftenus de seriebus diuergentibus. Addam potiora de convergentibus. Horum plurima simili modo ex abaco deducuntur, vel sola regulae applicatione et circa datum abaci punctum conuersione et reclinatione, a serie numerorum aequalium in partem diuersam.

Theorema XVIII.

Series $m; m-1; m-2$ etc. sequitur hypotenusam trianguli, cuius cathetus est ad basin, in aliqua sequentium rationum:

$$0:1; 1:3; 2:5; 3:7 \dots 0 \pm t: 1 \pm 2t \dots$$

Series $m; m-2; m-4$ etc. sequuntur rationes triangulorum

$$- 1:0; 0:2; 1:4; 2:6 \dots - 1 \pm t: 2t \dots$$

Series $m; m-3; m-6$ etc. sequuntur rationes

$$- 1: \pm 1; 0:3; 1:5; 2:7 \dots - 1 \pm t: 1 \pm 2t \dots$$

Series $m; m-4; m-8$ etc. sequuntur rationes

$$- 2:0; - 1:2; 0:4; 1:6 \dots - 2 \pm t: 2t \dots$$

Generatim series $m; m-d; m-2d; m-3d \dots$ sequuntur hoc schema rationum

$$\begin{aligned} & - d \pm \frac{d \pm 1}{2}: - d \pm 2 \frac{d \pm 1}{2}; - d \pm \frac{d \pm 1}{2} \pm 1: - d \pm 2 \frac{d \pm 1}{2} \\ & \pm 2 \dots - d \pm \frac{d \pm 1}{2} \pm t: - d \pm 2 \frac{d \pm 1}{2} \pm 2t. \end{aligned}$$

Vbi notandum est, quoties fractio $\frac{d \pm 1}{2}$ non redit ad numerum integrum, sumi debere proxime minorem.

Problema VIII.

Reperire, quot terminis constet series, cuius primus terminus fuerit m ; differentia $-d$; ordo, in quo incipit, n ; positio, seu trianguli, cuius hypotenusam sequitur, ratio $= \frac{c}{b}$.

Solutio.

I. Quoties datur c positium; numerus terminorum in serie conuergente DC , plane eodem modo inuestigabitur, ac in serie diuergente DC ; nempe per formulam $T = \frac{2n - 2(1 - 1)}{2b - 3c} \mp 1$.

II. Si datum c fuerit negatiuum, hoc est, si series ab hypotenusa trianguli $1:2$ declinetur; formula solo signo, litterae c praescribendo, diuersa, erit haec: $T = \frac{2n - 2(1 - 1)}{2b \mp 3c} \mp 1$.

Quod vt facilius pateat, demonstrationem iisdem verbis concipiam, quibus in serie diuergente vsus sum.

fig. 18 Est autem $b:c = GD:GH$; hinc $GH = \frac{GD \cdot c}{b}$, et

$$(GA \mp GH =) HA = \frac{GA \cdot b \mp GD \cdot c}{b}.$$

$$\text{Porro } AB:BC = 2:3$$

$$BC:BH = b:c$$

$$\text{hinc } AB:BH = 2b:3c$$

$$\text{et } (AB \mp BH =) AH:AB = 2b \mp 3c:2b,$$

$$\text{et } HA = \frac{AB \cdot (2b \mp 3c)}{2b}.$$

$$\text{Ex utroque valore } HA, \text{ sequitur } AB = \frac{2GA \cdot b \mp 2GD \cdot c}{2b \mp 3c}.$$

Et

Et cum sit $AB:BC = 2:3$, hoc est, $AB = \frac{2BC}{3}$;
erit ex utroque valore AB collato

$$BC = \frac{3GA \cdot b \mp 3GD \cdot c}{2b \mp 3c}$$

Est autem $AG = n$, $DG = l - 1$; et substitutis his valoribus,
 $BC = \frac{3nb \mp 3c(l-1)}{2b \mp 3c}$; $(BC - DG =) FC = \frac{3nb - 2b(l-1)}{2b \mp 3c}$
= numero locorum in parte FC ordinis BC; seu, quod perinde
est, numero columnarum quas transit DC. Qui numerus, diuisus
per basin b, dabit quotum, qui, unitate adiecta, exhibebit nume-
rum terminorum in serie DC,

$$T = \frac{2n - 2(l-1)}{2b \mp 3c} \mp 1.$$

Coroll.

Ergo numerus terminorum, in parte seriei cuiuslibet, inci-
piente a D, et progrediente vsque ad finem seriei, erit =

$$\frac{2n - 2(l-1)}{2b \mp 3c} \mp 1.$$

Problema IX.

Reperire, quot series m ; $m - d$; $m - 2d$; $m - 3d$ etc. con-
tineat abacus, in prima aut secunda columna incipientes.

Solutio.

I. Sit primus terminus m , constitutus in columna prima, et
in ordine cuius index est n . Secundus terminus $m - d$, pertinebit
ad seriem numerorum $m - d = \mu$, inter se aequalium. Haec series

I 2

fecabit

fecabit ordinem n , in columna $1 \mp d$; et columnam 1 fecabit in ordine $n - \frac{d}{2}$. Si ad integrum redit fractio $\frac{d}{2}$, hoc est, si par erit numerus d ; series numerorum parium EF , cuius tot sunt termini, quot sunt series quaesitae, in ipsa columna 1 incipit, in ordine $n - \frac{d}{2} = v$; et habebit terminorum numerum $= 3^v \mp 1$ (Coroll. 3. Probl. X.) $= \frac{3^\mu - 10}{2} = \frac{3(m-d) - 10}{2}$. Si d fuerit numerus impar; series numerorum $\mu = m - d$, nihilo secius incipit in eodem ordine; sed terminorum numerus est $= \frac{3(m-d) - 11}{2}$, perinde vt in Problem. VI, mutato tantum signo, litterae d praeposito.

II. Sit primus terminus m , serierum m ; $m-d$; $m-2d$ etc. propositarum, in secunda columna et in ordine n ; erit secundus terminus $m-d=\mu$ in serie terminorum aequalium, quae, siue par fuerit d seu impar, initium capiet in ordine $n - \frac{d}{2}$. Verum a numero m , vel pari vel impari, pendebit, vtrum terminorum numerus sit $\frac{3(m-d) - 10}{2}$, an $\frac{3(m-d) - 11}{2}$.

Coroll. I.

Ergo generatim formulae $\frac{3(m \mp d) - 10}{2}$ et $\frac{3(m \mp d) - 11}{2}$, definient numerum terminorum in seriebus, a prima aut secunda columna incipientibus; ita, vt $\mp d$ pertineat ad diuergentes, $-d$ ad conuergentes; -10 ad m par, -11 ad m impar.

Coroll.

Coroll. 2.

Vbi series m ; $m-d$; $m \pm 2d$ etc. in quacunque columna I incipiunt; erit illarum numerus

$$\text{I. (ad } m \text{ par; } m-d \text{ par)} = \frac{3(m-d) - 10}{2} - \frac{1-1}{2};$$

$$\text{II. (ad } m \text{ impar; } m-d \text{ par)} = \frac{3(m-d) - 12}{2} - \frac{1-2}{2};$$

$$\text{III. (ad } m \text{ impar; } m-d \text{ impar)} = \frac{3(m-d) - 11}{2} - \frac{1-2}{2};$$

$$\text{IV. (ad } m \text{ par; } m-d \text{ impar)} = \frac{3(m-d) - 11}{2} - \frac{1-1}{2};$$

perinde ac in seriebus diuergentibus, mutato tantum signo litterae d praefixo.

Problema X.

Reperire numerum serierum m ; $m-d$; $m-2d$ etc. omnino omnium, quae in abaco continentur.

Solutio.

Plane eodem modo, quo in Corollariis Problematis VII factum ^{fig. 19} est, ostendi potest, iuxta quatuor casus colligi istum numerum ex totidem seriebus. Verum enim vero, quot termini contingant his seriebus, hoc non amplius pendet ab extensione DC seriei m ; m ; m ; etc., sed EF seriei $m-d$; $m-d$; etc. Etenim, vbi haec posterior defecerit, termini prioris incipiunt quidem novas series m ; $m-d$; $m-2d$ etc.; sed in primo statim termino easdem finiunt. Est autem numerus terminorum in serie EF, seu $m-d$, ad nostrum propositum faciens,

I 3

I. ad

I. ad m par; m — d par; aequalis $\frac{3(m-d) - 10}{2}$

III. ad m impar; m — d impar; aequalis $\frac{3(m-d) - 11}{2}$

IV. ad m par; m — d impar; aequalis $\frac{3(m-d) - 11}{2}$

II. ad m impar; m — d par; aequalis $\frac{3(m-d) - 12}{2}$.

Primus istarum quatuor ferierum terminus, aequalis est terminorum, huc quidem pertinentium, numero. Differentia = — 1.

Coroll.

Ergo I, ad m par, m — d par; erit quaesitus ferierum m; m — d; m — 2 d etc. numerus =

$$\frac{3(m-d) - 10}{2} - - - \mp 1 = \frac{3(m-d) - 8}{2} \cdot \frac{3(m-d) - 10}{4}.$$

II, ad m impar; m — d par; erit =

$$\frac{3(m-d) - 12}{2} - - - \mp 1 = \frac{3(m-d) - 10}{2} \cdot \frac{3(m-d) - 12}{4}$$

III, ad m impar; m — d impar; erit =

$$\frac{3(m-d) - 11}{2} - - - \mp 1 = \frac{3(m-d) - 9}{2} \cdot \frac{3(m-d) - 11}{4}$$

IV, ad m par; m — d impar; erit =

$$\frac{3(m-d) - 11}{2} - - - \mp 1 = \frac{3(m-d) - 9}{2} \cdot \frac{3(m-d) - 11}{4}$$

Exempla.

Sit quaestio de seriebus 16; 12; 8 etc.; erit m = 16, d = 4; hinc ex formula I, aderunt series nonaginta et vna.

Sit

Sit de seriebus 17; 12; 7 etc.; erit $m=17$, $d=5$; et ex formula II, aderunt series septuaginta octo.

Sit de seriebus 15; 9; 3 etc.; erit $m=15$, $d=6$; et ex formula III, aderunt series triginta sex.

Sit de seriebus 16; 13; 10 etc.; erit $m=16$, $d=3$; et ex formula IV, aderunt series centum et quinque.

Theorema XIX.

Solida cuncta ex eodem ordine, habent sua reciproca in serie numerorum aequalium, quae fecat illum ordinem in loco pyramidis.

Demonstratio.

Sit in abaco ABC, ordo quicumque EF, siue par seu impar. *fig. 20*
Fiat $EP=EA$; erit P locus pyramidis; hinc numerus laterum in illo loco P, aequalis numero angulorum solidorum, qui competit integro ordini EF.

Fiat $EP:EG=2:1$, hoc est, $EG=GH$; erit GP -- series aequalium numerorum, qui praeterea nusquam in abaco occurrunt. Ergo solida reciproca, quorum tot debent esse latera, quot sunt anguli solidi corporum in ordine EF constitutorum, non reperientur, praeterquam in serie GP.

Problema XI.

Loca solidorum reciprocorum reperire.

Solutio.

Sit D datum aliquod solidum ex illo ordine EF. Fiat $EH=$ *fig. 20*
DP, et ducatur per H recta, parallela rectae EF, donec secet rectam GP productam; erit punctum intersectionis R, locus solidi reciproci quaesitus.

Etenim

Etenim DP exprimit numerum laterum, quae solidum D habet supra numerum laterum in pyramide P; HE autem exprimit numerum angulorum solidorum, quos ordo HR habet supra numerum angulorum solidorum ordinis EF, hoc est, solidum R supra pyramidem P. Hinc, cum aequalibus vtrunque addita sint aequalia; erit numerus angulorum solidorum in R, aequalis numero laterum in D; et vicissim numerus laterum in R, aequalis numero laterum in P, hoc est, numero angulorum solidorum, qui ordini EF, eiusque solido D, competit. Ergo D et R erunt corpora reciproca.

Dato solido d, fiat $Eh = Pd$, et recta per h parallela rectae EF; eodem modo demonstrabitur, punctum r, quo haec recta secat rectam GP, fore locum solidi reciproci quaesitum. Etenim solidum r, totidem angulis solidis deficit a numero angulorum in pyramide P, quot lateribus deficit solidum d, a numero laterum in pyramide. Hinc, cum ab aequalibus vtrunque subtracta sint aequalia; erit residuus numerus angulorum in corpore r, aequalis residuo numero laterum in corpore d; praeterea vero numerus laterum in r, aequalis est numero angulorum in d. Ergo d et r erunt reciproca.

Theorema XX.

fig. 20

Series numerorum aequalium, quatenus continet alicuius ordinis reciproca, neque excedit limites abaci, neque ab illis deficit.

Demonstratio.

Producta GP, secabit hypotenusam abaci in puncto C, quod, ducta horizontali CB, reddit $BE = EP$. Est enim

AB

$$AB : BC = 2 : 3$$

$$BC : BG = 2 : 1$$

$$\text{hinc}$$

$$AB : BG = 4 : 3$$

$$\text{et } (AB - BG = AG =) EG : BG = 1 : 3$$

$$\text{et } EG : (BG - EG =) EB = 1 : 2 = EG : EP$$

$$\text{hinc } EB = EP.$$

Ergo reciproca solidorum, in parte EP ordinis consistentium, constituunt integram partem PC, seriei GC.

$$\text{Porro autem est } EF : (AE =) EP = 3 : 2$$

$$\text{et } (EF - EP =) PF : EP = 1 : 2 = EG : EP$$

$$\text{hinc } PF = EG.$$

Ergo reciproca solidorum, in parte PF ordinis consistentium, constituunt integram partem PG, seriei GC.

Coroll. I.

Ergo integra abaci series GC, constat ex reciprocis ordinis EF; et vicissim, integer ordo EF constat ex reciprocis seriei GC.

Coroll. 2.

Ponatur, datum esse solidum R, et quaeri illius reciprocum δ ; debet fieri $p\delta$ parallela rectae GR; deinde $H\epsilon = pR$; postremo $\epsilon\delta$ horizontalis; et erit punctum intersectionis δ , locus solidi reciproci. Cum autem solidi R aliud reciprocum esse nequeat, quam D; erunt δ et D in eodem loco; et $\epsilon\delta$ non diuersa ab ED; hinc DpRP parallelogrammum.

Id quod nouam problematis solutionem offert. Nempe dati solidi D, reciprocum inuestigari poterit sic, vt ducatur per D recta

Comment. Mathemat. T. VII.

K

parallela

parallela rectae GC ; deinde a puncto p , in quo fecat rectam AP productam, ducatur linea horizontalis; quae fecabit rectam GP productam in loco R , reciproci quaesito. Similiter, si quaeratur reciproci solidi d ; fiat per d recta, parallela rectae GP (hoc est, recta pro serie numerorum aequalium); deinde a puncto π , in quo fecabit rectam AP , ducatur horizontalis; quae fecabit seriem GR in loco r , reciproci quaesito.

Scholium.

Plura addere possem; inprimis de solidis truncatis, hoc est de indole solidorum, in quae datum aliquod diffecari potest per planum, aut plura plana. Sed paginae numerus me admonet, ut interim in his subsistam.

SPECIMEN MECHANICAE VETERVM

PER
MECHANICAM RECENTIOREM
PLENIUS EXPOSITVM

ILLVSTRI REGIAE SOCIETATI SCIENTIARVM GOTTINGENSI

OBLATVM

AB

ANTONIO BRUGMANS

A. L. M. PHILOS. DOCT. EIVSDEMQUE FACULT. VT ET MATHEMATICVM PROFESS.

IN ACADEMIA GRONINGANA P. O.

VARIIS SOCIETATIBVS LITTERARIIS ADSRIPTO.

VIRI ILLVSTRES, NOBILISSIMI, CELEBERRIMI!

Illustri vestrae Societati superiori anno adscriptus, non alienum à mea persona putavi, vobis Specimen hoc ex inedito Mechanico veteri opere offerre, iudicioque vestro et ea quae adieci submittere; haud parum mihi gratulaturus, si haec qualiacunque, sint etiam ad Elementa Matheos mixtae referenda, vobis non displiceant. Valete, Viri Illustres, et fauore vestro prosequi pergite

*Scripsi Groningae
d. 28. Dec. 1784.*

vobis deditissimum
A. BRUGMANS.

Quamuis mihi leuis non desit suspicio, quod Phoenicii, Architecturam Naualem antiquissimis temporibus satis iam edocti, Machinas nonnullas, etiam *simplices* quae appellantur, cognouerint, plerumque tamen ad Graecos earum inuentio refertur; imo vero ad hos etiam pertinet, in quantum oculo geometrico rationem inter potentiam et onus mouendum in casu aequilibrîi primi in Machinis contemplati sunt; dein etiam has varie componerè, earumque ope onera grauissima per exiguam applicatam potentiam eleuare docuerunt, id quod homines illius aevi passim in stuporem rapiebat. — Multum tamen veterum Theoria a perfecta aberat, tum quod Machinas non aliter quam in quiete spectarent, tum etiam quod leges Frictionis et Rigiditatis funium ita ignorarent, vt ad eas nunquam animum aduertisse videantur.

Exemplo fit Machina ex variis rotis dentatis composita, quam saeculo ante aeram Christianorum secundo inuenit Hero Alexandrinus, celebris eo tempore Geometra et Mechanicus, quamque explicuit in singulari opere, quod inscribitur *βαρελκος*; sed de quo vix constat aliud, quam quod huius nomen inter Manuscripta Arabica in Oriente a Golio collecta reperiatur.

Celebris scilicet et in linguis orientalibus versatissimus JACOBUS GOLIUS, harum linguarum vt et Matheseos quondam Professor Leidensis, superiori saeculo in orientem ab Ordinibus Hollandiae mittebatur ad Arabum eruditionem sibi comparandam. — Inter Manuscripta, quibuscum in patriam reuersus est noster, occurrit *Baruleus Heronis*, quem latine vertit, publici autem iuris non fecit. Versionem propria manu Golii exaratam, sed multis in locis, si
pauca

pauca praeter ea quae nunc damus excipias, intellectu difficillimam, amicitiae debeo Viri amplissimi DE REUVER, Ordinibus Selandiae ab Actis.

In Titulo haec leguntur, vt moris est apud Arabes :

In Nomine Summe Misericordis Dei!

BARULCUS HERONIS

sive

Operis de levandis rebus gravibus Libri tres, quos ex Graeca lingua in Arabicam transferri iussit Achmet Mustafimides, Imperii Babylonici Summus Princeps, interpretationi praeposito Cosla, Filio Lucae Heliopolita.

Multa habentur in hisce libris Mechanicam veterum spectantia, et machinae simplices (Pappo *Facultates*) varia ratione combinantur ad augendam applicatae potentiae efficaciam. — Ex multis autem machinis, quibus potentia exigua ingens onus attollit, vna est et prima quam nunc damus. — Huius meminit quondam Pappus Alexandrinus *Collect. Mathem.* L. 8. Prop. 10. Ante aliquot annos eius memoriam refricavit celebris Montucla, in Historia Matheos, asserens eam non fuisse dissimilem Pancratiis nostris. — Adiciamus iconem iuxta exemplar ex manuscripto Arabico a Golio delineatum. In eo deficit tympanum $\lambda\mu$, quod imaginatione facile suo loco ponitur. In alio schemate delineatur tympanum $\theta\gamma$ aequale manubrio $S\Delta X$, sed duplum tympani XZ . Quod eodem redit.

Hero ita inchoat Barulcum suum:


„Propositum nobis sit datum pondus mouere data potentia per tympanorum dentatorum coniunctiones.

K 3

„Firma

„Firmâ construatur figura, arcae similis, et in longioribus eius
 „parietibus inter se parallelis axes sunt inuicem paralleli, eo ab
 „inuicem separati interuallo, ut dentes vnus inter dentes alterius
 „coaptari possint: ita uti nunc exposituri sumus. Figura illa sit
 „loculamentum ABCD, atque in eo inferatur axis FG, qui expe-
 „dite versari possit, firmiter affixum sibi habens tympanum HI,
 „huiusque diameter diametri praedicti axis sit quintupla. Ut autem
 „rem declaremus exemplo; statuamus pondus quidem attrahendum
 „esse talentorum inille, potentiam vero mouentem talentorum quin-
 „que. Si igitur vir debiliior fuerit, vel puer qui per se absque ma-
 „china mouere valeat quinque talenta, funisque oneri alligatus et
 „per quoddam lateris AB foramen immissus conuoluatur circa axem
 „FG; tum circumactio tympano HI, et conglomerato fune moue-
 „bitur ipsum onus. Ut autem moueatur tympanum HI, oportebit
 „adhibere virtutem, quae mouere possit bis centum talenta; pro-
 „pterea quod diameter tympani quintupla est diametri axis, prout
 „a nobis positum fuit. Hoc enim in quinque facultatum demonstra-
 „tionibus manifestum fecimus. At vero cum non suppetat nobis
 „illa bis centum talentorum potentia, haud poterit tympanum mo-
 „veri. Quapropter alius adhibebitur axis priori parallelus, nempe
 „axis KL, circa quem affigatur tympanum MN, inter dentes suos
 „excipiens dentes tympani HI. Axi autem eidem affixum sit aliud
 „tympanum RS, diametrum habens quintuplam diametri axis MN.
 „Ut igitur ope tympani RS transferatur pondus, necesse erit adhi-
 „bere potentiam talentorum quadraginta, ut quae quintam partem
 „efficiant ducentorum.

Tympano





„Tympano autem RS aliud quoque apponatur tympanum AD*),
 „adactum axi TV, et circa hunc firmatum sit aliud tympanum
 „XZ, cuius diameter quintupla existat diametri axis AD. Potentia
 „igitur quae pondus mouere possit per tympanum XZ erit talento-
 „rum octo. Sed potentia nobis data est duntaxat talentorum quin-
 „que, ideoque apponatur tympanum dentatum aliud $\Theta\gamma$, inter den-
 „tes suos excipiens dentes tympani XZ, in eodemque axe videli-
 „cet CS affigatur vel tympanum $\lambda\mu$ vel manubrium $S\Delta X$, quo-
 „rum diameter dupla sit tympani $\Theta\gamma$. Quamobrem siue tympanum
 „ $\lambda\mu$ siue manubrium $S\Delta X$ requireret potentiam talentorum quatuor.
 „Quoniam autem potentia data est quinque talentorum, equidem in
 „illa potentia erit talenti vnus excessus, quo succurratur impedi-
 „mento, quod forte a difficultate tympanorum accidere possit. At-
 „que ita ex iis, quae descripsimus, manifeste apparet, quodsi quis
 „moueat siue tympanum $\lambda\mu$ siue manubrium $S\Delta X$, conuerti quo-
 „que cum eo axem TV, et cum eo tympanum AD. Hoc autem
 „circumacto etiam circumagi tympanum RS et simul cum eo axem
 „KL, et proinde etiam tympanum MN, quod conuertet tympanum
 „HI, et vna eius axem GF, circa quem conuoluitur funis. Attol-
 „letur igitur appensum pondus, quod declarare propositum erat.”
 Haftenus Hero.

Videamus iam qualis sit potentiae ad onus proportio, et qui
 haec determinate magis exponi possit, si *impedimentorum* illorum,
 quorum meminit Mechanicus antiquus, vna habeatur explicita ratio,
 cuius quidem accuratior expositio ad mechanicam recentiore[m] tota
 pertinet.

Impedimenta

*) Diameter tympani AD iusto ma-
 ior in schemate exponitur. Debet ae-
 qualis esse quintae parti diametri rotae
 vel tympani XZ.

Impedimenta ista constituuntur. (1°) Per funis circa axem, quando onus attollitur, sese voluentis rigiditatem. (2°) Per frictionem axiculorum. Frictionem dentium, si rotae fuerint rite constructae, vt exiguam valde negligere licet.

Vtriusque impedimenti effectum oculo geometrico-mechanico primus obseruauit Amontonsius, magnam ex hoc scrutinio celebritatem consequutus. Voluit autem *Funis rigiditatem* esse in ratione composita ex directa diametri ipsius funis et ponderis quo tenditur; nec non reciproca diametri trochleae aut cylindri, circa quem conuoluitur. — Sint duorum funium diametri F et f ; pondera a quibus funes tenduntur, P et p ; diametri cylindrorum aut trochlearum D et d ; rigiditates R et r ; erit

$$\frac{fp}{d} : r = \frac{FP}{D} : R.$$

Cognitis per obseruationem terminis tribus prioribus, rigiditas dati funis in numeris exprimi poterit.

Multa in hoc genere institui experimenta, adhibito etiam apparatu solito maiori; ex quibus omnibus didici

I. Rigiditatis mensuram a variis pendere caussis, quae nunquam accurate determinari poterunt, quales inprimis sunt (1°) Varia filorum, vt Cannabinorum, ex quibus contortis funes parari solent, indoles. (2°) Horum nouitas. (3°) Helicum longitudo. (4°) Siccitas vel humiditas. (5°) Calor. — Aestate funis, ceteris licet aequalibus, minus rigidus est, quam hieme.

II. Quod si formula contenti esse velimus, quae licet accurata non sit, tamen ab accurata non valde aberret, poni debeat $R = \frac{6}{25} \frac{FP}{D}$. Sic adhibito apparatu Amontonsii vel Desagulierii tensoque

fune

fune 6 lin. circa cylindrum 6 poll. pondere 800 libr. Rigiditas superata fuit a 16 libris. — Si in formula ponatur $F = \frac{1}{2}$. $P = 800$. $D = 6$. inuenietur etiam $R = 16$ libr. Ita calculus experientiae accurate respondebat. Similiter plicato fune quatuor linearum circa cylindr. 2 poll. tensoque illo a 50 libr., resistentia superata fuit a 30 vnc. Est iam $F = \frac{1}{4}$. $P = 50$. $D = 2$. 12; vnde ex formula erit $R = 2$ libr. = 32 vnc. Formula parum tantum in hoc casu ab obseruata rigiditate recedit.

Multiplex autem experientia me docuit, quod poni debeat $R = \frac{8}{25} \frac{FP}{D}$, vel etiam $R = \frac{10}{25} \frac{FP}{D}$, si funes fuerint noui, humidiusculi, etc. adeoque rigidiores. Rursus poni possit $R = \frac{4}{25} \frac{FP}{D}$, si ex longiori vsu, siccitate etc. laxiores euaserint. Applicemus formulam inuentam ad praesens exemplum. Ponamus itaque funis diametrum = 1 poll. eumque conuolui circa cylindrum, cuius diameter (addita diametro funis) sit = 4 poll. — Denique funem esse mediae rigiditatis; erit resistentia ex rigiditate siue $R = \frac{6}{25} \cdot \frac{FP}{D} = 60$ tal. Est scilicet $F = 1$. $P = 1000$ tal. $D = 4$. Vt adeo integrum onus eleuandum sit = 1060 talentis.

Alterum motus impedimentum in *Friktione axium* consistit ad bases foraminum, intra quae vertuntur.

Multa institui in *Friktionem* experimenta, methodo vsus ab ill. Bilfingero inuenta, cui forte occasionem praebuerant, quae celebris Parentus in Monum. Acad. R. Paris. 1704 de Grauium descensu per Planum inclinatum docuerat. — Iuxta eam pars ponderis aliquota,

Comment. Mathemat. T. VII.

L

expri-

exprimens Frictionem corporis ad planum inclinatum vel aliud corpus huic impositum, est aequalis *tangenti anguli inclinationis per sinum totum diuisae*. Si frictio dicatur n ; angulus inclinationis plani $= \phi$; $\sin.$ tot. $= 1$; erit $n = \text{tang. } \phi$.

Hic angulus ita sumi debet, vt eodem vel tantillum aucto, corpus per planum descendat. — Qui vero frictionis quantitatem iuxta hanc methodum, quae sane omnium optima est, inuestigat, ille in diuersis tentaminibus cum eodem licet corpore institutis, diuersum saepe esse angulum deprehendet, quo parum aucto corpus descendit. Cuius quidem ratio et in ipsa dissimilitudine, quae datur in asperitate superficiei eiusdem, quae tolli nulla arte potest, aut in machinis euitari; et in dissimili modo quaerenda est, quo eminentiae vnus in variis tentaminibus ab initio referuntur ad cauitates alterius. — Hisce etiam causis debetur, quod corpus motum lente inchoans mox eum haud raro sua sponte sistat; id quod semper contingeret, si auctae per velocitatem frictioni hoc phaenomenon deberetur, saltem huic deberetur soli, vt viro cuidam celebri visum est.

Non aliter hic exitum reperire licuit, aut determinatum quid constituere, quam duos ponendo angulos, tamquam limites frictionis; scilicet angulum *maximum*, sub quo nunquam non super plano quiescit, et *minimum*, sub quo nunquam non corpus descendit. Priorem appello *angulum quietis*, posteriorem *angulum motus*. Medius inter vtrumque mihi est *angulus frictionis*, cuius tangens ipsam frictionis quantitatem notabit.

Si *angulus quietis* pro angulo Frictionis haberetur, foret hic iusto minor. Aucto enim tantillum hoc angulo, corpus semper non descendit, sed aliquando; non descendit motu continuo per totam plani longitudinem, sed lente serpit per hanc illamue exiguum partem. — Rursus si *angulus motus* diceretur angulus Frictionis, foret hic iusto maior. Planum enim ex situ horizontali lente eleuando, frequenter accidit, vt descendat corpus illi impositum, antequam planum ad hunc *angulum motus* peruenerit. — Hisce de causis medium inter *angulum quietis* et *motus* pro *angulo attritus* habendum esse

esse putauerim: multo magis, quod calculus, de potentia onus motura in hoc angulo fundatus, egregie experientiae satisfaciat, vt multis speciminibus probatum dare possem.

Methodum hanc vno alteroue exemplo illustrabimus.

Exempl. I. Asser ex ligno quercino pedem longus, pedem latus, et $1\frac{1}{2}$ poll. crassus plano quercino bene dedolato impositus ostendit

$$\text{Ang. Quietis} = 8^{\circ}$$

$$\text{et Ang. Motus} = 16^{\circ}$$

$$\text{Hinc Ang. Frictionis} = 12^{\circ}.$$

$$\text{Tangens} = 21255 \text{ exhibet}$$

$$\text{Quant. Friction.} = \frac{21255}{1000000} = \frac{1}{4\frac{1}{8}} \text{ pond.}$$

Exempl. II. Eodem assere onerato 10, 25, 50 libr. est

$$\text{Ang. Quietis} = 9^{\circ}$$

$$\text{Ang. Motus} = 21^{\circ} 20'.$$

$$\text{Vnde Ang. Frict.} = 15^{\circ} 10'$$

$$\text{Tangens} = 27106.$$

$$\text{Frictio} = \frac{1}{3\frac{1}{8}} \text{ pond.}$$

Idem fuit euentus, adhibendo trabem quercinam 50 libr. illique onus ad 500 libr. imponendo.

Vna discimus ex hisce experimentis, quod lignum quernum aliquo vel 10 librarum pondere pressum maiorem frictionem ostendat, quam non pressum. Contrarium in aliis casibus multoties expertus sum, attritu ex pondere aliquot librarum imposito euadente minori. — Maiori autem pondere si vrgeatur corpus, inuenitur attritus continuo pressioni proportionalis.

Exempl. III. Ferrum glabrum, nitidum, quod in laminas tenues expandi solet, contra aliud ferrum simile plano meo impositum, atque huic parallelum, pondere 100, 200, 300 libr. pressum monstrauit

$$\text{Ang. Quietis} = 12^{\circ} 30'$$

$$\text{et Ang. Motus} = 14^{\circ} 45'$$

$$\text{Hinc Ang. Frict.} = 13^{\circ} 37'$$

$$\text{Tang.} = 24223.$$

$$\text{Quant. Frict.} = \frac{1}{4\frac{1}{11}} \text{ pond.}$$

L 2

Exempl.

Exempl. IV. Cuprum, malleo non tractatum, flauum, durum, mundum, glabrum, non politum, supra aliud cuprum eiusdem habitus

$$\text{Ang. Quietis} = 6^{\circ} 30'$$

$$\text{Ang. Motus} = 8^{\circ} 45'$$

$$\text{Ang. Frictionis} = 7^{\circ} 37', \text{ neglectis m}''.$$

$$\text{Tangens} = 13372.$$

$$\text{Quant. Frict.} = \frac{1}{7,5} \text{ pond.}$$

Non dantur metalla quae supra se inuicem mota, exiguam adeo ac cuprum Frictionem habent. — Requiritur autem ante omnia, vt cuprum quidem sit glabrum, continuum, non autem politum. Nam si poliatur, tum effectus attractionis sese vna miscet, et nihil definiti de Frictione asserere licet.

Exempl. V. Cuprum, quod praecedenti experimento inseruiit supra chalybem, magno pondere pressum, vtroque bene glabro licet non polito

$$\text{Ang. Quietis} = 9^{\circ}$$

$$\text{Ang. Motus} = 10^{\circ} 45'$$

$$\text{Ang. Frictionis} = 9^{\circ} 52'$$

$$\text{Tang.} = 17392.$$

$$\text{Quant. Frict.} = \frac{1}{5,8}.$$

Axes machinarum plerique sunt ex chalybe, vertentes se intra cylindros cauos ex cupro. Potest horum attritus ex huiusmodi experimentis definiri. — Potest etiam alia nec minus recta via ad eundem scopum contendere. — Musichenbroekius propterea *Tribometrum* excogitauerat, cui quidem debitam laudem non denegamus. Sed si partium Frictio sit declaranda, prout illae reuera in machinis occurrunt, illi ipsi axes qui machinae partem constituunt examini sunt subiciendi, atque illorum Frictio determinanda. Varias eum in finem machinas aliquando decomposui, et ex potentia rotae cylindro vel tympano, quo plerumque axes instruuntur, applicata, ad horum Frictionem facili calculo perueni.

Esto radius axis = a ; radius cylindri concentrici = r . Pondus in axem premens = M , quo comprehenduntur (1°) Pondus axis cum cylindro; (2°) Pondera ex filis sericis vel lemniscis suspensa, quibus

quibus praeterea axis vrgetur; (3°) Pondus quod hisce addendum est, vt aequilibrium destruat, a celebri Musschenbrockio neglectum; quod separatim spectatum dicetur p.

Hisce praemissis erit Frictio ad axem $= nM$; parte ponderis, quae Frictioni aequipollet, appellata n.

Momentum Frictionis ad axem $= naM$, aequipollens potentiae ad Cylindrum applicandae, vt Frictio superetur $= \frac{naM}{r}$. Vnde

$$\frac{naM}{r} = p.$$

$$\text{Hinc } n = \frac{pr}{aM}.$$

Hac formula ad multos casus applicata obseruauimus continuam in Frictione differentiam, licet plerumque exiguam; esse autem illam paullo maiorem quam in exemplo vltimo obtinuit. Pro maxima Frictione obseruauimus $n = \frac{1}{3,92}$, et pro minima $n = \frac{1}{3,3}$. Quos inter numeros medius $n = \frac{1}{4,5}$ pond. exhibet quamproxime Frictionem, quam reuera axes machinarum chalybei, intra cylindros vertentes, patiuntur. Supponuntur autem axes glabri, libere sese mouentes, quales in machina bene constituta requiruntur. — Hoc cognito, potest accuratius potentia determinari, systemati rotarum dentatarum, adeoque et machinae Heronis applicanda, vt si tantillo maior sumatur, non onus tantum, verum et omne motus impedimentum, siquidem hoc ex superioribus quamproxime determinare liceat, vna superetur.

Sit itaque Systema rotarum dentatarum; sitque Radius axis infimi vel primi $= a$. Radius tympani, cylindri vel laternae, quae synonyma sunt $= t$. Radius rotae dentatae primae $= r$. Frictio $= n$. Pondus axem premens $= M$. Hinc Momentum Frictionis $= naM$. Quod ad Cylindrum aequipollet potentiae $= \frac{naM}{t}$.

Et integra potentia tympano vel cylindro primo applicanda $= M \mp \frac{naM}{t}$

$$\frac{naM}{t} = \frac{tM \mp naM}{t} = \frac{M.(t \mp na)}{t}.$$
 Huius ergo momentum $=$

$$\frac{M.(t \mp na)}{t} t = M (t \mp na).$$

Potentia huic aequalis denti rotae primae applicanda =

$$\frac{M(t \mp na)}{r} = N.$$

Hac agitur in laternam secundam

Sit Radius axis secundi = α

Radius laternae = θ

Radius rotae secundae = ϱ . Frictio = m .

Pondus eleuandum est $N = \frac{M(t \mp na)}{r}$. Igitur potentia peripheriae rotae secundae applicanda

$$= N \frac{(\theta \mp m\alpha)}{\varrho} = M \frac{(t \mp na)}{r} \frac{(\theta \mp m\alpha)}{\varrho} = O.$$

Hac agitur in tympanum tertium.

Sit Radius axis tertii = a'

Radius laternae tertiae = t'

Radius rotae = r' . Frictio = n' .

Pondus eleuandum = O .

Erit potentia π peripheriae tertiae applicanda

$$= O \frac{(t' \mp n'a')}{r'} = M \frac{(t \mp na)}{r} \frac{(\theta \mp m\alpha)}{\varrho} \frac{(t' \mp n'a')}{r'}.$$

Vnde lex progressionis et aucti a potentia applicata effectus sua sponte patet.

Si, vt in plerisque obtinet casibus, vbi eiusmodi formulae potest esse locus, ponatur $n = m = n'$; erit

$$\pi = \frac{M(t \mp na)}{r} \frac{(\theta \mp n\alpha)}{\varrho} \frac{(t' \mp na')}{r'}$$

Si radii axium, laternarum et rotarum fuerint aequales, et frictio vbique eadem, atque m designet numerum rotarum, erit

$$\pi = \frac{M(t \mp na)}{t} m.$$

Rursus si varii, qui in systemate rotarum occurrunt radii, non dentur magnitudine absoluta sed tantum relatiua, vt sit

$$t = ka$$

$$r = la$$

$$\theta = \alpha$$

et

$$\varrho = \lambda \alpha$$

$$t' = k'a'$$

$$r' = l'a'.$$

Vbi

Vbi k, l, z, λ etc. numeros designant axium multiplices, erit

$$\pi = M \frac{(ka \mp na)}{la} \frac{(za \mp na)}{\lambda a} \frac{(k a' \mp n a')}{l' a'} = M \frac{(k \mp n)}{l} \frac{(z \mp n)}{\lambda} \frac{(k' \mp n)}{l'}$$

Si in formula modo inuenta ponatur $n = 0$; erit

$$\pi = \frac{M \cdot t \theta t'}{r \varrho r'}. \text{ Vnde } \pi : M = t \theta t' : r \varrho r'. \text{ h. e. potentia}$$

ad onus eleuandum est in ratione composita radiorum tympanorum ad radios rotarum. Quodsi porro rotarum diametri dentur per multiplices tympanorum aut laternarum, vt sit $r = lt$; $\varrho = \lambda \theta$; $r' = l' t'$;

$$\text{erit } \pi = \frac{M}{l \lambda l'}. \text{ Siue } \pi : M = 1 : l \lambda l'.$$

Quae commoda est regula in praxi, et ad praecedentem pertinet notissimam, quam omnes mechanici non considerata frictione iam ab antiquissimis temporibus repetunt.

Applicemus iam formulam inuentam

$$\pi = M \frac{(k \mp n)}{l} \frac{(z \mp n)}{\lambda} \frac{(k' \mp n)}{l'} \text{ ad machinam Heronis.}$$

Supra inuenimus pondus M ex funis rigiditate in exemplo Heronis increfcere ad 1060 tal. Itaque $M = 1060$ talentis. Reliqua ab axium, tympanorum et rotarum proportionem pendent, ex machinae constructione petenda.

Axis FG super extremis vertitur, quae frictionem producant. Horum diameter minor sumi potest diametro axis, circa quem funis conuoluitur, quo impedimentum a Frictione excitatum minuatur. Quoniam tamen ingens pondus attolli debet, habeant hae partes extremae diametrum $= 2$ poll. Diameter Cylindri circa quem funis voluitur supra posita fuit $= 4$ poll. Vnde quod modo appellauimus a , h. e. radius axis ad radium cyl. $= 2 : 4 = 1 : 2$. Sequitur hinc esse $a = 1$ et $k = 2$. Cumque ex constructione machinae diameter rotae vel tympani HI sit quintupla diametri dicti cylindri, erit $r = 10$ et

$l =$

$1 = \frac{r}{a} = 10$. In ceteris partibus, quae continuo minus sustinent, maior differentia admitti potest. Sit igitur pro axe KL, $\alpha : \theta = 1 : 3$; vnde $\alpha = 3$ et $\lambda = 15$. Pro axe VT, $a' : t' = 1 : 3$; vnde similiter $k' = 3$ et $l' = 15$. Porro pro axe CS sumta rota $\theta\gamma$ pro tympano, aequali XZ, cuiusque diameter ex machinae constructione est aequalis radio manubrii $a'' : t'' = 1 : 15$. Vnde $k'' = 15$ et $l'' = 30$. Denique quoad Frictionem n eam ante inuenimus $= \frac{1}{4,5}$.

$$\text{Substitutis hisce in formula } \pi = M \cdot \frac{(k+n)}{1} \cdot \frac{(z+n)}{\lambda} \cdot \frac{(k'+n)}{l'} \cdot \frac{(k''+n)}{l''}$$

prodit tandem $\pi = 5,51$ talent.

Si Frictio ponatur paulo minor, scilicet $n = \frac{1}{5,5}$ prout in machinis accuratius elaboratis obtinere supra diximus; erit $\pi = 5,30$ tal.

Rursus si axium KL, VT et CS diametri respectu diametrorum rotarum respondentium ponantur minores; id quod omnino ponere licet vt v. gr. sit $\alpha = 4$; $k' = 4$; $k'' = 20$; porro $\lambda = 20 = l'$; et $l'' = 40$; reperietur $\pi = 5,13$ tal.

Denique si haec ratio ulterius minuatur; vt sit $\alpha = k' = 8$, $k'' = 40$; et $\lambda = 40 = l'$; $l'' = 80$; inuenietur $\pi = 4,88$ tal.

Atque ita potentia oneri eleuando apta, si vel tantillo maior illa sumatur, accuratius continuo determinabitur, si rigiditatis funium et legum attritus ratio vna habeatur; cum hisce neglectis coniectando tantum, vt et Hero instituerat, augmentum illud quaeramus, quod inuentae potentiae ad onus mouendum vel attollendum addi debeat. — Vnum tantum addo, quo rotae $\theta\gamma$ et XZ superfluae videri possint, siquidem manubrio S Δ X axi TV statim applicato, idem effectus ab applicata potentia praestetur.

COMMENTATIONES

SOCIETATIS REGIAE SCIENTIARVM
GOTTINGENSIS

TOMVS VII.

HISTORICAE ET PHILOLOGICAE
CLASSIS

AD A. MDCCCLXXXIV ET LXXXV

Comment. Hist. Philol. Tom. VII.



JO. CHRISTOPH. GATTERERI
COMMENTATIO PRIMA
DE
THEOGONIA AEGYPTIORVM
AD HERODOTI L. II. CAP. 145.
DE TRIBVS DEORVM AEGYPTIORVM CLASSIBVS
IN GENERE:

RECITATA

D. XX. AVG. A. MDCCLXXXV.

Herodoti locus, quem in amplissimo confessu vestro, Sodales honoratissimi, explicare constitui, hic est (L. II. c. 145):

Ὅσιρις δὲ ἔστι Διονυσος κατ' Ἑλ-
λαδα γλώσσαν. Ἐν Ἑλλήσι μὲν
νυν νεωτάτοι τῶν θεῶν νομίζονται εἶναι
Ἡρακλῆς τε καὶ Διονυσος καὶ Παν.
Παρ' Αἰγυπτίοισι δὲ, Παν μὲν ἀρ-
χαιοτάτος, καὶ τῶν ὀκτώ τῶν πρω-
τῶν λεγομένων θεῶν. Ἡρακλῆς δὲ
τῶν δευτέρων, τῶν δωδεκά λεγο-
μένων εἶναι. Διονυσος δὲ, τῶν τρι-
τῶν, οἱ ἐκ τῶν δωδεκά θεῶν ἐγε-
νόντο.

Osiris autem Graeca lingua est Dio-
nysus s. Bacchus. Apud Graecos
quidem nouissimi Deorum esse cen-
sentur Hercules et Bacchus et Pan.
Contra vero apud Aegyptios Pan
quidem vetustissimus est, etiam ex
οἷς Diis, qui *primi* dicuntur; Her-
cules vero est ex *secundis*, qui dicun-
tur *duodecim* esse; Bacchus denique
ex *tertiis*, qui ex duodecim diis pro-
gnati sunt.

A 2

Ἡρακλεῖ

Ἡρακλεῖ μὲν δὴ ὅσα αὐτοὶ Αἰγυπτioὶ Φασὶ εἶναι ἔτεα ἐς Ἀμασιν βασιλεα, δεδηλωται μοι προσθε. Πανὶ δὲ ἐπὶ τούτων πλεονα λεγεται εἶναι, Διονυσῶ δ' ἔλαχις τεττων καὶ τούτῳ πεντακισχιλία καὶ μυρία λογιζονται εἶναι ἐς Ἀμασιν βασιλεα καὶ ταῦτα Αἰγυπτioὶ ἀτρεκέως Φασὶ ἐπιστάσθαι, αἰεὶ τε λογιζόμενοι καὶ αἰεὶ ἀπογραφόμενοι ταῖς ἔτεα.

Διονυσῶ μὲν νυν τῷ ἐκ Σεμελης τῆς Καδμου λεγομένῳ γενεσθαι, κατὰ ἑξακοσια (rectius ἑξήκοντα) ἔτεα καὶ χίλια μαλιστα ἐστὶ ἐς ἐμὲ. Ἡρακλεῖ δὲ τῷ Ἀλκίμηνης, κατὰ εἰνακοσια ἔτεα. Πανὶ δὲ τῷ ἐκ Πενελοπης (ἐκ ταύτης γὰρ καὶ Ἑρμῆα λεγεται γενεσθαι ὑπὸ Ἑλλήνων ὁ Παν), ἔλασσον ἔτεα ἐστὶ τῶν Τρωϊκῶν, κατὰ τὰ ὀκτακοσια μαλιστα ἐς ἐμὲ.

Et ab Hercule quidem quot anni ad Amasin vsque Regem, ipsis Aegyptiis relatoribus, praeterlapsi sint, supra a me commemoratum est (Sunt anni 17000. vid. II. 43). Maiorem adhuc annorum summam Pani, minimam vero Baccho tribuunt: quamquam ab hoc ad Amasin vsque Regem quindecim annorum millia computant. Et haec quidem Aegyptii ex perpetua annorum tam computatione quam descriptione certo se scire contendunt.

Contra vero a Baccho, qui ex Se-mele, Cadmi filia, natus esse dicitur, ad meam vsque aetatem anni fere sunt mille sexcenti (rectius sexaginta); ab Hercule autem, Alcmenae filio prope nongenti anni; et a Pane, filio Penelopes (ex hac enim et Mercurio Pan progenitus esse dicitur a Graecis), pauciores anni sunt, quam a bello Troiano, hoc est octingenti fere ad meam memoriam anni.

Cum primario hoc et classico velut loco vtiliter et, apposite ad rem ipsam completius perfectiusque explicandam coniungi possunt ea, quae Herodotus duobus aliis locis hunc in modum exposuit:

L. II. c. 43: Ἡρακλεος δὲ περὶ τούτου τον λογον ἤκουσα, ὡς εἶη τῶν δωδεκα θεῶν· τὰ ἑτέρα δὲ περὶ Ἡρακλεος, τον Ἑλλήνες οἶδασιν, ἔδωκεν Αἰγυπτῶ ἐδυνασθῆναι ἀνασσει — ἀλλὰ τις ἀρχαῖος ἐστὶ θεος Αἰγυπτίοισι Ἡρακλεος· ὡς δὲ αὐτοὶ λεγῶσι, ἔτεα ἐστὶ ἑπτακισχιλία καὶ μυρία ἐς Ἀμασιν βασιλευσαντα, ἐπεὶ τε ἐκ τῶν ὀκτω θεῶν οἱ δωδεκα θεοὶ ἐγένοντο, τῶν Ἡρακλεα ἓνα νομίζουσι.

De Hercule autem hunc ego audiui sermonem, eum esse ex *Diis duodecim*: nam de altero Hercule, quem Graeci norunt, nulla in parte Aegyptii aliquid potui audire — sed vetustus quidam deus est apud Aegyptios *Hercules*, et ut ipsi perhibent, septemdecim millia annorum sunt ad Amasin Regem, ex quo *duodecim dii ex octo diis progenerati* sunt, quorum unum esse Herculem arbitrantur.

L. II.

L. II. 156: Λητώ, ἑοῦσα τῶν
 οὐτῶ θεῶν τῶν πρώτων γινόμενων,
 οἰκεῖσα δὲ ἐν Βετοί πολι, ἵνα δὴ
 οἱ το χρηστηρίον τοῦτο ἐστὶ, Ἀπολ-
 λωνα παρα Ἴσιος παρακαταθήκην
 δεξαμένη, διέσωσε καταρυψάσα ἐν
 τῇ νῦν πλωτῇ λεγομένῃ νησῷ· ὅτε
 το παν διζήμενος ὁ Τυφῶν, ἐπῆλθε,
 θελῶν ἐξευρεῖν τοῦ Ὀσίριος τὸν παι-
 δα. Ἀπολλωνα δὲ, καὶ Ἀρτεμιν,
 Διονύσου καὶ Ἴσιος λεγουσι εἶναι παι-
 δας. Λητοῦν δὲ, τροφὸν αὐτοῖσι
 καὶ σωτῆραν γενέσθαι. Αἰγυπτίσι
 δὲ Ἀπολλων μὲν, Ὠρος· Δημήτηρ
 δὲ, Ἴσις· Ἀρτεμις δὲ, Βεβαστις.

Latona, quae ex octo numinibus,
 quae prima exstiterunt, vnum est,
 quum in vrbe Buto, vbi hoc eius ora-
 culum est, habitaret, Apollinem, ab
 Iside instar depositi acceptum, occul-
 tant in ea, quae nunc natat, insula,
 ac fospitem reddidit: quo tempore
 Typhon, omnia indagans, vt Osiris
 filium inueniret, aduenisset. Nam
 Apollinem et Dianam Dionysi et
 Isidis liberos aiunt esse; Latonam
 vero nutricem horum ac seruatri-
 cem. Et Apollo quidem Aegyptiace
 Orus, et Ceres Isis, Diana vero
 Bubastis.

Iam omnibus, quae tribus his locis continentur, diligenter ac
 rite perpenſis atque inter se comparatis, duo potissimum esse appa-
 rebit, quae Aegyptii de Diis suis Herodoto enarrauerint.

Vnum est hoc: esse *tres* veluti *classes*, in quas Aegyptii Deos
 suos omnino omnes describant, ac ita quidem, vt prima classe *octo*
 Dii, altera *duodecim*, tertia denique *Osiris* ceterique tertii compre-
 hendantur.

Alterum hoc est: secundae classis *duodecim* Deos e Diis octo
 primae classis, *Osiridem* vero reliquosque tertiae classis Deos ex se-
 cundae classis *duodecim* Diis *prognatos* esse.

Videntur haec primo adſpectu ita iam clara esse, ita facilia in-
 tellectu, vt nulla amplius explicatione indigeant. Etsi enim Hero-
 dotus non nisi aliud agendo, ac velut in transcurso, Deorum
 Aegyptiorum mentionem iniiciat; coecus tamen sit, vti videtur,
 oportet, qui non videat, loqui eum partim de tribus classibus Aegy-
 ptiorum Deorum, partim de illorum ortu ac stemmate communi.
 Iam vero licet ne ego ipse quidem is videri velim, qui negauerit,
 clara quodammodo dici posse, quae de Aegyptiorum Theogonia,

per se ac vniuerse considerata, Herodotus tradit; ipse tamen locus, de quo quaeritur, non obscurus tantum est; sed ita quoque comparatus, vt circumspectos etiam atque acutos lectores in fraudes erroresque multiplicis generis deducere possit: addo etiam, quod ex infra dicendis patebit, ne ipsum quidem Herodotum intellexisse ea, quae de tribus Deorum Aegyptiorum classibus ac prosapia exposuit. Primum quaeri potest ac debet, cur Aegyptii tria potissimum genera Deorum, non vero plura, vel pauciora, esse voluerint: deinde cur ad primam classem octo Deos, ad alteram vero duodecim, curque nec plures nec pauciores retulerint: tertio quales fuerint omnes hi trium classium Dii: ac denique, quod inprimis difficile intellectu est, quo iure quoue sensu Aegyptii Deos duodecim e primis octo, Osiridem vero ceterosque tertios e Diis duodecim effectos esse contenderint? Ad omnia haec, quae modo interrogauimus, respondere, ac certo quidem et distincte, Herodotus aliquis numquam poterit; at poterit tamen quilibet Astrologiae ac Chronologiae peritus, si modo inciderit in alium Herodoti locum, qui L. II. c. 82 exstat, eumque cum obscurissimo illo loco, de quo quaerimus, contulerit. Sed ipsa Herodoti verba digna sunt, quae hic commemorentur.

Και ταδε ἄλλα Ἀιγυπτίοισι ἐστὶ ἐξευ-
ρημενα· μεις τε καὶ ἡμερὴ ἐκάστη θεῶν
ὅτεν ἐστὶ καὶ τῇ ἐκάστῃ ἡμερῇ γενο-
μενος, ὅτεοισι ἐγνυρῇσιν, καὶ ὅπως
τελευτῇσιν, καὶ ὅποιος τις ἐστὶ.

Sunt praeterea haec etiam ab Aegyptiis excogitata: cuius Deorum sit quilibet mensis ac quilibet dies: et, prout quisque hominum hoc vel illo die fuerit natus, quam fortunam sortiturus sit, quem vitae exitum habiturus, et qualis futurus sit ipse.

Duplex loci huius argumentum est: vnum *chronologicum*, alterum *astrologicum*; quorum vnum ab altero in se quidem ita est diuersum, vt distingui possint, sed alio tamen respectu considerata, aptissime inter se cohaerere mox apparebit.

De *astrologico* argumento primum, ac breuiter quidem strictimque, dicemus. Astrorum motum ac diuersum diuersis temporibus statum prima iam generis humani aetas animaduertere debuit. Sed Aegyptiorum haec praecipua videtur laus fuisse, quod illi omnium mortalium primi accuratiorem subtilioremque siderum cognitionem habuerint. Nam, praeter caeli perpetuam fere serenitatem, quae iis cum Babyloniis communis fuerat, singulari hac et propria felicitate vsi sunt, vt solem quotannis, simul cum Nili, omnia foecundantis, inundatione, terrae suae fines australes attingere, lunam vero singulosque planetas diuerse diuersis temporibus eosdem fines suos superare viderent, ideoque, praeter varietatem coloris splendorisque notabilem, ex declinationis etiam borealis diuersitate vnum planetam ab altero haud difficulter ac reliquis populis multo maturius distinguere discerent.

Sed nec illud diu Aegyptios potuit latere, quantum efficacitatis haberet *Sol* in afficiendis cuiuscumque generis corporibus et in ipsis quoque hominum animis varie flectendis. Cum deinde paulatim animaduertissent, *Solem* nec eodem semper modo, nec intensioris gradu eodem, sed varie, pro vario inter sidera reliqua situ, esse efficacem; non *Lunae* tantum, sed reliquis etiam sideribus, inprimisque *Planetis* maximam vim atque efficientiam tribuere, nulli dubitarunt: in quo quidem eos non omnino a vero aberrasse, nemo hodie, qui harum rerum peritus est, facile negauerit. In hoc vno tantum et ipsi falsi sunt Aegyptii, et alios deinde, quamquam haud dolose, fefellerunt, quod multo, quam par est, latius astrorum virtutem extenderant, et hominum etiam non corpora tantum, sed animos quoque, valetudinem, fortunam, mores, vno verbo, totum vitae curriculum et mortis tam tempus quam rationem ex siderum positu motuque pendere crediderant. Cum itaque semel hanc opinionem animo imbibissent, vt cuiuscumque hominis vitam inde
ab

ab hora natali ad mortem vsque pari veluti passu cum astris currere arbitrantur; facillimum profecto iis fuit, eo vsque credulitatis ac superstitionis prolabi, vt, in qualem astrorum statum s. *constellationem* cuiusuis hominis hora natalis incideret, talem eius vitam fortunamque esse futuram, siue, quod idem est, in caelo, tamquam in pictura; hominum vitam ac sortem delineatam esse ac descriptam crederent. Quumprimum explorasse hoc sibi essent visi; omnem operam, omne studium ac tempus in obseruando caelo consumserunt, ita vt certiozem in dies atque accuratiorem pleniorumque siderum cognitionem adipiscerentur: ex quo quidem, vt hoc velut in transcurso moneam, simul patet, *Astrologiam* non tam pro *Astronomiae* filia degenere, quam pro vera huius matre habendam esse: Aegyptii enim ideo astra nosse studuerunt, vt ex astris futura praedicere possent.

Qualis autem Aegyptiorum Astrologia, ideoque Astronomia etiam, Herodoti aetate fuerit, ipso tacente, hodie quidem dicere poterit nemo; maximum tamen vtramque iam tum cepisse incrementum, possumus ex eo iudicare, quod Aegyptii, vt Herodotus in loco, de quo quaerimus, ait, excogitauerunt artem, pro temporis natalis diuersitate, cuiuslibet hominis sortem ac fortunam, vitae diuturnitatem, et actus ac mores praedicendi. Iam qui haec omnia ex hominis cuiusque natali vaticinari in animum inducit, is non tantum, quae ex Zodiaci Signis duodecim, ad Astrologorum sensus, bona sint, quae mala, itemque ex septem Planetis qui itidem vel mali vel boni sint, accurate scire: sed omnium etiam ac singulorum, tam Signorum, quam Planetarum, locum mutuumque situm, inde ab Horoscopo, id est, ab eo inde signo, quod, dum homo aliquis nascitur, ex oriente adscendit, cognitum exploratumque habere debet. Clarissimum hinc est, quot quantosque Aegyptii, dum ita Astrologiae soli studuisse viderentur, in ipsa Astronomia fecerint

fecerint progressus: oportet enim haud mediocris doctrinae Astronomum esse eum, qui, qualibet hora diei cuiuscumque data, qualis omnium Zodiaci Signorum omniumque Planetarum status atque ordo, respectu ad terrae alicuius horizontem habito, sit, certo ac promte definire possit.

Reperiuntur et alibi in Herodoto loca, quae, nisi insigniter erro, astrologici aliquid redolent. Huius generis videtur locus esse de Aethiopibus Macrobiis, quorum plerique ad 120 annorum aetatem peruenisse narrantur (III. 23): constat vero, Astrologos ei Solis periodo, quam dicunt maximam, 120 annos tribuere. Alio in loco (II. 84) Herodotus: "Medendi ars, inquit, ita apud Aegyptios distributa est, ut singulorum morborum sint medici, non plurimum: quamobrem ibi medicorum plena sunt omnia. Alii enim oculorum medici sunt, alii capitis, dentium alii, alii alui, alii morborum occultorum." Atqui aliunde notum est, veteres Aegyptios humanum corpus in totidem partes distribuisse, quot Decanos signis Zodiaci praeesse existimarunt: per Decanos enim apud eos Iatromathematici valetudinis aliaque vitia colligere solebant.

Sed mittenda sunt haec et id genus alia, quae a consilio meo aliena sunt. Progrediendum enim nunc est ad *chronologicum* loci eius, de quo quaeritur, argumentum. Aegyptios scilicet, ait Herodotus, praeter multa alia, excogitasse etiam hoc: *cuiusnam Deorum* sit et quilibet *mensis* et quilibet *dies*; hoc est, aliis iisque clarioribus verbis: a suo, quemuis ex septem *diebus* hebdomadis, Deo gubernari et nomen habere: eodemque modo a suo, quemuis ex duodecim *mensibus*, Deo et regi et nomen traxisse.

Iam quinam sint illi Dii, quibus Aegyptii *singulorum hebdomadis dierum* et regimen et nomen tribuerunt, quodlibet Calendarium Romanum docere poterit. Romani enim, postquam per multorum

saeculorum decursum tam anni sui lunaris, quam ogdoadum suarum incommoda atque errores tolerassent, tandem ab Aegyptiis primo solarem anni formam, deinde hebdomadas etiam ac dierum hebdomadicorum nomina acceperunt. Ita factum est, ut nomina dierum *Saturni, Solis, Lunae, Martis* cet. in Calendaria Romana inducerentur. Latina quidem haec sunt nomina dierum, non Aegyptia, de quibus posterioribus infra (in altera commentatione) dicendi occasio dabitur; sed hoc impedire nos nullo modo potest, quo minus ex his ipsis dierum nominibus, quamquam Latinis, dilucide ac certo cognoscamus, *Planetas septem* fuisse Deos illos, quibus Aegyptii dierum hebdomadicorum et regimen et nomen tribuerunt. Accipisse autem Romanos dierum hebdomadicorum rationem et nomina ab Aegyptiis, etsi res ipsa loquitur, et aliunde iam clarum, nec ullis obnoxium dubiis est; haud inutiliter tamen etiam DIONEM CASSIUM (nat. A. Chr. 155, mort. post A. 229) hac de re dicentem (L. XXXVII. c. 18) audiemus. Quod autem *dies*, inquit, *ad septem* sidera illa, quae *planetas* appellarunt, referuntur, id, *ab Aegyptiis* institutum, ad omnes homines, *haud ita pridem, ut conicio* (οὐ παλαι ποτε, ὡς λόγῳ εἶπεν) dimanauit. Nam *priscis Graecis*, quantum mihi constat, notus is mos neutiquam fuit: sed nunc vsquequaque, cum apud omnes reliquos homines, tum praesertim apud Romanos, mos ille veluti patrius obtinet.

Quomodo autem factum est, ut Planetae in dierum hebdomadicorum nominibus non eo se inuicem ordine sequerentur, quo collocatos eos in caelo esse constat? Discordia haec inter caelum ipsum et dierum nomina est apparens tantum, non vera. Aegyptii scilicet, rationibus astrologicis inducti, planetas non integris tantum diebus, sed partibus etiam dierum, id est, singulis horis viginti quatuor praeesse voluerunt. Iam si suum cuique horae planetam tribuas, et ita quidem, ut a *Saturno* incipiens, planetas singulos eo ipso ordine, quo in caelo sibi a summo ad imum succedunt, toties repetas,

repetas, quoties pergenti tibi per viginti quatuor horas opus esse animaduverteris; ipse experimento deprehendes, primam sequentis diei horam *Soli* obtingere, hoc est, Solem illius diei dominum esse: regere enim quilibet planeta existimatus est diem illum integrum, cuius horam primam gubernaret. Hoc ratiocinandi genus etsi per se haud difficile cognitu est; vt tamen ab iis etiam, quorum studia ab his rebus paullulum remota sunt, plenius intelligatur: licebit rem leuidentis hac tabula repraesentare:

Horae dier.	Nomina septem dierum hebdomadicorum.						
	Sa- turni	Solis	Lunae	Mar- tis	Mer- curii	Jovis	Vene- ris
1	♄	☉	☾	♂	♀	♃	♀
2	♃	♀	♄	☉	☾	♂	♀
3	♂	♀	♃	♀	♄	☉	☾
4	☉	☾	♂	♀	♃	♀	♄
5	♀	♄	☉	☾	♂	♀	♃
6	♀	♃	♀	♄	☉	☾	♂
7	☾	♂	♀	♃	♀	♄	☉
8	♄	☉	☾	♂	♀	♃	♀
9	♃	♀	♄	☉	☾	♂	♀
10	♂	♀	♃	♀	♄	☉	☾
11	☉	☾	♂	♀	♃	♀	♄
12	♀	♄	☉	☾	♂	♀	♃
13	♀	♃	♀	♄	☉	☾	♂
14	☾	♂	♀	♃	♀	♄	☉
15	♄	☉	☾	♂	♀	♃	♀
16	♃	♀	♄	☉	☾	♂	♀
17	♂	♀	♃	♀	♄	☉	☾
18	☉	☾	♂	♀	♃	♀	♄
19	♀	♄	☉	☾	♂	♀	♃
20	♀	♃	♀	♄	☉	☾	♂
21	☾	♂	♀	♃	♀	♄	☉
22	♄	☉	☾	♂	♀	♃	♀
23	♃	♀	♄	☉	☾	♂	♀
24	♂	♀	♃	♀	♄	☉	☾

Ex hac tabula simul patet, *Systema planetare*; quod *Ptolemaicum* appellare solemus, non a Ptolemaeo inuentum, sed mathematico hoc Aegyptio, immo ipso Herodoto, multo antiquius esse, et adeo ad ipsa Astronomiae Aegyptiorum incunabula adscendere. Sed hoc velut in transcurso dictum esto. Reuertamur nunc ad illud, quod dicere exorsi sumus. Ad complendum perficiendumque octo Deorum Aegyptiorum numerum nonnisi vnus deest. Atque hic alius non potest esse, praeterquam *Mendes*, siue, vt Graeca interpretatione appellatur, *Pan*, quippe quem Aegyptii, vt Herodotus disertis verbis testatur, non tantum in octo diis numerarunt, sed etiam pro omnium vetustissimo habuerunt. Mendetem vero et septem planetas esse octo illos Deos, quos Aegyptii primos vocarunt, ex PLATONE etiam ac CICERONE cognoscere licet: nam dogma hoc Aegyptiorum ad Graecos quoque, eos inprimis, qui, vt Plato, doctrinae causa in Aegyptum profecti erant, et a Graecis deinde ad Romanos penetrauit. Ipsum quidem Mendetis nomen nec Plato habet, nec Cicero; at habent tamen id, quod multo carius nobis vtiliusque esse debet, rem scilicet ipsam, quam Mendetis nomine indicare voluerunt Aegyptii. Sed ne arroganter praeiudicare videar, ipsa prae ceteris verba Platonis afferenda sunt e dialogo XIII de Legibus, qui etiam *Epinomis* s. *Philosophus* vocatur. Non vno autem eodemque loco rem omnem Plato, sed disperse multis locis exposuit (p. 1011 - 1014. Edit. Francofurt. a. 1602). Iam si, quae sunt ab eo sparsim dicta, vnum in locum cogantur, erunt fere haec:

Ἰσε ὄντω δυνάμεις τῶν περὶ ὅλον οὐρανὸν γεγενυίας ἀδελφάς ἀλλήλων — Τούτων δ' εἰσὶ τρεῖς αὐταί· μία μὲν ἥλις, μία δὲ σελήνη· μία δὲ τῶν πάντων ἀστέρων ὧν ἐμνησθήμεν ὀλίγον ἐμπροσθεν· πεντε δὲ ἑτέραι. Ταύτας δὲ πάσας καὶ τετρεὶς τρεῖς ἐν ταυταῖσιν εἴτε αὐτὰς ἰόντας, εἴτε φερομένους ἐν ὀχημασὶ πορευέσθαι· ταυτὴ μὴδεὶς ἀλ-

Scitote octo in toto caelo esse potestates, sibi inuicem sorores — Harum tres hae sunt, solis vna, lunae vna, stellarum omnium, de quibus ante diximus, una, atque aliae quinque. Has omnes, et eos, qui in his sunt, siue ipsi progrediantur, siue in vehiculis ferantur, nullus ita habere se putet, vt alii eorum Dii sint, alii
 λογ

λος ποτε νομιση παντων ημων ως οί μεν
 θεοί εισιν αὐτων, οί δ' ἔ' μὴδ' ὡς οί
 μεν γνησίοι, οί δε τοιαῖτοι τινες οἰς
 ἔδε θεοὺς εἶπεν ἡμων ἔδεν. Παντες
 δε δη παντας λεγωμεν τε καὶ φωμεν
 ἀδελφας τ' εἶναι καὶ ἐν ἀδελφαις μοι-
 ραῖς· καὶ τιμας ἀποδιδωμεν, μὴ τῷ
 μεν ἐνιαυτον, τῷ δε μηνι· τοῖς δε μῆ-
 τε τινα μοῖραν ταττωμεν, μῆτε τινα
 χρόνον, ἐν ᾧ διεξέρχεται τον αὐτὸς
 πολὺν —

Λέγω γὰρ πάλιν, ὅτι μὲν εἶναι
 των δε ὅτι τρεῖς μὲν εἰρησθαι, πεντε
 δ' ἐτι λοιπας. Ἡ τεταρτη δε φορὰ καὶ
 διεξοδος ἅμα καὶ πεμπτη τάχει μὲν
 ἡλίῳ σχεδὸν ἴση, καὶ ἔτε βραδύτερα
 ἔτε θάττων· τοῦ' ἐπὶ παν αἰετῶν
 τριῶν ὄντων, τον νῦν ἱκανὸν ἔχοντα
 ἡγείσθαι· λέγωμεν δη ταυτας ἡλῖς τ'
 εἶναι καὶ ἑωσφοροῦ, καὶ τριτον ὡς μὲν
 ὀνοματι φραζεῖν ἐκ ἐστὶ, διὰ το μὴ γι-
 γνωσκέσθαι. Τετς δ' αἰτίος ὁ πρῶτος
 ταυτα κατιδὼν, βροβροσ ὦν. Πα-
 λαιος γὰρ δη τοπος ἐθρεψε τες πρῶτες
 ταυτα ἐννοήσαντας, διὰ το καλλος της
 θερμης ὥρας· ἣν Αἰγυπτος τε καὶ Συ-
 ρια ἱκανῶς κεκτηται· φανερες μὲν, ὡς
 ἔπος εἶπεν ἀστρας αἰε ζυμπαντας καθ-
 ὄρῳντας, ἄτε νεφῶν καὶ ὑδάτων ἀπο-
 πρὸςθεν αἰε τς κοσμος κατωκισμενους.
 Ὅτε καὶ πανταχοσε καὶ δευρ' ἐξῆκει,
 βαβασκνισμενα χρόνῳ μυριετς τε καὶ
 ἀπειρῳ. —

Ὅ μὲν γὰρ Ἑωσφορος, Ἑσπερος
 τε, ὁ αὐτος εἶναι, ἔχει δη λόγον·
 ὁ δ' ὁμοδρομος Ἡλίῳ τε ἅμα καὶ τῷ
 Στίλβων. Τρεῖς δ' ἐτι φορας
 λεγομεν ἐπὶ δεξιᾳ πορευομενων μεγα
 Σελήνης τε καὶ Ἡλίῳ.

minime; sed omnes fratres, et in
 fraternis sortibus viuentes dicamus,
 iisque honores reddamus: non huic
 annum, illi mensem, aliis vero nul-
 lam partem, nullumque tempus, in
 quo circulum suum percurrit, tri-
 buamus.

Iterum ὁδὸ esse dicimus: quarum
 tres dictae sunt, quinque restant.
 Quarta vero et quinta circuitio aequali
 ferme velocitate cum sole feruntur,
 itaque nec tardiores sunt, nec velo-
 ciores. Atque harum trium semper
 sufficiens ductor est intellectus. So-
 lis dico, et Luciferi, et tertii il-
 lius, cuius nomen cum ignoretur,
 nominari non potest. Quod pro-
 pterea est factum, quoniam primus
 harum rerum spectator Barbarus
 (non Graecus) fuit. Antiqua enim
 regio aluit eos, qui, propter aequi-
 tati temporis serenitatem, primi
 haec inspexerunt. Talis Aegyptus
 et Syria fuit, ubi stellae semper
 omnes, ut ita dixerim, clare cer-
 nuntur: quia caeli adspectum nubes
 et pluviae non impediunt. Inde
 quoquo versus et huc etiam dimana-
 runt ea, quae infiniti temporis expe-
 rientia comprobauerat.

Lucifer, enim idem qui Vesper (stella
 Ἀφροδίτης, id est, *Veneris*) esse dici-
 tur. Stella vero, quae aequaliter fer-
 me et cum hoc et cum Sole currit
 Stilbon (s. *Mercurius*) est. Restant
 tres adhuc orbes eorum, qui ad
 dextram cum Sole ac Luna mouentur.

Ἐνα δὲ τὸν ὄγδοον χρη λέγειν, ὃν
μαλὶς' ἂν τις ἄνω κόσμον προσαγο-
ρευοί, ὡς γε ἄνθρωποις φαίνοιτ' ἂν
ὀλίγα τῶν εἶδωσιν. —

Λοίπον δὴ τρεῖς ἄστερες, ὧν εἰς
μὲν βραδυτῇ διαφέρων αὐτῶν ἐστὶ
Φαινὼνα δ' αὐτὸν τινες ὄνομα Φαεγ-
γόνται· τὸν δὲ μετὰ τῶν βραδυ-
τῇ, Φαεδόντα· Πυροεῖς δὲ ὁ μετὰ
τούτου· πάντων δὲ ἕτος ἐρυθρω-
τάτου ἔχει χρομᾶ. —

Ἡ δ' ὑπερούσα ἡμῖν εἰς τὸ θε-
ρινὸν φύσις τὰ περὶ τὸν ἐκεῖ τόπον,
ὅπερ εἶπομεν, ὑπερὸν αὐτοῖς παρα-
δεδωκε τὸ τούτων τῶν θεῶν τοῦ
κόσμου κατανοημᾶ. Λαβώμεν δὲ,
ὡς ὁ, τι περ ἂν Ἕλληνες βαρβα-
ρῶν παραλαβώμεν, καλλίον τούτο
εἰς τέλος ἀπεργάζονται. Καὶ δὴ καὶ
περὶ τὰ νῦν λεγόμενα ταῦτον δεῖ δια-
νοηθῆναι τούτο. ὡς χαλεπὸν μὲν
πάντα τὰ τοιαῦτα ἀναμφισβήτητως
ἐξευρίσκειν· πολλὴ δ' ἐλπίς ἅμα καὶ
καλὴ, καλλίον καὶ δικαιοτέρον ὄντως
τῆς ἐν τῶν βαρβαρῶν ἐλπίδος φήμης
τὴν ἅμα καὶ θεραπείας, πάντων τούτων
τῶν θεῶν ἐπεμελησέσθαι τοὺς Ἕλληνας.

Ἀστρονομίαν ἀγνοεῖτε, ὅτι σοφω-
τάτου ἀνάγκη τὸν ἀληθῶς ἀστρονόμον
εἶναι, μὴ τὸν κατ' Ἡσίοδον ἀστρο-
νόμους, καὶ πάντας τοὺς τοιούτους,
οἷον δυσμᾶς τε καὶ ἀνατολᾶς ἐπεσ-
κεμμένον, ἀλλὰ τὸν τῶν ὧν πε-
ριόδων τὰς ἐπὶ τὰς περιόδους, διεξίστης
τοῦ αὐτοῦ κυκλίου ἐκαστῆς ἑκάστης· ὡς
οὐκ ἂν ῥηδὶως ποτε πασὰ φύσις ἰκανῇ
γενοίτο θεωρησαί, μὴ θαυμάσης με-
τεχέσθαι φύσεως· ὁ νῦν εἰρηκαμὲν
ἐρχομεν τε, ὡς φαμεν, ὅπῃ δεῖ τε
καὶ ὅπως χρεὼν μάθαιεν.

Vnum vero *odituum* oportet dicere,
quem potiori iure *mundum superum*
dixeris (hic contra, quam ceteri,
mouetur, ceterosque secum trahit),
vt hominibus pauca de iis scientibus
videtur.

Reliquae sunt stellae tres: qua-
rum vna ceteris tardior est, quae
Phaenon (f. *Saturnus*) a quibusdam
appellatur. Quae post hunc situ et
tarditate ponitur, Phaëton (f. *Jupiter*)
est: et post hunc Pyroeis (*Mars*),
qui ceterorum maxime rubens est.

Quoniam vero nos (Graeci) lon-
gius, quam Barbari, vt diximus, ab
aestiuā serenitate distamus, horum
Deorum ordinem tardius intellexi-
mus. Verum quicquid Graeci a Bar-
baris acceperint, melius tandem red-
dunt. Quod et in his, quae modo
tractamus, cogitare debemus: quod
quamvis inuentu haec difficilia sint,
magna tamen spes nobis est, Graecos
praestantiorē cultu, quam a Barbaris
acceperint, hos Deos omnes hono-
raturus. —

Nolite ignorare, Astronomiam sa-
pientissimum quid esse. Nempe ne-
cessē est verum astronomum esse,
non eum, qui secundum Hesiodum
omnesque huiusmodi, occasum or-
tumque confideret, sed eum potius,
qui *oito orbes*, et quomodo septem
sub primo versentur, quoue ordine
suū singuli circulum peragant.
Quod nulla natura, nisi mirabilis sit,
facile vnquam inspiciet, vt modo
diximus, et dicemus, declarantes,
quid oporteat et quomodo oporteat
discere.

Πρωτον

Πρωτον δ' ἡμῖν τοδε λεγέσθω. Σε-
ληνη μὲν περιόδον τὴν αὐτῆς ταχιστα
διεξέεισιν ἄγιστα μῆνα καὶ πανσεληνον
πρωτὴν· δευτερον δὲ κατανόειν δεῖ
τὸν ἥλιον, τροπὰς ἀγόντα διαπάσης
τῆς αὐτῆς περιόδου· καὶ τετὰρ τὰς ξυν-
δρομὰς. Ἰνα δὲ μὴ πολλὰ καὶ ταυτὰ
περὶ τῶν αὐτῶν διαλεγόμεθα, τὰς
ἄλλας ὅσας ἐν τῷ προσθέν διεξήλθο-
μεν ὁδὸς τούτων οὐ ῥᾶδιον ξυννοεῖν·
ἐπὶ δὲ ταυτὰ παρασκευάζοντας φυ-
σεις, δι' αἷς δυνατόν εἶναι χρεῶν
πολλὰ προδιδασκόντα καὶ ἐδίδοντα
δεῖ διαπονεῖσθαι παῖδα ὄντα καὶ νεα-
νίσκον. Διὸ μαθημάτων δεῖν ἂν εἶη.

Primum igitur id dicatur, quod
Luna celerrime circulum suum euol-
vat; atque ita mensem et plenilunium
primum peragit. Sol deinde inspecien-
dus est, qui solstitia conuersionesque
temporum circuitu efficit suo: prae-
terea et qui vna cum Sole currunt,
considerandi. Denique ne eadem de
iisdem saepius differamus, cursus
omnes, quos paullo ante tetigimus,
quiue non facile intelliguntur, con-
templari debemus: ita vt naturae
prius doctrinis ad haec pertinentibus
longo vsu ac labore a iuuentute,
immo vero et a pueritia praeparen-
tur. Quocirca doctrinis, quae ma-
thematicae appellantur, opus est, etc.

Iam haud difficile intellectu erit, qui qualesque fuerint octo
illi Dii, quos Aegyptii inter primos retulerant. Sunt scilicet primo
mundus superus s. vniversus stellarum omnium complexus, vno
verbo *caelum stelliferum*, siue, vt ab Aegyptiis vocatur, *Mendes*;
deinde *septem Planetae*. Clarius ac breuius simul de his octo Diis
loquitur CICERO, vel potius XENOCRATES, Platonis discipulus, ad
cuius quippe sententiam Cicero de natura Deorum L. I. c. 13 haec
commemorauit: "*Deos octo esse dicit (Xenocrates): quinque eos,*
qui in stellis vagis nominantur: vnum, qui ex omnibus sideribus,
quae infixae caelo sunt, ex dispersis quasi membris simplex sit pu-
tandus Deus: septimum solem adiungit, octauumque lunam."
Quodsi igitur *Mendes* Aegyptiorum alius esse non potest, nisi *Cae-*
lum s. *Vranus*; patet simul, eum diuersum quidem esse a *Joue*
planeta; at non diuersum a *Joue* illo antiquissimo ac summo, quem
Graeci *Olympium*, et Romani *Optimum Maximum* ac patrem diuum-
que hominumque dixerunt: quem ENNIUS, vt Ciceronis vtar verbis
(de nat. Deor. II. 25) nuncupat, ita dicens:

Adspice hoc sublime candens, quem invocant omnes *Jouem*.

quem

quem denique, vt idem Cicero ait, augures Romani nuncupant, cum dicunt: *Zeus* fulminante, tonante: dicunt enim *Caelo* fulgente, tonante.

Concordat cum iis, quae diximus, ipsum quoque vocabulum *Mendes*, s. potius *Mentes*: ignota enim Aegyptiae linguae est littera *δ*, *d* (vid. SCHOLTZII Grammat. Aeg. p. 5). Nomen hoc, nisi omnia me fallunt, idem est, quod *μῆτις*, *mantua* s. *mentua*, id est, *unitas*, siue quod, hoc quidem loco, quo de stellis loquimur, eodem redit, vniuersus stellarum complexus, vel, vt cum Cicerone ad mentem Xenocratis rem exprimam, vnus ille, qui ex omnibus sideribus, quae infixae caelo sunt, ex dispersis quasi membris simplex est putandus Deus.

Sed qua de caussa Aegyptii alique populi *caelum a planetis distinxerint*, ac pro primo primorum omnium Deorum habuerint, cum tamen caeli nomine etiam planetae comprehendantur: obscurum primo adpectu videri potest; si res tamen attentius perpendatur, latere opinionis causam in eo deprehendemus, quod rude adhuc hominum genus, quum vidisset, singulis diebus sidera omnia ordinato agmine ac communi perpetuoque motu ab oriente occidentem versus properare: vnum hoc Numen esse, quod ita moueretur, existimauit. Quum vero temporis progressu acutiores nonnulli homines, in Aegypto praesertim, cuius terrae tam situs, quam ferentitas prae omnibus aliis terris incolas suos ad contemplanda astra non inuitare tantum, sed cogere etiam debuerunt, intentioribus oculis caelum intueri coepissent; omnia quidem astra communiter occasum versus moueri obseruarunt, sed festinare simul animaduertunt alia aliis lentius, et singulari quodam ac proprio motu caelum peruagari, ita quidem, vt nunc stare aliquamdiu circa has vel illas stellas, nunc ab illis, modo tardius, modo celerius orientem versus disce-

discedere, nunc conuerso gradu in occasum iterum retrogredi videntur. Ita sensim sensimque homines proprium astrorum quorundam motum a communi caeli reliqui motu distinguere didicerunt. Factum haud dubie initium est a *Lunae* motu, vt celerrimo omnium, ita cognitu in se facillimo. Ventum deinde est ad distinguendum *Solis* motum, quem iterum prodiderunt stellae, quibus Sol accedere ortum versus, quasque paullatim praeterire solet. Eodem denique modo, at vero haud dubie non, nisi post adhibitam, per plurimum saeculorum decursum, indefessam plurimum hominum industriam, nec alibi terrarum, praeterquam in Aegypto, *quinque reliquorum Planetarum* motus proprius patefactus sit, necesse est.

Iam quum Aegyptii octo diuersos propriosque astrorum motus esse didicissent, quorum vno *Caelum vniuersum*, septem vero reliquis *Planetae septem* circa terram ferrentur; octo etiam *Numina* esse arbitrati sunt, a quibus octo illi motus producerentur. Atque hic est indubius octo Deorum Aegyptiorum ortus. *Primos* autem hos octo Deos ideo vocarunt, quod classis secundae *duodecim Dii* ab iis progeniti essent: quod quidem quo iure quoue sensu existimauerint, nunc disquirendum est.

Aegyptii, vt supra ex Herodoto cognouimus, non dies tantum hebdomadicos, sed singulos etiam *mensēs* a Diis singulis gubernari putarunt eorumque nomina arcessiuerunt. Iam cum duodecim *mensēs*, hoc est, tot, quot *signa Zodiaci*, sint; manifestum inde fit, cur Aegyptii duodecim etiam Deos, qui mēsis singulis ideoque signis quoque duodecim caelestibus praesiderent, curque nec plures, nec pauciores esse, statuerint. Optimo autem iure et appposito ad rem ipsam sensu dicere potuerunt Aegyptii, Deos hos duodecim a primis octo Diis esse prognatos: oriri enim constat singulos *mensēs* e certo quodam dierum numero.

Pari denique ratione interpretandi sunt *tertiæ classis Dii*, quorum vnum Aegyptii dixerunt esse *Osiridem*, hoc est, interpretatione Graeca *Dionyson* s. *Bacchum*. Progeniti dicuntur esse huius classis Dii, ac nominatim Osiris, e duodecim Diis classis secundae. Iam quum Deorum duodecim nominibus duodecim menses, siue quod idem est, Zodiaci signa intelligerentur; clarum est, *Osiridem*, qui ortus esse dicebatur ex mensibus signisque caelestibus, proprie ab Aegyptiis non, vt vulgo credunt nostri, pro *Sole* ipso esse habitum, sed *Osiridis nomine Solis per duodecim signa cursum* siue *annum solarem*, e duodecim mensibus constantem, fuisse significatum.

Eodem modo *Isis*, quae *Osiridis* soror et coniux fuisse dicitur, non Luna ipsa fuit, sed *Lunae per duodecim signa cursus*.

Sed satis, pro instituti nostri ratione, de tribus Deorum Aegyptiorum classibus in genere dictum est. Restat, vt singularum classium Deos, nominatim commemorem: sed quia verendum mihi est, ne vos, Collegae et Auditores Honoratissimi, iusto diutius nunc detineam; specialem huius commentationis partem eamque maiorem, in aliud tempus referuandam esse duco: at curabo tamen, ne quid detrimenti ipsa res longiore cunctatione capiat.

JO. CHRISTOPH. GATTERERI

COMMENTATIO ALTERA

DE

THEOGONIA AEGYPTIORVM

AD HERODOTI L. II. CAP. 145.

DE SINGVLIS SINGVLARVM CLASSIVM DIIS

AC DEABVS:

RECITATA

D. XII. NOV. A. MDCCLXXXV.

Promiseram in prima de Aegyptiorum Theogonia commentatione, quae die Augusti mensis vicesimo recitata est, me proxima, quae se oblatura sit, occasione *de singulis singularum classium Diis Deabusque Aegyptiorum* esse dicturum. Nactus itaque tempus hoc magis solemne, quam vllum aliud, quippe quo anniuersaria nostrae Societatis sacra agimus: hoc igitur die festo exsoluam, quae ante hos duo menses et quod excurrit, pollicitus eram.

Equidem praeuideo, quam scopuloso difficilique in loco nunc mihi versandum sit: primo quod Herodotus, si recte numerauerim, non nisi sedecim Deorum Aegyptiorum nomina commemorauit; deinde quod eorum, quos commemorauerat, raro classem, ad quam referendi sint, multo autem rarius nomina

Aegyptia, rarissime denique classem simul et nomen indicavit. Ac eorum quidem, quorum tam classem, quam nomen Aegyptium attulit, non nisi duo sunt: *Mendes* f. Pan, primus primae classis (II. 42, 46, 145), et *Osiris* f. Dionysos, Bacchus, tertiae classis Deus (II. 42, 47-49, 123, 144, sq.). Nec plures sunt, quos, omisso nomine Aegyptio, suis tantum classibus annumeravit: *Leto* f. Latona, primae classis Dea (II. 59, 63, 83, 155, sq.), et *Heraclēs* f. Hercules, Deus secundae classis (II. 42-44, 83, 113, 145). Quinque porro sunt Dii, quorum nomina quidem Aegyptia, at non classem annotavit: *Amun* f. Jupiter (II. 42, 83; cf. etiam I. 182; II. 54; III. 25; IV. 181), *Apis* f. Epaphus (II. 153; III. 27-29), *Isis* f. Demeter, Ceres (II. 41, 59, 61, 122, 123, 156; IV. 186), *Orus* f. Apollo (II. 83, 144, 155, sq.), *Bubastis* f. Artemis, Diana (II. 59, 60, 83, 137, 138, 155, sq.). Sunt praeterea alii sex, quorum non nisi Graecum nomen, omittis et classe et nomine Aegyptio, allatum est: *Hephaestus* f. Vulcanus (II. 3, 99, 101, 112, 121, 176; III. 37), *Hermes* f. Mercurius (II. 51, 138), *Ares* f. Mars (II. 59, 63, 64, 83), *Athenæ* (Athene) f. Minerua (II. 59, 62, 83, 175), *Aphrodite* f. Venus, in vrbe Atarbechi culta (II. 41, 112), *Cabiri*, e Vulcano progeniti (III. 37). Vnus denique reliquus est *Typhon* (II. 156) siue *Typho* (III. 5), cuius nomen, Aegyptiumne sit, an Graecum, Herodotus non definit, et reticet etiam classem, ad quam pertinuerit.

Tam nulla ex parte perfectus est Herodoti recensio Deorum Aegyptiorum. Nec tamen ob id iusto brevior esse Herodotus cuiquam videri debet: noluit enim omnes ac singulos Aegyptiorum Deos enumerare: et in loco illo primario, in quo explicando versamur (II. 145) propositum ei tantum fuit, ostendere: quantum discrimen inter Pana, Herculem et Bacchum Graecorum et Aegyptiorum, respectu ad aetatem cultumque religiosum habito, intercederet:

cederet: a Graecis scilicet, ait, Deos hos in nouissimis, ab Aegyptiis contra in antiquissimis numerari. Manca nihilominus tamen et imperfecta est Theogonia Herodoti Aegyptia, ac maneret perpetuo talis, si Herodotus solus hac in re nobis esset dux sequendus. Sed est profecto, quod gaudeamus, superesse alia rerum documenta, e quibus, quae in Herodoto sunt, lacunas, si non omnes, at plerasque tamen explere possimus. Experiemur certe nunc, quid hac in re assequi liceat.

Prima Deorum Aegyptiorum classis:

Octo Dii.

Hoc quidem certum est, et in prima commentatione (p. 15) satis iam demonstratum, octo Deorum nomine *Mendetem*, s. caelum stelliferum, et *septem Planetas* esse intelligendos: nec de *Latinis* Planetarum nominibus, vt quae in vulgus nota sunt, nunc demum quaeritur, et *Graeca* etiam nomina ex Platone supra (in eadem prima commentatione p. 13) allata sunt. Id vnum itaque hoc loco disquirendum restat, quibus nominibus *ipsi Aegyptii* Planetas, siue quod idem est, dies hebdomadicos appellauerint. Exstat dierum hebdomadicorum, varie a variis populis nominatorum tabula, quam b. REIMARUS, e diuersis scriptoribus collectam ac per sex columnas distributam, notis suis ad Dionis Cassii L. XXXVII. C. 18 inseruit. Ac prima quidem columna exhibet Aegyptia dierum hebdomadicorum nomina, in quibus tamen varie erratum est. Duo nomina Πην, *Sol*, et Σουγορ, *Venus*, vera Aegyptia sunt. Sed nomen Πηφαν, *Saturnus*, scribendum videtur Πημφαη s. Ρομφαη. Nomen Πυος, *Lunus*, male lectum vel editum est pro Πυοη, nomine genuino Aegyptio, et in Coptica Bibliorum versione passim pro Σελινη s. *Luna* usurpato. Scriptionis error inde prouenit, quod Hori, hoc est *h* Aegyptiorum, propter similitudinem facile cum *z* vel *s* con-

fundi potest. Nomen Μολοχ, *Mars*, haud dubie Hebraicum est מלך, non Aegyptium. Mars planeta ab Aegyptiis Ερωσι, vel, paullo ad rotunditatem Graeci oris inflexum, Αρτης vocatus est, quod nomen recte a vocibus Aegyptiis ερ et τοςι, hoc est, *damnum faciens* s. *destructor*, deriuatur; sed Jablonskius (in Panthei Aegyptiorum L. III. C. 6. p. 132 sqq.), etsi ipse hanc nominis originem attulerat, ei tamen, pro suo fluctuandi more, aliam eamque opinionibus suis praeiudicatis amiciores praetulit. Nomina denique Πιζευς, *Jupiter*, et Περμης, *Mercurius*, primo adspectu Graeca esse videntur: si enim articulum masculini generis πι praecidas, relinquuntur nomina Graeca Ζευς et Ερμης. Neque id cuiquam mirum videri debet, si cogitauerit, accidisse linguae Aegyptiae, Ptolemaeis regnantibus, idem, quod Latinae per mediae aetatis saecula accidit. Ambae scilicet multis vocabulis peregrinis, illa Graecis potissimum, haec Germanicis, permiscebantur, ita tamen inflexis vocabulis, ut Graeca Aegyptiorum speciem, Germanica Latinorum prae se ferrent. Idem igitur poterat etiam in nominibus Πιζευς et Περμης factum esse. Sed possunt tamen, fateor, nomina haec etiam pro Aegyptiis haberi, quae tantum ad Graecam pronunciationem paullulum accommodata fuerint. Quod primo ad nomen Πιζευς attinet, vocabulum Πισχις, quod in dialecto Saidica s. Thebanensi Πιδσοις scribitur, et in versione Bibliorum Coptica ad exprimendam vocem *Domini* adhibetur, ipsum fere sonum nominis Πιζευς refert. Nec vocis potestas longius petita videri debet: nam Hebraei etiam Jouem Planetam vocarunt יוב, hoc est Dominum, ut ex Reimari tabula, quam paullo post afferemus, apparet. Sed progrediendum est ad explicandum nomen Περμης. Etsi ego quidem nusquam in illo Coptico Lexico vocem hanc, aut aliam ei similem reperi; potest tamen ex vocibus ερμ et μασχ componi nomen Aegyptium, quod quia *nuncium*, *qui mittitur*, denotare potest, haud incongruum Mercurii nomen esse videtur. Ipsum quidem Mercurii Planetae nomen Aegy-

Aegyptium *Anubis* est, id quod cum aliunde constat, tum inprimis etiam ex Monimento Bianchiniano cognoscitur: in hoc enim monimento, quod in Commentariis Regiae Academiae scientiarum Parisinae pro A. 1708 aeri incisum exhibetur, et in Domini *Court de Gebelin* opere, ut eruditionis vastae, ita innumerabilium etiam errorum nugarumque pleno, quod *Monde primitif* inscribitur, T. IV repetitum est: in hoc igitur monimento, praeter alia cognitu digna, septem etiam Planetarum imagines, ac in superiori quidem segmento ad morem Romanum, in inferiori autem ad Aegyptium, expressae cernuntur. In his etiam est imago Mercurii Aegyptii, Romano Mercurio adstantis, quem quidem *Anubin* esse, caput caninum arguit. Iam si quaeratur, cur ab Aegyptiis Mercurius Planeta non *Anubis*, sed *Piermes* vocatus sit; cogitandum erit, quod etiam Plato, in loco supra (in commentat. prima p. 13) allato, innuit, nomen *Anubis* tam sacrum tamque religiosum ab Aegyptiis esse habitum, ut is, qui illud publice pronunciaisset, impie locutus esse et religiones profanasse crederetur. Idem Ciceronis quoque aetate creditum fuisse, ex his eius verbis, de Nat. Deor. III. 22 patet: "Quartus (Mercurius) Nilo patre, quem Aegyptii nefas habent nominare."

His praemissis, ipsa octo *Deorum Aegyptiorum nomina* ordine recensebo, adiunctis simul nominibus iis, quae tam Graeci, quam Romani iisdem Diis tribuerunt.

<i>Nomina Aegyptia:</i>	<i>Graeca:</i>	<i>Romana:</i>
1. MENDES: caelum stelliferum.	Pan.	Pan (forte et Faunus)
2. REMPHA f. <i>Rompha</i> .	Phaenon.	Saturnus ♄
3. PIZEUS f. <i>Pidfoeis</i> .	Phaëthon.	Jupiter ♃
4. ERTOSI (Moloch).	Pyroeis.	Mars ♂
5. PIRE.	Helios.	Sol ☉
6. SUROT.	Phosphorus(Leto)	Venus(Latona) ♀
7. PIERMES f. <i>Anubis</i> .	Stilbon (Hermes)	Mercurius ☿
8. PHOH.	Selene (Io)	Luna ☾

Tabulae

Tabulae huic subiungam nunc etiam *Reimari tabulam*, suprà commemoratam, quae nomina Planetarum ad dierum hebdomadicorum ordinem, inde a Saturno ad Venerem vsque, exhibet. Sed quo facilius vtiliusque haec Reimari tabula possit cum mea comparari, Planetarum nomina eo ordine, quo sibi inuicem Planetae in caelo succedunt, collocare licebit:

Aegyptice:		Hebraice:	Ex Epiphân. T. I. p. 85.	Ex Beda T. I. p. 372.	Arabice:	Perfice:
♄	Πηφαν	שבתי	Σαβήθ	Sabbai	نحل	כּוּלֵן
♅	Πιζευς	צדק	Βαάλ	Sedech	אלמשחרר	נרגיש
♆	Μολοχ	מעדים	Οκμωλ	Madei	אלמריחר	באמרס
♇	Πιγη	שמש vel חמה	Σεμεις vel 'Ημα'	Hama	אלשמש	אפתאב
♈	Σουροτ	נוגה	Σεροῦα vel Ληήδ	Noga	אלוהרה	נאהיר
♉	Πιερμης	כוכב	Χωρεβ Οχ- μὸδ	Cocaph	עטארר	חיר
♊	Πιμος	לבנה	Ἰερεὶ vel 'Αλβανα'	Libna	ללקמר	מאה

Altera Deorum Aegyptiorum classis:

Duodecim Dii.

Cum *duodecim menses* s. *signa Zodiaci*, vt in commentatione prima ex Herodoto cognouimus, ab his classis secundae Diis nomen traxerint; poterunt, si quidem res caute ac diligenter tractetur, e mensium nominibus nomina duodecim Deorum erui atque agnosci. Nec multo demum labore nomina mensium Aegyptiorum conquirenda sunt: publice enim exstant haec nomina, partim in *Ptolemaei*, celebris illius Alexandrinorum Mathematici, libris: partim ex *Ca-*
none

none MS. *Michaelis Damiatensis* excerpta, in *La-Crozii* Lexico Aegyptiaco-Latino, a *Christiano Scholtzio* in compendium redacta, et a *Car. Godofr. Woide*, v. cl., Oxonii a. 1775 in 4 edito: partim in *Rudimentis Linguae Coptae*, a *D. Raphaele Tuki*, Episcopo Arsene-novensi, elucubratis, et ad usum Collegii Urbani de propaganda fide, Romae 1778 in 4. typis expresso, p. 391 sqq. Iam quia in his libris nomina mensium Aegyptiorum non vno modo scripta reperiuntur, et a *Tukio* quidem nomina etiam ex utraque dialecto, tam Thebanensi s. Saidica, quam Memphitica s. Coptica, ideoque per naturam suam paullulum inflexa, allata sunt; per columnas nomina haec in tabula sequenti distribuere et iuxta se inuicem ponere iuuabit.

	<i>E Ptolem.</i>	<i>E La-Croz.</i>	<i>E Tukii Rudim.</i>	
Ⲅ	Θωϑ	Θωουτ	Memphit. Θωουτ	Thebanens. Θουϑ
Ⲓ	Παωϕι	Παωπι	Παοπη	Παοπε
ⲙ	Αϑυρ	Αϑωρ	Αϑωρ	Αϑωρ
Ⲟ	Χοιακ	Χοιακ	Χοιακ	Χοιαχ
ⲙ	Τυβι	Τωβι	Τωβι	Τωβε
ⲛ	Μεχιρ	Μεχιρ	Μεχιρ	Μεχιρ
ⲟ	Φαμενωϑ	Φαμενωϑ	Φαμενωϑ	Παρμηοτι
ⲟ	Φαρμουϑι	Φαρμουϑι	Φαρμοϑι	Παρμουτε
Ⲡ	Παχων	Πασχονς	Πασχωεϑς	Παχωνς
ⲡ	Παυνι	Παωνι	Παωνι	Παωνε
Ⲣ	Επιϕι	Επηπ	Επηπ	Επηπ
ⲣ	Μετορι	Μετωρη	Μετωρη	Μετουρη

Tukius Rudimentis suis nomina mensium Aegyptia litteris etiam Arabicis scripta, et ad Arabicam pronunciationem inflexa inseruit, quae hoc loco non omittenda esse duco. Etsi vero nomina

haec Arabica Tukius Aegyptiis nominibus vtriusque dialecti adiunxit; ex ipso tamen intuitu eorum quilibet rei peritus facile cognoscere potest, ea ad nomina tantum Thebanensia s. Saidica esse referenda. Quamobrem iis in tabula sequenti, et comparisonis quidem causa, non nisi nomina Thebanensia adscribam, et quo facilius ab iis etiam, qui forte Arabicarum litterarum expertes sunt, intelligi possint, Arabica nomina latinis etiam litteris scripta iuxta ponam. Neque negligenda esse arbitratus sum nomina mensium Aegyptiorum ea, quae *Alfraganus*, celebris saeculi noni Astronomus, in elementis suis astronomicis Arabice scripta p. 5. (ex edit. *Golii*) attulit.

Nomina Tukiana			Nomina Alfragani	
Saidice	Arabice			
Θ Θουθ	توت	Thoth	توت	Thoth
Ω Παοπε	بابا	Babe	فاوفي	Faofi
η Αθωρ	هتور	Hathur	هتور	Hathur
Ϡ Χοιαχ	كپهك	Chihac	كپهواني	Chioafi
τ Τωβε	طوبه	Tube	طوبوي	Tubi
α Μεχιρ	امشچير	Amschir	ماخچير	Machir
ζ Παρμιοτι	بیرمهات	Bermhath	فامپنوت	Faminoth
Ϡ Παρμουτθ	بیرموده	Barmude	فیرموت	Farmuth
κ Παχωνς	باشننس	Baschons	باخون	Bachon
γ Παωνε	بوونه	Buune	باوني	Baoni
ϝ Επιπ	ابيب	Abib	افپوفي	Afiufi
π Μεσουρη	مسري	Meferi	ماسوري	Mafuri

Iam quo modo ex mensium Aegyptiorum nominibus nomina duodecim deorum eruenda sint, non tam explicabo pluribus, quam
nutu

nutu tactum digitoque significabo: omnia enim hoc loco persequi, cum instituti mei ratio, tum temporis angustia prohibent.

Duo sunt Aegyptiorum mensium s. caelestium signorum nomina, quorum Dii, quoniam iisdem, quibus menses s. signa, nominibus vocati sunt, minime possunt latere, sed ita prompta sunt ac proposita, ut manibus teneantur: *Thot* ☉ et *Athor* ☿. Reliquorum autem mensium s. signorum Dii non primo statim adspectu se produnt: nomina enim, quia vel *deriuata* sunt, vel *composita*, inuolucris veluti tecta sunt, quae nisi Grammatices ope euoluantur, frustra expectabitur Deus ex machina. Etsi vero dolendum est, linguae Aegyptiae *Grammaticas* pariter, atque *Lexica* tantum abesse a perfectionis laude, ut optimi etiam, qui de iis a doctissimis viris conscripti sunt, libri, *La-Crozii* Lexicon (editore *Woide*, Oxonii 1775 in 4.), *Scholtzii* Grammatica (eodem *Woide* editore, Oxonii 1778 in 4.), *Tukii* Rudimenta linguae Coptae (Romae 1778 in 4.), et *Didymi Taurinensis* Litteraturae Copticae Rudimentum (Parmae 1783 in 8.), sine auctorum culpa inter opera huius generis vix inchoata referendi sint; possunt tamen hi libri, in se praeclari, sufficere ad explicanda ea, quae de nominibus mensium Aegyptiorum hoc loco dicenda sunt.

Ac *Deriuata* quidem in lingua Aegyptia duplici modo existunt: aut enim initio vocum, aut fini adduntur litterae quaedam vel etiam syllabae.

I) Quae vocum initio *praefiguntur*, haec fere sunt:

1. φα s. πα, in femininis θα s. τα, et in pluralibus vtriusque generis να: quibus praefixis denotatur is vel ea, qui vel quae pertinet ad rem personamue, cuius nomini hae syllabae praefixae sunt: ut Φααβρααμι, h. e. Abrahamita s. is, qui Abrahami est. *Tukius* p. 6. et *Didymus* p. 77.

2. μ et ν , hoc est, $\epsilon\mu$ f. $\alpha\mu$, et $\epsilon\nu$ f. $\alpha\nu$, vel etiam $\mu\epsilon$ et $\nu\epsilon$, item $\mu\alpha$ et $\nu\alpha$, in formatione adiectiuorum. Scholtzius p. 13. et Didymus p. 54-56.

2. $\mu\epsilon\tau$ f. $\mu\epsilon\theta$ f. $\mu\bar{\nu}\tau$ in nominibus abstractis; $\sigma\alpha$ in nominibus concretis, et habitus; $\alpha\tau$ f. $\alpha\theta$ vel etiam $\alpha\tau\sigma\chi$ in nominibus priuatiuis; $\rho\epsilon\mu$ in gentilitiis; $\sigma\chi\omicron\nu$ in nominibus intensiuis cet. Scholtzius p. 12 sq.

II) Ad *suffixa*, quae vocum fini adduntur, pertinent partim hae syllabae: $\epsilon\upsilon\varsigma$ et $\omicron\varsigma$, Tukius p. 6 sq.; partim litterae singulae; vt τ , σ , ν cet. (add. etiam ι) .Scholtzius p. 14.

Quod ad nomina Aegyptiorum *composita* attinet, ea ex duabus vocibus ita in vnam coalescunt, vt voces vel coniungantur simpliciter, vel mutatis aut elisis vna pluribusue literis contrahantur. Scholtzius p. 15. et Tukius p. 14 sq.

Est denique etiam attendendum ad diuersam eorundem nominum scriptionem, quae a diuersitate duarum dialectorum linguae Aegyptiae proficiscitur. Saidica scilicet siue Thebanensis dialectus litteras asperiores respuit, quas contra dialectus Memphitica f. Coptica amat: Saidica igitur ponit π pro ϕ , τ pro θ , κ pro χ cet. itemque ϵ pro ι vel ϵ , in fine autem vocum ϵ pro ι . Didymus p. 56 sq. et 104 sq. Hoc dialectorum discrimen per totos libros suos persequuntur La-Crozius, Scholtzius et Tukius.

His praemissis ad ipsa Aegyptiorum *mensium* f. *signorum caelestium* nomina explicanda ita nunc accedamus, vt, qui in iis lateant Dii, appareat.

Adscripsi nomina, ut
omnes plerumque sunt
vide *composita* me de mensibus Hebr p. 56.
September.

THOUGHT: Θ

$\Theta\omega\omicron\upsilon\tau$, Saidice $\Theta\omega\omicron\upsilon\theta$: Θ . Nomen haud dubie e duabus his vocibus $\Theta\omega$, orbis vniversus, et $\omega\upsilon\tau$, primus, contractum, ita vt

eo

Ex auctoritate fententia.

Jun. 21 — Jul. 21

eo denotaretur signiferi orbis siue Zodiaci Signum primum ideoque Zodiaci primus Dēus. A Platone, qui primus Graecōrum eius mentionem fecit, Θευθ vocatur (p. 374 et 1240 edit. Francos.). Signo huic caelesti addiderunt Aegyptiī *Cancrī* notam hieroglyphicam: qua quidem nihil ad rem ipsam potuit magis appositum excogitari. Annus enim Aegyptiorum cum duplicis generis esset, astronomicus alter, alter ciuilis, ac vagus quidem: vterque autem a mense Thouth inciperet, hoc tamen haud exiguo discrimine, vt astronomicus annus per consequentiam signorum caelestium progrediretur in ortum, ac fixum in signo Thouth initium haberet: annus autem ciuilis vagus esset, ita vt eius initium s. Thouth contra signorum ordinem sensim sensimque in occasum retrogrediretur; cancrum ita collocarunt, vt facies eius ortum versus spectaret, cauda vero in occidentem esset conuersa.

PHAOPI: Ω

Φαωπι, Saidice Παοπε: Ω. Demto praefixo φα s. πα, relinquatur ωπι s. ωπε, nomen Dei ipsius, a quo mensis s. signum accipiebat nomen et gubernari credebatur. Atque id ipsum manifesto nomen *Opas* est, quod olim in Ciceronis de natura Deorum L. III. c. 22. legebatur, antequam nonnulli editores male seduli, et in his ipse etiam Davisius, inuitis omnibus fere codicibus, in eius locum ausi essent nomen *Phtha* s. *Phthas* intrudere. Nec Aegyptiī veteres, nec Graeci quicquam memorarunt de certo aliquo Deo, qui *Phthas* vocaretur. Nomen hoc, si originem spectes, Deum quemcunque significat: natum enim est e vocula compendiose scripta φ† *Phti*, quae etiam breuius adhuc scribi solebat † hoc est *ti*, quod plerumque sacrum *Tau* vocant. Vtroque autem hoc scriptionis compendio exprimebatur vox φνυτι *phnuti*, quae Deum in genere denotat, et ab hodiernis Aegyptiīs *abnudi* pronunciari solet. Fabricatum haud dubie est nomen *Phthas* demum post Christum natum, et a superstitionis

October

Guthrie. 12 21 Jul. 2110

fissimis quidem eius aetatis Astrologis: vsurpatum est plerumque pro Vulcano, interdum vero etiam a quibusdam Christianorum sectis pro ipso vero Deo. A Cicerone, l. c., *Opas* appellatur *Vulcanus*, *Nilonatus*, hoc est, Aegyptius. Fuit igitur Vulcani mensis, de quo loquimur: id est, mensis calidus: in Aegypto enim, Sole cancri signum percurrente, calor solet maximus esse: nec aliter *Leonis* notam hieroglyphicam, huic signo adscriptam, interpretari licebit.

ATHOR: ♀

Ἀθωρ, Saidice Ἀθωρ: ♀. E primo iam huius nominis adspectu manifestum fit, quam vana quamque inutilis, licet docta satis et copiosa, sit Jablonskii de Athorē disputatio. Sed nolo in confundendis iis, quae cum de Athore, tum de plerisque aliis Aegyptiorum Diis Jablonskii minus recte dixisse videri debet, bonum tempus perdere: parcendum etiam Manibus viri, de litteris Aegyptiis ceteroquin meritissimi, esse iudico. Est igitur *Athor* s. *Hathor* signiferi orbis *Virgo*. Etymon vocis relinquo aliis, me doctioribus, indagandum: id vnum monuisse contentus, Athorem non posse haberi pro Venere, ut quae inter Planetas numeratur, nec a Graecis *Aphrodite*, sed *Phosphoros* s. *Leto* (*Latona*) dicitur. Id vero certum esse videtur, Graecos Athorem cum *Aphrodite* sua comparare solitos. Herodotus certe narrat (II. 41), in insula Deltae, quae *Prosopitis* appelletur, praeter alias vrbes, sitam etiam esse urbem, nomine *Atarbechin* (Ἀταρβηχίς), in qua templum *Aphrodites* sanctum aedificatum sit. Iam cum nec βηχίς Herodoti a voce Aegyptia βανί, quae urbem denotat, nec *Atar* ab *Athore* differre debeat videri; apparet, *Atarbechin* idem esse, quod *Athoris* urbem. In hac autem *Athoris* vrbe templum *Aphrodites* sanctum, ἱερόν ἁγίον, aedificatum erat. Dubitari itaque vix poterit, quin ipsa vrbs a templi huius sancti Dea, *Athore*, nomen acceperit, eamque ob causam *Athor* s. *Atar* Aegyptiorum pro Graecorum *Aphrodite* fuerit habita. *Spica*, quam *Virgo* caelestis

November

At. 21 Aug. — 21 Sept

caelestis manu tenet, referenda quidem est ad messem Aegyptiam, non tamen ad messem eam, quae sit, sed quae futura est. Auctus scilicet maximus Nili exundantis sub Solis in Virginis signum ingres- sum, vel haud multo post, accidere solet. Incrementum autem Nili vel iustum, vel iusto maius minusue, qualis suo tempore aut spe- randa sit, aut timenda messis, praenunciat.

CHOIAK: ♌

Χοιαν, Saidice Χοιαηχ, Arabice *Chihac* s. *Chioasi*: ♌. De probabili aliqua huius nominis explicatione parum abest, quin de- sperem. Sunt quidem duo, quae viam inueniendo vero common- strare videntur. Vnum est, quod Sol in signo hoc caelesti aequi- noctium autumnale facit; alterum vero, quod Aegyptus, quae, per tres menses et quod interdum excurrebat, Nili aquis veluti sepulta iacuit, autumnii tempore ex vndis emergere et paullatim arida fieri incipit. Sed prius illud, in praesenti Lexicorum Aegyptiorum te- nuitate, nihil adiumenti ad verum indagandum afferre potest: fru- stra enim in pauperrimis istis Lexicis quaeruntur voces, quibus Aegyptii *autumnum*, *aequinoctium* caet. vocare solent. Eadem quo- que egestate Lexicorum Aegyptiorum efficitur, vt parum, aut nihil nobis prodesse possint, quae in Plutarchi libro de Iside et Osiride (p. 129 sq. edit. Samuelis Squire) de *Natalitiis baculi Solis* relata leguntur. Aegyptios scilicet, ait Plutarchus, autumnno facto cele- brare festum, quod Natalitia baculi Solis, βακτηριας Ἡλίου γενε- θλον appellent, ideoque instituerint, vt significarent, Solem, dum inde ab autumnii tempore a nobis se auertat et in obliquum feratur, opus habere fulcimento ac corroboracione, et lucis pariter atque caloris indigum fieri. Ita Plutarchus *Solis baculum* interpretatur, idque, vt videri vult, ex mente Aegyptiorum. Sed fortasse *baculus Solis*, circa aequinoctium autumnale nasci solitus, idem valet, quod *radius Solis*: recedentibus enim hoc tempore aquis Nili riguis, terra

Aegyptia

December

Sept. 21 Sept. — 21 Oct

Sept. 21 Sept. — 21 Oct

*atque septembris est adhaec
maxime mens*

Aegyptia radios Solis prima iterum vice persentiscit. Atque hoc nos ducit ad alterum, quod paullo ante innuimus, Aegyptum, Sole per Librae signum properante, *aridam* paullatim fieri. Sunt utique vocabula Aegyptia, quae nec sono, nec significato multum a nomine signi ac mensis, de quo agitur, abhorrere videntur. Ita e. gr. e vocibus *ωs* humor et *ανω* perditio potest compositum formari, quod humoris seu inundationis perditorem significet, ita ut *Choiak* signum *Arefacientis*, scil. *Solis*, fuerit. Potest etiam e vocibus *χοi* campus s. *ager* et *hhωx* cingulum componi nomen, quod tempus illud indicabit, quo primum agrorum cingula s. *limites* ex inundatione emergere incipiunt. Nec nomen *σχs* *siccus* vel verbum *σχωσι* *arescere* negligendum est: quamquam primo adspectu littera initialis *σχ* (*ψ*) multum a sono nominis *Χοiακ*, a *X* incipientis, differre videtur. Notum enim est iis etiam, qui Aegyptiae linguae rudimenta vel primis tantum labellis degustarunt, Aegyptiorum *X* haud raro pronunciari, ut Hebraeorum *ψ* vel Graecorum *σχ*: et patet etiam ex nomine *σχεμμο* *alienigena*, e quo nomen urbis *Chemmis*, h. e. urbs alienigenarum, originem duxit. — Sed satis lusum est verbis.

Januarius.

TYBI: m

Oct. 21. Sept. — 14 21 Oct.

At nullus nascitur
i Novemb. pateris
in Aegyptis

Tyβi s. Tωβi, Saidice Tωβe: m. Nomine hoc tempus indicatur, quo Aegyptus omnia incommoda et mala ea, quae inundationem multorum mensium naturaliter sequi solent, experitur: quorsum nota etiam hieroglyphica *Scorpii* pertinet, et ipsum etymon nominis Aegyptii *Tihso*, h. e. *serpens* s. *aspis* ducere videtur. Littera *β* in nomine Tyβi s. Tωβi, quia duabus vocalibus interiacet, pronuncianda est ut *v* siue *f* (Scholtzii Gramm. p. 4, et Didymi Rudim. p. 46 sq.). Est igitur Aegyptiorum Tyβi s. Tωβi tam re ipsa quam sono vocis, idem, qui ab Herodoto Typho s. Typhon appellatur (II. 156, III. 5). Typhonis simulacrum fuit *Hippopotamus*, Ποταμιος ἵππος, ut tradit Plutarchus (de Iside et Osir. p. 126 sq.),
qui

qui eo loco etiam addit, habitum esse Typhonem pro Numine malo et infesto, cui, tamquam auctori, omnes res aduersae, noxiae ac prodigiosae, quae animantibus ac plantis acciderent, tribuerentur. Vestigia huius opinionis iam in Herodoto (II. 156) deprehendere licet; sed seriori aetate Astrologorum male sedulus grex superstitionum foedarum cumulum addidit.

MECHIR: ♂

Μεχίρ, Arabice *Amschir*, apud Alfraganum *Machir*: ♂. Praefixum μ, quod legi potest με vel μα, vel etiam αμ, admonet, adiectiuum esse nomen hoc, deriuatum a vocabulo χερα, quod *vomerem* significat. Incidunt nempe in signum hoc tempora, quibus Aegyptii arare ac ferere solent: et hieroglyphica nota ♂ primitus non sagittam, sed vomerem vel ligonem aliudue rusticum fodiendi et runcandi instrumentum referre debuit. Arasse autem Aegyptios, si non omnes omnino, at eos tamen certo, qui mediam ac superiorem Aegyptum incoluerint, cum Herodotus testatur, vt qui diserte inferioris tantum Aegypti incolas eximit, tum etiam Plinius confirmat. Ac in Herodoto quidem haec leguntur (II. 14): "Isti (qui regionem, infra Memphin sitam, inhabitant) tum ex aliis omnibus hominibus, tum *ex reliquis Aegyptiis*, nullo omnino partum labore fructum percipiunt, quippe qui neque aperiendis aratro sulcis operantur, neque subigendo solo, neque aliud quicquam operis faciendo, quod in agro colendo ceteri mortales sustinent: sed postquam fluuius sua sponte superueniens irrigauit rura, irrigataque rursus reliquit, tunc in suum quisque rus, iacto semine, immittit sues (alii legunt boues, βους pro ὄς), et satis conculcato a suis (al. bobus) semine, messem deinde exspectat: atque vbi suis (alii: bobus) frumentum excusserit, ita percipit." Sed Plinius etiam, qui audiatur, dignus est, qui et tempus arandi, *Nouembrem* scil. mensem, siue quod idem est, Sagittarii signum, indicat. Verba

Februarius

Gall. 21^{er} Nov - 21^{er} Dec.

eius haec sunt (XVIII. 18): "Nunc de arandi ratione dicemus, ante omnia Aegypti facilitate commemorata. Nilus ibi coloni vice fungens, euagari incipit, vt diximus, a solstitio aut noua luna (Clarius distinctiusque haec Plinius L. V. c. 9 ita exprimit: "Incipit Nilus crescere Luna noua, quaecumque post Solstitium est"), ac primo lente, deinde vehementius, quam diu in Leone sol est. Mox pigrescit in Virginem transgresso atque in Libra residet. — Vulgo credebatur, ab eius (Nili) decessu ferere solitos, mox sues impellere vestigiis semina deprimentes in madido solo: et credo antiquitus factitatum. Nunc quoque non multo grauiore opera: sed tamen *inarari certum est abiecta prius semina in limo digressi amnis*, hoc est, *Nouembri* mense incipiente: postea pauci runcant, quod botanistae vocant. Reliqua pars nonnisi cum falce arua visit paullo ante Calendas Aprilis."

Martius

all 21 Dec — 21 Jan.

PHAMENOTH: ζ

Φαμενωθ, Saidice, sed vitiose apud Tukium Παρηνοτι: ζ. Abiecto articulo s. praefixo φ vel π, et inflexa paullulum, vt fieri in deriuatis solet, terminatione, remanet substantiuum αμεντι, h. e. *Infernus, Hades, Orcus*. Innuitur itaque *Solis Inferi* signum s. *Solstitium brumale*: sed respicitur simul ad terrae fruges, quae in Aegypto sub ingressum Solis in Capricorni signum adhuc in terrae sinu inclusa atque abdita latent, ita tamen, vt iam tum primi flores ac prima germina propullulare incipiant. Alludit eo etiam nota hieroglyphica *Capricorni*, cuius superior pars in caprum s. damam asurgit, inferior autem in piscem depressa est. Possunt haec quoque e Plutarcho illustrari, qui (de Iside et Osir. p. 154): "Isidem, inquit, sub solstitium hibernum, περι τροπας χειμερινας, peperisse *Harpocratem* imperfectum et tenellum, *inter flores praeuios et germina tunc primum propullulantia*: quare ei quoque fabarum primitiae offerrentur." Ex his Plutarchi verbis manifestum simul fit, inferi Solis nomine,

nomine, illo certe tempore, *Harpocratem* fuisse intellectum: quae quidam etiam Jablonskii sententia est (in Panthei Aegypt. L. II. c. 6): sed nescio, an veteres iam Aegyptii idem statuerint.

PHARMUTHI: ⌘

Φαρμουθι, Saidice Παρμουτε: ⌘. Compositum haud dubie nomen est e praefixo φα f. πα, et e vocibus *εφ* facere et *μω* aqua: vt itaque signum illud caeleste significetur, in quo agri, per menses proximos ventis, praesertim ab austro flantibus, exsiccati, aquas e molibus, quibus continentur, apertis emittendo, rigari solent (Wässerungs-Monat).

Aprilis

Jall 21 Jan — 21 Feb

PACHON: ✕

Παχων f. Πασχων, Saidice Παχων: ✕. Si praefixum πα sustuleris, residuum habebis Χων f. Χον, quod *Herculis* Aegyptii nomen esse, auctor Etymologici magni in voce *χωνες* his verbis declarat: τον Ἡρακλην φασι κατα την Αἰγυπτίων διαλεκτον Χωνα λεγασθαι, i. e. *Hercules* fertur lingua Aegyptiorum *Chon* vocari. Solus hic est, quem Herodotus, suppresso tamen Aegyptio nomine, in numero duodecim Deorum nominatim commemoravit (II. 145). Qui Aegyptium *Herculis* nomen Παχων scribebant, suffixum *ς* addunt, et qui scribebant Πασχων, pronunciant *χ* vt *σχ*. Atque haec de nomine signi satis certa videntur. Cur vero *piscium* nota signo huic attributa fuerit, admodum dubia res ac difficilis explicatu est. An forte simulacrum *Herculis* Aegyptii in piscem desit, vt illud Dagonis, quem Asdodaei, Aegyptiorum coloni, vt Philistaei ceteri, diuinis affecerunt honoribus (1 Sam. V, 1)? Sed fortasse Aegyptii, si modo *piscium* nota ab iis ad nos peruenerit, Solis ab inferioribus Zodiaci signis, ad quae infra Aequatorem per sex menses depressus erat, in superiora signa adscensum indicare voluerunt: ita vt inferiora signa desinerent in *piscium* caudas, superiora autem ab arietis capite inciperent.

Majus

Jall 21 Feb — 21 Mar

ciperent. Sed nolo in rebus dubiis longus esse. Id saltem ex Herodoto (II. 42) constat, Aegyptios Sacerdotes, ut, ver adesse, publice significarent, Herculis simulacrum ad simulacrum Amonis, arietino capite tecti, ritu solemni adduxisse.

| Π

ΠΑΥΝΙ: ν

Junius

gall 21. Mai - 21. Sep.

ΠΑΥΝΙ f. ΠΑΩΝΙ, Saidice ΠΑΩΝΕ: ν. Demtis articulo π vel etiam praefixo πα, et suffixo ι vel ε, relinquitur αυν f. ων, nomen Dei, quod, cum Hebraice scribitur יוֹנָה, legi, pro punctorum vocalium ratione, non minus *Aun* יוֹנָה, quam *Un* יוֹנָה et *On* יוֹנָה poterit. Est autem nomen Aegyptium Ων, Hebraice scriptum יוֹנָה, nihil aliud, quam ἥλιος f. *Sol*, sicut verterunt illud septuaginta Interpretes (Gen. XLI. 45, 50; XLVI. 20. Exodi I. 11). Quae cum ita sint, ΠΑΥΝΙ f. ΠΑΩΝΙ est *Solis signum*, ac eius quidem Solis, qui digressus a Chonis f. Herculis signo ad signum Arietis, aequinoctium vernum efficit. Iam si nomine ων f. ουν praeficitur μ cum lineola superscripta, existit inde adiectivum μων f. μουν, quod pronunciandum est *Amon* f. *Amun*. Nunc manu quasi tangimus *Amonem* f. *Amunem* illum, quem Herodotus Graeca interpretatione, *Jovem Aegyptium* (non confundendum cum planeta huius nominis) vocat. Potest inde celebris ille Herodoti locus (II. 42) explicari. "Thebaei, inquit Herodotus, et quicumque propter eos ab ouibus abstinent, ideo sibi conditam hanc legem aiunt, quod *Jupiter* (Amon), cum ab *Hercule* (Chone), cernere eum vehementer cupiente, cerni nollet, tandem assiduis eius precibus permotus, hoc commentus sit, ut amputato arietis capite, ac circumposita sibi pelle villosa, quam ei detraxerat, ita Herculi se offerret. — Certo tantum die, in annuo Jouis festo, arietem unum occidunt, cuius pellem detractam Jouis simulacro eum in modum induunt; ad quod Jouis simulacrum Herculis deinde simulacrum ducunt." Cur signo huic, de quo agimus, nota *Arietis* tributa sit, nulla indiget explicatione: ratio enim in promptu est.

EPIPHI:

ΕΡΙΦΗ: 8

ΕΡΙΦΗ s. ΕΠΗΠ: 8. Quo melius nomen hoc, et, cum nomine, ipsa res eo denotata intelligatur, ante omnia cogitandum est, messem Aegyptiorum in Tauri signo fieri. Id, praeter peregrinatores nostros hodiernos, Plinius etiam his verbis testatur (XVIII. 18): "Reliqua (Aegyptiorum) pars non nisi cum falce arua visit paullo ante Calendas Aprilis. Peragitur autem messis Maio, stipula numquam cubitali. Quippe sabulum subest, granumque limo tantum continetur. Excellentius Thebaidis regioni frumentum, quoniam palustris Aegyptus." Iam cum naturaliter Aegyptiis nihil magis potuerit in votis esse, quam ut ipsis obtingeret messis vberissima; Numen aliquod singulare esse voluerunt, a quo id ipsum petere possent. Atque horum votorum summa in ipso huius Dei nomine latebat: ΕΠΗΠ s. ΗΠΗΠ. Significat enim επ s. ηπ numerare, et επ s. ηπ numerum: quae quidem vox, si duplicetur, idem valet, quod numerosissimus, ideoque hoc quidem loco et pro rei ipsius, de qua quaerimus, natura, messis copiosissima ac laetissima innuitur. Nihil quidem tradunt Grammaticae nostrae Aegyptiae de duplicatis eum in finem vocabulis, ut eorum vis ac potestas augeatur; sed est illud in aliis linguis, et in Hebraea quoque, haud infrequens, nec in ipsa lingua Aegyptia per se inusitatum: occurrunt enim huius consuetudinis satis clara vestigia in ipsis Grammaticis. Ita Scholtzcius (in Gramm. p. 32) diserte ait: "Superlativus formatur dum Positivo vox ἐμασχω valde additur, quae etiam, uti apud Hebraeos, solet duplicari: Gen. XXX. 43 ραμὰ ἐμασχω ἐμασχω, dives valde valde i. e. ditissimus." Idem etiam in formatione numerorum distributivorum fieri, Scholtzcius (p. 36) his verbis declaravit: "Numeri distributivi exprimuntur repetitione eiusdem vocis, e. g. σταν σταν, bini" cet. Atque haec quidem de signi huius caelestis ac mensis ipsius nomine: nunc pauca etiam de nota eius hieroglyphica dicemus. Voluerunt autem Aegyptii notam signi ac mensis illius, in quo messem peragebant, Taurum

1π 1π
Julint.

Gal. 21 chp. — 21 chp.

admodum difficile hariolatu erit. Primo omnes, qui Aegyptum norunt, vno fere testantur ore, nasci in hoc signo plerosque Aegyptiorum infantes, in iisque etiam permultos esse gemellos. Deinde vero (et haec videtur, si non vnica, at praecipua tamen nominis caussa esse) mensis Mesori ab omnibus reliquis veterum Aegyptiorum mensibus differt in eo, quod *intercalaris* est, et solus, qui ex triginta quinque diebus constat, ceteris mensibus non nisi tricenos dies complectentibus. Talis autem factus est mensis Mesori, quoniam ei sub finem *dies quinque intercalares* adiciebantur. Hi dies quinque hoc singulare ac proprium habent, quod fuerunt *totidem Deorum natales*, a quibus Diis etiam nomina sua acceperant, cum omnium reliquorum anni Aegyptii dierum nomina, vt supra vidimus, a Planetis prouenissent. Dicuntur autem hi quinque Dii fuisse matris vnus, Rheae, liberi, sed a tribus patribus progeniti. Fabulam hanc Aegyptiam narrat Plutarchus (de Iside et Osir. pag. 29-31) pluribus verbis, quorum summa haec fere est. Rhea ex Sole, Mercurio et Saturno simul grauida facta, *Deos peperit quinque* intra quinque dies, quos deinde Aegyptii tamquam *ἐπαγομενους* s. intercalares, ad 360 anni sui dies adiecerunt, omnique caerimoniarum genere, tamquam natales horum quinque Deorum, quotannis celebrarunt. Ac primo quidem die *Osiris* natus est, altero *Arueris* s. *Orus senior*, quem Graeci Apollinem vocant, tertio *Typhon*, quarto *Isis*, ac quinto denique *Nephthys*, quae etiam *Teleute* (Vltima) et *Aphrodite*, a nonnullis vero et *Nike* (Victoria) vocatur. Nephthys postea Typhoni, vt Isis Osiridi, nupserat. Cum addit Plutarchus, Nephthyn vocari *Τελευτην* siue Vltimam, rem sane verissimam commemorat: fuit profecto Nephthys tam nomine, quam re ipsa *Τελευτη*. Nomen enim Nephthys si cum Jablonskio (Panth. Aeg. L. V. c. 3. §. 5), e praefixo *ν*, nota Participiorum *ε*f, et nomine *Θως* *finis* s. *terminus*, compositum esse dixeris; habebis Deam *Τελευτην* siue *Terminalem*, h. e. eam, cuius natalis festus annum terminat:

minat: ita ut sua Aegyptii quoque *Terminalia* habuisse dicendi sint. Sed in nomine Nephthys interpretando et ipse Plutarchus, et qui eum sequitur Jablonskiius grauiter lapsi sunt. Quam leuia enim, quam longe petita sunt haec Plutarchi (p. 96): "Nephthyn appellant extremas terrae continentis partes, quae eam terminant, mare vero attingunt, ideoque eam *Τελευτην* s. vltimam nominant et Typhonis uxorem dicunt." Eamdem de quinque Deorum ortu fabulam, sed paullo aliter ac summam tantum, Diodorus (I. 13) his verbis narrat: "*Saturnum*, ducta in matrimonium *Rhea* sorore, genuisse, ut fabulantur quidam, *Osirim* et *Isidem*, ut vero plurimi asserunt, *Jouem* et *Junonem*, quibus virtus totius mundi regnum promeruerit. Ex his quinque Deos natos, ita ut in vnumquemque *intercalarium* apud eos dierum quinque, vnus incideret natalis. Nomina illorum feruntur esse *Osiris*, *Isis*, *Typhon*, *Apollo* et *Aphrodite*. *Osirim*, *Dionysion* (*Bacchum*) significare, *Isidem* vero quam proxime *Demetren* (*Cererem*)". Antequam ab hoc loco discedam, id vnum addere licebit. Quia Aegyptii quinque Deorum, de quibus haecenus egeram, non res gestas, aut munia, sed *solam natiuitatem* per decursum quinque dierum *intercalarium* celebrarunt, Deos hos, non ut adultos, sed ut *infantes recens natos* coluisse videri debent. Hoc si quis cogitauerit, simulque in eum inciderit Herodoti locum (III. 37), ubi *Cabiri*, ad instar *Pygmaeorum* s. *Pataicorum* efformati, ab Aegyptiis culti dicuntur; in eam facile suspicionem venire potest, *Cabiros* esse, qui Deorum quinque paruulorum nomine intelligendi sint. Nec parui illud momenti est, quod addit Herodotus, *Cabirorum*, quamquam *Pataicorum*, templum tamen ab Aegyptiis tam sanctum esse habitum, ut ingredi illud nemini, praeterquam Sacerdoti, liceret. Jackson (Antiquit. chronol. p. 744 edit. German.) contendit, *Cabiros* eosdem esse, qui a Graecis *Dioscuroi* appellantur; Cicero autem (de nat. Deor. III. 21): "Dioscuroi, inquit, apud Graecos multis modis nominantur; *primi* tres, qui appellantur

tur *Anaëtes* Athenis, ex Jove antiquissimo et Proserpina nati: Tri-
topatreus, Eubuleus, *Dionysus* (h. e. Graeca interpretatione *Osiris*);
secundi duo, Jove tertio nati et Leda: *Castor* et *Pollux*" cet. Nescio,
an scintillulae hae pluresque id genus aliae, si congerantur in
vnum, tantum lucis producturae sint, quantum sufficiat, ut medias
inter tenebras aliqua saltem vestigia cerni possint, e quibus appareat,
quomodo, per varias a variis populis sensim sensimque factas harum
fabularum immutationes, a Cabiris ad Dioscuros primos, ab his
vero ad Dioscuros secundos, h. e. ad Castorem et Pollucem s. quod
idem est, ad Gemellos Zodiaci Graeci ac Romani, transitus fuerit
factus. Id vnum fortasse opinionis huius fidem, si non tollere
potest, at imminuere tamen, quod Herodotus ait, Cabiros tradi
e *Vulcano* progenitos: quamquam Vulcani huius simulacrum itidem,
ut Herodotus dicit, ad Pataicorum exiguitatem effectum fuerit.
Sed diutius in loco hoc tam ancipite tamque lubrico et ab instituti
nostri ratione alieno versari haud lubet.

Ex his, quae a me haftenus de duodecim Aegyptiorum Diis
exposita sunt, si simul sumantur, manifestum etiam illud fit (quod
in transcurso tantum observabo), non Chaldaeos, nec alium quem-
quam populum, sed *Aegyptios pro Zodiaci eiusque duodecim signorum*
inventoribus esse habendos: nemo enim erit, quin videat, tam signa
ipsa, quam eorum notas hieroglyphicas non in aliam, quaecum-
que sit vel esse fingatur, orbis terrarum regionem, sed in solam
Aegyptum quadrare. Sed meminerint oportet omnes, qui de rebus
his recte iudicare cupiunt, *astronomicos* esse Aegyptiorum menses,
qui cum signis caelestibus conferendi sint, non vero *civiles*, siue hi
sint menses anni Aegyptii vagi, quem etiam *Nabonassareum* vocant,
siue fixi illius, qui *Aëtiacus* vel *annus Augustorum* appellatur.
Initium anni astronomici s. quod idem est, *Thouthum astronomicum*
veteres Aegyptii fixum esse voluerunt: ac primitus ille in ipsum

Solstitii aestiui diem incidit. Contra in anno Aegyptiorum vago s. ciuili *Thouthus* ipse etiam *vagus* fuit: sicut in anno Aëtiaco *fixus* quidem fuit *Thouthus*, at non, vt antiquitus in astronomico anno ad Solstitium aestiuum, sed *ad diem 29 Augusti*. Hoc trium *Thouthorum* discrimen si quis aut ignoret, aut non cogitet, in senioris aetatis scriptoribus (qualis e. gr. Plutarchus est) interpretandis varie, ac grauitur interdum, errare potest. Huius generis errores passim in *Memoires de l'Acad. des Inscriptions*, inprimis vero in *Jacksonii Chronol. Antiqu.* p. 355 et alibi (edit. Germ.), in *Dom. Court de Gebelin Monde primitif* T. IV. p. 50 sq. et p. 179 sqq., et, quod sane mirandum est, interdum in ipso *Jablonskii*, viri ceteroquin rerum Aegyptiarum peritissimi, Pantheo Aegyptiorum, mihi occurrerunt.

Tertia Deorum Aegyptiorum classis:-

Isis, Osiris; Orus, Bubastis; Neitha, cet.

Tertiae classis Dii e duodecim Diis classis secundae progeniti ab Aegyptiis perhibentur, vt Herodotus disertis verbis testatur. Atqui duodecim Deorum nomine signa duodecim caelestia s. menses intellexisse Aegyptios, modo demonstratum est. Sunt itaque tertiae classis Dii pro filiis filiabusque duodecim signorum s. mensium ab Aegyptiis habiti. Iam cum orti e duodecim signis s. mensibus ii tantum Dii Deaeque sensu astronomico recte dicantur, qui tum demum existunt, cum duodecim signa percurrerunt; clarissime patet, quales sint Dii Deaeque, quos Aegyptii ad tertiam classem retulerunt. In his classis tertiae Diis Herodotus nonnisi *Osiridem* nominatim commemorauit. Sed pertinent huc, praeter *Isidem*, etiam *Orus, Bubastis, Neitha* cet.: id quod vel ex eo apparet, quod hi Dii ac Deae, vt ex superioribus cognoscere licet, neque
ad

ad primam, neque ad secundam classem relati sunt ab Aegyptiis, nec referri vlllo modo potuerunt.

Quae cum ita sint, nemo erit, qui non videat (et est etiam a nobis iam sub finem commentationis primae ostensum), *Osiridem* non esse *Solem ipsum*, sed Solis per signa duodecim cursum s. *annum solare*: similiterque *Isidem* non ipsam Lunam esse, sed Lunae per duodecim signa circuitum, hoc est *ensem*, quem vocant, *periodicum*. Nunc haud admodum difficile explicatu erit, qualis Aegyptiorum *Orus* fuerit, et qualis Ori soror, *Bubastis*. Habiti sunt ambo ab Aegyptiis, vt Herodotus ait (II. 156), pro Osiridis Isidisque, id est, cursus solaris lunarisque, liberis. Vno verbo: *Orus*, Graecorum Romanorumque *Apollo*, dicebatur ab Aegyptiis *Sol per diem lucens*, dies naturalis, arcus diurnus, siue, vt a Mose appellatur, *Luminare maius*, quod diei praeest; *Bubastis* vero, Graecorum *Artemis* et Romanorum *Diana*, vocabatur *Luna per noctem lucens*, nox naturalis, arcus nocturnus, siue, vt Moses ait, *Luminare minus*, quod noctem regit. Addit Herodotus (l. c.), *Latonam* fuisse Ori ac Bubasteos nutricem ac custodem. Ac potuit sane in lingua symbolica ita vocari *Latona*, hoc est, Aegyptiorum *Surot* seu Venus Planeta et Dea primae classis. Nam planeta Venus, siue *Vesperum* agat, siue *Luciferum*, apposite ad ipsam rem, ac symbolico sensu non magis, quam astronomico, pro nutrice ac custode Solis per diem, Lunaeque per noctem lucentis, haberi. Quod denique ad *Neitham*, quam Herodotus *Athenaeam* (siue *Mineruam*) interpretatur, attinet, hoc nomine Aegyptii primum anni sui *Novilunium* s. auspicia noui anni, significarunt, vt infra videbimus. Iam de singulis his ceterisque classis tertiae Diis nonnulla sigillatim dicemus.

ISIS.

ISIS, Graeca interpretatione *Διμήτις* s. *Ceres*: non Luna planeta, qui dicitur *Piioh*; nec Luna per noctem lucens, quae est

Aegyptiorum *Bubastis*; sed Lunae per signa duodecim cursus, f. *mensis Lunae periodicus*. Ab Iside dicendi facere initium placet, non ab Osiride: ac more quidem veterum, qui, vt Herodotus, Plutarchus, cet., semper fere Isidem praeponere Osiridi solent: nec iniuria. Nam etsi Isis et Osiris, vt Herodotus (II. 42) testatur, soli Dii fuerunt, quos Aegyptii colebant vniuersi, cum contra reliquos Deos non eodem omnes cultu prosequerentur; ex maiori tamen templorum, Isidi per omnem Aegyptum sacrorum, numero recte concluditur, Isidem augustius sanctiusque, quam Osirin, a populo vniuerso cultam fuisse. Isidem (ait Herodotus II. 40) Numen maximum Aegyptii esse censent, eique maximum festum celebrant: quod festum, quotannis in vrbe Busiri celebratum Herodotus (II. 40, 59 et 61) describit. Cultus huius praecipui, quo Isis honorabatur, haec sine dubio caussa fuit. Aegyptii antiquissimi, cum adhuc rudes essent, tempora, vt alii populi rudes, non ad Solis, sed ad Lunae cursum direxerunt: ac menstruum dierum tricenorum spatium habuerunt pro anno. Id quidem non per se tantum facile intellectu est, neque a summa primorum vndique hominum ignorantia alienum; sed confirmari etiam potest luculentis haud contemnendorum scriptorum testimoniis. In his Eudoxus est, vir diuturna Sacerdotum Aegyptiorum consuetudine vsus, Platonisque aequalis ac discipulus, cuius haec verba apud Proclum (L. I. in Platon. Timaeum p. 31.) leguntur: Εἰ δὲ καὶ ὁ φησὶν Εὐδόξος ἀληθές, ὅτι Αἰγυπτιοὶ τὸν μῆνα ἑαυτοὺς ἐκαλεῖν, *Aegyptii mensem vocarunt annum*. Fuit huius rei notitia etiam ad Romanos propagata. Ita Varro (ap- Lactant. de orig. error. L. II. Sect. 13) ait, apud Aegyptios pro annis menses haberi, vt non Solis per XII signa circuitus faciat annum, sed Luna, quae orbem illum signiferum XXX dierum spatio illustrat. Breuius ita Plinius (VII. 48): Quidam Lunae senio, vt Aegyptii, annum determinabant. Et Plutarchus quoque, vt alios taceam (in Num. p. 72) hunc Aegyptiorum morem attigit:

attigit: Αἰγυπτίοις μνηστὴρ ἢ ὁ ἐνιαυτός cet. Aegyptii itaque vetustissimi Osiridem ignorarunt, sola Iside in computandis annis contenti. Sed iidem postea Aegyptii, quos constat (vt Macrobii verbis utar, Somn. Scip. c. 21), primos omnium caelum scrutari et metiri ausos, Lunae cursum s. Isidem cum Solis cursu contulerunt, et cum duodecim Isides seu circuitus lunares, tricenorum quemque dierum, aequare vnum Solis circuitum putassent, Zodiacum, pro numero circuituum lunarium, in duodecim signa, tricenorum quoduis graduum, diuiserunt, cursumque Solis per duodecim signa haec annum vocarunt solarem siue *Osiridem*. Atque inde factum est, vt Isis, hoc quidem respectu, interdum *Osiridis mater* diceretur, et antiquiora ac plura haberet templa, quam Osiris, maioremque cultum obtineret. Interea grauissime errarunt Aegyptii in determinando anno solari, quippe cui non nisi 360 dies tribuerant; sed hoc in illa Astronomiae infantia nemini mirum videri debet: et est communis haec generis humani fors, vt post varios demum ac multos errorum anfractus ac labyrinthos ad verum eniti possit. At Aegyptii tamen, post intercapedinem haud ita longam, ab errore, quo erant impliciti, ad rectiorem viam auocari debuerunt. Rediens statim cuiusuis anni temporibus Nili exundatio, alligata huius exundationis temporibus ferendi metendique tempora, inuadens quotannis fines Aegypti australes Sol perpendicularibus radiis, aestiuum solstitium faciendo, inprimisque obseruatus forte fortuna Sirii paullo ante Solem exortus: omnia haec et id genus alia effecerunt tandem, vt velut suis cernere oculis possent. ultra dies 360, requiri praeterea *dies quinque et quadrantem*, vt ex Osiride ipsorum manco integer aliquis ac perfectus Osiris existeret. Bene igitur recteque Herodotus (II. 4) ait, omnium hominum primos Aegyptios annum reperisse, descriptis per eum duodecim temporum partibus: quod quidem ex astrorum intuitu se cognouisse, ipsi dicerent. Vindicat Aegyptiis summum

hoc inuentum etiam aliata in superioribus e Plutarcho narratio mythica, qua Hermes (i. e. Thouthus siue primus anni dies) lusisse dicitur cum Luna (h. e. cum Nouilunio illo, quod proxime ab heliaco Sirii exortu abest), ac, in ludo hoc victorem, septuagesimam secundam cuiusuis diei partem abstulisse, e quarum partium summa ($\frac{360}{72}$) confecerit *dies quinque*, et 360 diebus anni adiecerit. Alludit fabula haec, si quidem recte a Plutarcho exposita fuerit, ad inuentionem ciuilis s. vagi Aegyptiorum anni: et potuit vtique fieri, vt Aegyptii in comparando Thoutho suo cum heliaco Sirii exortu, *quadrantem*, qui, praeter dies quinque intercalares, superesset, non statim animaduernerent. Sed etiam si concedendum sit, eos per ignorantiam aliquamdiu quadrantem illum neglexisse; errorem tamen eum, si quis vmquam fuerit, non potuerunt non, haud ita multo post, ex iteratis Sirii, heliace orientis, obseruationibus cognoscere. Ab hoc inde tempore *duplicem* Aegyptii *Osiridem* s. annum solarem habuerunt: vnum *ciuilem*, quem, rationibus religiosi inducti, vagum, id est, e 365 diebus absque intercalatione quadrantis esse voluerant; alterum vero *astronomicum* s. *fixum*, cuius quidem Thouthum fixerant ad illud Nouilunium, quod proxime abesset ab eo die, quo Sirius paullo ante orientem Solem oriri nouerant.

Quae hucusque exposita sunt, eo potissimum valent, vt appareat, primum quo sensu *Isis* vocata sit *mater Osiridis*, recteque vocari potuerit: deinde vero cur Isidi maior antiquiorque, quam Osiridi, cultus obtigerit. Sed Isis non *mater* tantum Osiridis, verum etiam *coniux* et *soror* eius dicta est. Ac *coniux* quidem Osiridis vocabatur Isis, quotiescumque incideret *Nouilunium*, hoc est, tempus illud, quo Solis ac Lunae cursus ad vnā eamdemque longitudinem conuenerent. Nos Nouilunium appellare solemus *Lunae Solisque synodum* s. *coniunctionem*: Aegyptii haud ineleganter *Isidis Osiridisque*
connu-

connubium vocarunt. *Soror* autem *Osiridis* eadem *Isis* dicta est quovis *Plenilunii* tempore: quod quidem tempus nos *oppositionem Lunae ac Solis* vocamus. — Restat, vt paucis in vocabuli *Isis* etymon inquiramus. *Salmasius* (de ann. climacter. p. 567) apud Aegyptios vocem *Isi* matrem significare credidit. Sed in hoc falsus est vir alias sagacissimus. *Isis* quidem mater dicta est, sed ipsa vox non significat matrem. Quum *Isidis* nomine non Lunam ipsam Aegyptii, sed Lunae cursum intellexerint: Lunae autem cursus sit omnium celerrimus; *Isidem* a cursus celeritate nomen suum traxisse haud incredibile est: ita vt nomen e duabus his vocibus *Inç celeris* et *ire* f. *currere* compositum esset, et *Inçi celeriter currentem* f. *celerem cursum* denotaret.

OSIRIS.

OSIRIS, Graeca interpretatione *Διονυσος* f. *Bacchus*, *Liber*: non Sol planeta, qui *Pire* dicitur: nec Sol per diem lucens, qui est Aegyptiorum *Orus*; sed Solis per duodecim signa circuitus, hoc est, *annus solaris*, tam ciuilis f. *vagus*; dierum 365 neglecto quadrante, quam *astronomicus*, dierum $365\frac{1}{4}$, ad ordinanda festa immobilia necessarius et adhibitus: *Isidis*, diuerso respectu filius, coniux, frater, de quorum nominum significato paullo ante dictum est in *Iside*: quo loco reliqua etiam, quae dicenda de *Osiride* sunt, iam anticipauimus. Fabula de *genitalibus Osiridis*, in *Nilum abiectis*, quam *Diodorus* (I. 22) commemorat, et *Plutarchus* (de *Iside et Osir.* p. 45 edit. Sam. Squire) repetit, sed male, vt saepe in eiusmodi rebus facit, interpretatur: haec igitur fabula haud dubie nihil significat aliud, praeter hoc, nullam esse ac velut periisse Solis, quamquam cursum suum, vt alias, peragentis, vim foecundantem et productricem per eos quidem menses, quibus Aegyptii agri vndis *Nili* obruti ac sepulti iacent. Alludit ad fabulam hanc etiam *Herodotus*, eamque explicat quodammodo et corrigit, his quidem verbis

verbis (II. 48): "Dionysio s. Baccho (Osiridi) etiam in festi (quod Isidi et Osiridi sacrum erat) conuiuali coena *porcum* pro foribus matrat quilibet Aegyptiorum, quem auferendum reddit subalco ei, qui illum vendiderat. Reliquum festum Baccho (Osiridi) Aegyptii celebrant, exceptis choris (*al. porcis*) per omnia fere eadem Graecis. Sed loco *phallorum* sunt ab iis excogitatae aliae statucae, circiter cubitales, neruisque mobiles, quas feminae circumferunt per pagos, veretro nutante, quod non multo minus est cetero corpore: et tibia praeceunte, quam feminae, Bacchum (Osiridem) canentes, sequuntur. Cur autem veretrum habeat maius, et in corpore tantum agitet, de eo habetur sacra narratio." Pertinent solemnia haec ad festum illud annuum, quod haud incommode *Bacchanalia* Aegyptiorum vocaueris (vid. Herodot. II. 47-49). Habuit festum hoc, quod *Plenilunii* die peragebatur, et Isidi Osiridique communiter sacrum erat, singulare ac proprium hoc, quod *sues*, animalia ceteroquin impura, et immolabantur duobus his Diis, et ab Aegyptiis comedebantur. Plura de hoc festo narrantur ab Herodoto (l. c.), quae vero hic repetere consilii nostri ratio prohibet. De etymo tamen vocabuli *Osiris*, quod etiam *Usiris* pronunciatum esse dicitur, pauca licebit afferre. Jablonskius (Panth. L. II. c. 1. §. 14) deriuat nomen hoc a vocibus *Ovoioσx* *tempus* et *iqi* *facere*: vt Osiris s. Usiris dicatur esse *temporis causa* s. *temporis effector*. Haud displicet haec originatio; sed rectius fortasse Salmasius (de ann. climact. p. 566) ab articulo indefinito *ou* et voce *σxnpι* *filius* nomen Osiridis deduxit. Nam vt in Iside supra ostendimus, Osiris certo respectu et fuit Isidis filius, et dictus est.

ORVS.

ORVS, Graeca interpretatione *Apollo*: non Sol planeta, qui *Pire* dicitur: nec Solis cursus, qui Aegyptiorum *Osiris* est; sed *Sol per diem lucens*, s. dies naturalis, arcus diurnus: ideoque
Osiridis

Osiridis Isidisque filius et Bubastios frater dictus. Nomen ipsum cum Salmasio (de ann. climact. p. 595) idem esse arbitror, quod *oupo*; haec autem vox non *Dominum* significat, ut interpretatus est Salmasius, id quod iam Jablonskius recte in eo reprehendit, sed *Regem*: ita ut Orus dicatur esse *Rex*, scilicet *diei*, siue, ut Moses ait, Luminare maius, quod diem regit. In Plutarcho, ut supra vidimus, dicitur etiam *'Aqne*, quod nomen ex *aq* s. *ne* efficax et *ene* s. *ego* dominus s. *Rex* compositum esse, apparet.

BVBASTIS.

BVBASTIS, Graeca interpretatione *A'pemeis* s. *Diana*: non Luna planeta, qui dicitur *Piioh*: nec Lunae cursus s. mensis periodicus, qui est Aegyptiorum *Isis*; sed *Luna per noctem lucens*, s. nox naturalis, arcus nocturnus: ideoque Isidis Osiridisque filia et Ori soror dicta. Habuit in vrbe cognomini templum, ad quod, in festo eius annuo, virorum ac mulierum, praeter pueros, ad septingenta millia ex tota Aegypto confluebant (Herodot. II. 60). Nomen Bubastios Jablonskius (Panth. L. III. p. 83) deducit partim a vocibus *Π-ho-βασχτ*, *P-ho-bast*, hoc est, *vultum nudans* s. *retegens*, partim a *Π-ho-ουασχτ*, *P-ho-u-asl*, h. e. *faciem multiplicans*, s. *formam faciei saepe mutans*. At vero cum nominis ipsa vis non ad Lunae phases respiciat, sed ad Lunae lucem; quae candida est; rectius fortasse nomen Bubasteos a voce *ουβασχ*, *candidus*, *candida*, deriuatur. Nam si huic voci praefixeris notam possessiuorum *πα* s. *π*, quod Copti legunt *ba* s. *b* (Didymi Rudim. p. 48), et terminationem *τ* suffixeris; existet inde nomen *Bubast*, id est, *Luna candide lucens*.

NEITHA.

NEITHA, Graeca interpretatione *'Aθηναιμ* s. *'Aθηναι*, *Minerva*: non Luna planeta, qui *Piioh* dicitur: non Lunae cursus, qui est Aegyptiorum *Isis*: nec Luna lucens, quae est *Bubastis*; sed *Noui-*
Comment. Hist. Philol. Tom. VII. G *lunium*

lunium illud, quod proxime abest ab eo die, quo Sirius paullo ante orientem Solem exoritur, hoc est, *initium noui anni*, et *astronomici* quidem anni, non ciuilis, cuius Thouthus vagus erat. Aegyptium huius Deae nomen *Nniθ* est, quod, omisſum ab Herodoto, primum in Platonis Timaeo (p. 1043 edit. Francof.) commemoratur, his quidem verbis:

Τουτου δε τε νομος (Σαΐτικος) μεγίστη πολις Σαΐς, ὅθεν δη καὶ Ἀμασις ἦν ὁ βασιλεὺς· οἱ τῆς πόλεως ἀρχηγὸς ἐστὶν Αἰγυπτίσι μὲν τὸ νομα Νηίθ, Ἑλλήνισι δὲ, ὡς ὁ ἐπειων λόγος, Ἀθηνά.

Huius praefecturae (Saiticae) vrbs maxima est Sais, ex qua quidē etiam Amasis Rex fuit. Ibi vrbs fundatrix (Dea tutelar̃is) est, quae Aegyptiace vocatur *Neith*. Graeci vero eam Athenam (*Mineruam*) appellant.

Neithae huius siue Athenaeae Saiticae festum annuum idque nocturnum, quod vocabatur *Λυχνοκαΐη*, ita descripsit Herodotus (II. 59 et 62): “Tertio celebrant Aegyptii conuentum publicum ad vr̃bem Sain, in honorem *Athenaeae* (Neithae). — Vbi vero in vr̃bem Sain sacrificatum noctu conuenerunt, sub dio circum domos vniuersi multas lucernas (*λυχνά*) accendunt, vascula scilicet sale et oleo plena: in superficie adest ipsum ellychnium, quod per totam noctem ardet. Ac festo huic nomen impositum est: Accensio lucernarum (*Λυχνοκαΐη*). Ad hunc conuentum quicumque Aegyptiorum non ierint, obseruant tamen sacrificii noctem, ita vt ipsi etiam vniuersi lucernas accendant. Sic accenduntur lucernae non tantum in vr̃be Sai, sed etiam per vniuersam Aegyptum. Cur autem nox ista lumen et honorem adepta sit, de eo sacer sermo commemoratur”. --

Quod ad originem nominis *Nniθ* attinet, vltro ac sponte se illa offerre videtur, si nomen deducatur a vocabulo *Nei* s. *Nni*, *tempus statutum* s. *tempus statuere*. Est itaque *Nniθ* temporis (vt barbare loquar) *statutrix*, hoc est, discriminatrix temporis eius, quod est, ab illo tempore, quod fuit et erit. *Nouilunium* enim illud, quod Neithae nomine significabatur, fuit anni Aegyptiorum *astronomici epocha*.

epocha. Inde explicari etiam ac fortasse defendi et vindicari potest celebris illa *inscriptio Saitica*, quam Plutarchus (de Is. et Osir. p. 22. edit. Sam. Squire) affert, his quidem verbis:

Το δ' ἐν Σαί της Ἀθηνᾶς, ἣν
καὶ Ἴσιν νομίζουσιν, ἔδος, ἐπιγραφὴν
εἶχε (al. ἔχει) τοιαύτην· Ἐγὼ εἰμι
πάντοτε γεγονός, καὶ ὄν, καὶ ἔσομενον·
καὶ τὸν ἔμῳ πεπλῶν οὐδείς πώ ἀπε-
καλύψεν.

Quod Sai est Athenes, quam etiam
pro Iside habent, fanum hanc ha-
buit (al. habet) inscriptionem: *Ego*
sum omne (scil. tempus), *quod fuit,*
et est, et erit: ac peplum meum nemo
umquam reuelavit. —

Repetiit hanc inscriptionem etiam Proclus (in Platonis Timaeum L. I. p. 30), mutatis, ut in versionibus fieri solet, verbis nonnullis, ita tamen, ut sensus maneret idem. “Aegyptii referunt (ἰσορροπία), inquit, in adyto Deae (Neithae) insculptam esse hanc inscriptionem: *Quae sunt, et quae erunt, et quae fuerunt, ego sum, (Τὰ ὄντα, καὶ τὰ ἔσομενα, καὶ τὰ γεγονότα, ἐγὼ εἰμι).* *Tunicam meam (Χιτῶνα) nemo reuelavit. Quem ego fructum peperī, Sol fuit (ὃν ἐγὼ καρπὸν ἔτεκον, ἥλιος ἐγένετο)*”. Postrema inscriptionis verba, quae Plutarchus omisit, intelligenda sunt de anno *Aegyptiorum solari* eoque *astronomico*, cuius *epocha* ac veluti mater Neitha fuit. In dubium vocarunt inscriptionis huius Saiticae veritatem nonnulli, ut Moshemius (contra Cudworthi Syst. intellect.) et Jablonskius (in Panth. L. I. p. 65 sqq.). Et potest ea sane in dubium vocari, et reiici adeo, si quis eam eo modo interpretetur, quo interpretati sunt Cudworthus, Moshemius et Jablonskius. An vero illa reprehendenda sit, vel prorsus adeo repudianda, si recte explicetur, iudicabunt alii.

SOTHIS s. SOTHES.

SOTHIS s. SOTHES referebatur ad *Caniculae fidus*, quod *Isidi*, hoc est, cursui lunari, sacrum fuit. Sic Plutarchus (de Is. et Osir. p. 54 et 56 edit. Squirii) ait: καλεῖσθαι Κυνὰ μὲν τὴν Ἴσιν ὑφ' Ἑλλήνων, ὑπ' Αἰγυπτίων δὲ Σωθιν — Τὸ Κυνὸς (εἰδωλὸν) Ἴσιν ἱερὸν Αἰγυπτίοι νομίζουσι, *Isidis stellam vocari a Graecis Canem, ab Aegyptiis Sothin* — *Canis fidus Isidi sacrum, Aegyptii arbitrantur.* In alio

Plutarchi loco (de solertia animalium p. 974) Σωθης, *Sothes*, dicitur ab Aegyptiis vocari sidus illud, quod a Graecis Canicula et Sirius appellatur. Huc pertinent etiam ea, quae Eratosthenes (Catasterismor. c. 33) hunc in modum exposuit: Ἐχει δὲ (Κυνὼν) ἀστὴρας ἐπὶ μὲν τῆς κεφαλῆς ἁ, ὃς Ἰσις λέγεται τῆς γλωττῆς ἁ, ὃν καὶ Σεῖριον καλεῖσι, *Habet autem (Canis) stellas, ac unam quidem in capite, quae dicitur Isis; aliam vero in lingua, quam Sirium vocant.* Illustrati haec possunt his Porphyrii verbis (de Antro Nympharum p. 264 extr. edit. Cantabrig): "Aegyptiis initium anni non est Aquarius, ut Romanis; sed Cancer. Nam prope Cancrum *Sothis* est (πρὸς τῷ Καρκινῷ ἡ Σωθίς), quam Graeci Canis stellam vocant. Nouilunium vero (primum) ipsis est *Sotheos* ortus, qui generationis mundi ducit initium (Νεμηνία δὲ αὐτοῖς ἡ Σωθίως ἀνατολή, γενεσεως καταρχεσθαι τῆς εἰς τὸν κόσμον)"

Canicula igitur f. *Sothis* vocata ideo est Isidis stella, quia ad eius ortum heliacum alligata erat cursuum lunarium *epocha astronomica*, ex qua omnes Aegyptiorum cycli ac periodi pendebant. Cum scilicet Nouilunium anni primum f. *Neitha* in ipsum Caniculae ortum cadebat, tunc epocha illa, adeoque ipsa interdum Canicula, vocabatur *Sothis*. Atque eo ipsum quoque etymon vocabuli ducit: nam *Sotheos* nomen, quod, quantum ego quidem noui, in Plutarchi supra allatis locis primum occurrit, etsi ipsa res, eo nomine significata, inter antiquissimas referenda est: *Sotheos* igitur nomen haud dubie compositum est e vocibus Δσω f. Σω, *caput* f. *principium*, et Θνοχ, *terminus* f. *finis*: ita ut *Sothes* f. *Sothis* dicatur esse cyclorum ac periodorum *initium ac finis*, hoc est, *epocha astronomica*. Ac *Sothis* quidem primo epocha fuit *cycli 25 annorum*, qui aequandis lunaribus curriculum cum anno solari civili dierum 365 inseruiebat. Crediderunt enim Aegyptii, Isidem f. Lunae cursum, exactis 25 X 365 = 9125 diebus, ad eundem *Sotheos* locum redire: ideoque etiam taurum sacrum f. Apidem non ultra 25 annos viuere passi sunt (Plutar-

(Plutarchus de Is. et Osir. p. 139 edit. Squirii: cf. Jablonfkii Panth. L. IV. c. 2. §. 10 sqq.), respectu haud dubie habito ad transitum Lunae per signum tauri caelestis, quippe quo finito, Luna demum ad Sothin peruenire poterat. In cycli huius computatione Aegyptii non nisi exiguo vnus horulae et $13' 42''$ defectu a vero aberrarunt. Si enim sumitur mensis D periodicus aequalis esse $29^{\text{d}} 12^{\text{h}} 44' 2''$, qui numeri vno tantum secundo a subtilibus Astronomorum nostrorum calculis differunt; existit inde annus D astronomicus $= 354^{\text{d}} 8^{\text{h}} 48' 24''$: quae summa, per 25 multiplicata, producit $8859^{\text{d}} 4^{\text{h}} 10' 0''$. Iam nihil restat, nisi vt his numeris productis adiciantur 9 menses intercalares, id est, $265^{\text{d}} 18^{\text{h}} 36' 18''$. Ex his duabus summis in vnā collectis prodeunt numeri hi: $9124^{\text{d}} 22^{\text{h}} 46' 18''$: qui si a 9125 diebus, e quibus 25 anni Aegyptiorum vagi constant, subtrahuntur; restabunt $1^{\text{h}} 13' 42''$, quibus anni 25 vagi cyclum lunarem supergrediuntur. Ratiocinatio haec est:

I D annus astron.	=	$354^{\text{d}} 8^{\text{h}} 48' 24''$	
			X 25
25 anni D astron.	=	$8859^{\text{d}} 4^{\text{h}} 10' 0''$	
⊕ 9 menses intercal.	=	$265 18 36 18$	
— 25 D anni et 9 mens.	=	$9124^{\text{d}} 22^{\text{h}} 46' 18''$	
25 \odot anni vagi	=	$9124 23 59 60$	
		$1^{\text{h}} 13' 42''$	

Residui numeri $1^{\text{h}} 13' 42''$, etsi exigui sunt, non tamen neglecti ab Aegyptiis mihi videntur; latere enim in mythica Heliopolitano- rum narratione (ap. Herodot. II. 73) de *Phoenixe*, aue sacra, quae quingentesimo quoque anno nasci, ac mortuum patrem ex Arabia Heliopolin Aegyptiam deportare ibique in Solis templo sepelire tradebatur: latere igitur in hac narratione arbitror *periodum astronomicam 500 annorum*, e 20 cyclis 25 annorum constantem. Iam si Aegyptii, vt suspicor, eiusmodi periodo vsi sunt; numeros illos

residuos $1^h 13' 42''$, post quingenorum quorumque annorum decursum, vices multiplicatos, in vnum diem coegerunt, neglectis tantum, quae remanebant, $34'$, quippe quae per 5000 annorum spatium non, nisi $5^h 40'$, et post praeterlapsos 20000 annos $22^h 40'$, ideoque ne vnum quidem diem integrum conficiunt.

Sed Aegyptii cum alia etiam periodo, eaque 1460 annorum, quorum quisque esse $365\frac{1}{4}$ dierum sumebatur, annum suum civilem 365 dierum compararunt. Atque haec est periodus illa celebris, quae vulgo *periodus Sothiaca* s. *Canicularis* vocatur. Aegyptii scilicet 1460 annos dierum $365\frac{1}{4}$ iudicarunt aequales esse annis vagis dierum 365: in quo quidem a vero non aberrarunt; sed errasse tamen tunc iure dicuntur, si annum $365\frac{1}{4}$ dierum vel pro anno *fidereo*, vel etiam pro *tropico* anno habuerint. Si enim *annus fidereus*, ad seueriores nostrae aetatis calculos, sumitur esse $365^d 6^h 9' 11''$, 2 anni 1460 fiderei non deprehenduntur aequales esse 1461 annis vagis: sed tantum 1424 fiderei anni aequant 1425 annos vagos: vterque enim annorum numerus 520135 dies conficit. Pari ratione, 1460 anni *tropici*, quorum quisque est $365^d 5^h 48' 45''$, 5, non iidem sunt, qui 1461 anni vagi; sed si 1507 anni tropici comparantur cum 1508 annis vagis; tunc aequalis vtrimque dierum 550420 summa prodibit. Verum enim vero Aegyptii errorem, in quo per aliquot fortasse saecula perseuerarunt, correxisse tandem videntur: postquam *praecessionem aequinoctiorum*, quam dicimus, ex iteratis Sotheos observationibus cognouerunt. Cognouisse autem eos aequinoctiorum praecessionem, cum per se admodum credibile sit, tum etiam ex vniuersa Labyrinthi Aegyptii structura et compage, si quidem recte intelligatur, dilucide apparet (videsis *Historiam meam vniuersalem* A. 1785 sub titulo *Weltgeschichte* editam, P. I. p. 505 sqq.). Crediderunt autem Aegyptii, et qui eos sequebantur Graeci, vnum Zodiaci gradum aequinoctia quouis saeculo praecedere: ita, vt omnes 360 Zodiaci gradus post annorum $100 \times 360 = 36000$ decur-

decursum percurrerentur. Inde exstitit celebris illa *periodus aequinoctialis*, qui vulgo *Platonis annus* vocatur. Eodem fere modo Aegyptii Astronomi si non omnes, at nonnullae tamen eorum haereses, dum periodum suam Sothiacam, ac non eam tantum, quae ex 1460 annis constabat, sed illam etiam, quae 1461 annis vagis absoluebatur, cum cyclo suo lunari annorum 25 multiplicabant, *duas alias periodos aequinoctiales* recte confici posse putarunt, quarum illa $25 \times 1460 = 36500$, haec vero $25 \times 1461 = 36525$ annos comprehenderet. Huius rei certissima vestigia deprehenduntur in Chronico illo Aegyptiorum vetusto, de quo exponitur in Syncelli Chronographia (p. 51 sqq.). Sed varie in his etiam periodis constituendis peccatum est, inprimisque in aestimanda praecessionis aequinoctiorum quantitate: vniuersus enim Zodiaci (Eclipticae) ad Polum circuitus non $100 \times 360 = 36000$, sed $71, 523 \times 360 = 25748$ annis absoluitur: id quod ill. KAESTNERUS, Collega coniunctissimus, pro suo veri cernendi docendique acumine, dilucide demonstravit (vide eius *dritte astronom. Abhandl.* 473 sqq. eiusdemque *vermischte Schriften* P. II. Sect. XXVIII.).

SERAPIS.

SERAPIS, non ille Sinopensis, qui, regnantibus demum primis Ptolemaeis ex Ponto in Aegyptum deportatus est, sed vetustissimus ille intelligitur, quem Aegyptii antiquitus tum in vrbe Racoti (postea nouae vrbi Alexandriae adiuncta), tum inprimis Memphi in Sinopio pluribusque aliis in locis coluerunt, et Graeci cum *Plutone* suo compararunt: fuit enim Aegyptiis *Sol* infra Horizontem depressus et Antipodibus lucens, siue, quod nobis quidem, in Astronomiae luce versantibus, idem est, *Sol*, hemisphaerium inferius et auersum a nostro percurrans. Omnia haec pluribus exposuit Jablonskius (Panth. Aeg. L. II. c. V): quamquam in explicando inferiori hemisphaerio errauit, quod, a Macrobio deceptus, pro signis Zodiaci hiemalibus habet.

TITHRAMBO.

TITHRAMBO.

TITHRAMBO, sublestae fidei Dea, quam demum Epiphanius, sublestae fidei scriptor, quamquam inter Sanctos relatus, commemorat, et *Hecaten* Graecorum interpretatur. Jablonskius (Panth. L.I. c.V) assentitur Epiphanio, et, postquam multa inutiliter ac vane suisque opinionibus praeiudicatis conuenienter tam de etymo nominis, quam de ipsa hac Dea, si qua umquam fuerit talis, exposuit, tandem ad hanc, per se haud incredibilem sententiam descendit, fuisse Tithrambonem *symbolum vicissitudinum Lunae*, siue crescentis, siue plenae, siue decrescientis.

CHNVPHIS f. CNEPHVS.

CHNVPHIS, CNVPHIS f. CNEPHVS fuit persona astrologica. Nomen ipsum recte, ut opinor, Jablonskius (Panth. L.I. c. IV) a vocibus *IX spiritus f. daemon* et *vsq. bonus* deriuauit, ut sic esse Chnuphis diceretur *spiritus bonus f. Agathodaemon*. Sed reliqua omnia, quae de Chnuphi somniauit potius, quam docuit Jablonskius, ego quidem facere mea nolim. Si Chnuphis fuit *Agathodaemon*, quod haud negauerim, ad astrologicas superstitiones est relegandus. Astrologis enim *Agathodaemon* fuit *undecimus a signo horoscopante locus*, de quo multa erudite disputauit Salmasius (de annis climacter. p. 191 princ., coll. p. 193, et alibi passim).

OSYMANDYAS.

OSYMANDYAS Diodori non fuit umquam Aegyptiorum Rex. *Annulus* Osymandyaе cum ipso eius, quod dicitur, sepulcro habendus est pro monimento astrologico, quod calculis vaticiniisque Astrologorum promte et accurate inueniendis expediendisque inseruit. Atque id quidem ipsa sepulcri annulique oeconomia quemlibet Diodori lectorem attentum rerumque Aegyptiarum satis peritum docere potest: et nominis quoque originatione eodem ducit. Compositum enim

enim est, nisi fallor, nomen hoc e vocibus ΟΥΣΙΣ s. ΟΣΙΣ (cum prae-
fixo articulo indefinito ου) *stella* et μῦττα, id est, μανττα (Saidice
pro Coptico μετουσι) *unitas* s. *concordia*: ita vt *Osymandya* nomine
intellexerint Aegyptii *stellarum concordiam* s. *arctam connexionem*, vno
verbo, *constellationes earumque seriem* per omnes anni cuiusque vagi
dies 365 dispositam. Inflexerunt paullo nomen hoc Graeci ad oris
sui rotunditatem, inprimisque δ suum, vt supra etiam (p.16) in
nomine *Mendes* factum esse vidimus, in locum Aegyptiae litterae τ
substituerunt: eodem modo quo Copti, pro τ et π, molliores litte-
ras δ et β, in legendo scribendoque, adhibere solent (vid. Didymi
Rudim. p.48 sq.). Aegyptiis veteribus littera δ prorsus ignota fuit,
vt omnes Grammatici docent (vid. Scholtzii Gramm. Aeg. p.5).

Atque haecenus de ipsa *Aegyptiorum Theogonia*, de qua sola,
ad illustrandum Herodotum, dicturum me esse promiseram, satis
abundeque, pro instituti ratione, dictum esse arbitror.

Sed multa alia de Aegyptiorum Theologia rebusque sacris, vt
de simulacris Deorum, de templis, sacrificiis, festis, sacris anima-
libus, oraculis, fabulis sacris, de sacerdotibus porro eorumque
ordinibus, cet. vtiliter disputari possunt. Harum rerum largissima
seges ac materia in ipso Herodoto inuenitur: cum quo tamen, sed
adhibita summa circumspectione, ea etiam coniungi poterunt; quae
a Diodoro, Plutarcho aliisque, ferioris licet aetatis, scriptoribus
traduntur. Differenda autem est harum rerum explanatio in aliud
tempus, vel potius optandum, vt ill. HEYNE, coniunctissimus Col-
lega, qui in explicandis veterum mythis ac religionibus tam
feliciter tantaque cum eruditionis ac perspicacitatis laude versari
solet, Aegyptiorum quoque antiquitatem sacram enodandam et
in confesso hoc nostro exponendam suscipere velit.

COMMENTATIO
DE
FALSARVM RELIGIONVM ORIGINE
AC
DIFFERENTIA

RECITATA A
C. MEINERS

IN CONSESSV REGIAE SOCIET. SCIENTIARVM

D. VII. AVGVST. MDCCLXXXIV.

Inter omnia humana instituta nullum aliud esse existimo, ex quo hominis natura penitus cognosci queat, quam ex diuersarum religionum institutionibus. Siue enim rerumpublicarum formas, populorumque et regnorum conuersiones, siue etiam morum vicissitudines, siue denique artium, atque disciplinarum ortus et progressus respicias, meo quidem iudicio nusquam tot tamque illustribus exemplis ac documentis declaratum inuenies, quid homo ferre, quidue efficere possit, quantopere mobile ipsius ingenium modo emendari et perfici, modo vero deprimi et deprauari queat, quanto denique impetu verae pietatis et virtutis stimulis, tanquam diuino instinctu excitatus ad deorum naturam et prope domicilia accedat, mox vero leuissimorum errorum et turpissimarum superstitionum laqueis constrictus infra bestiarum sortem deicia-

deiciatur. Hanc religionum vim atque efficaciam cum omnium aetatum sapientissimi viri intelligerent, non tantum in humanarum, verum etiam in diuinarum rerum studium incubuerunt, et popularium imprimis religionum inuestigationem et emendationem dignam esse iudicarunt, in qua vires suas exercerent. Horum virorum laboribus multa quidem antiquiorum et recentiorum religionum capita praeclare illustrata sunt. Simul vero negari non potest, multo plures locos hactenus vel plane intactos, vel leuiter tantum pertractatos esse. His locis grauem quoque illam de religionum origine quaestionem annumero. Licet enim haec quaestio tam prisco, quam recenti aeuo a summis ingeniis agitata sit, nemo tamen eam ita soluit, vt in eius responso acquiescere possis. Nulla itaque excusatione opus esse arbitror, si materiam ab aliis vel inchoatam vel relictam iterum resumere, atque quid mihi de re grauiissima verisimile videatur, vobiscum communicare constitui.

In perlustrandis antiquitatis monumentis saepius miratus sum, quo modo factum sit, vt omnes Graecorum philosophi in eam sententiam deuenirent, nullam vnquam gentem tam feram atque barbaram exstitisse, quae non deorum numina agnouerit. Hanc sententiam non ii tantum defenderunt, qui summum quendam totius mundi auctorem atque rectorem venerabantur. Eandem illi quoque secuti sunt, qui deorum naturam funditus sustulerunt, vel verbo tantum reliquerunt, quod antiquiores Sophistas, nec non Democritum atque Epicurum fecisse notum est. Omnes hi philosophi deorum notionem adeo naturalem, atque hominum animis ita infixam esse existimarunt, vt ea nunquam inde euelli posset. Nostra autem patrumque memoria docti viri in duas contrarias partes discesserunt, quarum altera sine discrimine omnes Graeciae philosophos, etiam maxime religiosos, summae impietatis accusauit, altera vero eos quoque, qui aequalibus suis non sine causa suspecti

erant, ab inuidioso crimine purgare, omnibusque viribus hoc probare annixa est: deorum numen neque a singulis vnquam viris oppugnatum, neque ab vniuersis gentibus ignoratum fuisse. Quotquot huic parti accedebant, ii fidenter ad omnium saeculorum experientiam prouocabant, quaeque ipsis exempla opponebantur, tanquam ficta, vel praua interpretatione detorta reiciebant. Hòc itaque modo quaestio, quae sola experientia et historia duce explicari debebat, ne probabilibus quidem coniecturis et argumentationibus soluta siue potius fracta est. Nescio vero, quare intelligentibus etiam viris opinio haecce adeo incredibilis ac paene monstrosa visa sit: fuisse quondam et adhuc existere nationes, quae nullam deorum cognitionem haberent. Quodsi enim nondum inspectis historiarum monumentis sola rectae rationis vestigia sequimur, facile nobis cogitare possumus, homines perpetuis bellis, longinquis migrationibus, coeli intemperie, solique asperitate ita effratos fuisse, vt sensim cum aliarum rerum vtilissimarum cognitione, vitaeque cultioris praesidiis ac ornamentis deorum notionem ex animis penitus amitterent. Cum enim certum sit, plures populos adeo obbrutuisset, vt ne iis quidem rebus, quae hominum animos maxime terrere solent, tempestatibus scilicet, fulminibus, pestilentia, terrae motibus, aliisque portentis ac calamitatibus afficiantur, nedum rerum terrestrium vtilitatibus, corporumque caelestium pulcritudine et ordine moueantur, ne hoc quidem amplius mirum videri debet, eiusmodi homines, qui omnem paene humanitatis sensum exuerunt, diuinæ quoque naturae obliuisci potuisse. Haec sententia pluribus, et eorum quidem scriptorum testimoniis confirmatur, quibus minime obicere licet, eos vel praeiudicatis opinionibus occoecatos, vel supina negligentia et festinatione praecipitatos esse, vel non satis temporis sibi sumsisse, ad agrestium hominum mores et consuetudines rite inuestigandos. Inter hosce testes imprimis nominari meretur Begerus, qui inter Californiae incolas
plures

plures annos habitauit, eorumque statum diligenter descripsit. Hic igitur scriptor narrat, stupidos Californiorum animos neque fulminum iactibus, neque tonitruum fragore permoueri: in eorum porro lingua nullum vocabulum exstare, quo deorum numen significari possit: eosdem denique, vti ipsi fatebantur, nunquam de terrae siderumue auctore cogitasse *a*). Similia de alio quodam Americae populo refert non minoris fidei auctor, Ribas *b*) nec non Dampierius de nouae Hollandiae et quarundam insularum in Oceani Orientali iacentium incolis *c*) licet Dampierio, nec non vni, alteriue eorum scriptorum, quos Robertsonus adduxit *d*), obiici posset, illos non longe satis inter feros populos, quorum meminerunt, commoratos esse, vt de ipsorum opinionibus, et institutionibus certum iudicium ferre potuerint.

Inter illas autem nationes, quae augustiores quasdam naturas veneratae sunt, deorum cognitionem, et cultum non vno modo natum esse, vniuersa paene antiquitas iudicauit. Quidam suspicati sunt, primorum mortalium animos innumeris commoditatibus, quas vndique et nullo non tempore percipimus, adeo permotos fuisse, vt eas non nisi excelsarum quarundam, siue diuinarum naturarum beneficio sibi contingere posse crederent, vel res ipsas, quae tot tantasque vtilitates afferrent, in deorum numero habendas esse existimarent. Hanc opinionem omnium primus protulit Prodicus Chius, vnus ex antiquis illis Sophistis, qui Graeciam futilibus suis et impiis argutiis magis turbarunt, et corruperunt, quam ingenii et litterarum, quibus abundabant, lumine collustrarunt *e*). Docbat Prodicus, vetustissimos mortalium non solem tantum, et lunam, verum etiam flumina, fontes, praetereaque omnes res utiles et salu-

H 3

tares

a) Begeri *Descr. Californ.* p. 170.
171.

b) Ap. Robert. I. *Hist. Amer.* pag.
485. *Annot.* 84.

c) *Voyages* II. 131. 171. 187.

d) Robertf. *l. c.* p. 381.

e) Vid. Sext. Emp. IX. 18. Cicer.
I. 42. *de Nat. Deor.*

tares pro diis habuisse, proptereaque panem Cereris, vinum Bacchi, aquam Neptuni, ignem Vulcani, aliasque res aliis nominibus appellasse, atque sub his nouis et augustioribus vocabulis adorasse. Hanc Prodicti coniecturam postea Cleanthes et Perseus, Zenonis auditores adoptarunt, et amplificarunt *f*). Perseus enim addebat, non res tantum naturales, verum etiam homines, a quibus magna utilitas ad vitae cultum inuenta esset, imo fortem quemuis aut clarum ac potentem virum post mortem inter deos relatum esse. Si horum itaque scriptorum opinionem sequimur, dicendum est, genus humanum magnorum commodorum obseruatione et vfu, nec non grati animi sensu, qui inde oriebatur, ad deorum cognitionem et venerationem euectum esse.

Longe aliter de Religionum ortu sentiebat Critias, Prodicti aequalis, et alii non pauci antiquiorum Sophistarum discipuli. Critias, nefandus patriae suae proditor, faeuissimusque tyrannus in famoso apud Sextum *g*) fragmento profitetur, totam de diis immortalibus opinionem fictam esse ab hominibus sapientibus rei publicae causa, vt, (verbis vtor Ciceronis) quos ratio non posset, eos ad officium religio duceret. Fingebat Critias cum plurimis antiquitatis philosophis, homines quondam agrestem et belluinam vitam vixisse, neque bonis viris vllum praemium, neque malis vllam poenam constitutam fuisse. Emollitis autem paulatim duris mortalium pectoribus leges ipsos tanquam dominos sibi imposuisse, nec non iudices elegisse, quorum auctoritate pacis publicae perturbatores coercerentur. Quum vero experientia doceret, legibus manifesta tantum scelera reprimi, tum sapientem aliquem siue callidum virum remedia quaerere coepisse, quibus non aperte tantum peccantium, verum etiam per tenebras grassantium hominum audacia

f) Cicer. de Nat. Deor. I. 15. 42. . *g*) Lib. IX. adv. Mathem. 54. II. 5.

dacia compesceretur, eorumque animis salutaris metus incuteretur. Et hac itaque ratione sine dubio diuinas illas siue immortales naturas inuentas esse, quae omnia videant et sentiant, quasque propterea homines tanquam occultissimarum actionum et cogitationum testes atque vltrices timere debeant. Vt vero noui hi domini eorumque imperium omnium animos eo vehementius percellerent, deorum inuentores immortales naturas suas in coelo siue in iis regionibus collocasse, quae nimborum, tonitruum fulminumque sedes sint, et vnde maximi terrores in misera mortalium pectora effundantur. Critiae itaque iudicio deorum numina, omniumque gentium religiones mera figmenta sunt, quibus callidi siue sapientes viri populos legibus suaeque potestati subiicere conati sunt.

Huic Critiae rationi illa non absimilis est, quam ab Euhemero omnium diligentissime tractatam esse, Sextus *h*), Cicero *i*) aliique testantur. Statuebat Euhemerus cum Critia, calliditatem siue versutiem popularium religionum matrem esse. Negabat autem, reges, vel legumlatores immortales eiusmodi naturas, quae sub sensum cadant, finxisse, hominibusque adorandas obtulisse. Probabilius ipsi videbatur, priscis aetatibus viros illos, qui aequales suos ingenio et corporis viribus superauerint, diuinas sibi virtutes affinxisse, vt multitudini eo maiorem admirationem iniicerent, eamque obedientiorem redderent. Ad hoc probandum persequabatur Euhemerus omnium gentium, inprimis Graecorum religiones, atque ex nullo non historiarum et auditionum genere efficere studebat, quaecumque per vniuersum terrarum orbem colantur, numina mortales homines fuisse, qui ob ingentia merita et facta post mortem diuinis honoribus affecti sint.

Longe melius de hominum genere existimabant, quicunque naturae contemplationem, et magnorum ipsius operum admirationem

h) Sextus IX. 17.

i) Cicer. *de Nat. Deor.* I. 42.

nem primam religionum causam fuisse credebant. In hac opinione primus, quantum nos quidem scimus, Aristoteles fuit, cuius rationationes Sextus *k)* et Cicero *l)* nobis seruarunt. Vtroque teste Alexandri praeceptor pronunciabat, homines solo mundi adspectu, inprimis coeli immensitate, et conuersione, aequabilitate motus, solis, lunae, siderumque omnium distinctione, pulcritudine, ordine, denique temporum vicissitudinibus edoctos fuisse, hanc rerum vniuersitatem non esse fortunam, verum mentem aliquam existere, qua tanta moles, tantique naturae motus gubernentur. Hanc coniecturam Aristoteles eleganti similitudine illustrabat, qua iam Plato antea usus erat, quamque Ciceronis verbis transcribam *m)*. Aristotelis sententiam et argumenta non Stoici tantum, et in primis Cleanthes, verum etiam Epicurus eiusque Sectatores adoptarunt *n)* licet hi viri nullam neque pulcritudinem, neque constantiam in tantis corporum coelestium motionibus atque vicissitudinibus deprehenderent. Recentiores Stoici sectae suae principum decreta alia obseruatione augebant, cui omnes fere gentes assensae sunt: primos scilicet, et a diis quasi recentes humani generis condi-

k) Sext. IX. 22.

l) Cicero II. 37. *de Nat. Deor.*

m) Cic. l. c. Praeclare ergo Aristoteles, si essent, inquit, qui sub terra semper habitauissent, bonis et illustribus domiciliis, quae essent ornata signis, atque picturis, instructaque rebus omnibus, quibus abundant ii, qui beati putantur, nec tamen exissent vnquam supra terram, acceperissent autem fama, et auditione, esse quoddam numen et vim deorum: deinde aliquo tempore, patefactis terrae faucibus, ex illis abditis sedibus euadere in haec loca, quae nos incolimus, atque exire potuissent: cum repente terram, et maria, coelumque vidissent: nubium magnitudinem, ventorumque vim co-

gnouissent, adspexissentque solem, eiusque tum magnitudinem, pulcritudinemque, tum etiam efficientiam cognouissent, quod is diem efficeret, toto coelo luce diffusa: cum autem terras nox opacasset, tum coelum totum cernerent astris distinctum, et ornatum, lunaeque luminum varietatem tum crescentis, tum senescentis, eorumque omnium ortus, et occasus, atque in omni aeternitate ratos immutabilesque cursus: haec cum viderent, profecto et esse deos, et haec tanta opera deorum esse arbitrarentur.

n) Lucret. V. 1182.

Praeterea Coeli rationes ordine certo, Et varia annorum cernebant tempora verti;

conditores multo excellentiori ingenio praeditos fuisse, quam posteriorum saeculorum homines, eosque idcirco multo facilius in naturae arcana, atque ad ipsius auctorem penetrare potuisse o).

Ex nulla alia re antiquae et recentioris philosophiae diuersitas magis apparet, quam ex sequenti opinione, quam omnes paene Graecorum philosophi tanquam vnam eamque praecipuam illarum causarum adduxerunt, quibus in hominum animis deorum notiones informatae sint. Statuerunt nempe non religiosi tantum philosophi, verum etiam deorum contemtores, rerum futurarum praesensiones, et significationes primam hominibus occasionem dedisse, deorum naturam inueniendi, et venerandi. Ex hac vero rerum futurarum significatione quiuis suo more deorum cognitionem deriuabat. Democritus p) simulacra fingeat tam noxia, quam salutaria, immensae magnitudinis, firmiterque compacta, neque tamen immortalia. Opinabatur porro Democritus, has imagines certis temporibus ad homines accedere, illisque tam motibus, quam vocibus futura significare, et hinc igitur primos mortales opinionem hausisse, deos, siue excellentes, hominumque sortem longe supergressas naturas existere, quamuis praeter longaeuas imagines nulla aeterna natura ne cogitari quidem possit. Hoc Democriti somnium ipsis simulacris leuius Epicuro adeo placebat, vt illud inter primaria philosophiae suae effata reciperet q). Ab his flagitiis valde quidem alienus erat Aristoteles; idem vero eiusmodi res proferebat, quae nobis non possunt non aniles nugae videri. Aiebat nempe r), multa in coelo, multa in animo accidere, quae deorum cognitionis et cultus causa sint. Postquam enim diuturna experientia docuisset, corpore vel alto somno sopito, vel dissolutioni proximo animum maxime vigere, atque futura prospicere; inde hominibus suspicionem natam esse, existere quandam natu-

o) Sext. IX. 26 - 28.

q) Lucret. V. 1168.

p) Sext. IX. 19 et ibi Fabr.

r) Sext. IX. f. 20. 21.

naturam, menti nostrae similem, quae omnia, quae sint, quaeque fuerint, siue futura sint, perspiciat. Eodem fere modo argumentabantur Stoici *s)*, qui cum infima plebe credebant, saepe exauditas Faunorum voces, et visas deorum formas quemuis non prorsus hebetem, aut impium cogere, Deos praesentes esse confiteri.

Inter reliquas Graecorum philosophorum coniecturas illa mihi etiam memoratu digna videtur, quam Sextus adduxit, cuius vero auctores nominare illum piguit. Narrat Sextus *t)*, philosophos quosdam hoc quidem concessisse, rerum caelestium pulcritudinem, et ordinem, nec non praeclaram diuinandi vim, animis nostris insitam prima quasi elementa fuisse a quibus homines ad deorum cultum et notionem processerint, neque tamen deos statim pro aeternis, beatis, atque perfectis naturis habitos fuisse. Hoc tum demum factum esse, postquam callidi et exercitati ingenii viri excellentium hominum virtutes omni modo auctas in deos transtulerint. Sicuti enim vulgarem hominem siue vnum ex multis ita amplificare queamus, ut in Cyclopi magnitudinem excrescat, ita quoque non difficile esse, beatum quendam, atque longaeuum, nec non omni virtutum genere exornatum hominem sola imaginandi vi ita extendere, ut inde aeternae, beatae, et excellentissimae naturae imago, qualem deum esse credamus, exoriatur.

Inter omnes autem opiniones hactenus adductas nulla alia a tot antiquis et recentioribus philosophis propugnata est, quam illa, quae timorem vel terrorem primum deos fecisse ponit. Ex antiquis solum Democritum *u)* et Cleanthem *x)*, ex recentioribus vero Boulangerium *y)*, Humium *z)*, et Homium *a)* nominabo. Omnis
hic

s) Cic. *de Nat. Deor.* II. 2. 5. cap.

t) Sext. IX. 45 f.

u) Sext. IX. 24.

x) Cicer. II. 5. *de Nat. Deor.*

y) *Antiquités dévoilées* I. 323. 367.

II. p. 133.

z) Per totum libellum, quo naturalem Religionis historiam pertractauit.

a) *History of Man* Vol. II. p. 352. 409. et 412.

haec scriptorum turba opinabatur, hominum animos fulminibus, tempestatibus, grandinibus, pestilentia, aliisque grauibz morbis, porro terrae motibus, lapideisque vel cruentis imbribus, tum praeter naturam hominum pecudumque portentis, denique facibus visis coelestibus, nec non cometis, aut sole geminato adeo exterritos esse, vt vim quandam diuinam esse suspicarentur.

His causis, quibus deorum veneratio explicata est, vna tantum adici potest: sordida nempe adulatio, quae per omnem fere terrarum orbem deos creauit, et scelestissimis plurimum hominibus templa et aras constituit. Res nimis nota est, quam vt longa exemplorum serie opus sit, quae ex doctissimarum gentium, Romanorum nempe et Graecorum historia peti possent.

Inter causas adhuc collectas nulla profecto est, quae non inter plurimas vel saltem aliquas gentes deos genuerit, eorumue numerum auxerit. Nos vero hic non tam id quaerimus, quot de causis deorum notiones in hominum animis informatae sint, quam quae causa, vel si plures ponendae sunt, quae causae omnium primae hominem ad deorum cultum permouerint. Ad hanc quaestionem sic respondendum esse autumo: non vnicam causam, sed plures potius rationes inter eandem, atque inter diuersas gentes primam de diis opinionem genuisse, vel saltem gignere potuisse. Vt vero huius obseruationis veritatem intelligamus, in illa tempora ascendendum est, quibus hominum genus non ita longe e naturae genitricis sinu prodierat, illisque agrestium hominum cateruis simile erat, quae nostra adhuc aetate immensas Americae syluas, nec non Asiae et Africae solitudines pererrant. Primi itaque homines nulla experientia edocti, nullisque artibus et doctrinis perpoliti, tam res ipsas, quae sub eorum sensus cadebant, quam earum causas et mutationes penitus ignorabant, proptereaque, quidquid ipsis vel proderat, vel nocebat, vel etiam insolitum videbatur, pro naturis excellentioribus siue diuinis viribus praeditis, ea vero, quae praeter morem

ipsis tam laeta, quam tristitia accidebant, pro altiorum quarundam naturarum effectibus habebant. Ob eandem naturae ignorationem prisca mortales facile ad illam opinionem progrediebantur, diuinas naturas potentiorum hominum instar supplicationibus, nec non bonis et sacrificiis ad benefaciendum excitandos, atque a nocendo auertendos esse. Non solus itaque timor, siue terror, verum etiam gestiens laetitia, gratique animi sensus, nec non spes bona quaedam adipiscendi, malaue auertendi, denique stupor ille, qui in rudibus animis quauis re insolita effici solet, primae atque praecipuae causae fuere, quae deorum notiones et cultum inter homines generarunt. Haec sententia omnium fere religionum consensu comprobatur. Sicuti enim nulla vnquam fera, siue barbara gens existit, quae constanter bonos minimeque irritabiles vel ad iram pronos deos veneraretur, ita quoque nullus populus inuentus est, qui sola maligna numina ad nocendum semper procliuia agnosceret: quorum alterutrum factum esset, si vel sola laetitia, gratique animi sensus, vel solus metus et terror prima religionum causa fuisset. Omnes nationes bona aequae ac mala numina vel mutabiles saltem deos adorarunt, et licet non paucae fuerint, quae solos malos genios donis et sacrificiis placandos esse censerent, eadem tamen benigna numina non tam neglexerunt, quam nullis illa donis indigere, nullosque ab hominibus honores exigere putarunt.

Inter illos, qui in religionum originem inquisuerunt, mea quidem opinione illi longissime a veritate aberrarunt, qui attentam naturae contemplationem, eiusque operum admirationem homines ad diuinae naturae, atque vt plurimi sentiunt, ad veri dei cognitionem perduxisse arbitrati sunt. Non longus ero in refellenda sententia, quam iam aliquoties studiose examinaui, et nouo mox examini subiiciam. Hoc loco sat erit monuisse, barbaros homines omnium rerum, quae ad vitam non prorsus necessariae sunt, plane incuriosos esse, et nullum pulcritudinis, ordinis, atque conuenientiae sensum

sensum habere: eosdem porro multa quidem mirari, siue ad omnia stupere, pauca vero, vel nihil potius admirari, siquidem admiratio sine distincta eximiarum virtutum cognitione locum non habet: eosdem igitur ne ipsum quidem Solem et Lunam, splendidissima corpora, ob eorum magnitudinem et magnificentiam, verum potius ab eorum vim et vtilitatem adorasse: ipsos denique si quid admiran-
rantur, res illas, quae hunc animi affectum gignunt, non vero ipsarum auctores nullo sensu comprehensibiles tanquam deos venerari solere.

Ad illam rationem, quod attinet, quae ex rerum futurarum praedictionibus siue significationibus petita est, verum quidem est, nullam vnquam gentem fuisse, quae non crediderit, imagines per somnum animis nostris obuersantes, vel auium cantum atque volatum, vel certos quosdam extorum habitus, aliasque naturae mutationes futurarum rerum signa esse, atque hominibus a diis vel iratis, vel prouidis immitti. Valde vero dubito, an haec rerum futurarum signa, quae rudes homines obseruare sibi videbantur, primam illis occasionem dederit, de diis siue de naturis augustioribus cogitandi. Multo probabilius est, res ipsas, rerumque conuersiones, quae magnas hominibus vtilitates damnaue afferebant, siue eorum animos vehementiori ictu feriebant, has inquam res prius quam earum signa pro diis aut deorum effectibus habitas esse.

Quodsi vero probari posset, rerum futurarum praesensiones vsquam deorum notiones procreauisse, eadem tamen praesensiones non pro peculiari aliqua deorum cultus causa reputandae, verum inter illas res referendae essent, quas hominum animos vel spe, vel metu, vel etiam stupore impleffe, atque his animi motionibus primam deorum cogitationem genuisse supra monui.

Multo minus probabilis eorum scriptorum sententia est, qui sapientes siue callidos viros deos finxisse, vel se ipsos quoque

pro altioribus naturis venditasse putarunt, ut eo maiorem sibi auctoritatem conciliarent, atque indomitis populorum animis salutare fraenos iniicerent. Fatendum quidem est, non paucos rerum publicarum conditores, vel rectores novos et antea inauditos deos inuenisse, atque in ciuitates suas introduxisse. Neque hoc etiam negari potest, multos reges ac principes viros deorum maiestatem sibi vindicasse, atque vel meritis et virtutibus suis, vel astutia quoque diuinos honores meruisse. Verum denique est, deorum inuentores religionis vi, atque praestigiis nonnunquam in populorum salutem, saepius vero in eorum perniciem usus esse. Nihil tamen minus in vniuerso historiae ambitu ne vnicum quidem exemplum me deprehendisse memini: versutum aliquem virum populo deorum notioni antea non imbutum numen a se ipso compositum annunciasse, vel se ipsum tanquam spirans aliquod numen obtulisse. Quamuis autem eiusmodi exemplum ex ignoti cuiusdam populi monumentis erui posset, attamen ne tum quidem dici posset, vnius hominis sapientiam vel versutam simulationem primam deorum notionis et cultus inuentricem siue causam fuisse. Ut enim quis deum vel deos fingeret, siue se ipsum tanquam diuinis virtutibus praeditum commendaret, necesse erat, ut diuinae eiusmodi naturae notionem vel ex aliorum hominum institutione, vel ex naturae obseruatione, vel etiam ex aliis fontibus hauriret *b*).

Huic breui de religionum origine disputationi appendiculae instar succinctam deorum per omnem terrarum orbem cultorum descriptionem adiiciam, quam non diffiteor, me post operosam demum omnium religionum comparisonem inuenisse. Quamcunque igitur deorum turbam hominum superstitio collegit, ea omnis in tria genera dispeSCI potest. Primum genus *Fetissos* continet, quod vocabulum retinere non dubito, cum illud in omnium paene populorum linguis tritum ac peruulgatum sit. Sub hac voce, cui Americae incolae *Okki* vel *Manitu* verba substituunt, Africae populi non

b) Sext. IX. 31-39 f.

non tantum infinitam rerum terrenarum, et sensibus nostris obuiarum varietatem, verum etiam diuersa opera, humanis manibus effecta venerantur. Hic Fetissorum cultus omnium antiquissimus, atque per plurimas nationes diffusus est, et nulla vnquam tam docta vel indocta gens reperta est, quae non vnā alteramue Fetissorum speciem adorauit: iis solummodo populis exceptis, qui deorum naturam prorsus ignorarunt. Quaedam gentes aera, tempestates, et ventos coluerunt, vel adhuc colunt. Aliae ignem, terram, nec non montes, oceanum, flumina, fontiumque origines: aliae nemora, arbores, frondesque et truncos: aliae denique lapides, ossa et singula membra, siue ollas et vasa omni fordium et quicquiliarum genere, referta. His naturalibus diis non contentae pleraeque nationes alios sibi fetissos vel pinxerunt, vel e terra, ligno, lapide, ossibus, metallisque finxerunt, iisque tam humanas quam monstrosas formas tribuerunt. Licet vero in diuersis gentibus, et saepius in eadem familia incredibilis Fetissorum varietas inueniatur, omnes tamen gentes vel in placandis Fetissis suis, vel in iisdem terrendis, castigandis, et funditus euertendis miro modo congruerunt. Vna inprimis re Fetissorum cultores inter se differre animaduerti. Quidam enim Fetissos siue deos suos a rebus corporeis, quas secum circumferunt, vel in hortis, agris, domibusque suis collocant, cogitatione saltem secernunt, eosque spirituum nomine appellant, quos in rebus corporeis habitare, atque cum iisdem indissolubili nodo coniunctos esse autumant. Ita de Fetissis suis cogitant Sineses, Lappones, Groenlandi, aliaeque gentes ex Mongolica stirpe oriundae. Longe vero plurimae nationes res ipsas, quas Fetissos nominant, non ob deos in iisdem habitantes, verum ob diuinas quasdam et abditas vires a rebus minime separabiles venerantur. Fetissorum generi omnia diuina animalia, omnes Phallo-
rum species, omnes ignoti, et non nominati dii, denique allego-
rica numina, virtutes scilicet, vitia, morbi, aliaeque mentis notio-
nes et figmenta annumeranda sunt. Omnia haecce numina ex
iisdem

iisdem causis, atque eodem fere modo, quo Fetissi proprie sic dicti, culta fuerunt.

Secundum deorum genus homines inter deos relatos, nec non deos humana figura praeditos complectitur. Hominum tam viventium, quam mortuorum, imprimis deorum manium cultus eiusdem cum Fetissorum cultu antiquitatis est, neque tamen inter tot gentes disseminatus fuit. Vt enim homines mortuorum animos venerarentur, non tantum ipsos credere oportebat, defunctorum mentes post corporum mortem durare, verum easdem quoque in eiusmodi conditione et locis versari, vnde quoties vellent, vel certis saltem temporibus in terram reuerti, et propinquis vel amicis suis tam prodesse, quam nocere possent. Vt vero spirantes homines adorarent, non semper excellentibus virtutibus, egregiisque factis et artibus opus erat: neque etiam opinione, certos quosdam homines diuinae originis esse, vel a diuinis naturis ipsorum pectora incolentibus regi; sufficebat saepe insigne aliquod corporis siue animi vitium, vt homines pro diis haberentur. Omnes fere barbarae gentes coecos, aut mutilatos, imprimis vero stupidos et imbecillos homines tanquam diuinos, aut deorum numine repletos viros colunt; neque igitur sine aliquo iure dubitari potest, hominumne error maiorem deorum multitudinem ob eorum virtutes, an vero ob eorum vitia et imbecillitates, procreauerit. Postquam vero homines tam maiores suos generatim, quam singulos homines viuos et mortuos inter deos referre consueuerant, tum sensim sensimque reliquos etiam deos humana forma induere, atque sub humana figura cogitare et fingere coeperunt. Idem quoque iis populis accidit, qui neque maiorum animos, neque immortales viros a terra in coelum profectos diuinis honoribus affecerant. Causa vbiuis eadem erat: humanae mentis nondum adultae procliuitas, reliquas naturas omnes sibi similes cogitandi et efficiendi. Quaecunque vero nationes deos vel ex hominibus natos, vel hominibus saltem similes agnoscebant, eae omnes varios deorum ordines impari digni-

dignitate et virtute ponebant, simulque regnantium familiarum, imperantiumque deorum successiones defendebant. Iisdem porro gentibus placebat, inter deos humana forma praeditos sexus differentiam inueniri, et vtriusque sexus deos cum hominibus misceri, atque liberos mixtae siue dubiae naturae procreare. Iidem denique populi firmiter credebant, deos suos interdum apparere, atque mortalium oculis sese offerre, non vero in aliam cogitationem incidebant, deos nempe sponte hominum atque animalium, imo etiam rerum inanimatorum formas assumere, atque sub his formis per multos annos in terra versari. Hanc opinionem inter illos tantum populos inueni, qui illud sibi persuasum habebant, hominum animos post mortem ex aliis in alia corpora migrare, vel vt meritas poenas luant, vel vt a peccatorum sordibus purgentur. Aegyptii igitur, Indi, reliquaeque Asiae nationes, quae caerimonias atque opiniones ab Indis deriuarunt, atque animorum migrationes inter philosophiae suae, vel popularium religionum praecepta receperunt, voluntarias quoque deorum in varia corpora transformationes vel crediderunt, vel adhuc credunt.

Tertium deorum genus solem, lunam, caeteraque sidera continet. Hic corporum caelestium cultus neque ita antiquus, neque etiam tot gentibus communis est, quam Fetissorum, deorumque hominibus similitum adoratio. Perpaucae enim earum gentium, quae in vastis Americae syluis latitant, quaeue in aliis terrae partibus perpetua hyeme, tristiue coelo premuntur, ac pisces tantum et feras in alimentum captant, ea corpora venerantur, quorum splendor etiam ferissimorum hominum animos et oculos perstringere debere videtur. Quando vero homines vel gregibus alendis, vel agris colendis operam dare, atque solis inprimis et lunae salutarem vim sentire incipiunt, tum benefica haecce sidera antiquioribus diis non solum aggregare, verum iisdem quoque praeponere, longeque augustioribus caerimoniis venerari solent.

Inter haftenus memorata deorum genera nullum est, quod non sub ipsam fere religionum originem humana imbecillitas imaginibus

siue simulacris effingere, atque sensibus quodammodo subiicere conata sit. Et primum quidem homines vel maiorum suorum, vel singulorum hominum, diis adscriptorum memoriam rudibus simulacris conseruarunt; postea vero omnes Fetissorum species, nec non ipsa sidera, inprimis solē et lunam variis imaginibus repraesentarunt. Non paucae tamen nominari possunt gentes, inter quas Fetissorum, corporumque caelestium picturae, atque statuae inuentae sunt, quaeque nunquam maiores, vel heroas veneratae erant, eorumue simulacra effecerant. Omnes vero imagines, quibus vnquam deorum formae expressae, quaeque pro sacris deorum sedibus habitae fuerunt, ab iis imagunculis sollicitè distinguere debemus, quas innumerae gentes non solum tanquam deorum domicilia, verum potius tanquam praesentes deos veneratae sunt. Hae imagunculae, quas supra iam inter Fetissos retuli, ista simulacra, quae deorum formis exprimendis destinata erant, vetustate longe superant, atque inter multos agrestes populos reperiuntur, qui praeter Fetissos suos nulla alia numina agnoscunt, vel saltem de elaborandis maiorum suorum, aliorumque deorum imaginibus nondum cogitarunt.

Sicuti vero nullum deorum genus est, quod non imaginibus expressum fuerit, ita quoque nullum deorum genus, nullaeque species existit, quae non in duas classes diuisa sit: in benigna scilicet, atque malefica numina. Barbarae enim gentes infestos deos non solum inter Fetissos, verum etiam inter maiores suos, hominibusque similia numina, nec non inter ipsa caelestia corpora inuenerunt. Quemadmodum autem simulacra, siue deorum figurae et domicilia non nouum aliquod deorum genus constituunt; ita quoque maligna numina pro peculiari deorum genere haberi non possunt, verum inter tria genera a me posita distribui debent.

C. G. HEYNE
DE
FONTIBVS ET AVCTORIBVS
HISTORiarVM DIODORI
ET DE EIVS AVCTORITATE
ET AVCTORVM QVOS SEQVITVR
FIDE AESTIMANDA

COMMENTATIO ALTERA AD LIBROS II—V.

RECITATA IN CONSESSV

D. XXIV. JULII A. MDCCLXXXIV.

Quam scriptionem me grauibus de causis suscepisse professus sum, AA. vt, cum magna pars veterum historiarum, quae in nostris libris historicis exponuntur, ex Diodoro petita sit et peti soleat, aliis auctoribus ex antiquitate nos deficientibus, in huius hominis fidem et auctoritatem paullo accuratius inquirerem, eam nunc pace vestra ita persequar, vt quae libris quatuor priorem excipientibus tradita sint, fabulosa pleraque, ex quibus fontibus ducta sint, indagando exquiram. Complectuntur autem libri hi historias fere eas, quarum cognoscendarum maxime auidi esse solemus, inprimis in puerili aetate, et de quibus, vbi mentē et animo confirmati sumus, vel maxime ambigimus; *res* inquam *Assyriorum, Babyloniorum, Chaldaeorum, Medorum*, tum de *India, Scythia, de Amazonibus et Hyperboreis*, inde de *Arabia et Taprobane* libro SECVNDO; TERTIO autem de

K 2

Aethiopia,

Aethiopia, Troglodytis, Arabia; inde de Amazonibus Libyae, de Atlanteis et de Dionysi rebus narrationes quas appellat Libycas; tandem libro QUARTO et QUINTO mythos Graecanicos. Nec vero, cum in his excutiendis et trutina expendendis collocaui operam, rem me parum fructuosam et auditu cognituue tantum iucundam, agere putavi: quandoquidem non modo multarum rerum, de quibus liberum esse potest in vtrum modum statuas, fides per illa aut eleuatur aut firmatur, verum et multarum rerum auctoritas inde pendet, quae vel ad librorum sacrorum, inprimis prophetarum effata et oracula, vel ad philosophicorum placitorum originem et vetustatem, aliae ad historiam litterarum, naturae, terrarum inprimis, hoc est ad geographicas notitias, ad locorum situs et naturas, animantium hominumque mores; iis inprimis terris, quae nostra aetate parum adiri solent, vt Africae et Asiae interiora, spectant. Ita multa sunt, quae de homine in conditione et statu, quem vocant, non modo siluestri, sed et belluino constituto, hoc est de populis quibusdam Africae in primis humanitatis incunabulis versantibus, a Diodoro narrantur: quae vtrum veris an falsis similia sint, ad historiam, quam nostri vocant, hominis, hoc est vicissitudinum conditionis modorumque, quibuseae humanam naturam afficiunt, haud parum interest. Multa sunt alia fabulose tradita, quae si pro veris habeantur, vt haberi solent, generis humani historiam rerumque humanarum progressum turbant et euertunt. Nota sunt quae cum superioribus saeculis a Rudbeckio et aliis, nostro autem a Curtio Gebelino aliisque in medium prolata sint, ad condendum nouum historiarum systema ad certas nouellas hypotheses accommodatum, quae quidem magna parte nituntur narrationibus his Diodori parum subtiliter, veraene an commentitiae essent, exploratis. An acutissimus homo *Bailly* Astronomus commenta sua de primitiuo aliquo populo in boreali Asia rerum potito prolaturus fuisset, si ille tenuisset, veterum historiarum ambitum populorumque origines et successiones scriptorumque fidem, quibus in rerum generibus

bus amplecti in quibus deferere fas sit? An Atlanteos iactabit aliquis, qui assequutus sit ea, quae de Atlanteis in Platone et in Diodoro tradita sunt, non historica niti fide, sed ab primis auctoribus partim mythorum vetustiorum interpretandorum causa, partim ut disputationibus philosophicis pro vehiculo essent, esse inuenta et excogitata? Audire saltem debebant viri docti ipsum Diodorum, qui „se praemittere velle populorum historiis τὰ μυθολογούμενα a) ex more aliorum antiquiorum scriptorum, qui mythos historiis a se scriptis praemittere instituerant,„ proficitur b). In quo quidem per se nihil erat, quod reprehenderes; modo mythi, hoc est, ea, quae antiqua fama a maioribus accepta, plerumque a poetis ornata sunt, accurate satis ab historiarum fide secernantur. Non igitur parvam gratiam me viro- rum doctorum initurum esse arbitratus sum, si vno in loco ex vetere historia quae exturbanda sint, tanquam fabulose tradita, quae reti- nenda utpote cum fide et auctoritate narrata, exponerem, ut tandem aliquando desinant, qui quidem nos audire volent, Diodori fide pro- miscue uti, tanquam in omnibus et singulis eodem modo aut depri- menda et aspernanda, aut mirifice extollenda et celebranda.

Exorditur autem Diodorus libro secundo res *Affyriacas*, quas quidem vnde hauserit, expedita res est, cum ipse se, relicto Hero- doto, *Ctesiam* auctorem habere professus sit c): etsi et alios quos se

K 3

ante

a) Diod. I, 4. πεποιήμεθα δὲ τὴν ἀρ- χὴν τῆς ἱστορίας ἀπὸ τῶν μυθολογούμε- νων παρ' Ἑλλήσι τε καὶ βαρβάροις, ἐξε- τάσαντες τὰ παρ' ἐκαστοῖς ἱστορούμενα κατὰ τοὺς ἀρχαίους χρόνους ἐφ' ὅσον ἡμῖν ἡ δύναμις· hoc quidem postremum parum sollerter parumque diligenter. Add. lib. IV, pr.

b) Actum de hoc ad Apollodor. T. III. p. 926 sq. vbi ei, quem primum mythos historiis praefixisse dixi, Ana-

ximeni praecessisse dicendus erat *Dio- nysius Milesius* in Cyclo, de quo mox dicam.

c) Diodor. II, 2. nomina populorum a Nino victorum se ἀκολούθως Κτησιᾶ τῷ Κνιδίῳ apponere. c. 5. de numero co- piarum Nini in Baetrianos ducendarum ὡς Κτησίας ἐν ταῖς ἱστορίαις ἀναγέγραφε. c. 7. de Nini monumento, et de Ba- bylonis moenibus. c. 15. in Semirami- dis expeditione in Aegyptum et Aethio- piam,

ante oculos habere ait, memorat. Ita (c. 20.) de discessu e vita Semiramidis contra Ctesiam *Athenaeum* laudat et alios: in quibus forte *Dinon* fuit, nam et is iis, quae ibi narrantur, similia tradiderat, etsi non minus fabulosa, quam quae a Ctesia erant perscripta *d*). Fuere etiam alii rerum Assyriacarum scriptores *e*). Verum eorum, quae a Diodoro tradita sunt, summa, ad Ctesiae fidem redire videtur. Iam subtiliore virorum doctorum iudicio *f*) satis diligenter ea eum

pam, quo et spectat locus lib. I. c. 56. extr., de Aethiopum sepultura aduersus Herodotum; et c. 20. sub finem eorum, quae de Semiramide narrauerat: Κτησίας μὲν οὖν ὁ Κυίδιος περὶ Σεμιράμιδος τοιαῦθ' ἱστορήκεν. c. 21. fin. de annis imperii Assyriorum. Inprimis vero c. 32. post ea, quae de Medorum regno ex Herodoto attulerat, de Ctesia agit, qui XVII annis apud Artaxerxem Mnemonem medicinam exercuerat: οὗτος οὖν φησιν ἐν τῶν βασιλευσῶν διφθέρῳ. Ipsa Ctesiae verba obseruarunt viri docti c. 23. de Sardanapalo, ex comparatione Athenaei XII, 7. et c. 26. de missis ab eo liberis in Paphlagoniam; comparato eod. loco. In Ms. Scorialensi Excerptorum, ad calc. Polyaei, de quo inf. commemorantur Γυναῖκες ἐν πολεμικοῖς συνεταῖς καὶ ἀνδρεῖσι, in his primo loco Semiramis: de ea ex Ctesia narratio fit. Ibi pastor appellatur *Simois* (pro *Simma* vt ap. Diod. II, 4. f.) *Menones* autem, praefectus, qui eam duxit secundum Diod. ib. c. 5. *Onneus*: vt adeo in Diodoro legendum fit: οὗτος δὲ ἐκκαλεῖτο μὲν Ὀννης, quod et codd. habent.

d) v. Wesf. c. l.

e) In his *Cephalion*, e quo locus est apud Syncell. p. 167. Ad fabularum Graecarum calculos is Assyriaca reuocauerat; diuersus ab eo Cephalo Ger-

gethius, antiquus scriptor: at alter ille σύντομον ἱστορικὸν a Nino ad Alexandrum scripserat, libris IX Musarum nomina inscripta habentibus, Photio lectum c. 68. Eius quoque mentio fit in Mose Chorenensi lib. I, 17. *Bionem* et *Alexandrum Polyhistorum* laudat idem Syncell. p. 359. Egerant praeterea de Assyriis antiquiores *Berosus*, posthaec *Thallus*, *Castor*, *Apollodorus*.

f) Ctesias Xenophonti fere aequalis, et ab hoc iam laudatus, ex XXIII lib. rer. Persicarum tres priores rebus Assyriacis, tres sequentes Medicis consumserat. Rerum Persicarum narratio deducta erat vsque ad Ol. 95. 3. qui est annus septimus Artaxerxis II, Memnonis dicti. v. Diod. XIV, 46. De eius fide post Henr. Stephanum iudicia meliora prostant multorum virorum doctorum, qui res Assyriorum, Medorum ac Persarum aut narrando aut excutiendo et comparando cum aliis historicis attigerunt: secundum Freretum *Hist. de l'Acad. des Inscr. Mem. To. V. p. 350* sqq. et alios, quos Baumgarteniana diligentia notauit, addam *Bougainvillium To. XXIII. init.* Quae ex Ctesiae Persicis depromserat Diodorus, lib. IX et X. comprehensa fuere; at illi sunt inter libros Diodori deperditos. cf. inf. de his lib.

eum in modum constituta est, vt; etsi fabulose multa, nonnulla forte in maius aucta quam ipse acceperat, in physicis imprimis, et in Indicis, tradere potuerit, non tamen commentitia prorsus commemorauisse videri debeat. Scilicet ferebantur, vt apud ceteras gentes, sic inter populos orientis narrationes heroum veterum mythicae variis modis exornatae: in his nomina clara, quae per Ninum, Semiramidem et sic porro reddita sunt: de his si commemorauit auditu et lectu accepta Ctesias, non erat cur fraudis factae ipse accusaretur. Potuere in iis esse multi multorum populorum etiam Indorum mythi in vnum populum cumulati. Si haud pauca, ex eo quidem aliorum opera repetita, (nam si ipse Ctesias superstes foret, de multis expeditius iudicium foret) non satis conueniunt cum Herodoto et aliis: primum in rebus ex tam remota antiquitate repetitis et fama hominum per plures populos et aetates acceptis mirationem id non habet; tum nomina prouinciarum, regum, satraparum permutata in multis turbas intulisse videntur: at Diodoro vitio dare licet hoc, quod in exscribendo Ctesia parum diligenter ac subtiliter versatur, in temporibus notandis imprimis negligentissimus; quodque idem narrationes diuersorum scriptorum interdum adiunxit, nec tamen in causas dissensus vlla cura adhibita inquirere maluit. De *Babylone* porro *Clitarchum et qui cum Alexandro in Asiam traiecere g)* commemorat: (c. 7.) verum non magis illi alia, quam quae fama erant tradita, narrare potuere; interierant enim iam tum vulgata illa antiquitatis miracula, (c. 9. extr.) in his imprimis, quod omnia superabat, Beli templum. De Memnone Tithoni f. Priamo opitulatum misso iam Ctesias narrauerat: saltem eo in loco (c. 22. extr.) *in regiis commentariis illa descripta a barbaris asseruari tradit h)*: scilicet compara-

g) Ex Clitarcho et ex iisdem plura inf. lib. XVII. in rebus Alexandri petita videbimus: v. Wesfeling. p. 219 o) vbi cf. Schneider. V. C. ad Demetr. de Elocut. sub f. item p. 230.

h) περί μὲν οὖν τοῦ Μένονος τοιαῦτα ἐν ταῖς βασιλικαῖς ἀναγραφαῖς ἱστορεῖσθαι φασὶν οἱ βάρβαροι.

comparatione temporum facta similem heroem in Assyriis repperat Ctesias, in quem narrata quodammodo conuenirent; forte et nomen simile in Asia celebratum fuit: ita Suis Memnonium in Strabone commemoratum legimus.

Locus interpositus est de *Chaldaeis* (c. 29. 30. 31.) haud dubie ex alio auctore, et, quantum quidem ex postremis verbis c. 31. intelligere licet, vno ex scriptoribus post Alexandrum. Agnoscas tamen facile scriptorem, qui rhetorice illa, quae de Chaldaeis acceperat, ornauit, partim in scientia horum hominum ad miraculum usque euehenda, partim in laudando eo instituto, quod eodem genere et ordine nati homines a patribus acceptam philosophiam suis liberis ipsi mandabant. Omnino locus de Chaldaeis in veteris historiae cognitione vexatissimus ex Diodoro parum lucis accipit. Ista quidem aetate, de qua scriptor agit, eo nomine ordo hominum certae stirpis et familiae litterarum studiis vacantium veniebat: eae autem litterae inprimis astrologiae studio continebantur. Si a priscis illis Chaldaeis, quos Babylonem occupasse constat, originem duxere, varia fortuna hos quidem usos esse necesse est; ita ut inter Babylonios Babyloniorum artibus eruditi, ingeniis et moribus expolitis, haberent inter se philosophorum ordinem certas familias aut stirpes complexum, qui, reliqua post Babylonios Chaldaeorum gente extincta, ipsi superessent, et sapientium collegium aliquod constituerent ⁱ⁾. Post Alexandri tempora defecisse illud videtur, Babylone vacuefacta, incolis a Seleuco Seleuciam abductis; etsi ille iis vicum urbis circa Beli templum habitandum reliquerat. (Paus. I, 16 extr.) Strabo de iis (in praeclaro loco XVI. p. 1071) loquitur, tanquam adhuc diuersas vrbes tenentibus, nec alio modo Plinius (VI, 26 f. 30) sed hic antiquiorem aliquem exscripsit.

Redit

ⁱ⁾ Nam Chaldaeos philosophos e Babyloniis stirpe Aramaea fuisse, nomine Chaldaeorum in hos translato, vix probabile fit.

Redit inde Diodorus ad *Ctesiam* in iis quae de *Medorum* imperio (c. 32-34) et mox de *India* (c. 35-42) tradit; videtur tamen e *Megasthene* et aliis, qui post Alexandrum de India scripsere, fabulas de Dionysio et Hercule inseruisse; quarum forte fundus aliquis esse potuit hactenus, quod Indi de aliquo prisco heroe narrare solebant qui meliorem vitae cultum per gentes circumtulisset; iam ista, quippe iis similia, quae de Baccho vel Hercule ferebantur, transferebant ad eos Graeci. Ceterum in his admittendis iudicium parum subtile adhibuit Diodorus.

Quae inde de *Scythis* (c. 43. 44.) et de *Amazonibus* (c. 45. 46.) sequuntur, quem auctorem habeant, nondum reperio; etsi eum leuissimum hominem fuisse satis certum habeo: quae enim de *Amazonibus* narrantur, ex Graecis poetarum fabulis conficta sunt, de *Scythis* autem deserto Herodoto, qui in hoc loco scriptor erat grauissimus, Graeculo obsequutus est, qui partim mera commenta de gentis origine tradere, partim ea, quae de vna et altera *Scytharum* tribu memorata erant, ad totam gentem referre maluit. Vnum illud notatione dignum est, quod de duabus coloniis per *Scythas* ex Asia ductis, apposuit, altera *Affyriorum* in *Paphlagoniam*, altera *Medorum* ad loca circa *Tanaim*, quae *Sarmatarum* origo fuit.

Nec magis iudicii acuti historicum declarant illa, quae de *Hyperboreis* subiungit: nisi in eo, quod auctorem, quo usus erat, subiungit, *Hecataeum* ex numero eorum, qui *veteres mythologias scripto tradiderant* k). Fuit is *Abderita*, *Alexandri* et *Ptolemaei* *Lagidae* aequalis: quem *περὶ τῶν Ὑπερβορείων* commentatum esse satis constat. Si ea, quae Diodorus affert, eodem modo ab ipso
expo-

k) c. 47. τῶν γὰρ τὰς παλαιὰς μυθολογίας ἀναγεγράφτων Ἑκαταῖος καὶ τινες ἕτεροι φασιν. cf. Wessél. e. l.

exposita fuere, illum diuersorum hominum, temporum rerumque, fabulas in vnum miscuisse manifestum fit. Scilicet ea, quae principio de populis ad septentrionem et occidentem Graeciae habitantibus narrata erant, geographicae rationis ignoratione varie tradita et ornata fuerunt a poetis ¹⁾, inale mox eadem inferri coepta in historiarum libros. Quo latius autem longiusque modo septentrionem modo occidentem Europae habitari innotuerat, eo longius Hyperboreorum sedes variis modis prorogatae sunt; cumque omni Europa in notitiam adducta nullus locus iis superesset, ecce ad insulas versus septentrionem sitas deducti sunt Hyperborei. Fabularum igitur ad tempora, terras et homines diuersissimos spectantium congeriem Hecataeus in insulam aliquam Galliae ex aduerso positam importauit.

Scriptorem, qui post Alexandrum vixit, auctorem habuit quoque Diodorus in iis quae de *Arabia*, de animantibus frugibusque in ea nascentibus, subiunxit (c. 48-54.) forte tamen non vnum eundemque. Partem quidem priorem ex *Hieronimo Cardiano* haustam esse suspicor ex loco de Petra et de Asphaltite, qui iterum insertus legitur lib. XIX, 97. 98. 99. comparato c. 100. et XVIII, 42. ^{m)} in caeteris *Agatharchidem* praeiuisse coniecere licet, forte et *Artemidorum*, vt ex Strabone assequaris (XVI, p. 1120 sq.) verum de his tutiora tradere licebit, si quis hoc in rerum genere cum maxime versatus scriptores alios de metallis, lapidibus ac feris Arabiae, inque his de struthocamelis et camelopardalibus agentes contulerit; nam mihi ad haec descendere nunc non licuit.

Tandem

1) cf. Notae ad Apollodor. p. 409 sq.

^{m)} cf. Spicilegium antiquitatis mumiari. Commentat. Soc. R. Sc. To. III. p. 92. Firmantur haec verbis libelli inediti, quem descriptum a se in Bibliotheca Scorialensi, ad calcem Polyaei Ms. adiectum, *Κρήνας καὶ Λίμνας καὶ Πη-*

γὰ καὶ Ποταμοὶ ὅσοι θανμάσια τινα ἐν αὐτοῖς ἔχουσιν, communicauit mecum Tychsen V. C. in quo legitur: *Ἰσράνυμος ἱστόρησεν, ἐν τῇ Ναβαταίων χώρᾳ τῶν Ἀράβων εἶναι λίμνην πικρὰν, ἐν ᾗ οὐτ' ἰχθὺς οὐτ' ἄλλο τι τῶν ἐνύδρων ζώων γίνεσθαι. ἀσφάλτου δὲ πλίνθους ἐξ αὐτῆς αἰρεσθαι ὑπὸ τῶν ἐπιχωρίων.*

Tandem narratio fabulosa de *Taprobane* insula subiicitur, ex *Jambulo*, quod ipse praefatur (c. 55 ad f.) At sunt in ea nonnulla quae fundum veritatis habent; imprimis hoc, quod ista insula (Ceylan s. Zelan nostri appellant) quae nunc vnus hominis dominationis lubidini et impotentiae subiecta est, illo tempore incolas habuit per tribus ac vicos distributos *n*); nec enim alia regiae dominationis arbitrio vnus relictæ origo facile fuit.

In his itaque, vt summatim dicam, quae hoc libro pertrahit Diodorus, vix aut diligentis dilectus, aut subtilis et acuti iudicii laudem meretur; multo minus consentaneum est, eum tanquam principem auctorem eorum, quae ex aliis isto, quo diximus, modo concinnauit, celebrare et super iis, quae non sua, sed aliorum fide tradit, D. aut M. annis ante se gesta, ad eius fidem prouocare.

LIBER TERTIVS Diodori rebus *Africae* partem maximam occupatur: qui quidem terrarum tractus vt accuratiore notitia nobis cognitus esset, si quid aliud in votis habendum erat. Non enim nos aut rerum naturae, aut humani generis scientiam habituros esse satis perfectam et absolutam arbitror, nisi *Africae* interiora melius cognita habuerimus, neque vllam historiae naturalis partem recte sibi constare posse, ante quam aut *Aethiopiae* montes superaverint aut deserta pererrauerint viri intelligentes ac fide digni. Mul-

L 2

tarum

n) *Cosmae Indopleustae* tempore duo reges erant sibi mutuo infesti lib. XI. p. 397. Ferunt adhuc nostra aetate duas diuersae originis gentes insulam tenere, alteram *Singalesium* qui dominatui regio, nonnunquam crudelissimorum tyrannorum, obnoxii sunt, alteram *Braminorum* et *Malabaricae* stirpis ex *India* profectam, quae et ipsa aliquando reges suos habuit; huic admixti sunt

Arabes, vulgo *Mauri* dicti, *Muhammedicae* religioni addicti, tum ex *Hollandia* aduenae, qui *Lusitanis* expulsis, terras versus aquilonem sitas tenent. Gentem aliam *Singalesibus* antiquiorem aliquando insulam tenuisse, suspicari licet ex antiquis monumentis, quae supersunt: cf. *Wolf Reise nach Zellan*, T. II. p. 39. *Knox* p. 165.

tarum enim rerum, vt ita dicam, officinam in his terris constituisse videtur natura, quas aliis terris inuidit; inprimis animantium naturis et infinitis generibus proprium illud solum et tanquam natale patriumque esse voluit; de caeli vero solique vi in humana ingenia disputatio omnis erit manca et imperfecta, quamdiu de diuersis Afro- rum ingeniis moribus institutisque tam pauca recte tenebimus. Ideoque cum veteres plura de Africa tradiderint, quam quidem recentiores, cum aditus ad multa loca olim liberior fuerit, veterum de Africa narrata inprimis cognitu vtilia arbitrör, in votisque habeo maxime duo: primo, vt existat aliquis, qui naturae cognitione humanique generis historiis satis instructus omnia de Africa ex antiquis iuxta ac recentibus libris colligat, ad rerum fidem aut probabilitatem et ad critices historicae canones exigat, eaque adeo, quae aut fidem aut probabilitatem habeant, seiungat a falsis ac commentitiis; alterum est, vt existant inter reges et principes Europae, qui peregrinationum in interiora Africae, ab oriente non minus quam ab occidente et aliis partibus, studia incendunt, sua liberalitate sustentent, eaque re litteris opportunitatem eam afferant, vt lacuna illa, quae in ingenti illa naturae tabula studium omne tanquam hiatu intercipit, et rationes a viris doctis subduci solitas turbat, tandem aliquando expleatur; quibus vbi accesserit interior aliqua notitia terrarum vltra Gangem sitarum, pauca erunt, quae ad globi nostri terraquei animantiumque in eo degentium humanique generis historiam praeterea requiri debeant.

De *Aethiopibus* quae narrat Diodorus, non vnus eiusdemque auctoritatis ea sunt: nam primo de eorum rebus et origine nonnulla apponit, opinione potius et coniectura, quam idonea aliorum fide et auctoritate; inde (a cap. 12.) geographica subiicit, quae praeclara sunt et ex *Agatharchide* petita, vt statim videbimus.

Primo

Primo igitur (a c. 1-10) Aethiopes non modo indigenas esse tradit, id quod condonari poterat, verum et Aegyptios ab iis ductos esse: qua in re auctorem, quem quidem sequutus sit, non edit; Graeculum eum fuisse nescio quem manifestum sit, qui non fide hominum narrata haec acceperat, sed sophisticè ac rhetorice Aethiopum origines Aegyptiacis primordiis antetulerat: intelligitur hoc ex rationibus quas affert de animantibus ex terra calore solis generatis, tum de Aethiopum pietate ab Homero celebrata; porro Aegyptiaca inuenta et instituta, cum Aethiopibus communicata, (cf. Herod. II, 30 et v. paullo post) ad Aethiopes tanquam auctores transfert: inter quae parum doctè litteras hieroglyphis antiquiores fuisse censet. Similia somnia etiam leguntur apud scriptorem libelli Luciani de Astrologia. Verum abiicienda haec de Aethiopum antiquitate et ex libellis historicis eiicienda esse, statuet mecum, quisquis ea fundo idoneo destituta et ab hypothese temere concepta esse profecta cognouerit.

Meliora argumenta aliunde duci forte poterant; et primo quidem probabile admodum esse, ex editioribus Aethiopiae locis homines descendisse ad Aegypti campos: quod quis neget? modo illos homines barbaros fuisse concedas, non vero cultus humanioris inter Aegyptios auctores. Ex superiore Aegypto ad inferiorem incolendam progressum factum esse nemo dubitet; fuere quoque Aethiopum regum dynastiae in Elephantine constitutae: nec tamen ex his cogitur, illos cultum et religiones Aegyptiorum secum intulisse; etsi ritus et instituta forte nonnulla vicinis Aegyptiis communicari potuere. Fraudem porro in nomine Aethiopum obici memineris, tam parum finito eo et constituto, ut modo in vltiore austro, modo ad Aegypti fines, modo in Aegypti finibus incolentes aduenas ex austro, eo nomine designatos videas, nulla ceteroquin originis verae ratione habita.

Subiicit inde (a c. 5.) alia Aethiopum instituta, quae tamen ad vnum tantum ex iis populum, qui *Meroen* insulam et urbem in Nilo sitam incoluit, sunt reuocanda; quod et ipse (sub c. 7. f.) tandem monet, quodque comparatione Strabonis (lib. XVII. p. 1177. C.) facta intelligitur. Quem auctorem sequutus sit, discere licet ex c. 11., *Agatharchidem* scilicet *Cnidium* lib. II. rerum *Asiaticarum* (τὸν περὶ τὴν Ἀσίαν) et *Artemidorum Ephesum*, libro VIII. *Geographiarum*; ut tamen ea deligeret, quae ipse, cum in Aegypto versaretur, auditu acceperat, tum a sacerdotibus Aegyptiis, tum a legatis Aethiopum. Interspersa forte nonnulla sunt ex *Ctesia*, qui ubi de Semiramidis in Aethiopes expeditione agebat res Aethiopicas attigerat, saltem sepulturam corporum vitro obductorum, (hoc est bitumine, seu gummi, vernicem nos appellamus) o) nisi eundem, tanquam popularem suum, iam Agatharchides adhibuerat. Putes tamen plura Diodorum de Aethiopibus his rescire potuisse; nam Romani eo tempore Petronio duce in Aethiopiam usque ad Napata progressi erant, sub a. V. C. 731. 2. (v. Strabo l. c. p. 1175.) ipse autem Diodorus tertio hinc anno adiit Aegyptum (a. 734.) ut adeo legatos, de deditioe a regina Candace missos, fuisse eos ipsos quos Diodorus conuenisse narrat credere liceat p).

Aethiopiae notio apud Homerum iam occurrit, etsi fabulosa, haecenus tamen memorabilis, quod alios orientem versus alios ad occidentem Aethiopes agnoscere videtur, de quibus multa disputat Strabo (I, p. 58 et al.) Agnoscit quoque utrosque, Asiae alios, Indis similiore, alios Africae, Herodotus (VII, 70.). Idem Herodotus iam de Meroe audierat, et XII dierum itinere ab Elephantine facto Aegyptios transfugas, qui sub Psammeticho recesserant, inter Aethiopes

o) v. Diod. II, 15. vbi cf. Wesseling. post Herod. III, 24. add. Strab. XVII. p. 1178. A. B. p. 1125. B.

p) Successisse alia bella post haec tempora in his locis, quibus facies eo-

rum immutata est, intelligitur e Plinio VI, 29 s. 35. vbi *missi a Nerone principe renuntiare solitudines usque ad Meroen.*

thiopes confedisse norat: qua ipsa re hoc Aethiopum genus Aegyptia instituta adsciuisse quis miretur? ipse quoque Herodotus iam tum mansuetiores Aethiopes receptis his accolis factos narrat (II, 30). Habitabant quoque permixti cum Aethiopibus Aegyptii in ipsis confiniis circa Elephantinen insulam Nili (II, 29). Acceperat idem fabulam de Sesostride illa loca cum copiis peruagato, (II, 102. add. Strab. XVII. p. 1114. A) et de Aethiopibus ab eo victis (II, 110.). Mox narrat Cambysem Aethiopes subiugare voluisse (III, 17 sq.): *macrobios* eos appellat, sede ultra conterminos Aegypto Aethiopes assignata; (add. III, 97.) viros proceris ac pulchris corporibus (III, 20.). Miserat ad eos Cambyses legatos ex Ichthyophagis ab Elephantine arcessitos, qui linguam callebant. Quam infeliciter res regi cesserit, ut exponam, opus non est. In Strabone (XVII. p. 1176 A) locus, quo exercitus perierit, memoratur inter Pselchen et Premnin, paruum puta; nec dum adeo ad Catarractam maiorem pervenerat. Susplicari adeo licet *macrobios* illos nullos alios fuisse quam eos qui Aethiopiam proprie dictam circa Meroen habitabant, adeoque Abessinios qui inter vetustissimas humani generis stirpes referendi esse videntur *q*). Tandem Herodotus inter eos, qui dona Persarum regibus, saltem Dario, miserant, memorat Aethiopes, primo Aegyptiis conterminos, tum qui Nysam supra Aegyptum incolerent; (III, 97. II, 146.) eos ex Troglodytis fuisse ex eodem loco (III, 97.) colligo, forte ex plagis littoralibus maris rubri: conveniunt munera, aurum, ebum, ebur cum pueris, missa: et diserte idem Aethiopiam Arabiae ex aduerso positam alio loco agnoscit (III, 114).

Verum de ceteris Aethiopiae partibus diserta narratio non nisi Ptolemaeorum regum studiis debetur, a quibus, inprimis a Philadelpho, missi sunt, partim qui elephantis venandis operam darent, partim qui alia animantia cognoscerent, maxime in finibus orientalibus

versus

q) Si Plinium excutias, contra Meroen in occidentali parte habitarunt: in

orientali Megabari. lib. VI, 30 f. 35. p. 346.

versus mare rubrum. Ad posteritatem ea scripto prodidit *Agatharchides*, quem sub Ptolemaeo Physcone et Lathuro vixisse declaratum est *r*), hinc *Artemidorus*, qui illum secutus est *s*). Auctor vterque grauiissimus, a quibus quae tradita sunt, maximam vtique habent auctoritatem. Et noster quidem Agatharchide maxime est vsus, homine Cnidio, regis Ptolemaei pueri tutore, siue Alexander ille fuit, siue Soter II. seu Lathurus. Inter alia ille scripserat ad suum pupil- lum *libros V. de rubro mari*, e cuius libro primo et quinto nonnulla feruauit Photius *t*), quae cum Diodoro a viris doctis compara- ta sunt. Scriptorem grauem, veritatis studiosum facile agnoscas; vsum se profitetur narrationibus ad reges missis ab iis quibus nauigatio in haec loca mandata fuerat, maxime vt elephantos venarentur; idemque subsistere se sub finem operis significat, commentariis pro- pter Aegyptiorum defectiones et ipsis deficientibus *u*). Artemidorum Ephe-

r) a Dodwello: add. Wesseling. ad Diod. III, II.

s) Vt intelligitur v. c. si Strabonem compares p. 1114. B. C. vbi etiam doce- mur, Eratosthenem iam antea, vbi de Arabia agebat, haec loca attigisse, sed strictim. add. p. 1120. 21. inpr. lib. XVII. pr. Omnino hoc ordine virorum doctorum opera progressa est, vt Era- tosthenes, cui Timosthenes praeluxe- rat, pro fundo esset geographiae, cui superstruerent sua Agatharchides, tum alii. Videtur tamen et harum narra- tionum fundus aliquis in Ctesia fuisse (v. paulo sup. p. 86.). Aelianus qui- dem H. A. XVI, 31. de Cynamolgis laudat e Ctesia similia iis quae Agathar- chides habuit. Quae ab aliis praeter illos tradita fuerint, v. ap. Plin. VI, 29 f. 33 sq. vbi inprimis Timosthenes et Bion, idem qui a Syncello p. 359 cum Polyhistore laudatur, notandi, cum

Juba, qui diligentissime de Troglody- tice quae narrantur persecutus esse dicitur. Alia Fabulosa de orientali parte tradita idem Plinius apponit f. 35 *Fer- rant certe* etc.

t) v. fragm. p. 14. Geogr. min.

u) Ad quem annum defectiones illae referendae sint, definire non ausim, cum plures numero fuerint; illa au- tem, qua Thebae deletae sunt, Ol. CLXXIV, 2. a. C. 83. nescio an seriôr fuerit. Fuerat Agatharchidis maius opus τῶν περὶ Ἀσίας libris X et τῶν κατὰ τὴν Εὐρώπην libris XLIX. Ex priorè illo, Asiaticis inquam, librum II. lau- dat Diodorus lib. III, II. cum Artemi- dori libro VIII. tanquam optimum fon- tem eorum, quae de Aegypto et Ae- thiopia tradantur; vt adeo probabile fiat, sequutum et ipsum esse eos scri- ptores in his, quae de Aegypto et Aethiopia exposuit. Si tamen recte iudico,

Ephesium, qui eadem fere aetate (fuit enim Agatharchide natu minor) opus geographicum XI libris conscripserat, quemque ipse (III, 11.) in iis, quae de Aegypto et Aethiopia tradita sint, inter praestantiores scriptores refert, vix in iis, quae de Troglodytice et Aethiopia exposuit, adhibuisse videtur; conueniunt enim omnia cum Agatharchide. Hunc tamen ipsum expresserat in hac parte Artemidorus, ut comparatione Strabonis, qui eum ante oculos habuit, facta intelligitur; nisi quod Artemidorus alia adiecerat, et totum terrarum orbem erat persequutus. Epitome ex eo ab Marciano Heracleota facta superest; omissa tamen a se in epitome ea quae ad Aethiopiam spectant ipse epitomator fatetur (sub init.).

Ex *Agatharchide* igitur hausit Diodorus ea, quae (inde a c. 12 ad 37.) sequuntur: et primo quidem locus praeclarus *de metallis auri in finibus Arabiae ab Aegypti regibus exquiri solitis*; (III, 12. 13. 14.) inde de *Ichthyophagis*, h. e. de populis non certae alicuius stirpis eo nomine appellatae, sed de diuersis populis piscario victu vtentibus, quos tamen late per littus Oceani orientalis, Gedrosiae et Caramaniae, hinc per oram Arabiae, quae Persidi obuersa est, et per oram australem sinus Arabici sparsos memorari tenendum est (Diod. III, 15. Agatharch. p. 27. Geogr. min. T.I.). Diodori autem et fragmentorum Agatharchidis comparatione facta intelligo, eos, de quibus maxime agit Diodorus, Ichthyophagos esse in ipsa Troglodytica passim habitantes, inde a sinu immundo versus orientem (cf. Strab. p. 1115 B. 1118 B. 1119 B. 1113 D.) quid? quod partem eorum, quae narrat Diodo-

rus

iudico, spectarunt illa non tam ad historias, quam ad locorum descriptiones et ad geographica. His enim finibus omnino continebatur Agatharchidis quoque opera, qui post Lycum et Timaeum, Hecataeum et Basilidem, Diophantum et Demetrium, (qui reliquas

orbis terrarum partes descripserant,) anstrum persequendo absoluere descriptionem voluit (p. 4142.). Omnino illo loco (c. 11) paullo perturbatior est Diodori oratio, ut non explicitum satis sit, respiciatne illa quoque, quae libro I. de Aegypto tradiderat.

rus (c. 15. 16.), Strabo ad Troglodyticam circa Deiras reuocat (p. 1118.). Omnino Diodorus parum diligens fuit in locorum, quae singuli populi incolerent, situ declarando: quem Strabone duce, qui et ipse Agatharchidem (cum Artemidoro tamen) ante oculos habuit, (XVI, p. 1114 sq.) curiosius notando, non male me de Diodoro mereri arbitrabor.

Primo quidem, quae ab initio (c. 15. 16. 17.) de Ichthyophagis aestum maris obseruantibus et quaternis diebus esu piscium consumtis quinto quoque die ad potum se conferentibus narrantur, haud dubie ad incolas littoris australis maris rubri, qua Troglodytice vulgo dicta patet, spectant; et quidem ad loca intra fauces eius maris, Deiras dictas a Geographis; (cf. c. 18. pr. Agatharchid. p. 31.) circa Deiras quoque eosdem populos memorat Strabo (p. 1118.). Procedit inde narratio ad oram exteriorem, h. e. ad Troglodyticen extra fauces maris rubri, in qua occurrunt Aethiopes ἀπαθείς x), ab incredibili stupore, quo et vulnera et mortes suis infligi videbant, appellati (c. 18. Agatharch. p. 33.). Habitant ii partim in specubus, partim in tuguriis cetorum spinis et ossibus factis, alii sub contextis arborum ramis, alii sub aggesto fuco marino (c. 19. Agatharch. p. 32. 33. Strab. p. 1118 f.). Tandem genus fuit in abruptis rupibus degentium (c. 20. Agatharch. p. 33. 34.). Inde Chelonophagi (c. 21.), qui et victum et habitacula sua e testudine marina petebant, in insulis Sporadibus quaerendi sunt cum in ipsis faucibus sinus Arabici (Strabo p. 1118 B. 1114 A. B): tum extra eas (id. p. 1119. A. Agatharch. p. 34. et 56.). Subiicit Diodorus modum victus parandi, quo Ichthyophagi Babyloniae vtuntur (c. 22.), ad ostia Euphratis (Strab. XVII. p. 1082 B.) siti. Ceterum in horum populorum rebus cognoscendis interdum miratio subiit conditionis et naturae humanae, quatenus homines belluino more viuentes, solo et coelo, quo illi nati

x) Iidem dicti ἀδρφοί.

nati sunt, non aliter quam ferarum genera, tanquam dei alicuius imperio ac nutu, adscripti et assignati esse videntur, vt natale solum euagari non liceat. In tanta enim victus egestate, rerum comestibilium penuria, soli caelique inclementia et asperitate, quis non expectet, eos populos finibus suis egressos fertiliores agros, et meliorem victus potusque copiam esse circumspecturos? Hoc tamen haud in animos admittunt populi per tribus ac stirpes habitantes; magna vero rerum conuersione facta opus est, vt a belluina vita ad venatoriam, aut pastoritiam progrediantur. Haecenus bella et praelia, quae incidunt, ingens generi humano magisterium et disciplina esse solent, qua ex naturali sopore et stupore excitati et expergefacti homines animi corporisque viribus vti incipiant.

A littore hinc Diodorus ad loca procedit mediterranea; quos enim commemorat *Aethiopes* radicum palustrium arborum, feminumque victu se sustentantes (*Rhizophagos*, *Hylophagos* et *Spermaphagos* appellat c. 23. 24.) ad loca spectant circa fluuios Astapum, Astaboram et Astosobam, nisi hic vnus idemque cum Astapo est, (cf. Strab. p. 1116 A. B. 1177 B. 1134. B. Agatharch. p. 36 extr. 37) adeoque ad regnum, cuius caput Meroe erat; iisdem annumerandi *Venatores* et qui versus occidentem remotiores sunt *Elephantomachi* (c. 25. 26. 27. Agath. p. 39. 40. 41.). In his numerat *Aethiopes Simos*, at versus meridiem *Struthophagos* (c. 28) et parum ab his remotos *Acridophagos* (c. 29) qui locustis vescuntur, in deserti confiniis, vnde nubes locustarum aduolant: his ait praetendi terras immensas sed serpentibus et reptilibus ab incolis vetustis relictas; in extremis australibus partibus *Cynamolgos*, homines feros, haerere ait, qui boum siluestrium venatu et canino lacte viuunt (31). Nec ab his recedunt fragmenta ex Agatharchide apud Photium; (p. 42. 43. 44.) conueniunt et in iis, quae de *Troglodytis* commemorantur (p. 45 - 48. et Diod. l. c. c. 32. 33. 34.) nullo loco-

rum situ declarato: quae tamen constitui forte possunt paullo accuratius e Strabone, qui Artemidorum auctorem adhibuit (p. 1114. B. C.). Troglodytarum quidem nomen parum idoneum ad geographicam subtilitatem, cum habitandi morem, non populorum stirpem declaret, late patet et ad plures populos per Arabiam, Libyam et Aethiopiam spectat, qui in speluncis et terrarum cauis degunt; est autem magna specuum copia in multis terrarum regionibus partim ignium subterraneorum vi, partim aquarum eluvie aliisque de caussis. Sed qui *proprio* aliquo nomine *Troglodytae* appellantur, sunt Aethiopes in littore maris rubri, quod Arabiae obuersum est, habitantes. Fuere quidem recentioribus saeculis Lusitani aliique, qui in eam plagam littoralem passim escenderent, sed vix illi loca deserta adeuntes, verum emporia; videntur tamen vitae humanioris cultum aliquem in multa saltem loca intulisse Arabes, a Moham-mediceis inde temporibus y), qui passim emporia tenent, tum etiam Habessinii; et forte iam antiquis temporibus Graeci a Ptolemaeis missi ad elephantos parandos; ab his hominibus totum hoc littus adiri et passim castellis intercipi coepit; (v. Strab. p. 1114 sq.) vt Evergetae expeditionem in haec loca de qua monumentum Adulitanum (apud Cosmam Indopleusten To. II. p. 141 sqq.) testabatur, taceam. Sed in Troglodytis his, qui littus dictum inhabitant, ex Strabonis accuratiore descriptione *Colobi*, h. e., ii. qui praepudia non circumcidunt vt ceteri, sed praecidunt (p. 1114. C. et Diod. meminit c. 32. f.) iuxta fauces sinus Arabici habitarunt: his subiacabant versus austrum *Cynamolgi* (p. 1116. C. At paullo supra inter Sabas et Deiras, seu fauces sinus Arabici, *Elephantophagi*, (p. 1117. A) longius versus austrum *Struthophagi* (B. C.) finitimi his Sili f. Simi (ibid. D.) et his finitimi *Acridophagi* (p. 1118. A) ab austro

y) Arabes tamen iam antiquis temporibus in alterum continentem ex Arabia traiecisse nemo dubitet, Et

commemorat Arabes in Troglodytice Plin. VI, 29. f. 33 f.

austro vero contigua deserta ab reptilibus obfessa (ib. B.). Ita satis patet, omnia quae narrata sunt de Aethiopiae populis, non nisi ad orientalem plagam sinui Arabico subiectam spectare.

Pergit Diodorus de animantibus Aethiopiae, hoc est eiusdem tractus quem modo dixi, commemorare (c. 34-37) quae et ipsa ex Agatharchide transcripta sunt; (cf. fragm. p. 49-56) ex quo sua hauserat quoque, etsi nonnullis de suo forte additis, Artemidorus, ut comparato Strabone (p. 1120. r.) suspicari licet. Eodem modo vterque, et Diodorus et Strabo, versantur in Arabiae ora maritima persequenda; nam hic Artemidoro duce usus (p. 1122-25.) non multum diuersa narrat a Diodoro, qui Agatharchidea presse sequitur, inde ab intimo sinu nauigatione facta usque ad Arabes Sabaeos: (c. 38-48) uti comparatione cum fragmentis ex Agatharchide intelligitur; (p. 56-69) etsi ipse Diodorus (c. 38) profitetur se tradere alia ex regis Alexandriae commentariis, alia auditu ex his qui ea viderint, accepta 2). Quod quidem ultimo loco dictum est, haecenus verum esse potest, quia ex Aelii Galli expeditione in Arabiam illa aetate suscepta (v. c. 730) esse poterant seu Alexandriae seu Romae, qui rebus gerendis interfuerant; at quod de commentariis regis ait, ad Agatharchidem spectat, quem exscripsit. Pauca quae hinc sequuntur (c. 49. 50. 51) de Libya non minus ex Agatharchide petita esse videntur per digressionem ab eo narrata; est enim idem narrationis color; nisi in his Artemidorum expressum esse credere licet, qui post Eratosthenem de Libya tradiderat in opere geographico, ut vel ex Strabone (XVII. p. 1181. C. 1185. B) colligas.

Quae adhuc a Diodoro commemorata sunt, grauissimae sunt auctoritatis; at quae hinc sequuntur, leuissimae. Nam de Amazonibus Libyae tradita apponit (c. 52-55.) quae Graeci scriptoris ve-

M 3

teres

2) ποιησόμεθα τὴν ἀναγραφὴν, τὰ ὑπομνημάτων ἐξεληφότες, τὰ δὲ παρὰ μὲν ἐκ τῶν ἐν Ἀλεξανδρείᾳ βασιλικῶν τῶν αὐτοπτῶν πεπυσμένοι.

teres fabulas in historiarum formam mutantis commenta esse primo statim oculorum coniectu percipias: cum enim vulgata fabularum de Amazonibus sedes esset Asia Ponto Euxino finitima, fuit homo, qui aut narrata de insula hirtarum feminarum in occidentali Africae littore acceperat *), aut in veterem aliquem poetam inciderat, aut cum in iisdem Africae locis, praeter Neptuni religionem et Palladis natales ad Tritonidem paludem, collocatae essent a poetis Gorgones, Perseique et Herculis profectiones, omnibus his ita usus est, ut Amazonum res ad ea loca reuocaret, et cum iisdem fabulis in vnum conglutinaret. In quibus vix a Diodoro expectasses ut is sibi imponi pateretur: profitetur autem se ea repetere ex *Dionysio a)*: *Milesius* ille est, *Cyclicus* quoque dictus, quoniam Cyclum partim mythicum partim historicum scripserat, in quo origines historiarum hoc est, mythos, ita persequutus est, ut verae historiae eos praemitteret, improbo tamen studio in hoc, quod fabulas ad historiarum formam reuocare, rerum vere gestarum speciem iis induere, mythosque scriptoris pragmatici more tractare instituit, ita ut ad verisimilitudinem et ad probabilitatis historicae legem exigeret ea, quae a poetis seu antiquis scriptoribus essent narrata. Quo quidem consilio nihil poterat esse ineptius, nihil ad ipsas historias perniciosius. Itaque Amazonum ille, tanquam populi, magni imperii conditoris et orbis terrarum victoris, res gestas condidit. Vixit autem ille sub extrema Hecataei tempora, paullo ante Herodotum, aut hoc adhuc puero,

*) Etsi enim de Hannonis Periplo nihil definire auserim, sitne ille, graece factus, qualem nunc habemus, ad eadem tempora, quibus nauigatio facta est (in sextum an in quartum ante C. N. saeculum) reuocandus: mature tamen inter Graecos fabula illa de feminis toto corpore hirsutis et sine coitu ma-

rium sponte fecundis (Mela III, 9) vulgari potuit.

a) c. 52. ἀναγράφειν τὰς πράξεις περὶ ρασόμεθα ἐν κεφαλαίοις, ἀπολούσας τῷ Διονυσίῳ τῷ συντεταγμένῳ τὰ περὶ τοὺς Ἀργοναύτας καὶ τὸν Διόνυσον καὶ ἕτερα πολλὰ τῶν ἐν τοῖς παλαιότατοις χρόνοις πραχθέντων.

puero, aetate vltra Darii mortem protracta *b*), quandoquidem ipse τὰ μετὰ Δαρείον quinque libris conscripserat, vna cum Persicis, si modo haec diuersa fuere; Sed inprimis Cyclus ille paullo ante commemoratus celebritatem nominis ei comparauit *c*).

Quod vero multo minus ignoscam Diodoro, est, quod fabulosam de *Atlanteis* narrationem, tanquam populi in extrema Africa olim flōrentissimi, intexuit (c. 56-61 add. c. 54.) qua quidem ille narratione multis viris doctis, ex recentibus quoque aetatibus, fraudem fecit, eosque induxit vt multarum hypotheseon fundum facerent fabulam historiae feueritate et auctoritate prorsus indignam. Fundum ei fecisse videntur partim antiquus fabulandi mos, quo Solis, Noctis, Somni, Tartari, Titanum, et rerum inferarum aliorumque mythorum sedes ad extremum occidentem collocatur, in rebus Persei inprimis et Herculis; partim Homeri loca de Aethiopibus; partim fabulae de Crono, de Atlante et alia. Vnde haec hauserit Diodorus, expressis verbis non declarauit, patescit tamen ex toto narra-

b) Haud diffiteor, mihi vix satis probabile visum, iam Herodotea aetate de fabulis veterum scriptorem aliquem arguta hac subtilitate agere instituisse. Rerum tamen argumentis et scriptorum auctoritati refragari non licet.

c) Actum de hoc homine Not. ad Apollodor. T. III. p. 980 Virgil. T. II. p. 221. A Schol. Pindari ad Isthm. IV, 104. Dionysius ἐν πρώτῳ κύκλῳ laudatur, quae si vera lectio est, plures Cyclos, saltem Cyclum duplicem μυθικὸν et ιστορικὸν, extitisse recte statuas; sed forte vitium est pro κύκλου, vti ap. Schol. Eurip. ad Phoen. 1123. legitur, vbi ex lib. I. Cycli de Argo Ius custode fabula repetitur; potuit quoque idem Cyclus, cum et mythica et historica comprehenderet, modo pro vno, modo

pro duobus diuersis libris haberi. Mythicum cyclum bene declarat Diodor. paullo post de Dionysio c. 65. Διονυσίῳ τῷ συνταξαμένῳ τὰς παλαιὰς μυθοποιίας. οὗτος γὰρ τὰ τε περὶ τὸν Διόνυσον, καὶ τὰς Ἀμαζόνας, ἔτι δὲ τοὺς Ἀργοναύτας, καὶ τὰ κατὰ τὸν Ἰλιακὸν πόλεμον πράχθεντα, καὶ πολλὰ ἕτερα συνέταξε, παρατιθεὶς τὰ ποιήματα τῶν ἀρχαίων τῶν τε μυθολόγων καὶ τῶν ποιητῶν. Erant adeo in eo comprehensae res Bacchi, Amazonum, Argonautarum, bellum Troianum (quae singulatim ab aliis tanquam volumina separatim scripta enumerantur) cum aliis multis, et in iis ea, quae in veterum mythologorum et poetarum carminibus ac scriptis tradita erant, exhibuerat: hoc est παρατιθέναι, non, adiungere, vt vertitur h. l.

narrationis ordine, etiam in his *Dionysium Milesium* ei ante oculos fuisse; quem auctorem quoque in iis, quae sequuntur, habuit, de Dionysio, (62 ad libri f.) de quo, praemissis philosophicis interpretationibus nonnullorum apponit narrationes tanquam rerum vere a Dionysio seu Baccho triplici gestarum *d*); tum subiicit narrationes, quas Libycas vocat, ex eodem *Dionysio* diserte appellato, similes prorsus et cognatas cum illis, quas de Amazonibus et Atlanteis in superioribus exposuerat *e*). Quod autem in his mirationem mihi fecit erat, quod, ad Euhemeri fere rationem, in deorum ordinem transiisse narrantur homines, qui aliquando rerum gestarum fama clari et de genere humano bene meriti fuerant: ut adeo iam integro saeculo ante Euhemerum eandem opinionem non a philosophis modo, verum etiam a scriptoribus nonnullis probatam fuisse manifestum sit. Debuit vero mature in eam incidere paullo sagacior quisque, si Herculis et Bacchi similiumque heroum inter deos receptorum exemplum ad deos ita transferebat, ut et de iis eorumque origine eodem modo statueret.

Eundem

d) c. 64. Antimachum excitat, qui cum aliis poetis Lycurgum non Thraciae, sed Arabiae regem ediderat.

e) Fuere tamen et alii qui Dionysio consona traderent: eod. loc. c. 65. extr. διέξιμεν ἐν κεφαλαίοις τὰ παρὰ τοῖς Ἀιβυσι λεγόμενα (vana professio primi auctoris) καὶ τῶν Ἑλληνικῶν συγγραφέων ὅσοι τούτοις σύμφωνα γεγράφασι, καὶ Διονυσίῳ τῷ συνταξαμένῳ etc. v. paullo sup. not. Quam parum critici acuminis huic homini fuerit, intelligas ex eo, quod c. 66. narrat Linum, allatis a Cadmo litteris primum usum, statim res Dionysi perscripsisse (τὸν δ' οὖν Λῖνον Φασὶ τοῖς Πελασγικοῖς γράμμασι συνταξάμενον τὰς τοῦ πρώτου Διονύσου πράξεις καὶ τὰς ἄλλας μυθολογίας ἀπολιπεῖν ἐν τοῖς ὑπομνήμασιν) iisdem litteris usum

Orpheum et Pronapidem, Homeri magistrum, nec non Thymoetam, Laomedontis nepotem et Orphei aequalem, qui Libyam et Nysam mohtem in extremo occidente, in quo Bacchus educatus sit, adierit; eundem inde reducem scripsisse carmen, quod vocant *Phrygiam poesin* (καὶ τὰς κατὰ μέρος τούτου τοῦ θεοῦ πράξεις μαθόντα παρὰ τῶν Νυσαέων, συνταξάμενον τὴν Φρυγίαν ὀνομαζομένην ποιήσιν, ἀρχαϊκῶς τῇ τε διαλέκτῳ καὶ τοῖς γράμμασι χρησάμενον. Fuit igitur aut fingitur fuisse *vetus carmen*, quo Libycae hae narrationes continerentur, quae cum fabulis Cybeles coagmentatae erant, ut ex his capp. apparet, ut ab homine sacrorum Phrygiorum causas tradere volente profectae eae videri debeant.

Eundem *Dionysium Milesium* sequi putandus Diodorus LIBRO QUARTO in *fabulis Graecis* exponendis; et primo quidem de Dionysio seu Baccho, interpositis nonnullis de Priapo et de Musis (c. 6. et 7) inde c. 8 - 39 de Hercule, intertextis fabulis Orphei, Atlantis et Amazonum, tum (40 - 56) de Argonautarum expeditione, adeoque de Iasone et Medea, inde de Heraclidis vsque ad Hylli mortem (c. 57. 58) et de Theseo (59 - 63). Subiiciuntur narrata de rebus Thebanis (c. 64 - 67). *Dionysium Milesium* in his ante oculos fuisse, primo, rerum ad cycli instar constituto ordine et totolorationis colore, narrationisque praua illa ratione intelligitur, qua ad historiarum ordinem reuocat res fama obscura acceptas, a poetis narratas et ornatas et inter eos homines gestas quibus ea consilia ac studia, quae iis tribuuntur, illo vtique aeuo esse non potuere; quid enim molestius, quam narratum legere, Bacchum, Herculem aut Theseum, magni ducis more exercitum ducere, praeclara de hominibus ad meliorem vitae cultum adducendis consilia agitare, et sic alia; tum vero id docent nonnulla loca cum iis comparata, quae passim ex Dionysio Milesio laudantur, primo in Argonauticis, tum in rebus Thebanis f).

f) Non latuere loca doctum Diodori interpretem West. primo c. 41. extr. quod Argonautarum dux editur Hercules: id quod a Dionysio traditum ait Apollodor. 1, 9, 19. p. 59. Porro c. 48. quod Iphin Stheneli f. Eurysthei fratrem ab Aeeta in Colchis caesum edit, ab eodem Dionysio acceptum memorat Schol. Apollonii Rh. IV, 223. 229. Vtque c. 49. Byzantium appulisse Argonautas narrat Diodorus: ita in ea vrbe nuptias Medae et Iasonis factas Dionysius ap. Schol. eund. IV, 1154. Omnino reditus Argonautarum tam diuersis modis memoratus (v. ad Apollod. Not. p. 206) ad historicam fidem expositus erat a

Interea
Dionysio Milesio, ita vt duce Hercule, per Bosporum, Propontidem et Hellespontum reduces Troiam expugnarent. Etiam Herodorus eadem via rediisse, qua profecti erant, Argonautas ediderat. De bello Epigonorum cf. ad Apollod. p. 638. hoc cum bello Thebano ex Dionysio transcriptum esse vt paullo confidentius suspicer, faciunt ipsa loca Diodori III, 52 - 65. quibus cyclographum eximia laude ornat. Tandem et illud cum Dionysii genio conuenit, quod vetustiores poetas comparatos vides c. 65. 66. Cum itaque eum certis in locis ducem ipsi fuisse liquido constet, reliqua iis simillima ex eodem fonte fluxisse credibile est.

Interea tamen alios quoque auctores Diodorum non neglexisse si quis contendat, non repugnem; etsi, quoties aliorum auctoritate utitur, id Dionysii verbis factum esse potuit. Ita de diuersis Bacchis disputat; cum scilicet, praeter Bacchum ex Osiride effectum, Thebanus alius, alius Sabazius g) haberetur. De Priapo (c. 6) etiam ad veteres prouocat; nec tamen valde antiqua sunt, quae inde profert. In Hercule (c. 8.) antiquissimos poetas et mythographos se sequi velle profitetur, irascens iis, qui in narrationibus antiquis veritatem nimis subtiliter exquirunt. Quo vel vno loco homo iudicii parum subtilis et superstitiosae leuitatis, veterum mythorum naturam et originem prorsus a se ignorari, prodidisse videri debet h). Vbi Hercules ad Ligures, inde in Italiam peruenisse narratur, (c. 20. 21.) interposita nonnulla sunt a Diodoro, aliunde accepta, primo de mira Ligurum laboris patientia, etiam in feminis parturientibus notabili, qui locus e *Posidonio* petitus est, tum de accessu ad Tiberim et sacro ibi instituto: quae in Romanis quoque scriptoribus occurrunt. De Gigantibus ad Phlegram internecone deletis cum ad alios, tum ad *Timaeum* prouocat (c. 21 extr.) Ceterum Dionysium Milesium, modo ille non prauo narrandi consilio in transuersum raptus fuisset, diligentissimum fabularum scriptorem fuisse, agnoscas maxime in Herculis rebus et in Argonautarum expeditione. Diodorum in his nonnulla siue de suo siue ex aliis interposuisse non negem, vt cum c. 56. de fabularum de Medea inter traegodos varietate monet, et quam falsa sint de Argonautarum reditu tradita. Secundum superiora suspicari licet, propter argumenti vicinitatem narra-

g) In hoc Philochori locum Diodoro ante oculos fuisse censebat Scaliger; quod tamen parum probabile, etiam Wesfelingio indice ad c. 4. n. 52.

h) Matridem Diodoro ad manus fuisse suspicatus eram in Notis ad Apollodor. To. I. p. 340. Scripserat *Matris* En-

comium Herculis, in quo rhetorice eius res et facta exornauerat. Mentionem tamen hominis a nemine factam memini, praeterquam ab Athenaeo X, p. 412. B. et idem aliud Herculis Encomium laudat *Caucali* Chii, rhetoris, qui frater Theopompi historici fuit.

narrationisque genium, non minus ex Dionysio mutuata esse, quae extremam libri quarti partem constituunt, fabulas miscellas et per faturam appositas: de reliquis ex Aeoli stirpe prognatis, (67 - 70) de Lapithis et Centauris (c. 71.) de Aesculapio (c. 72) de Asopi et Aeaci stirpe (c. 72). Inde de Pelopis stirpe (c. 73. 74.) de Ili stirpe (c. 75.) de Daedalo et Minotauro Minoisque in Siciliam expeditione (c. 76 - 80.) interpositis tamen de suo a Diodoro, vtpote Agyrio, Siciliae vrbe, oriundo, iis, quae de Engyriorum in Sicilia Deabus matribus leguntur; hinc de Aristaeo (c. 81. 82.) et tandem (c. 83) de Eryce et Daphnide: in quibus de Veneris Erycinae templo nonnulla adiecta sunt ab ipso Diodoro: et c. 85 de Orione.

Quod si haec a me partim ex fide aliqua scriptorum partim cum opinionis probabilitate recte dicta sunt: licebit in tanta narrationum varietate fundum aliquem quasi substruere mythis, vt ea, quae Diodori narrationi consentanea sint, ad vnum auctorem Dionysium Milesium cyclographum referantur; secernanturque adeo ab aliis, quae et ipsa, simili exemplo, ad alios auctores referri poterunt. Ita tandem eo perueniri poterit, vt in mythorum expositione ea, quae vetere fama accepta erant, a poetarum ornamentis tum a mythographorum commentis liberentur. Quae vero Dionysii auctoritas habenda sit, supra cum de eius consilio interpolandi fabulas agerem, expositum est; subscribeturque adeo a viris harum rerum intelligentibus iudicio meo, fabularum graecarum nec narrationes nec rationes a Diodoro recte peti posse.

In QUINTO LIBRO de *Insulis* inscripto (Νησιωτικὴν c. 2.) diuersos auctores sequutus est; et quidem primo loco *fabulas Siculas* (c. 1 - 6.) exponit Diodorus, inde de *insulis Aeoliis*, et ceteris *maris mediterranei insulis* agit (c. 7 - 18) In his scriptores Siculos ante oculos habuit, *Timaeum* puto et *Philistum*, quos ipse laudat c. 1 et 6, vt tamen de suo

multa visu et auditu accepta, dum peregrinaretur in his terris, interponeret: in hac igitur parte *inter grauissimos auctores* Diodorum referendum esse censeo. (cf. inf. Commentat. III.) At quae (c. 19. 20.) de insula Libyae obiecta in Oceano interponuntur, commentitia esse manifestum fit, et ex Atlantica Platonis conficta, ex *Posidonio* forte repetita ⁱ). Posidonius enim Apameensis seu Rhodius Polybii historias libris LII. vsque ad Pompeii tempora continuauerat; eiusdem liber fuit de Oceano, in quem censuram egit Strabo, (lib. II. p. 150-162.) qui idem, ante eum et Polybium occidentalis Europae plagam parum cognitam fuisse, profitetur. Hunc utique auctorem sequutus passim est Diodorus in sequentibus, quae de *Britannia* (c. 21-23. de extremo septentrione in Caesaris rebus libro XL. egerat, ut intelligo ex III, 38.) de *Gallia* (c. 24-32.) de *Iberia* (c. 33-37.) de *Liguribus* et (c. 40.) de *Etruscis* tradit. Sed videndum est de his figillatim accuratius.

In iis, quae de *Britannia* affert Diodorus, nonnulla de suo penu attulisse videri debet, patefacta paullo ante a Caesare Romanis insula; etsi *Timaeum* quoque ante oculos habere potuit; id quod in

i) Nam ex eo in sequentibus multa hausit, et constat ex Strabone, Posidonium in harum insularum narratione credulitatis nota laborasse. Narrationem aliquam de insulis in Oceano Atlantico sitis, natam primo ex veterum poetarum figmentis de Solis occidentis et de Noctis domo, hinc de locis inferis, tandem de Insulis Fortunatis et Elysio ad extremum occidentem relegatis, stabiliuerunt rumores partim a Carthaginienfibus (Strab. I, p. 4. 5. III, p. 224 B) aliisque nauigantibus profecti (ita Sertorius accepto de insulis illis nuntio perfugium in iis parare sibi

constituerat v. Plut. Sertor. p. 571. 2.) partim a philosophis, qui, cum nostrum continentem mari circumductum esse nossent, in vasto illo mari Atlantico non minus aliis continentibus locum esse intelligerent: v. Aristot. de Mundo c. 3. Inde fabularum sedem alii in iis locis constituerant, ut Theopompus suam Meropidem ap. Strab. VII. p. 458. C. de qua plura apud Aelian. V. H. III, 18. vbi v. Periz. Nec vero, ne scriptoris diligentissimi fidem eleuatum eamus, Theopompus ista suae historiae intulisse putandus, sed erant illa ex libro *Ἰασηίων* hausta.

in loco, qui sequitur de succino in insula Basilia colligi solito, factum esse certo constat *k*), quem Diodorus utique ex *Timaeo* exscripsit, qui sua e *Pythea Massiliensi* petierat: ad quem tanquam primum auctorem ista referenda erant, non vero sub Diodori nomine laudanda: adiicit tamen is et tanquam fabulosam refellit narrationem de Eridano et Phaethonte.

De *Gallia* egerant in geographicis *Eratosthenes* et *Artemidorus*, in historicis *Timaeus*, *Polybius* ac *Posidonius*; nam *Ephorus* fabulosa pleraque tradiderat auditu accepta, ut e *Strabone* discere licet. Si ex ceteris coniecturam facere licet, fuit et in his *Posidonius*, quem sequeretur Diodorus *l*), verum adiecit plura quae ipse ex Romanis compererat qui cum Caesare in Galliis fuerant. Multa autem narrat de Gallorum moribus, Americanorum ingeniis simillima, neque aliunde nota; non praetermittenda ab iis, qui studium suum in populorum ingeniis et moribus cognoscendis ponunt.

De *Celtiberis*, *Vaccæis* et *Lusitanis* (c. 33 - 38.) quae a Diodoro adscripta sunt, e *Posidonio* petita esse, certa iam est existimatio: nam quae de metallis memorata sunt (c. 37.), diferte tribuuntur *Posido-*

N 3

nio

k) De stanno in insula Micti effossio iam *Timaeus* mentionem fecerat apud *Plin.* IV. 17. 30. seu *Pytheam Massiliensem* nominare *Plinius* voluit, seu *Pytheam* exscripsit *Timaeus*, quod fecit utique in loco de succino seu electro. *Plin.* XXXVII, f. II, 1. et IV, 14, 27. De insula Basilia quam diuersa sint recentiorum iudicia, notum est. Aliorum opinionibus commemoratis, de *Samlandiae* littore accipiebat eam b. *Murray* Nov. Commentar. T. VI. p. 93. ut taceam quae inde agmen virorum doctorum, qui de septentrione veterum egere, *Schöningius*, *Schlözerus*, *Upha-*

genius, (*Parerg. hist.* p. 479 sqq.) de ea disputauit.

l) Quae de nomine *Celtices* praemissa sunt, c. 24. e *Timaeo* petita suspicor, comparato *Parthenio* c. 30 et 29. et *Etymol. M.* in *Γαλκτῖα* a *Wessell.* laudato. Quae de frigore et glacie passim narrantur, parum accurate de tota *Gallia* pronuntiata sunt, uti illa quoque (c. 26.), quae de turbinibus ac procellis; quippe quae antiquiores de Campo inter *Massiliam* et *Rhodani* ostia tradiderant, in his *Posidonius*: cf. *Strab.* IV. p. 276 sqq.

nio auctori a Strabone *m*); hoc idem factum in loco de *Liguribus n*), et in altero de *Etruscis o*), de quibus omnino tanquam adhuc florentibus narrat, quae antiquior auctor de antiquioribus temporibus tradere debuit, quibus Etruscorum opes adhuc insignes haberentur.

E mari mediterraneo in liberius pelagus traiectu facto, de *insulis Arabiae obiectis* (c. 41-46.) narrationem instituit, inque his de *Panchaea* et templo Jouis Triphylii: nimis credulus et levis in *Euhemeri* fide amplectenda, quem commentitia de iis tradidisse iam antiquiores monuerant *p*). Inde redit Diodorus ad mare Aegaeum commemoratque de *insulis*. In his est *Samothrace* (c. 47. 48. 49.): de qua primo antiqua fama inter Samothraces ferri solita apponitur, de Ponti Euxini in mare Aegaeum eruptione; tum fabulae de Saone, inde de Dardano et Jasione, et de teletis in insula constitutis: de quibus quam diuersa a scriptoribus quamque fabulosa sint tradita, inter viros doctos constat *q*); videtur autem noster rediisse in his ad *Dionysium* suum. *Naxus* (c. 50. 1. 2.) de hac *Andriscum*, Naxiacarum rerum scriptorem aut ipsum inspexit, aut alium qui sua inde petierat *r*). Sequuntur: *Syme* (c. 53.) *Calydna*, *Nisyros*, *Carpathus* (c. 54.). Cum plures essent de insulis libelli, *περίπλων* vel *περιγηγέσεων* nomine insigniti, in quibus etiam *Mnaseae Europiaca*, quem Diodorus sequutus sit, expūtari sine auctore nequit. Inde (c. 55. 9.) *Rhodus*, de qua antiquiori-

m) Strab. III, p. 217 sq. cf. Wessl. ad c. 37. 38.

n) c. 39. vbi cf. Wessl. collato Strab. lib. V. p. 334.

o) c. 40. coll. Athen. IV. p. 153. laudato iam a Wessl.

p) Strabo VII. p. 459 A. et II, p. 163. laudato Polybio. add. Plutarch. Is. et Osir. et al. Nihil notius Euhemeri mendacitate hac in re, cum deos quotquot essent e mortalibus factos docere vellet: in *ισορξ ἀναρχαφῆ*. Ad eum diserte pro-

vocat Diodorus lib. VI. quod inter Fragmenta est Ed. Wessl. T. II. p. 633. ex Euseb. Praep. Ev. lib. II, 2. Ex Ennio qui latine vertit v. locum Lactantii Inst. I, 11. et alia loca N. D. I, 42. et al. ap. Columnam ad Ennium p. 312 sq.

q) cf. ad Apollod. p. 737 sq.

r) Intelligas comparatis locis ex c. 50. cum Parthenio c. 19. Cum Andriscō Agasthenes memoratur ab Athen. lib. III. p. 78. C. loco a Wessl. laudato.

tiquioribus fabulis expositis ipse ad *Zenonem*, Rhodiacarum rerum scriptorem, prouocat, Polybii aequalem s), in quo hominem agnoscere licet, communi Graecorum fraude contactum, vt veteres fabulas ad certas opiniones interpretetur et interpolet; vti (c. 7.) ductas Rhodo et Athenis colonias in Aegyptum Heliopolin et Sain pronuntiare haud veretur; fluxisse videntur ex eodem fonte, quae de *Chersoneso* insulae obiecta exponit (c. 60-63.). Copiosior est in insula *Creta* (c. 64-80), de qua commemoraturus profitetur: se *clarissimos rerum Creticarum auctores* secutum exponere velle; paullo post de *Idaeis Daetylis Ephorum cum aliis* excitat; inde fabularum ordinem memorat prorsus ad *Euhemeri* rationem et doctrinam t), nec tamen eius nomen apponit, sub finem autem loci (c. 80.) diserte memorat in tanto scriptorum de rebus *Cretensium diffidiis* se sequutum esse eos qui et probabiliora narrent et maiore auctoritate habeantur; in nonnullis *Epimenidem Theologum*, quod vix genium opus esse potuit, in aliis *Dosiadam*, et *Soficratem*, et *Laosthenidam*, scriptores nunc tantum nominibus notos u). Homines tamen valde ineptos fuisse quosque Diodorus, si vlllo iudicii acumine vsus fuisset, sequi non debuisset, manifestum fit; non enim mythos antiquos aut famam veterem exponunt, sed Sophistarum commenta, qui rerum origines Cretensibus assignare, vitaeque instituta, inuenta, artes ad Daetylos Idaeos, Curetes, Titanes referrent, simulque alteram hypothesein adhiberent, qua e mortalibus dii facti esse ferebantur. Plurima in his ex Euhemeri somniis ducta esse fastidiosè doceri posset v). Tandem c. 81. 82. *Lesbi et Tenedi* origines subiicit Diodorus: inque his librum *quintum* absoluit.

Qui

s) c. 56. extr. vbi v. Wessél.

t) cf. c. 46. et sup. de Panchaia.

u) v. de iis Meurs. in *Creta*, nec plura Wessél. afferre potuit.

v) v. c. de Cerere, cap. 69. coll. I, 29. Vidit quoque vir doctissimus, L. B. de Sainte Croix nuper in *Recherches sur les Mystères* p. 80. 517. Breuitatem equidem in his sequutus sum, quoniam me de rebus notis agere meminera.

Qui sequebatur sextus, reliquas Graecorum fabulas ex temporibus ante bellum Troianum complexus erat x). Plura de diis in eo, quae cum Euhemeri opinione conuenirent, exposita fuisse, ex fragmentis intelligitur y). Subiecerat iis fabulas secundum Homerum, Hesiodum et Orpheum, nec tamen ne in his quidem ab instituto discefferat, quin mythos, poeticos quoque, in historias mutaret: uti e fragm. III. apparet, Xanthum et Balium, Achillis equos, ipsi Titanas fuisse.

Inde LIBRO SEPTIMO vsque ad *librum decimum septimum* res inde ab excidio Troiae ad Alexandri interitum erant descriptae z); e quibus *liber VII. VIII. IX. X.* periere. Deducta in his fuit historia vsque ad Olymp. LXXV, 1. qua Xerxis traiectus in Graeciam factus est: a quo *liber XI.* initium habet. A Troiae excidio vsque ad Olymp. VII, 2. qua Roma fuit condita, ut quidem Diodorus calculos ponit cum Polybio, anni exierant plus quam CCCCXXX. Scilicet Diodorus Apollodorum Atheniensem sequutus a Troia euerfa ad Olympiadem primam annos computauerat CCCCX. (v. lib. I, 5.) his si adiiciantur anni Olympiadum LXXIV. interiere Diodori historiae annorum Icccv. quanta iactura! cum ea in plerisque rebus nullo modo refarciri possit. Multo aequiore animo ferri potuisset iactura librorum XI. et sequentium, cum illarum rerum alii auctores extent iique grauissimi. Ephorum, quem omnino fortunae iniquitas nobis inuidit, alia fors aduersa oppressit in hoc, quod ne ea quidem ad nos peruenere, quae Diodorus ex eo descripserat. Quae in libris VII-X. comprehensa fuerant, sequentia fuisse apparet:

Initium

x) Diodor. I, 4. τῶν γὰρ βιβλῶν ἡμῶν ἐξ αἱ πρῶται περιέχουσιν τὰς πρὸ τῶν Τρωϊκῶν πράξεις καὶ μυθολογίας· καὶ τούτων αἱ μὲν προηγούμεναι τρεῖς τὰς βαρβαρικὰς, αἱ δὲ ἐξῆς σχεδὸν τὰς τῶν Ἑλλήνων ἀρχαιολογίας.

y) Fragm. n. I. Spectabant ad lib. VI Exc. de Virt. et Vit. p. 545. 546. l. 37.

ed. Weff. et Fragm. n. I-V. non vero quae ibi seqq. Omnino Excerpta et Fragmenta parum diligenter disposita esse, e seqq. apparebit.

z) Diod. l. c. ἐν δὲ ταῖς μετὰ ταῦτα ἔνδεκα τὰς ἀπὸ τῶν Τρωϊκῶν κοινὰς πράξεις ἀναγεγράφαμεν, ἕως τῆς Ἀλεξάνδρου τελευτῆς.

Initium LIBRI VII. factum a bello Troiano satis constat. Persequutus inde erat reditum Achiuorum, errores nouasque ab iis captas sedes; inde Heraclidarum ingressum in Peloponnesum octagesimo a Troia capta anno factum. Fuere in his plura rerum argumenta, ad quae aliis in locis prouocat, v. c. de Thessalia, vt IV, 55 intelligitur. Ad haec tempora spectat fragmentum ex Syncello (Wessel. p. 635. VI.) de Corinthi a Doriensibus occupatae originibus a). Ad paullo superiora tempora spectabat fragmentum ex Vlpiano ad Demosthenem de Munychio (ibid. p. 636. VII.) Laudatur in eo *Hellanicus*, quem adeo in his ante oculos habuit; in rebus Doriensium autem *Ephorum*, qui ab Heraclidarum reditu, (ita vulgo aiunt *καὶ δόδον*) historias suas exorsus erat (IV, 1. XVI, 76.) De coloniis e Graecia in diuersas terras ductis diligenter actum esse, dubitare non licet b). *Romae conditae* et originum gentis ab Aenea ductarum in fragmentis superest memoria: Locus apud Syncellum extat libro Diodori septimo laudato: vt necesse sit in rebus Aeneae hac de re actum esse c). De rebus *Spartanorum* supersunt narrationum vestigia in

a) item de Carano p. 637. IX.

b) Supersunt loca de Syracusis, quae ad earum primordia spectant p. 548. 549. de Sybaritis p. 549. 550.

c) Ad eundem locum spectabat Excerptum de *Aenea* p. 636. de Virt. et Vit. ὅτι *Alveίας* etc. Ex rebus *regum Albanorum* est Excerptum p. 546 extr. de Romulo Silvio. Ex *Romana* autem *historia* plura occurrunt: Exc. de Romulo et Remo p. 547. de Numa p. 549. de L. Tarquinio p. 551. de Servio Tullio p. 553. de altero Tarquinio Roma expulsio p. 558. In Exc. de Legat. p. 618. de Tullo Hostilio. Ex eod.

loco sunt quae Tzetta attigit (p. 642. XXV.). Ex commentariis Romanorum publicis res Romanas repetitas a se esse affirmat Diodor. initio operis c. 5. καὶ διὰ τὴν ἐπιμιξίαν τοῖς ἐν τῇ νήσῳ (Ρωμαίοις) πολλὴν ἐμπειρίαν τῆς Ρωμαίων διαλέκτου περιπεποιημένοι, πάσας τὰς τῆς ἡγεμονίας ταύτης πράξεις ἀκριβῶς ἀνελάβομεν ἐκ τῶν παρ' ἐπεινοῖς ὑπομνημάτων ἐκ πολλῶν χρόνων τετηρημένων. Non satis perspicuum est, quinam hi commentarii a multis temporibus adseruari esse possint. Acta publica, vix bene intelligas; si fastos et annales Pontificum: hos vtique non inspexit ipse, sed auctores Romanos, qui eos consulerant.

Comment. Hist. Philol. Tom. VII.

O

in Excerptis (de Vit. et Virt. p. 547.) de *Lycurgo d)*; de belli *Messeniaci* primi caussis; Ex narratione bellorum *Messeniacorum* superest nobile fragmentum de *Cleonni* et *Aristomene* (p. 637. X.) quod spectat ad an. ante C. N. 730. Ol. XII, 3. quo *Euphaes*, *Messeniorum* rex, caesus. Omitto alia: sed de *Solone* diligenter egerat (v. p. 551.) simulque de *VII Sapientibus Graeciae* p. 551. 552) de *Pythagora* et *Pythagoreis* (p. 554. 5. 6.)

In iis quae de *Cyro* et *Astyage* tum de *Croeso*, (Exc. p. 552. 3.) de *Cambyse* (p. 556. 7. et 619. II.) narrauerat, Ctesiam ei cum *Herodoto* auctorem fuisse nullus dubito: docentque hoc idem fragmenta in Exc. de Virt. p. 552. 3. Quae vero inprimis intercidisse doleo, sunt *Siciliae res*, quas ille, utpote *Siculus*, accuratius persequutus esse videtur e), tum *Carthaginis origines f)*. Liber DECIMVS in primordiis regni *Xerxis* eiusque apparatu belli aduersus *Graecos* suscipiendi, tum in *Graecorum* conuentu ad *Corinthus* habito substiterat. Quae inde gesta sunt, libro XI. et sequentibus tradita, vnde hausta fuerint, *tertia Commentatione* persequar.

d) Mirari licet, quod in Excerptis huic ἀποσπασματίω praemittitur aliud de *Cumae* in *Italia* tyranno, *Malaco*, qui *Aristodemus* fuit, μαλακός dictus: vixit ille sub *Tarquinii* exulantis tempora, circa V. C. 248. ante C. N. 506. Atqui *Lycurgi* aetas ad a. ante C. N. 885 refertur. Scilicet adscripserat ista *Diodorus* eo loco, quo de *Cumae* originibus egerat, quae ad a. ante C. N. 1044. spectant. Morem autem hunc sequutus est noster, ut sub urbium initia breui enarratione fata earum exponeret: sic in *Corinthis*, *Sybaris*, *Cyrenarum* originibus (p. 550.)

e) Sunt ex iis pauca p. 558. de *Hipocrate* *Gelae* tyranno et *Therone*.

f) In his saltem *Timaeum* exscribere potuit, nam in eo is locus occurrebat, ut ex Excerptis Codicis *Madrid.* ad calcem *Polyaeni* a cl. *Tychsen* communicatis didici: Θειοσσώ. ταύτην φησι Τιμαίος κατὰ μὲν τὴν Φοινίκων γλῶσσαν Ἐλισσαν καλεῖσθαι, ἀδελφὴν δὲ εἶναι Πυγμαλιῶνος τοῦ Τυρίων βασιλέως, ἀφ' ἧς φασὶ τὴν Καρχηδόνα τὴν ἐν Λιβύῃ κτισθῆναι etc.

C. G. HEYNE
DE
FONTIBVS ET AVCTORIBVS
HISTORIARVM DIODORI

COMMENTATIO TERTIA AC POSTREMA

AD LIBROS XI—XL.

RECITATA IN CONSESSV

D. II. JULII A. MDCCLXXXV.

Etsi Diodori libri, inde ab vndecimo seruati, in historiis versantur magis notis et multorum scriptorum opera tractatis, non tamen expeditior est quaestio illa, quam mihi extricandam sumseram, de auctoribus, quos ille expresserit. Sunt enim in plerisque vestigia aut nulla aut satis obscura, et in paucis vltra probabilitatem satis validam licet progredi. Potest tamen omnino de vno et altero duce, quem ille adhibuerit, fide interposita pronuntiari: quandoquidem ipse scriptores nonnullos sub finem rerum traditarum excitat; vnde iucunda illa et ad animum grata oritur persuasio, ex multis perditis scriptoribus nos habere particulas seruatas in Diodoro, quae eorum, quae periere, desiderium leuare possint.

Et in rebus quidem Graeciae *Ephorum* ab eo maxime exscriptum esse, satis persuasum habeo. Nam commemorat eum sub annum Olymp. CIX, 4. (ante C. N. 341. fuit is Philippi R. Macedonum vigesimus, quo Perinthus ab eo obsidebatur) in quo eius

Historiae, res a Graecis et Barbaris inde ab Heraclidarum reditu per DCCL. annorum decursum gestas complexae a), substituerant; opus erat per XXX. volumina distributum, quod periisse si aegre ferendum est, gratiam habebimus Diodoro, qui fidem eius sequutus permulta ex eo seruasse putandus est; imitatus ipsum etiam in hoc, quod Ephorus fecisse narratur, ut singulis libris prooemium praefigeret; nec non in dispositione rerum narratarum, quam in Ephoro commendat, (lib. V. pr.) quod libros per populorum historias, adeoque ad distinctas operis partes, dispescuerat. Fides huius scriptoris haud dubie in diuersis operis partibus diuersi momenti esse debuit; et inique de eo iudicatum est vniuerse ex vna vel altera parte aut loco. Nam in recentissimis historiis ea tradidisse censendus est, quae ipse viderat vel audierat; antiqua vero ex aliis scriptoribus, comparatione et iudicio facto, composuisse. Fabulose eum multa de Nilo et Aegypto nec non de Iberia tradidisse, ipse Diodorus monet; (lib. I, 37-39.) nec hoc mirari licet, si quidem ea loca ipse non adierat. Historiam suam a valde remota aetate, etsi antiquissimis temporibus mythicis exclusis, exorsus erat b): quid mirum, si fabulose tradita apposuerat! Eum se sequi diserte ait Diodorus (XII, 41) in causis belli Peloponnesiaci exponendis: (inde a cap. 38.) eundem laudat (XIII, 41.) ad Ol. XCII, 2. de classe Lacedaemoniorum sub Mindaro graui tempestate ad montem Atho afflicta; et in dissensu de Jasonis tyranni Pheraei morte, XV, 60. Alcibiadis mortem ex eius libro XVII. exponit (XIV, 11.) Loca ex eo notata passim sunt ad Diodorum a grauissimo interprete Wesselingio, ut ad lib. XI, 60.

Conti-

a) *ιστορία* s. *κοινὴ πράξις τῶν Ἑλλήνων καὶ βαρβάρων*. Diod. XVI, 76. IV. pr. Ceterum me in hoc et aliis scriptoribus Vossii, Jonsii aliorumque operam consuluisse facile per se intelligitur.

b) Anni illi 750 assurgunt ad annum ante C. N. 1091. adeoque 13 annis serius quam nos vulgo Heraclidarum reditum, quem anno 1104. assignamus, collocare in tabulis solemus.

Continuauerat Ephori historias et Graecorum barbarorumque gesta c) inde ab Olymp. CX. vsque ad Philippi mortem (Ol. CXI, 1.), adeoque res fere VI. annorum exposuerat *Diylus* Atheniensis (lib. XVI, 76.) alteram suarum historiarum partem inde exorsus; nam in priore paullo altius, et inde ab origine belli sacri ac sacrilegio Delphico, (Ol. CVI, 2) narrationem exorsus erat, vt adeo XII. anni praeter illos sex accessissent, vtque ille Callisthenis historias, de quibus postea dicitur, continuasse videri posset. Erat opus XXVI. libris comprehensum d): quod continuauit, Diodoro nostro teste, (Ecl. XXI, 5.) *Psaon* Plataeensis libris XXX, de quo tamen nihil aliunde constat, nisi quod Dionysius Halic. (*de compos. verb.* p. 9.) eum inter scriptores refert propter socordiam orationis vulgo neglectos. Verum bellum sacrum, ab Ephoro praetermissum, praeterea eius filius, *Demophilus*, nouo opere pertexuerat, exordio facto a templo Delphico per Philomelum Phocensem occupato direptoque, adeoque ab Ol. CVI, 2. vsque ad Ol. CVIII, 3. quo bellum illud Philippi opera fuit finitum (lib. XVI, 14.). Probabile itaque fit, Diodorum etiam hunc scriptorem quin inspiceret haud commisisse.

In superioribus temporibus adhibuisse videtur *Callisthenem*, discipulum Aristotelis, Alexandri comitem, rerumque ab eo gestarum

O 3

scripto-

c) τὰς κοινὰς Ἑλλήνων καὶ βαρβάρων πράξεις.

d) Diodor. XVI, 14. vbi v. Wessiel. qui post Vossium H. Gr. III. c. VII. p. 173. laudat Athenaei locum XIII, p. 593 F. de Demetrio Phalereo, vbi advocatur *Diylus*, cui loco in promptu quidem esset medela, si ex altero Digenis Laertii loco, quo idem memoratur, lib. V. 76. reponeretur *Δίδυμος* (v. ad e. l. Casaub.) verum superest alter locus lib. IV, 14. p. 155 A. vbi de *Cassandro* ἐν τῇ ἐννάτῃ τῶν ἱστοριῶν

actum dicitur: quae quomodo in illo opere, quod non ultra Philippi mortem processit, occurrere potuerint, non assequor; nisi obiter ex ferioribus annis praecepta ea et inserta fuere. Facit tamen nouam difficultatem, quod in Ecl. Diodori libri XXI, 5. idem *Diylus* in Agathoclis rebus memoratur Ol. 118, 4. 119, 1. An dicendus est praeter duas illas partes tertiam et plures adiecisse operi, idque adeo continuasse? De *Diyllo* qui scripsere, laudantur a Burmanno in add. ad Vales. Emendatt. p. 228.

scriptorem arrogantia sua ac peruicacia in regem notabilis; scripserat *res Graecorum* e) inde ab Antalcidae pace Ol. XCVIII, 2. usque ad sacrilegium Delphicum et belli sacri initia Ol. CVI, 2. spatium XXX. annorum X. libris complexus f); substitueratque adeo in illo tempore, a quo Diyllus exorsus est. Callisthenem adeo per librum XV. et XVI. passim exscripsisse dicendus Diodorus.

Verum redeundum est ad antiquiores. *Herodotum* in Medicis quousque sequutus sit, non nisi ex Xerxis expeditione in Graeciam facta, quae libro XI. exposita est a Diodoro, cum superiora perierint, iudicare licet: in his autem plerumque eum deseruisse et diuersa tradentes praetulisse Diodorus videtur; etsi Herodoti meminit anno Ol. LXXV, 2. quo anno, pugna nauali ad Mycalen facta, eum opus suum finiisse notat. In Persicis Ctesiam sequi maluit, ut iam superiore Commentatione obseruatum; sic de Xerxis nece lib. XI, 69. Dionysium Milesium, quem in antiquis mythis sequutus erat, (v. Commentat. II, p. 94 sq.) forte et in rebus post Darium gestis adhibuerat.

Thucydidem haud dubie consuluit Diodorus: nam initium eius historiae inde ab Olymp. LXXXVII, 1., cum anno belli XXII. abruptae, ipse annotauit; (XII, 37, XIII, 42.) attamen ab eius narratione plerumque recedit; (ut XI, 57. ubi v. *Wessel.* 70. XII, 41. hoc ultimo quidem loco Ephoro praelato.) *Xenophontem* non fuisse praeteritum a Diodoro, cum hoc declarat, quod eius et historiae ab ipso scriptae aliquoties meminit (XIII, 42. XV, 76 f. 89 f.) tum nonnulla ad eius fidem narrata.

Laudat quoque *Theopompum*, Chium, historicum summum, fide, diligentia, arte et oratione probatissimum; qui in eo anno in

e) τὰ Ἑλληνικά ἢ τῶν Ἑλληνικῶν πραγμάτων ἱστορία.

f) Diod. XIV, extr. XVI, 13. Antiquas historias prorsus non attigerat: ut IV. pr. Ut ea, quae ad consilium

quo meum non spectant, de scriptoribus commemorare, expectari non potest. De Theopompo tamen docte nonnulla Valckenar. apposuerat in Oratt. p. 235. 256. 261.

quo Thucydides substiterat, cum Xenophonte *historiarum suarum g)* exordium fecerat; nouissima belli Peloponnesiaci in iis complexus. Verum Xenophon XLVIII. annos persequutus erat, Theopompus non nisi XVII. vsque ad praelium nauale ad Cnidum Ol. XCVI, 3. libris XII. (Diod. XIII, 42. XIV, 84.). Eius adeo vestigia in Diodori lib. XIII. XIV. XV. superesse non dubito *h)*. Eiusdem Theopompi alterum fuit opus, *Philippi res gestae i)*, Macedonum regis, libris LVIII. (Diod. XVI, 3.) initio ab Olym. CV, 1. facto, paullo post regni exordia natis cum Atheniensibus dissidiis. Hunc Diodorus manifeste expressit in iis, quae de Philippo bellisque, quae cum Graecis ab eo gesta sunt, exposuit, per totum libr. XVI. Declaratum id quoque per fragmenta passim a Wesselingio laudata et compa-

g) *ιστορίαι Ἑλληνικαί* vel *Ἑλληνική ιστορία*. v. praecclarum de Theopompo iudicium Dionysii Halic. in Epist. ad Cn. Pompej. p. 211.

h) Addidi librum XV. etsi res ultra Olymp. 96, 3. progredientes complexum: in hoc enim vestigia Theopompi deprehendo in rebus Euagorae, regis Cypri, quas expositas esse a Theopompo libro XII. rerum Philippicarum memorat Photius Cod. 176. monens idem, librum illum a Menophane pro perduto habitum fuisse, (praeter lib. VI. VII. IX. XX. XXX. iam pridem desideratos). At ea, quae illo libro comprehensa fuere, ad annum Ol. 98, 3. spectant, nec ullo modo in Philippicis locum habuisse videntur. Difficultatem vidit Wesseling. ad Diod. p. 573, n. 37. Mihi satis liquet, Photium librum XII. et vltimum historiarum Graecarum manibus tractasse; nam in hos poterant a Theopompo per digressionem illa omnia, quae de Acori et Euagora ex eo libro laudantur, interponi vel operi adici

in narratione pugnae ad Cyprum. Digressionibus autem Theopompum mirifice indulsisse satis constat. Inferuerat quoque Sacula operi suo Theopompus, (Diod. XVI, 71) de quibus paullo post agam. Attigerat adeo Aegyptia et fabulas de Nilo, vt iam in Commentat. I. vidimus ex Diod. I, 37. In Macedonicis origines gentis haud intactas reliquerat, vt e loco de Carano patet in fragm. Diod. IX.

i) τὰ Φιλιππικὰ, vel τῶν περὶ Φιλίππον ιστοριῶν βιβλία νη. et XVI, 71. ἢ τῶν Φιλιππικῶν ιστορία. Quod apud Dionysium Halic. post alia quae in eo laudantur, subiicitur p. 212. l. 28. τελευταῖον ἐστὶ τῶν ἔργων αὐτοῦ καὶ χαρακτηριστικώτατον (sc. quod consilia et virtutes ac vitia eorum, quorum res gestas exposuerat, adiecit) male in versione, etiam a Gedoyno (*Hist. de l'Acad. des Inscript. To. XVI. Mem. p. 244*) de extrema operis parte accipitur; immo verò: est res in eo maxime insignis.

comparata. Ad quem annum Philippica descenderint, nusquam memoratum reperio; probabile tamen fit, ante Philippi mortem Ol. CXI, 1. non defecisse *k*); ipse vtique vixit sub Alexandro.

Nec tamen vno Theopompo duce contentus, *Duridem Samium*, Ciceronis iudicio, *hominem in historia diligentem*, quoque adhibuit in iis quae Philippi aetate euenere. Nam eum historiarum suarum *de rebus Graecorum gestis* *l*) exordium inde a morte Jasonis tyranni Pheraei, et Amyntae, Macedonum regis, adeoque ab a. III. Olymp. CII. fecisse, diserte ipse notauit lib. XV, 61. Cum eiusdem *Duridis historiae Macedonicae* commemorentur, dubitatum est, vnum ne an diuersum hoc fuerit opus *m*). Mihi probabile fit, idem opus, vt tot alias veterum scriptorum historias, in duas, forte in plures, partes diuisum fuisse; nam quod apud Athenaeum tanquam diuersum opus de rebus Agathoclis laudatur, ad eadem tempora spectat, quae in altero opere persequutus erat. Quicquid est, Diodorus suo ipse indicio prodit, in sequentibus annis adeoque inde a libro XV. *Duridem* ipsi ante manus oculosque positum fuisse. Vixerat ille Ptolemaei Philadelphi aetate.

Alios quoque consuluit; inprimis *Anaximenem* Lampfacenum, Platonis et Aristotelis aequalem (lib. XV, 76) et inter Alexandri comites habitum, cuius quoque res gestas perscripserat; sed fuerant eiusdem *historiae Graecae antiquiores* *n*), quas inde a deorum ortu et generis humani primordiis exorsus ad pugnam apud Mantineam et Epami-

k) Laudantur ea ex eius libro XLIII. quae ad Olymp. CLX. 2. spectant: et processerat opus vsque ad libros LVIII. cf. Jons. de script. hist. philos. I, 3. Vtrumque opus historicum ad 60,000. versus processisse, e prisco scribendi more Photius testatur.

l) τῆς τῶν Ἑλληνῶν ἱστορίας.

m) Voss. H. Gr. I, 15. Wessel. ad Diod. l. c. p. 50. Magnum volumen

fuisse ex eo intelligas quod Athenaeus Macedonicarum historiarum librum XXII. excitat. Complexum esse res quoque barbarorum, exinde colligo, quod Romanorum pugna ex eo commemorata occurrit in Ecl. lib. XXI, 6.

n) αἱ πρῶται ἱστορίαι ap. Athen. at Diod. XV, 89. τὴν πρῶτην (ἱστορίαν) τῶν Ἑλληνῶν dixit.

Epaminondae mortem deduxerat, vniuersas prope Graecorum et Barbarorum res gestas XVII. voluminibus complexus. Ad Olymp. CIV, 2. adeo processerat opus illud (cui mox ille Philippi et Alexandri res gestas subiecerat) et credere licet, vt in prioribus libris, quibus mythi Graecorum expositi sunt, ita in seruatis Diodori libris XI. XII. XIII. XIV. XV. Graecarum rerum multas passim narrationes ex eo haustas esse.

Ad annum tertium ab eo, in quo Anaximenes substitit, hoc est, ad Olymp. CIV, 4. produxerant *historias suas rerum Graecarum* o) duo scriptores Boeoti alias parum noti, *Dionysiodorus* et *Anaxis*, (lib. XV extr.) consulti et ipsi haud dubie ab eo in rebus maxime Thebanis.

Sequuntur Alexandri M. et successorum, (*διαδόχων*, quos vocant) tempora: in quibus quos auctores sequutus sit, diserte nusquam professus est. Ipse ex iis scriptoribus *Hieronimum Cardianum*, *Eumenis* popularem et familiarem, tanquam scriptorem *rerum*, quae a *successoribus Alexandri gestae erant* p), aliquoties memorauit, sed modo in legatione facta, (lib. XVIII, 42 et 50) modo inter captiuos ad Antigonum adductos, (XIX, 44.) tandem vt procuratorem regionis ad lacum Asphaltiten (c. 100.). Dubitari vix potest, quin eundem scriptorem libris XVIII. et XIX. in consilium adhibuerit. Verum longe maximam rerum narratarum partem e *Clitarcho* petiisse videtur, quem ipse alio loco (lib. II, 7. de murorum Babylonis ambitu) inter eos memorat, qui cum Alexandro in Asiam traiecerunt; homo fuit leuitate et tumore orationis a multis q) explosus; quem tamen a nostro spretum non fuisse, cum aliis locis, quos Wesselingius annotauit, tum inprimis notabili illo de anthredone loco (lib. XVII,

75.

o) τῶν Ἑλληνικῶν ιστοριῶν.

p) αἱ διαδόχων ιστορίαι.

q) Quintil. X, 1, 75. Clitarchi pro-

batur ingenium, infamatur fides: nam de nostro scriptore agi ne dubites, vt nec ap. Longin. 2, 3.

75 *vbi v. Wessel.*) apparet; nec aliter censuit vir doctissimus de sancta Cruce *r*).

Marfyae obiter mentionem facit tanquam rerum Macedonicarum scriptoris inter duces Demetrii in pugna nauali aduersus Ptolemaeum Olymp. CXVIII, 2. (lib. XX, 50.) Fuisse eum antiquiorem Marfyam, Pellaeum, dubitari nequit; (*v. Wessel. nota ad e. l.*) scripserat is, praeter librum *de Alexandri institutione*, libros X. rerum *Macedonicarum*, qui, initio a Carano facto, vsque ad ingressum Alexandri in Syriam erant perducti. Quandoquidem scriptor hic Diodoro innotuit, probabile fit illum nec neglectum ab eo fuisse.

In Graecis historiis post superiores adhibuisse videtur *Menodotum Perinthium*, qui *res Graecas* libris XV. perscripserat *s*); a quo anno ille exorsus sit, non constat; periit enim omnis eius scriptoris memoria; exierat tamen eius historia post belli Punici II. initia *t*). Debit adeo ille persequi res a regibus Macedonum, maxime ab Antigono et Philippo gestas, tum Achaeorum foedus et bella, Arati consilia aduersus Philippum, vsque ad illud tempus, quo rex Macedonum consilia cum Annibale aduersus Romanos iniit. Verum periere haec omnia vna cum Diodori libris, in quibus haec exposita fuere. *Apollodorum* Atheniensem in temporum notatione passim adhibuit, consulto eius opere chronicorum, vt lib. I, 5. XIII, 103 et 108 *u*).

In *rebus Siculis* in quibus eum inter principes, quos habemus, scriptores referendum esse iam alias significauimus, scriptorem adhibuit non vnum, inprimis tamen Timaeum cum Ephoro; etsi laudauit alios quoque, quos statim recensebo. Antiquior ceteris scriptor fuit

Antio-

r) Le Baron de Sainte Croix, *Examen critique des anciens Historiens d'Alexandre le Grand* p. 33.

s) Ecl. lib. XXVI. f. 3. ἐκνηνιστὴν πράγματα.

t) Ante C. N. 218. Ol. 140, 3. etfi in Eclogis Diodori paullo post de magno

illo terrae tremore memoratur, quo Rhodus concussa fuit ante C. N. 229. Ol. 135, 4. Verum multae causae confusorum temporum in his Eclogis esse possunt.

u) *v. not. ad Apollod. T. III. fragm. p. 1084. 1089.*

Antiochus Syracusanus, quem a Cocalo, rege Sicanorum orsum, vsque ad Olymp. XCVIII, 1. adeoque ad media Dionysii senioris tempora processisse, ipse obseruat Diodorus; (lib. XII, 71 f.) x) quae vero illa sint, quae ex eo ille hauserit, assequi non licet. Post hunc primo loco is, qui aetate, prudentia ciuili et dictionis breuitate, ceteros anteibat, *Philistus* Syracusanus est commemorandus: eius *historiae Siculae* y), in duas partes diuisae, altera septem libris plus quam octingentos annos complexa, ad Olymp. XCIII, 3. ante C. N. 348. ad captumque Agrigentum deducta, exordium ducere debuit a Troia capta z); altera inde, vbi prior pars substiterat, exorsa libris quatuor res Dionysii senioris persequuta erat (lib. XIII, 103. add. 91). Praeterea opus singulare, de quo alii silent, memorat, quod libris duobus *res Dionysii iunioris*, cui ipse inter amicos fuit, per quinque annos complexum erat (XV, 89). Cum autem illud in Olymp. CIV, 2. ante C. N. 363. desierit, adeoque ab Ol. CIII, 1. initium duxerit, quo Dionysius senior obierat, et ad cuius mortem superius opus deductum fuisse probabile fit, non nisi primos annos filii exponere illud potuit a). Quicquid itaque inde ab antiquissimis aetatibus, vt lib. V. pr. tum inde a lib. XI, 76 sqq. de Siculis rebus narratum est, e Philisti priore opere potest magnam partem esse profectum: at totus ille regnare putandus in rebus Dionysiorum libb. XIII. XIV. XV.

Exceperat Philistum *Athanas* Syracusanus, res Dionis libris XIII. persequutus inde ab Olymp. CIV, 3. Debuit itaque illud descendere vsque ad Olymp. CVI, 3. vt adeo res annorum fere nouem (inde ab a. ante C. N. 362. ad an. 354. comprehenderet:

P 2

idem

x) Egit de eo docte Vossius de H. Gr. IV, 7.

y) *Σικελικῶν συντάξεις δύο.*

z) Nam si ad annum 348 plus quam octingentos addideris, haud longe abfueris a Troia capta ante C. N. a. 1184.

a) Ceterum ex his videor mihi rationem reddere posse diuersitatis numeri

apud Suidam, qui res Siculas libris XI et Dionysii historias libris VI. comprehensas narrat; admodum oscitanter; nam priore numero vtrique pars VII. et IV. librorum, altero secunda pars cum Dionysii iun. historia in vnum collecta fuit.

idem praemiserat vno libro historiam a Philisto intactam relictam VII. annorum *b*). Hunc igitur Diodorus inde ab lib. XVI, 5. ante oculos habuisse videri debet.

Ephorum in rebus Siculis ipse excitat nomine apposito. In escensu Hannibalis Ol. XCII, 4. in Sicilia facto Ephorum cum Timaeo contendit, (lib. XIII, 54. 60.) et iterum sub Ol. XCIII, 3. (XIII, 80) et Ol. XCVI, 1. (XIV, 54.) vbique de copiarum Carthaginensium numero diuersis modis ab utroque prodito. Porro *Theopompum* Chium in Philippicis tres libros XLI. II. III. rebus Siculis exponendis impendisse ipse Diodorus indicat; complexos autem eos esse spatium L. annorum inde a Dionysii senioris dominatu vsque ad exilium Dionysii iunioris *c*). Manifestum inde fit, in libris XIII. XIV. XV. XVI. quoties res Siculae exponuntur, ex Theopompo nos nonnulla seu fragmenta seu ex eo adumbrata aut hausta tenere.

Etiam *Diylum* Atheniensem res Siculas attigisse ipse monet Diodorus (XVI, 14) vt adeo nec hunc praeteriisse quin inspiceret videatur. Est quoque *Hermias Methymnaeus*, adeoque extra Siciliam natus, quem memorauit Diodorus (lib. XV, 37) res Siculas X. vel, vt alii dispescebant opus, XII libris persequutum vsque ad Olymp. CI, 1. adeoque octo annos ante mortem Dionysii senioris. Quid ex hoc scriptore profecerit Diodorus, non constat. Alium externum hominem in rebus Siculis testem aduocat Diodorus eorum, quae de cella

b) Sic Diod. XV, 94. vt adeo hic in computum non retulerit libros illos duo de Dionysii iunioris rebus; sed tantum maius illud opus historicum Philisti, quod in Dionysii senioris morte exierat, Ol. CIII, 1. ante C. N. 368. a quo annus septimus CIV, 3. 362.

c) Diod. XVI, 71. Deiectus tyrannide Dionysius iunior Olymp. 109, 2. anno ante C. N. 343. Anni L. retro computati procedunt ad annum 393. Ol. 96, 4. quo Dionysius senior partim cum

Imilcone, Carthaginensium duce, partim cum Rheginis confligit; at tyrannidis initia assurgunt vsque ad Olymp. 93, 3. 4. ante C. N. 405. Aut igitur numerus in Diodoro corruptus est, vt pro L. legendum sit LX. aut ad hunc annum Ol. 96, 4., libri forte initio facto, aut ex rerum narratarum dispositione, Siculas res ab alto repetitas vno contextu exposuerat: etsi nonnulla ex Siciliae historiis etiam in superioribus libris attigerat.

cella Gelliae, opulenti cuius Agrigentini, memorata sunt, *Polycletum* Larissaeum, *historiarum* auctorem, incertae aetatis d).

Excitat post hos in temporibus insequentis Diodorus scriptores Siculos in rebus Agathoclis *Calliam* et *Antandrum*. Agathocles rex Syracusarum pronuntiatus fuit Olymp. CXV, 4. et regnum tenuit vsque ad Ol. CXXII, 4. annis ante C. N. 317 ad 289. *Callias* quidem, Syracusanus, libris XXIII. res Agathoclis perscripserat (*Ecl. libri XXI*, 12. et *Excerpt. Vales.* p. 561) obiurgatus ille a Diodoro, quod tyranno mirifice adulatus erat. *Antander* Agathoclis erat frater, et ipse historias condiderat, aliunde vix notus (v. *ibid.*). *Philinum*, Agrigentinum, in exponenda expugnatione Agrigenti a Romanis facta (b. Punici I. a. 3. ante C. N. 262. Olymp. CXXIX, 3.) excitauit (*Exc. lib. XXIII*, 8.), et iterum (*Ecl. XXIV*, 3.) de praelio nauali inter Poenos et Romanos facto, quo Poeni victi pacem petiere (ante C. N. 242.). Scripserat ille bellum inter Poenos et Romanos in Sicilia gestum, hoc est bellum Punicum I. a Romanis dictum; nam eum ad seriora processisse, nusquam apparet. Si Fabio, quod Polyb. I, 14. 15. iudicat, contraria narrauit, non iniuria id fecisse videri potest; nam Fabius studebat suis; vti Philinus iudice Polybio non minus iis aduersabatur. Si personato Plutarcho in *Parallelis* pr. credendum, narrationem de L. Glaucione ex *Aristide Milefio* (ἐν πρώτῃ Σικελικῶν) acceperat Diodorus (nam is est Διονύσιος ὁ Σικελιώτης).

Verum nullum forte alium scriptorem in Siculis, vt nec minus in aliis historiis, studiosius adhibuisse videri potest, quam *Timaeum*, Tauromenitam, qui post Agathoclem et sub Ptolemaeo Philadelpho vixit, auctor magni operis historici, cuius plures ac diuersae fuere partes, alia de rebus Graecis, de Siculis alia; seiuncta erat alia de Pyrrhi bello in Italia et Sicilia gesto, alia de Agathocle, in quem, quippe a quo insula fugatus fuerat, nimis iniquus fuisse ab ipso Diodoro arguitur (*Exc. lib. XXI. Vales.* p. 560. *West.*) quemadmodum

P 3

eius

d) Diod. XIII, 83. vbi v. *West.* post *Vossium* de *Hist. gr.*

eius maledicentia a multis fuit notata *e*): et a Diodoro lib. V. pr. ubi tamen eum laudat inprimis propter diligentiam in temporibus notandis et variarum rerum doctrinam. In ipsis historiis Siculis passim Diodorus ad eum prouocat *f*), interdum cum Ephoro comparat, ut modo in Ephoro dicebam. Si ex vno exemplo iudicium ferre licet, quo inter Timaeum et Calliam de Agathocle tradentes iudex sedet, Diodorus non sine memorabili aliqua integritate Agathoclis res exposuit (Exc. Vales. l. c.).

In *rebus Punicis*, quod quidem ad antiquiora tempora spectat, scriptores rerum Sicularum Diodoro ea, quae apposuit, obtulisse non dubito; in sequentibus alia praebere debuit Polybius, tum scriptores Romani, quos consuluisse se ait. Laudatur tamen ex Diodoro quoque *Sofilus* Iliensis, qui *Hannibalis res gestas* *g*) libris VII. comprehenderat, reprehensione Polybii (lib. III, 20.) ille notus, quod rumusculos leues et fabulas suis historiis inseruerat.

De *Iudaeis* locus adhuc superest admodum nobilis ex lib. XL, Ecl. 1. quem ex *Hecataeo Abderita* ductum a Diodoro esse vix dubitare licet. Vixerat ille cum Alexandro et Ptolemaeo Lagi et de Iudaeis scripserat. Eius Aegyptiaca supra memorata fuere (Commentat. I. Vol. V. p. 102.). In *historiis Romanis* Romanos scriptores a se lectos esse profitetur Diodorus lib. I, 4. Cum *Fabio Pictore* in annis Olympiadum cum annis Urbis conditae comparandis conuenit (v. Wessel. ad XI, 1.). Ex eodem Fabio fabulam de sue feta, ostento Aeneae

e) In iis, quae auditu acceperat, leuitatem accusat Polyb. Exc. lib. XII, 15. de Italia, quam non ipse adierat II, 16 f. de Africa et Corsica lib. XII, Exc. I.

f) lib. XIII, 82. de magnificentia monumentorum Agrigentorum, et c. 83. de Gelliae opulentia ex lib. XV. Timaei. Porro lib. XIII, 90. negasse ait Timaeum Phalaridis bouem aereum unquam fuisse: v. et hic Wessel. Tum de Dionysii classe Ol. 93, 4. lib. XIII, 109. de Agathocle lib. XX, 89. Ecl.

XXI, 12. p. 492. De Gigantibus in campis Phlegraeis prostratis ad eum prouocat lib. IV, 21. extr. et Philisti de Sicanis narrata refutata ab eo narrat V, 6. ut aut antiqua interdum repetiisse aut intexuisse Timaeum hinc appareat: ut factum videmus de Locrorum Epizephyriorum deductione, ap. Polyb. XII, Exc. 2. p. 326. 333. To. II. et p. 37 lqq. To. III.

g) τὰ περὶ Ἀννιβαν. Ecl. XXVI, 3.

Aeneae obiecto, repetit in fragm. e libro VII. *h*). In iis quae a *Polybio* perscripta fuere, eius vestigiis vbique institit; vt ex infinitorum locorum comparatione patet. Vbi is desierat, *Posidonium* adhibuit, *Apameensem*, qui Pompeii tempore vixerat, historias post *Polybium* libris LII persequentem vsque ad bellum Cyrenaicum; quod illud esse necesse est, quod a *Ptolemaeo Physcone* gestum est, sub Olymp. CLIV, 4. a. C. N. 161. V. C. 593. *i*)

Ad auctoritatem eorum, quae a *Diodoro* narrantur, diiudicandam suppeditasse mihi videor argumenta et praecepta haud contemnenda; ita vt, quoties laudetur *Diodorus* in tam diuersi generis et aevi rebus, redire possint ii, qui eum testem adhibent, ad auctorem, quo ille vsus erat. Incusanda modo in his est fortuna, *Diodoro* non minus iniqua, quam *Polybio* ac *Livio*, quod ii libri, quorum maxima erat et auctoritas et utilitas, temporum rerumque gravitate et dignitate, cum maxime interiere. Ad vitam enim ciuilem ac prudentiam ea demum tempora abundant exemplis et praeceptis vtilibus, in quibus homines in magna imperia ac regna coaluere, quae ad nostrorum temporum conditionem propius accedunt. At quantam narrationum seriem *k*), quantam rerum gestarum segetem, in posterioribus *Diodori* libris interiisse putabimus, qui, si seruati essent,

h) Ex *Catone* hoc repetitur in *Sext. Aurel. Viêt. de O. G. R.* 12, 5.

i) Non vero illud, quod sub *Philadelpho* ab *Ofella* gestum, vt *Voss. de H. Gr.* p. 103. habet. Etsi nec illud, quod posuimus, satis exploratum, sed locum in *Suida* corruptum esse arbitramur; memorantur enim ex *Posidonio* quae ad a. V. C. 613. spectant.

k) Vt vno conspectu omnium librorum tempora subicerem, ex iis, quae in *Eclogis* et *Excerptis* fragmentisque occurrunt, narrationibus temporum notationes eruere aut elicere studui, quas nec loco apponere non grauabor.

Librorum XL. argumenta et temporum complexum ipse *Diodorus* in fronte c. 4. et 5. designauit. Opus quidem suum sic dispescuerat, vt prioribus sex libris mythos Troiano bello antiquiores complecteretur; res inde a bello Troiano ad *Alexandri* interitum gestas libris undecim comprehenderet. A libro itaque XVIII. nouum historiarum tanquam corpus procedebat per viginti et tres libros, quibus res inde vsque ad Ol. CLXXX, 1. a. C. N. 60. V. C. 694. adeoque per 264 annos gestas digesserat. At ex iis tantum prior
res

essent, summorum scriptorum, quos ille adhibuerat, funesta strage prostratorum, desiderium aliqua saltem ex parte leuare potuissent. Scilicet tardiore genus humanum gressu ad perfectam aliquam vitam ciuilem procedere voluit Numen O. M. Quanto enim magis accelerata ac perfecta esse poterat omnis seu ciuilis prudentia seu vitae sapientia, si per omnia tempora aequaliter continuata rerum euentuumque memoria ad nos peruenisset, inprimisque earum aetatum historiae seruatae fuissent, in quibus regnorum imperiorumque incrementa et interitus cum causis, etiam remotioribus, expositi fuere!

res tres libri supersunt, in iisque historiae annorum XXII. nam liber vigesimus in Ol. CIX, 3. a. C. N. 302.

V. C. 452. exit. Reliquorum, qui perire librorum, notae temporum a me deprehensae sunt sequentes:

Lib.	XXI	Ol. CIX, 3	ante C.N. 302	V. C. 452	
	XXII	CXXV, 3	278	476	
	XXIII	CXXIX, 3	262	492	
	XXIV	CXXXII, 3	250	504	vsque ad
					finem b. Punici I.
	XXV	CXXXIV, 4	241	513	
	XXVI	CXL, 3	218	536	b. Punici
					II. init.
	XXVII	—	—	—	
	XXVIII	—	—	—	
	XXIX	—	—	—	
	XXX	—	—	—	
	XXXI	CLIII, 2	167	587	
	XXXII	CLVIII, 3	146	608	(cf. III, 44. extr.)
	XXXIII	—	—	—	
	XXXIV	CLIX, 2	143	611	
	XXXV	—	—	—	
	XXXVI	CLXVIII, 3	106	648	
	XXXVII	CLXXII, 2	91	663	
	XXXVIII	CLXXIII, 3	86	668	
	XXXIX	—	—	—	
	XL	CLXXIX, 2	63	691	
	vsque ad a.	CLXXX, 2	59	695	
		et belli Gallici a Caesare facti initium.			

